

DS
735
.A2
T4
v.67
函史下編卷之十一

明旰郡鄧元錫著

任官考

自堯典欽天授時。釐工熙載而咨。始登庸而咨。始若
采而咨。乃至乂洪水平地。庸朕命巽位。鉅重務畢具
咨。咨之也者。重之也。稽衆度德。關重慎之至。以用舍
爲天下公。乃其用人也。爭智而囂。憑智而訟。雖胤子
難之。靜而言庸而違。若方命圯族。卽日鳩僭功。試可
如工鯨。弗任弗使也。而萬世建官位事之統盡此矣。
至其明明揚側陋。雖有鰥在下而聞。雖父頑母囂。第

傲而克諧。烝乂如戶至而日見。則至明之極也。舜旣受終。明目達聰。詢岳咨牧。惟任官之爲務。咨岳宅揆。重百揆。特咨也。百揆。任官之會也。禹宅百揆而讓。讓德也。讓而申命。稷契臯陶。重農重教。重刑典也。申之也者。重之也。厚生正德明刑以治。帝者之上務。故重之。咨共工。咨虞。虞工官缺也。工官缺而民用不周矣。虞官缺而物生不茂遂矣。是王事之失也。故咨。咨而讓。讓德之感也。命秩宗咨岳。重秩宗也。咨岳而命夷。夷讓而命夔。重秩禮典樂。禮樂教之本也。帝克讓。禹敬讓。羣下莫不畢讓。故太和風焉。於是重納言。出納

帝命。聖讒壬。蓋四岳九官十二牧。二十有二人。咸服在列。中外有統。而天工從亮焉。豈非盛哉。乃其三載考績。稽官成。敷納以言。明試以功。車服以庸。三考而黜陟行焉。於是乎天工人代。各迪有功。而無曠於庶官。則知始咨而舉。旣舉而讓。迨績成考焉。固任官之統。百世不能違焉者也。乃咎繇知人。官人之謨。則盡性術之變。而至精夫人之生。陰陽冥焉。剛柔型焉。理性命凝焉。而不偏者。解已。寬柔愿。擾直簡。剛彊而亂者。性之才也。栗之肅。寬也。立之植。柔也。恭之幹。愿。毅之果。擾也。約其柔於德也。直文之以溫。亂攝之以敬。

簡節之以廉。剛敦之以塞。彊出之以義也。約其剛於德也。德者中也。理性至命。冲陰和陽。優中裕和。靡柔靡剛。日久性成。立不易方。不謂之吉祥善士。謂之何哉。然何可以槩人。九而有三焉。日宣之以有家。其必夙夜焉。浚明有家矣。九而有六焉。日巖祇敬之以有邦。其必夙夜焉。亮采厥邦矣。三德六德。合而受曰翕受。普而施曰敷施。譬則天平。河嶽海瀆。畢載而畢振之也。天喬洪纖。咸鬻而咸殖之也。非然者。求備責全於一人。天下其孰能備之。是任官之大法也。式商受命。而德懋懋官。功懋懋賞。招俊彥曰旁招。求哲人曰

敷求斯於立賢。豈有方哉。以能用多方之義民。純佑
命而商實。式周武成。而建官惟賢。位事惟能。厥義德
不敢替。厥容德惟謀從。則剛柔並用之準也。冒丕單
稱德。而周以見休。至周公以周禮經官。諸選賢與能。
任官稽成之道畢備。而公選舉於其鄉。司徒之教自
州長黨正。各掌其鄉之教治政令。以察其德行道藝
而勸之。以糾其過失。衰惡而戒之。族師屬民讀法。則
書其孝弟睦姻有學者。閭師比衆讀法。則書其敬敏
任恤者。蓋彰善於微。察惡於隱。稽之於素。采之於豫。
而舉之以公。故其舉非一人而舉之。與衆公之。其刺

亦非一人而刺之。與衆棄之也。其舉非一日而舉之。其德積之致。其刺非一日而刺之。亦積漸然也。故賢否明信。而飭僞者。曾莫得而干焉。三歲大比。則鄉大夫考德行道藝。質諸比閭族黨。就鄉先生而謀賓介。帥其吏以禮禮賓焉。曰賓興。厥明。鄉老及鄉大夫羣吏。獻賢能之書于王。王再拜受之。登于天府。曰選士。此謂使民興賢。出使長之。使民興能。入使治之者也。而遂大夫之興。昨明功亦如之。非是族也。不在舉興。司徒以選士之秀者而升之學。俾成德達材以益就于成。大樂正造焉。不征於司徒。曰造士。大樂正論造。

士之德成材達者。告於王而升諸司馬。曰進士。而大
司馬辨論之。論定而後官之。任官而後爵之。位定而
後祿之。是銓選之所始也。於是乎太宰以八法而治
官。曰官屬以舉邦治。三百六十曰官職以辨邦治。曰官聯
以會邦治。通職相佐助曰官常以聽邦治。曰官成以經邦
治。即八成曰官法以正邦治。曰官刑以糾邦治。曰官計
以弊邦治。考績而任官有綱。以八柄詔王。馭羣臣。曰爵
以馭其貴。曰祿以馭其富。曰廢以馭其罪。曰置以馭
其行。曰予以馭其幸。曰奪以馭其貧。曰誅以馭其禍。
曰生以馭其福。蓋爵祿廢置予奪殺生具而治官者

爲已悉矣。少宰又以六計弊吏治。一曰廉善。二曰廉能。三曰廉敬。四曰廉正。五曰廉法。六曰廉辨。而一主於廉。善敬正。非廉不能。才法辨。非廉無取也。於是乎德詔爵。功詔祿。能詔事。久奠食而任焉。月終。小宰以官府之叙。受羣吏之要。而考之。歲終。考歲成。大史典禮。執簡記。奉王歲事。諸可諱惡者。不諱以諫王。王齊戒受諫。王自考之道也。司會以宰歲成。質於天子。宰齊戒受質。宰自考之道也。先自考勅正。而後以正人也。於是令百官各考其屬。受其會。聽其致事。詔於王。而廢置之。司會逆焉。以參互攷日成。以月要攷月成。

以歲會攷歲成。以周知四國之治。以詔宰而廢置之。
三歲則大計羣吏之治。爲誅賞八柄行焉。夫其掄德
行以虔始。謹法柄以嚴中。精考課以成終。此成周之
治。所以舉無廢官。官無廢事。而卷阿樸棫之所以爲
盛也。乃其立政訓官之典。又拳拳不敢廢於王左右。
常伯常任。準人綴衣虎賁。曰知恤鮮哉。訓任官之首
也。夫王綴衣虎賁末矣。而爲王左右。襄王於天。於三
事大臣同。故重之。知三有宅心。曰克知知而廸也。見
三有俊心。曰灼見見而確也。克知灼見者。卽著知微。
卽顯知隱。厥攸宅攸若。洞如覲也。是知人哲也。然微

克宅心也不任自一話一言永惟成德之彥又我受
民而忱恂焉則灼知道也曰惟克厥宅心乃克立
茲常事故立政本用人也乃其董正治官曰欽乃攸
司慎乃出令令出惟行弗惟反以公滅私民其永懷
欽德之本慎德之用信德之質公德之體也學古德
之輔曰學古入官議事以制政乃不迷典常德之師
曰其爾典常作之師利口不學蓄疑怠忽諸皆德之
反也曰毋以利口亂厥官曰不學牆面蒞事惟煩曰
蓄疑敗謀怠忽荒政蓋統之於崇志勤業兢兢焉夫
祿位驕侈之所萌也危亡基之矣守官莫大乎恭儉

恭儉德也。德則不副。而以其聲音笑貌。載爾僞而行。之。人之視之。如見肺肝然。亦日拙矣。此蒞官守官之則。萬世不能違焉者也。皆訓官也。夫治亂在庶官。而官和必始於推讓。官各推賢。不敢自賢。官各讓能。不敢自功。推賢必賢。不及匪賢。讓能必能。不及匪能。各推其賢。推無遺賢。各讓厥能。讓無遺能。是恭之屬也。慎之篤也。公明之盡。而太和之本也。九官讓而虞和二相和。而周康。故讓官任官之大法。萬世莫能違焉者也。故其時貢士於澤宮而射。而畀之爵祿。其詩曰。敦弓既堅。四鍤既鈞。舍矢既均。序賓以賢。敦弓既句。

既挾四鍬。四鍬如樹。序賓以不侮。言得人也。既論官
 而材諸位。畢有服在位。其詩曰。濟濟辟王。左右奉璋。
 奉璋戕戕。髦士攸宜。能官人也。於是乎吉士用而太
 和應。其詩曰。有馮有翼。有孝有德。以引以翼。四方爲
 則。其又盛。太和洽而嘉瑞應。其詩曰。鳳凰鳴矣。于彼
 高岡。梧桐生矣。于彼朝陽。萃萃萋萋。雖雖喈喈。嘻虞
 廷勅天。周雅彌性。虞歌喜起。周咏藹藹。吉士虞鳳凰
 來儀。周鳳凰雖喈。謂之曰。泰和在唐。虞成周宇宙間。
 詎不信乎。及周之衰。用人不令。而政亂。詩人刺之曰。
 皇甫卿士。番爲司徒。家伯冢宰。仲允膳夫。聚子內史。

蹶維趣馬。楸維師氏。豔妻煽方處。在位非人。各援其
親黨以相左右。而君子遐棄。故其詩曰。弗躬弗親。庶
民弗信。弗問弗仕。勿罔君子。式夷式已。無小人殆。瑣
瑣媚姪。則無臚仕。當是之時。小人專優逸。以自予。而
後使不均。不耻攘勢。闇於推讓。故其詩曰。或不知呌
號。或慘慘劬勞。或栖遲偃仰。或王事鞅掌。或湛樂飲
酒。或慘慘畏咎。或出入風議。或靡事不爲。又詩曰。民
之無良。相怨一方。受爵不讓。至于已斯亡。小人競相
譖。愬以毒其正。故其詩曰。緝緝翩翩。謀欲譖人。愼爾
言也。謂爾不信。捷捷幡幡。謀欲譖言。豈不爾受。旣其

女遷。君子畏凶矜。而叛職離居。各顧其後。故其詩曰。
三事大夫。莫肯夙夜。邦君諸侯。莫肯朝夕。戎成不退。
饑成不遂。曾我誓薛音御。憯憯日瘁。蓋任官之道盡。而
周道蕩然矣。當是之時。五霸力征。藉王者求賢審官
之道。用富強其國。桓公之內政曰。正月之朝。鄉長復
事公。親問焉曰。於子之鄉。有居處好學。慈孝於父母。
聰慧賢仁。發聞於鄉里者。有則以告。有而不以告。謂
之蔽明。有司已於事而竣。公又問焉曰。於子之鄉。有
拳勇股肱之力。秀出於衆者。有則以告。有而不以告。
謂之蔽賢。有司已於事而竣。公又問焉曰。於子之鄉。

有不慈孝於父母。不長弟於鄉里。驕躁淫暴。不用上令者。有則以告。有而不以告。謂之下比。故國子高子退而脩鄉。鄉退而脩連。連退而脩軌。軌退而脩伍。伍退而脩家。是故匹夫有善。可得而舉也。其有不善。可得而誅也。故鄉不越長。軌不越爵。罷士無伍。罷女無家。故民皆自勉於善。與其爲善於鄉也。不若爲善於里。與其爲善於里也。不若爲善於家。則猶舉選之遺也。晉文蒐被廬而謀帥。趙衰曰。郤穀可。臣亟聞其言矣。悅禮樂而敦詩書。禮樂德之則也。詩書義之府也。德義利之本也。君其試之。則猶疇咨也。秦穆公之爲

君也。舉人之周也。與人之。一也。孟明之爲臣也。其不解也。能懼思也。子桑之忠也。其知人也。能舉善也。則猶久任也。晉悼公蒐綿上以治兵。時荀瑩卒矣。使士匄將中軍。辭曰。伯游長。昔臣習於知伯。是以佐之。非能贐也。請從荀伯游。偃將中軍。士匄佐之。使韓起將上軍。辭以趙武。又使欒黶。辭曰。臣不如韓起。韓起上趙武。請用之。使趙武將上軍。韓起佐之。欒黶將下軍。魏絳佐之。新軍無帥。使其什吏察其卒乘。以從于下軍。而晉國太和。諸侯遂睦。則猶讓官也。君子曰。讓禮之主也。范宣子讓其下。皆讓欒黶爲汰。弗能違也。晉

國以平數世賴之。刑善也夫。一人刑善。百世休和。可不務乎。世之治也。君子與能以讓其下。小人厚力以事其上。是以上下有禮。而讒慝黜遠。繇不爭也。謂之懿德。及其亂也。君子稱其功。以加小人。小人伐其技。以馮君子。是以上下無禮。亂虐並生。繇爭善也。謂之昏德。國家之敗。恒必繇之。比于戰國。得士國重。失士國輕。惟審官之爲急。或取於仇讎。或登諸徒隸。或舉之牧豎。大者爲師。傅卿相。小者友教士大夫。抑猶立賢無方之遺焉。至秦而艾用其民。虜用其士。坑焚之禍。慘督責之法用。自丞相功臣。未有功名始終者也。

卒皆以誅亡。博士備員弗用。羣臣畏罪持祿。懾懼謾欺。以取容其身。故壅蔽自傷。而秦亡。當是時。天下賢士藏伏逃匿。憚於自見。漢興。高祖乃下詔言。蓋聞王者莫高於周文。伯者莫盛於齊桓。皆待賢人而成名。今天下賢者智能。豈特古之人乎。患在人主不交故也。士奚繇進。今吾以天之靈。賢士大夫。旣與我定天下。爲一家矣。而不與吾共安利之。可乎。賢士大夫。有肯從我游者。吾能尊顯之。布告天下。使明知朕意。御史大夫昌下相國。相國鄼侯下諸侯王。御史中執法下郡守。其有意稱明德者。必身勸爲之。駕遣詣相國。

府署行義年有而弗告。覺免。年老癰病。勿遣。蓋上始下交。惠帝二年。詔舉孝弟力田者。復其身。文二年。以日食。詔二三執政。舉賢良方正。能直言極諫。匡朕之不逮者。十二年。詔曰。孝弟。天下之大順也。力田。爲生之本也。廉吏。民之表也。朕甚嘉此二三大夫之行。今萬家之縣。云亡應令。是吏舉賢之道未備也。遣謁者勞賜孝者帛。人五匹。弟者力田二匹。廉吏二百石以上。率百石者三匹。十五年。詔諸侯王公卿郡守。舉賢良。能直言極諫者。親策之。蓋求賢之路始廣。當是時。天子恭仁禮相。郎從官上書者。未嘗不止輦受其言。

言未嘗不稱善也。太子家令錯上書言兵事。上手書報之。不名曰。皇帝敬問太子家令。上書言兵體三章。聞之狂夫之言。明主擇焉。今則不然。言者不狂而擇者不明。以不明而擇於不狂。是以萬聽而萬不當也。當是時。疎節濶目。視成周舉察已遠。然貴廉潔。賤貪污。賈人贅壻。及吏坐贓者。皆不得推擇爲吏。而簡易弘恕。下賢之至意怛然。故漢官特循自晁錯議貴粟。詔民入粟邊。以差次拜爵。景後二年。下詔言士不患其不知。患其爲詐也。不患其不勇。患其爲暴也。不患其不富。患其無厭也。其唯廉士寡欲易足。今訾筭十

乃得官。廉士筭不必衆。有市籍不得官。無訾又不

官。朕甚愍之。其令訾筭四得官。無令廉士久失職。貪

夫長利焉。

服虔曰訾萬錢筭百二十七師古曰訾與貲同

武帝卽位舉賢良

廣川董仲舒對策言今之郡守縣令民之師帥所使

承流而宣化者也。故師帥不賢則主德不宣而恩澤

不流。今吏旣無以教訓於下。而一郡一國之衆對亡

應書者。是王道往往而絕也。夫長吏多出於郎中中

郎。吏二千石子弟。選郎吏又以富貲。未必賢也。是以

廉耻貿亂。賢不肖混淆。請令諸侯列卿郡守二千石

各擇其吏民之賢者。歲貢各二人。以給宿衛。且以觀

大臣之能。所貢賢者有賞。不肖者有罰。夫如是。諸侯
二千石。皆盡心於求賢。天下之士。可得而官使也。又
言。今師異道。人異論。百家殊方。指意不同。上亡以持
一統。臣愚以爲諸不在六藝之科。孔子之術者。皆絕
其道。勿使並進。邪辟之說滅息。然後統紀可一。而法
度可明。於是詔天下舉賢良方正。諸治申商韓非蘇
秦張儀之言者。罷勿用。郡國縣官吏民。有聞當世之
務。習先聖之術者。縣次續食。與計偕。元朔元年。詔曰。
公卿大夫。所使總方畧。壹統類。廣教化。美風俗也。夫
本仁宗義。褒德祿賢。勸善刑暴。五帝三王所繇昌也。

朕夙興夜寐。嘉與宇內之士。率繇斯道。故旅耆老。復
孝敬。選豪俊。講文學。稽叅政事。祈進民心。深詔執事。
興廉舉孝。庶幾成風。紹休聖緒。夫十室之邑。必有忠
信。三人同行。必有我師。今闔郡不薦一人。是化不下
究。而積行之君子。壅於上聞也。二千石官長。紀綱人
倫。將何以佐朕燭幽隱。勸元元。厲烝庶。崇鄉黨之訓
哉。且進賢受上賞。蔽賢蒙顯戮。古之道也。其與中二
千石。禮官博士議不舉者罪。有司奏議曰。古者諸侯
貢士。壹適謂之好德。再適謂之賢賢。三適謂之有功。
不貢士。一則黜爵。再則黜地。三而黜爵地畢矣。夫附

下罔上者死。附上罔下者刑。與聞國政而無益於民者斥。在上位而不能進賢者退。此所以勸善懲惡也。今詔書昭先帝聖緒。令二千石舉孝廉。所以化元元。移風易俗也。不舉孝。不奉詔。當以不敬論。不察廉。不勝任也。當免。奏可。已制郡國口二十萬以上。歲察一人。四十萬以上二人。六十萬三人。八十萬四人。百萬五人。百二十萬六人。不滿二十萬。二歲一人。不滿十萬。三歲一人。諸皆自仲舒白發之。而仲舒又言。古所謂功以任官。稱職爲差。非積日累久之謂也。故小材雖累日。不離於小官。賢才雖未久。不害爲輔佐。今則

不然累日以取貴積久以致官是以廉耻貿亂賢不
肖混淆未得其真於是天子延文學儒生待詔至數
百人或召見進用或補博士弟子而公孫弘數月以
春秋起徒步至宰相封侯當是時州郡自別駕長史
而下皆刺史太守得辟除調用課第之而刺史以六
條察二千石歲終奏事舉殿最上丞相御史雜考郡
國之計以聞六條一、二千石縱阿豪右田宅踰制以
強凌弱衆暴寡二、二千石不奉詔遵制
背公嚮私漁百姓聚斂爲姦三、二千石不恤疑獄風
厲殺人淫喜怒爲刑賞爲百姓疾苦山崩石裂妖僞
訛言四、二千石選署不平苟阿所愛救賢寵頑五、二
千石子弟怙恃榮勢請託所監六、二千石違公下比
阿附豪強通行貨賂割損正令其郡縣守相高第者擢二千石二千

石有治行者。擢九卿。九卿稱職者。爲御史大夫。然帝
內多欲。有侈心。絀仲舒不用。而用弘。它舉用皆浮華。
又性嚴峻。誅罰深必。士罕能自全。汲黯面質帝言。陛
下求賢甚勞。未盡其用。輒殺之。以有限之士。供無已
之誅。臣恐天下賢材行且盡。陛下亦誰與其爲治矣。
帝笑曰。有材不宜盡用。與無材同。不殺何施。元封中。
帝以文武名臣畧盡。下詔曰。蓋有非常之功。必待非
常之人。故馬或奔蹏而致千里。士或有負俗之累。而
止功名。夫要駕之馬。蹏蹏之士。亦在御之而已。如淳曰。蹏音頓。蹏廢也。師古曰。蹏蹏謂無檢局。其令州郡察吏民有茂材異等。可

爲將相及使絕域者而茂才異等之舉始於此。當是時。干戈日滋。財賂衰耗。人物者補官。出貨者除罪。選舉陵遲。後府庫益虛。置武功爵。諸買武功爵官貧者試補吏。先除軍功。用越等者封侯卿大夫。小者郎吏。吏道雜而多端。已入穀入牛羊入奴婢。若煮鹽冶鐵者。皆補吏。吏益雜不選而多賈人。其後用所忠言。世家子弟富人鬪鷄走狗馬弋獵博塞。亂齊民。令相引數千人謫之。曰株送徒。乃其入財者得補郎。而郎選衰。官職耗廢矣。孝昭時。脩文景之政。遣故廷尉王平等五人持節行郡國。舉賢良而郡國所舉選有行義。

者。涿郡韓福等五人。願予告歸。則人賜帛五十匹而遣。至孝宣卽位。數詔舉文學孝弟之士。又詔郡國博舉吏民。厥身脩正。通文學。明先聖之術。宣究其意。各二人。中二千石各一人。又時遣太中大夫循行天下。舉用之。黃龍初。下詔曰。舉廉吏。欲得其真。吏六百石。位大夫。有罪。先請秩祿。上通足效其賢材。自今以來。毋得舉。方是時。帝勵精於綜核。名實重。二千石牧守之選。自丞相而下。各遵職。奏事。考試功能。侍中尚書。積功勞。有異善。厚加賞賜。二千石有理效。輒璽書勉勵。而又任公卿闕。則選諸所表。以次用之。又詔郡國

歲上繫囚。具掠笞若痍。

音雨

死者所坐名縣爵里。丞相

御史課殿最以聞。已又詔言。上計簿具文。務欺謾以避課。而三公不以爲意。朕將何任。御史察計簿非實者。按之。使真僞無相亂。元帝永光初。詔丞相御史舉。質樸敦厚。遜讓有行者。光祿歲以此科第郎從官。又詔列侯舉茂材不稱者。坐削戶。故是時吏稱民安。天子稱平。哀帝時。大抵吏數易而俗多囂。丞相王嘉上疏言。臣聞聖王之功。在於得人。故繼世立諸侯。象賢也。雖不能盡賢。天子爲擇立命卿以輔之。蓋居是國。累世尊重。然後士民之衆附焉。今之郡守。重於古諸

侯。往者致選賢材。賢材難得。拔擢可用者。或起於囚徒。昔魏尚坐事繫。文帝感馮唐之說。遣使持節赦其辜。拜爲雲中守。匈奴避之。武帝擢韓安國於徒中。拜梁內史。骨肉以安。張敞爲京兆。罪劾當免。黠吏知而犯敞。敞收殺之。其家自寬。使者覆獄。勅敞賊殺不辜。上持不下。令以他故免。得亡命去。數十日。復徵拜冀州刺史。卒獲其用。前世非私此三人。貪其材器有益於公家也。孝文時。吏居官者。或長子孫。以官爲氏。倉氏。庫氏。則倉庫吏之後也。其二千石長吏。亦安官樂職。然後上下相望。莫有苟且之意。其後稍稍變易。公

卿以下傳相促急。又數改更政事。司隸部刺史察過
悉刻。發揚陰私。吏或居官數月而退。送故迎新。交錯
道路。中材苟容求全。下材懷危內顧。壹切營私者多。
二千石益輕賤。吏民慢易。或持其微過。增加成臯言。
於刺史司隸。或至上書。章下。衆庶知其易危。稍失意。
則有離叛之心。前山陽亡徒作亂。吏士臨難。莫肯伏
節死義。以守相威權素奪。莫爲使也。孝成皇帝悔之。
下詔書二千石。不爲縱。言不以故縱爲罪遣使者賜金厚慰
其意。誠以爲國家有急。取辦於二千石。二千石尊重
難危。乃能使下。孝宣皇帝愛其長民良吏。有章劾留

中。會赦一解。尚書希下章爲煩擾。其章下證驗無實。告者多逮治死獄中。章文必有敢告之字。乃下。惟陛下。下。留神於擇賢。記善忘過。二千石。部刺史。三輔縣令。材任職者。人情不能無過。差。宜可闊畧。令盡力者有所勸。此方今急務。國家之利也。蓋先漢重吏治。久任之如此。世祖中興。重吏事。官曹之選制三公府。太尉。掌四方兵事之功課。歲終奏殿。罷而行其賞罰。司徒。掌四方民事之功課。司空掌四方水土事之功課。歲終奏殿。最賞罰亦如之。而三公歲舉茂材。廉吏各一人。左右將軍。歲察廉各二人。光祿歲舉郎。茂材四行。

各一人。察廉吏三人。中二千石歲察廉各一人。廷尉大司農歲二人。將兵將軍歲察廉各二人。御史司隸州牧。歲舉茂材各一人。改前漢常侍曹尚書爲吏曹尚書。其時選舉於郡國屬功曹。於公府屬東西曹。於天臺屬吏曹。亦曰選部。而尚書令總之。尚書之重始於此。所進用以歲月先後爲之次。凡郡國守相視事未滿歲。不得察廉。以未久不辨知也。又詔三公用故事以四科取士。德行高妙。志節清白。一。學通行脩。經中博士二。明達法令。能決疑事。案章覆問。中御史三。剛毅多畧。遇事不惑。才任三輔四。諸皆有孝悌廉公。

之行乃辟。其刺史二千石。察吏孝廉。茂才尤異者。務覈實。試以職。乃舉。有不稱。并坐。而是時州牧奏二千石長吏不任職。不復下三公。三公不復遣掾吏按驗。澄察然後黜。如異時朱浮刺以爲陛下。以使者爲腹心。使者以從事爲耳目。是尚書之平。獨決於百石之吏。故羣下苛刻。各自爲能。兼以私情。容長憎愛。有罪者心不厭。無咎者被空文。非所以經盛衰。貽後世也。章帝時。郡國貢舉率非次。尚閎闊。而所徵舉。皆特拜。不簡。故守職者益懈。而吏事寢疏。鴻臚韋彪上議曰。夫國以簡賢爲務。賢以孝行爲首。孔子曰。事親孝。故

忠可移於君。是以求忠臣於孝子之門。夫人才行少。能相兼。孟公綽優於趙魏老。而不可以爲滕薛大夫。忠孝之人。持心近厚。鍛鍊之吏。持心近薄。三代所以直道而行者。在所以磨之故也。士宜以行能爲先。不可純用閎闊然其要。乃在於選二千石。二千石賢則貢舉得人矣。帝深納之。下詔言。朕以無德奉承大業。夙夜慄慄。不敢荒寧。而災異仍見。與政相應。朕旣不明。涉道日寡。又選舉乖實。俗吏傷人。官職耗亂。刑罰不中。可不憂與。昔仲弓季氏之家臣。子游武城之小宰。孔子猶誨以賢才。問以得人。明政無大小。以得人

爲本也。夫鄉舉里選。必累功勞。今刺史守相。不明眞
僞。茂材孝廉。歲以百數。旣非功能。而當授之政。甚無
謂也。每尋舉人貢士。或起畎畝。不繫閭閻。敷奏以言。
則文章可採。明試以功。則政有異迹。文質彬彬。朕甚
嘉之。其令太傅三公中二千石。郡國守相。舉賢良方
正。能直言極諫之士各一人。已以日食。詔公卿舉直
言。巖穴爲先。勿取浮華。已復下詔曰。俗吏矯飾外貌。
似是而非。揆之人事。則悅耳。論之陰陽。則傷化。朕甚
厭之。甚苦之。安靜之吏。惓惓無華。日計不足。月計有
餘。如襄城令劉方。吏人同聲。謂之不煩。雖未有他異。

斯亦殆近之矣。勉思舊令。以稱朕意。至和帝詔舉賢

良。亦稱昭巖穴幽隱。遣詣公車。將悉聽焉。先是郡口五六十萬

舉孝廉二人。小郡二十萬。并有蠻夷者。亦舉二人。和帝以爲不均。下公卿議。司徒丁鴻。司空劉方上議言。口率之科。官有階品。蠻夷雜錯。不得爲數。自今郡國以口率如先漢制。邊郡口十萬以上。舉一人。下以差減之。安帝詔王官屬黑綬。下至郎謁者。有經任博士。廉

清孝順。才任聖人者。國相歲移名與計偕。順帝時尚

書雄上疏曰。臣聞柔遠和邇。莫大於寧人。寧人之務。

莫重於用賢。而用賢之道。必存乎考績。是以臯陶陳

謨。貴在知人。大漢受命。雖未復古。建侯親民之舊。然

克慎庶官。蠲苛救敝。說以濟難。撫而循之。至於文景。

天下康乂。誠繇玄靖寬柔克慎官人故也。降及宣帝。興於側陋。綜核名實。知時所疾苦。刺史守相。輒親引見。喟然嘆曰。民所以安田里而無愁怨者。政平訟理也。與我共此者。其良二千石乎。是以吏稱其職。民安其業。漢世良吏。於茲爲盛。故能降來儀之瑞。成中興之功。漢初至今。二百餘載。俗寢彫敕。巧僞滋萌。下飾其詐。上肆其殘。典城百里。轉動無常。各惟一切。莫慮長久。謂殺害不辜爲威風。謂聚斂整辦爲賢能。以理已安民爲劣弱。以奉法循理爲不化。髡鉗之戮。生於睚眦。覆戶之禍。成於喜怒。視民如寇讎。稅之如豺虎。

監司項背相望。觀政於亭傳。責成於朞月。見非不舉。聞惡不察。言善不稱德。論功不據實。虛誕者獲譽。拘簡者離毀。或因疾引高。苟以求名。而州宰不覆。競共引召。其捕按亡命者。會赦行賂。亦復洗滌。故使姦猾枉濫。損政傷民。和氣未洽。災眚不消。咎在於此。今之黑綬。古之諸侯也。拜爵王庭。輿服有庸。而齊於匹豎。叛命避負。非所以崇德明理也。臣愚以爲守相惠和有顯效者。可就增秩。勿使移徙。非父母器。不得去官。其冒法干禁。不式王命者。錮之終身。雖更赦不齒。若被劾亡不就法者。家徙邊以懲其後。鄉部親民之吏。

皆用儒生。清白任從政者。增其秩祿。滿歲宰府州郡。乃得辟。如此則威福之路塞。虛僞之端絕。送迎之役損。賦斂之原息。循吏得成其化。率土各寧其所。近配文宣中興之軌。流光永世。帝感其言。下有司施行。自先漢設賢良方正孝廉茂材諸科。中興後復增淳樸有道仁賢獨行高節明經質直清白淳厚能直言之屬。士爭進趨。浸以流競。而郡國舉主。率取年少者以充。覲後恩者老宿儒多所擯棄。陽嘉中詔補子弟增甲乙科。雄又言。禮年四十乃稱強仕。謂力學至此。雖立而不反也。請自今孝廉年不滿四十不得舉。又郡

國孝廉古之貢士。出則寧民。宣協風教。若其面牆則
無所施用。可先詣公府。諸生試家法。文吏課牋奏。副
之端門。練其虛實。以觀異能。其有茂材異行。自可不
拘年齒。它不准科令者。罪之。奏可。尚書胡廣。郭虔史。
敞駁之曰。凡選舉。因材。非定制。可拘。六奇之策。不出
經學。鄭阿之政。非必章奏。甘奇顯用。終賈揚聲。咸在
弱冠。豈限年哉。今以一人之言。畢剗舊章。而從之。不
訪台司。不謀卿士。若事下之後。議者駁異。回之。則王
言已行。不回。則行失其便。臣愚以爲可宣下百官。參
其同異。詳定厥衷。帝竟施雄議。郡守坐謬舉免黜者。

十餘人。廣陵所舉孝廉徐淑。年未四十。得選臺郎。詰之。淑對曰。詔書有如顏淵子奇。可不拘年之條。故本郡以臣充。雄詰之曰。昔顏淵聞一知十。孝廉聞一知幾。淑語塞。竟譴卻。而張衡尋言。自初舉孝廉。迄今二百餘歲。皆先孝行。行有餘力。始以學文。辛卯詔書。以能章句。奏案爲限。雖有至行。猶不應科。是棄本而取末也。曾子長於孝。然實魯鈍。文學不若游夏。政事不若冉季。今欲使一人兼之。外有可觀。內必有闕。而尚書令黃瓊亦言。雄前議專用儒學文吏。於取士之道。頗遺本實。乃奏增孝弟。及能從政者爲四科。而賦吏

子孫不得察舉。能雄本勁正。有風裁。政事貞固。在尚書十餘年。選察清平。舉多得人。而持論頗果。辟不參。已爲司隸較尉。舉故冀州刺史馮直任將帥。直坐贓敗。而所舉尚書周舉。以爲雄負。劾之。雄曰。詔書使我選武猛。不使選清高。舉駁之曰。詔書使君選武猛。不使選貪汙。雄頗怏怏曰。進君適以自罰也。舉曰。昔趙宣子用韓厥爲司馬。而厥戮其僕。宣子謂諸大夫曰。可賀我矣。今君不以舉之不才。誤升諸朝。不敢阿比。以爲君羞。不悟君之意。與宣子殊也。雄悅。謝曰。是吾過也。大都漢時士。以經學行誼自守高。而三公辟士。

以能致賢才自詡。諸博學洽聞脩潔之儒。致有五府俱辟。四司並命者。州牧於士望。先以禮托爲布衣交。已乃辟用。其辟除不赴者。爲題輿虛坐。不更署。其重如此。而南陽樊英之倫。至厓天子備玄纁玉帛禮聘之。其廬旣至。天子降寢。設壇場。几杖。尚書奉引。延問失得。如待神明。而宏儒遠智。貞人潔士。激揚風流者。猶皦然隱遯不汚也。豈非盛哉。故黨錮之禍。前蹈後振。政濁於上。議清於下。大權盡去。天命且改。而姦雄盜篡之夫。猶逡巡卻立而不敢動。有以也。魏初建國。以毛玠崔琰爲曹椽。選用先廉勤。而士礪名簡。務

尅約已甚。和洽言於魏公操曰。天下大器。非可以一節治也。儉素過中。以處身可矣。以之格物。所失實多。今朝臣有服新衣。乘好車者。輒謂之不廉。至今士大夫汚其衣冠。藏其輿服。有親挈壺殮以入官寺者。夫立教觀俗。貴處中庸。務通人情。爲可繼也。今崇一槩難堪之行。以檢殊塗。勉而爲之。必至疲瘁。甚乃詭激。抑且容僞。非長世弘化之道。操下令禁敕。俗爲稍衰。黃初中。令郡國察孝廉。以德行充。不限試經。司徒歆以爲喪亂以來。六籍隳廢。當務存立。以崇王道。夫制法所以經盛衰。今聽孝廉不試經。恐學業從此廢矣。

其有通經秀異。可特徵用。帝從其言。後尚書諸葛誕。

中書郎鄧颺等。結黨友。相詡於名高。有四聰八達之

稱。司徒董昭大疾之。

濟陰定陶人

爲帝言古之有天下者。

莫不貴樸忠之士。疾虛僞之人。謂浮言華貌。敗俗而

傷化也。今年少不以學問爲本。而專交游爲業。國事

不以孝悌清脩爲首。而以趨勢游利爲先。合黨連羣。

互相褒嘆。以毀訾爲罰戮。用浮譽爲爵賞。附已者。則

嘆之盈口。不附者。則作爲瑕釁。至乃往來禁奧。交通

探問。此法之所不取。而刑之所不赦也。帝曰善。詔郎

吏通一經以上。任牧民者。亟登用。其浮華不務本實。

者罷之。而誕颺等皆免官。會詔以侍中盧毓尚書吏部。使自選代者。毓舉常侍鄭冲。帝曰。文和吾所自知。無爲舉。更舉所未聞。舉阮武孫邕。詔邕侍中。尋詔毓舉中書郎。謂之曰。得人與否。在盧生。必毋取名。名如畫地作餅。不可啖也。毓對曰。名不足致異人。而可以得常士。常士畏教慕善。方乃有時名。名非所當疾也。臣愚既不足以得異人。但當循名案質。徐有以驗其後耳。古者敷奏以言。明試以功。今考績法廢。而以毀譽爲進退。故真僞混雜。虛實相蒙。帝曰。善。乃詔散騎常侍劉邵。作考課法行之。毓選舉。先性行而後才言。

或問之。毓曰。才所以爲善也。故大才成大善。小才成小善。今稱有才而不爲善。是才不中器。於不才同。會司徒缺。毓舉處士管寧。帝問其次。舉韓暨崔林。後以疾遜位。推王昶王觀王祥。皆時名德焉。其後士習放誕。務進趨而廉耻道缺。晉御史傅玄上書言。昔先王之御天下。教化行於上。清議明於下。所以隆也。近魏武好法術。而天下貴刑名。魏文貴通達。而天下賤守節。遂令綱維不攝。放誕盈朝。而天下之清議泯然。陛下龍興。宜舉清遠有禮之臣。以敦風節。退虛鄙之士。以懲不恪。而劉寔子眞著論言。古聖王之化天下。所

爲貴讓者欲以出賢才息爭競也。夫人情莫不皆欲
已之賢也。故勸令讓賢以自明。在朝之士讓於上。草
野之人皆化之。而推賢讓能之風行矣。推讓之風行。
則賢與不肖灼然殊矣。賢不肖旣辨。然後從而用之。
已仰其成。又何加焉。孔子曰。能以禮讓爲國乎。何有。
言不難也。自魏代而來。登進辟命之士。及在職之吏。
臨見受叙。雖辭不能終。莫肯讓於勝已者。夫推讓之
風息。爭競之心生。孔子曰。上興讓。則下不爭。明讓不
興。下必爭也。推讓之道興。則賢能之人日見推舉。爭
競之心生。則賢能之人日見謫誹。一人有先衆之譽。

毀必隨之。而名不得成。能否混雜。優劣不分。官職有缺。主選之吏。貽愕而不知所用。但案官資而舉之。非勢家之子。則必爲有勢者之所忌也。如此而望所用之得人。不亦遠乎。且謫毀之生。非徒空設也。必因人之微過而甚之。毀謫之言數聞。在上者雖欲弗納。不得不因所聞而察之。察之而得其似安。得不理其罪。知而理之。主威令之不行。必自此始矣。知而皆理之。罪退者稍多。大臣必且有不自固之心。賢才不進。貴臣日疎。此有國者之深憂也。詩曰。受祿不讓。至於已斯亡。不讓之人。憂亡之不暇。而望其益國朝。不亦難。

乎。昔舜以禹爲司空。禹拜稽首讓于稷。契及咎繇。使益爲虞官。益讓于朱虎。熊羆。使伯夷典禮。夷讓于夔。龍。唐虞之時。衆官初除。莫不皆讓。而尚書載之者。爲永世作則也。今令叙用之官。必有讓能之章。乃通其不能推讓。徒謝恩私者。皆絕不通。則人臣初除。各思推賢能而讓之矣。於是付主者掌之。三司有缺。擇三司所讓最多者而用之。此爲一公缺。三公已豫選之矣。夫主選之吏。不必任公。令一人任公而選三公。不如令三公自共選一公之爲公也。四征缺。擇四征所讓最多者而用之。此爲一征缺。四征已豫選之矣。必

賢於臨缺而令一主者獨選四征也。尚書缺。擇尚書所讓最多者而用之。此爲一尚書缺。八尚書共選之。必賢於臨缺而令一主者選八尚書也。郡守缺。亦擇衆郡守所讓最多者而用之。必賢於任一主者。令選百郡守也。夫人情爭則思毀乎勝已。讓則競推於勝已。故世爭則毀譽交錯。優劣不分。難得而質也。世讓則賢智表著。能否立判。就班歸類。不可得而亂也。如此則浮聲虛論。不禁而自息。此任衆人之議而天下自化之道也。時不能用。初魏文帝時。三方鼎立。士播遷。無從覈其行能。尚書陳羣奏立九品官人之法。擇

州郡中。嘗爲臺省郎吏。賢有識鑒者。爲中正。俾各察其州之士。行能望實。以差次其選。而清議頗行。然其時。中護軍夏侯玄。則以爲中正。但當考素行。而官長各舉其屬之能否。參之兩用。相覈而後。官才可審。晉沿其制。州置大中正。郡國設小中正。掌選舉。吏部選用。必下中正徵行實。乃行。當是時。公府辟召。郡國薦舉。諸入仕之途。不異先代。而中正軒輊。終莫之得違。陳壽居累。使侍婢丸藥。以爲疵議。坐以沈廢。郗詵篤孝。以假塋違常。降品一等。其爲懲勸如是。後法寢弊。尚書僕射劉毅。以爲九品有八損。而官才有三難。

人物難知。愛憎難防。情僞難明。此三難也。今中正定九品之次。高下任意。取舍繇心。上品無寒門。下品無世族。又以一人之耳目。定州郡之賢才。多者千人。詎能詳識。必將采納浮言。毀譽交亂。一有不審。遂謬廢置。又中正失舉。無賞罰之防。使得縱橫。無所憚顧。而九品所下。不章其罪。所上不別其善。當官任職。遷附卑品。績用無列。反獲高叙。是爲棄功實而崇虛名也。時司徒衛瓘亦表請復古鄉里舉貢之法。俾以土斷。則人思反本。不濫於華競。時不能用。而中正之法。迄梁陳周隋。循沿之不廢。而益以門望相高。初魏散騎

常侍劉邵作都官考課之法七十二條。司徒王昶黃門侍郎杜恕議以爲唐虞雖有三考黜陟之文。而考課之法。曾不少見。周天官冢宰大計羣吏之治。而較比之例不聞。蓋世有治人。而無治法。聖主者固明於任賢。而畧於立法也。今奏考功者。陳漢周之云爲。掇京房之遺旨。以爲盡考課之要。則唐虞可無須稷卨之佐。殷周可無貴伊呂之輔。而能崇揖讓之風。興濟濟之盛也。謂宜粗舉黜陟之體。而委達官之長。總其紀綱。後河南尹杜預奏書言。臣聞古者設官分職。弘六典以詳考課。然猶倚明哲之輔。建忠貞之司。敷奏

以言疇咨而訪以公其廢置。惟重人也。及至末代。疑心而信耳目。疑耳目而信簡書。簡書愈煩。官方愈僞。法令滋彰。巧飾彌衆。今莫若委任達官。令各考所屬。歲舉優者一人爲上第。劣者爲下第。因計偕以名聞。比於六載。總按其六歲處優考者超用。處劣考者奏免。其優多劣少者叙用。劣多優少者左遷。不足拘以法書。元魏之世。重州郡中正。精選德高鄉國者以充。其邊州小郡。人物單鮮者。附他州併察。頗得古鄉里舉察之意。後州皆置中正。人多庸鄙。而選叙淆亂。乃罷設。獨令在位者五人相保任。無保任者奪官。而銓

選畢歸之尚書吏尚書獨與兩郎中操其柄欲鑒鑑
實難。又羽林入選皆武人恣睢爲不法言者欲銓別
選格排抑之而羣起譟詬幾成大變。又官應調者益
衆而貲少不足給吏尚書崔亮大患之乃奏爲格制
專以停解日月爲之斷。雖行能高終不得越次而擢
庸才下品年月久次者則擢之人莫得施其怨謗而
沈滯久者頌其稱譽之以得安其位繼者利其便已
踵行之而年資之格始於此。部郎中薛淑言黎元之
命繫於長吏今惟取年勞不簡賢否義均行鳴次若
貫魚執簿呼名一吏足矣。豈謂銓衡哉。迨隋命吏部

尚書舉大僚。侍郎銓小官。海內自一命以上。曹掾尉史。津官戍吏。咸銓於吏部。而州郡辟舉之路盡絕。鴻臚卿裴子野言。官人之難久矣。擇言觀行。猶懼其弗周。况萬品千羣。俄折乎一面。庶僚百位。專斷于一司。一人之鑒有限。天下之才難源。以有限之鑒。辨難源之才。而欲使國無違授。野無滯才。何可得也。是時吏尚書牛弘職選舉。先德行而後文才。最號稱職。攝尚書盧愷與侍郎薛道衡甄別物類。頗不循年資。稱清簡而譖愷紛紜。愷道衡坐廢。蓋銓選之弊極於此。而後世循用本此矣。尚書弘嘗問於劉炫曰。周禮官多。

而府史少今百倍於往何也炫對曰古人委任責成
歲終考其殿最府史所職要目而已今之文簿常慮
覆案鍛鍊辛苦至有萬里追證百年舊案者此繁弊
之繇也弘曰善又問方魏齊時令史從容於職今不
遑寧處何也炫對曰往者州惟紀綱郡置守丞縣注
令而已諸僚佐皆官長自辟今吏無大小畢繇吏部
纖介功課皆屬考功此繁嘖之繇也省官不如省事
省事不如清心官事不省而欲從容其間何可得乎
弘喟然曰善而終莫能行先是魏晉而降選士頗以
詩賦梁僕射沈約著論言古者四始六義總而爲詩

既行四方之風。且彰君子之志。勸善懲惡。王化基焉。
故足貴也。後作者隨聲逐響。競用華葉。棄其指歸。今
自閭里童昏。貴游總角。以博依爲急務。鄙章句爲專
魯。罔不擯落六藝。波流同尚。無被於管絃。非止乎禮
義。深心盡於卉木。遠致極於風雲。隱而不深。巧而非
要。使季子聆音。必且悼其疵。國經也。趨室必不敦其
未學。而欲依以選士。不亦難乎。治書侍御史李鐸言
之尤苦。以謂州縣選舉。不遵典則。雖有宗黨稱孝。卿
曲歸仁。學必典謨。交不苟合。猶且擯落。不加收齒。其
學不稽古。逐俗隨時。作輕薄之篇章。結朋黨以傲誕。

則選舉繇之。此繇縣令刺史。不崇風教。挾私踵弊。而然也。請下諸司禁敕。至隋煬好文詞。實始置進士科。專詩賦取士。不復關行能。而貢舉之弊又極此矣。唐沿隋制。上郡歲貢舉二人。下郡一人。其才能尤著者。無常數。繇學館貢者曰生徒。繇州縣舉者曰鄉貢。皆升於考功而進退之。其科之目曰秀才。曰明經。曰進士。曰明法。曰書。曰筭。各依所習業舉選。以爲常。有明一史至三史。有開元禮。有有道舉。有童子舉。其天子親策舉之。曰制舉。以待非常之士。諸鄉貢懷牒自列於州縣。試已。取文優者。長吏以鄉飲酒禮會屬僚。陳俎豆。備管絃。牲用少牢。

歌鹿鳴之詩。與耆艾叙長幼賓興焉。於是疏名列結。通保上戶部。戶部集閱而關考功。考功郎試焉。其貢舉非人。若較試不以實者。皆有罰。粉秀才科最高。試策五條。有上上。上中。上下。中上。凡四等。後廢而進士

科特重。然專之文辭。他制科名猥多。然無實。徒空名。

道侔伊呂。才膺管樂。志列秋霜。文經邦國。辭標文苑。臨難不顧。狗節寧邦。長才廣度。述下僚。樂道安貧。

及賢良方正。博學宏辭等。其銓選法亦同前代。文選吏部主之。武

選兵部主之。皆謂之銓。尚書典其一。為尚書銓。左右

侍郎分其二。為中銓。東銓。法以四事擇其良。一曰身

體貌二曰言。言辭三曰書。楷法四曰判。文理以三

觀其異。一曰德行。二曰才用。三曰勞効。德鈞以才。才鈞以勞。六品以上不試。六品而下。集而試。觀其書判。試而銓。察其身言。銓而注。詢其便利。乃注官。注已。上僕射。上中書門下省。給事中讀之。黃門侍郎省之。侍中審之。乃以聞。主者奉旨行。謂之奏受流品。及流外。則判補給以符。謂之告身。其嗣王郡王親王諸子職事官。正三品以上散官。二品以上。及都督都護若上州刺史在京師者。冊授。五品以上制授。六品守五品以上。及視五品以上。皆勅授。皆天子宰相商可否。而後授。六品以下。吏銓注受職。旨獨報聞。不可否。爲旨。

授。凡出身非清流者。不注清資官。凡大選。終季冬之月。定九品流格。補萬方闕官。而銓總章中裴行儉。以選人益多。與貲外郎張仁禕。定張名姓履歷。榜引銓注之法。又定州縣差次。官資高下。揭之。俾人曉然於法。遂爲制。而唐考課之法。特詳。凡應考官。皆具錄丁年功過行能。本司及本州長官對衆讀。差以九等。各於所屬司較定。上之考功。考功受其質。而當其善惡功過之考。外官附朝集使以聽質。別勅京朝官望高者。一人較京官。一人較外官。給事中中書舍人各一人監焉。流內官。叙以四善。一德義有聞。二清慎明著。

三公平可稱四恪勤匪懈自近侍至於鎮防有二十

七最各效其官

獻可替否拾遺補闕為近侍之最銓衡人物擢進才良為選司之最

揚清激濁褒貶必當為考較之最禮制儀式動合經
典為禮官之最音律克諧不失節奏為樂官之最決
斷不滯予奪合理為判事之最部統有方警守無懈
為宿衛之最兵士調習戎伍克備為督領之最推鞠
得情處當平允為法官之最離較精詳明於刊定為
校正之最承旨敷奏吐納明敏為宣納之最訓導有
方生徒充業為學官之最賞罰嚴明攻戰必勝為軍
將之最禮義德行肅清所部為政教之最詳雅典正
詞理兼舉為文史之最訪察精密彈舉必當為糾正
之最明於勘覈稽失無隱為勾檢之最職事脩理供
承強濟為監掌之最功課皆克工匠無怨為役吏之
最時耕耨課收穫為農官之最謹益藏明出納為倉
庫之最推步盈虛究理精密為歷官之最占候醫卜
效驗多著為方術之最市廛不擾姦濫不行為市官
之最牧養肥碩蕃息滋多為牧官之一最四善為上
最邊境肅清城隍脩理為鎮防之最

上。一最三善爲上中。一最二善爲上下。無最一善爲中中。職事粗理。善最不聞爲中下。愛憎任情。處當乖理爲下上。背公向私。職務廢闕爲下中。居官諂詐。貪濁有狀爲下下。凡九等以最緯善。而主本於善。其州縣官撫育有方。戶口增益者。以差次進考。若撫養乖方。戶口減損者。準差次降罰。課農田豐殖。若不勸課者。亦如之。諸定考。畢集尚書省唱第。然後奏貞觀中。天子念取人獨言辭刀筆。而不詳才行。無爲也。凡授職而後澄汰。則後事欲更法。吏尚書如晦曰。昔兩漢取人本鄉行。以故能得士。今選集動踰數千人。選曹

較階品之不給。何論才行。帝慨然欲倣漢法令本州辟召。會議行封建。不果而寢。已。帝欲聽選人得自舉。魏徵曰。知人則哲。自知者明。知人信難矣。自知亦豈易乎。且自媒者。士女之醜行。不可聽也。當是時。天子知人善任官。冀州所舉士張昌齡。王公瑾。少俊有才聲。考功郎王師旦罷黜之。舉朝爲譁駭。帝召問師旦。對曰。二生才誠華。然文體浮豔。終不成令器。擢之後。進生倣効。傷陛下雅道。帝曰。善。盧承慶以考功典選。較百官考。有漕舟溺者。承慶署典漕失陷。考中下。其人無愠色。承慶異之。更署曰。非力所及。考中中。亦不

色喜。承慶大嘉之。署曰。寵辱不驚。考中上。時銓司效職類如此。先是隋世選人。皆以十一月集。至春罷。患期促。不得盡研諦也。尚書劉林甫奏。請四時聽選。隨闕注擬。官無滯人。而四時注選。始於此。顯慶中。選人集益衆。而彌濫。歲入流多至千四百人。而胥徒伎術諸雜色人。畢注官。明經學。通時務。入選者。獨三之一。黃門侍郎劉祥道。林父子也。上疏言。官人非材。繇用人之源濫。濫源所起。則入流失簡。而然也。今雜色人。署年勞者。滿曹司。試判訖。不復簡善惡。畢注官。其服膺先王之道者。奏第乃始選。稽古之業。雖信難成。斗

管之林誠易爲力而於選取之道則混貿矣今莫若
令雜色應入流者試判訖分其行署等而私犯著者
居下第公犯下下雖經赦降亦行量配未赦降者放
還度入流不濫且令胥徒知有銓擇漸自飭勵於法
而明經進士注選當令居雜色人三之二以示優又
言儒者教化之本道藝之宗今庠序徧於四海儒生
溢於三學而風俗日替則獎進之道未弘也宜搜訪
獎延六品以下及山谷之士以弘儒風下百官集議
竟不行吏侍郎魏玄同疏以爲昔周之選舉分任羣
司太宰內史掌爵祿廢置而司馬亦與賢詔事公聽

觀如此。穆王命伯冏慎簡乃僚。則又官正自擇下吏之明驗也。漢世得人。皆自州縣補署。五府辟召。制諸侯得自置其國吏四百石而下。郡掾吏督郵從事。悉任太守。魏晉而降。始畢歸吏部。以刀筆量才。以簿書察行。而法與世弊矣。夫尺丈之量。不能度非所及。鍾庾之器。無以容非所受。况天下之大。士類之衆。而委之數人。使百行析於一面。九能斷以數言。卽平如懸衡。明如水鏡。然且有所極。况司斯柄者。間非其人。爲人擇官。爲官擇利。考選繫乎親疎。措注觀之勢要。於爲弊。豈有量哉。今貴游子弟。少不務學。技能本疎。徒

以門資。恒處優望。宜以簡練爲急。時不能用武。后稱制。廣爵祿。以苟悅人心。選集者畢注官。官不足。置試官處之。故其時有載車斗量之謠。韋庶人擅命。復置員外官二千餘人。除官不繇宰司。但中宮特勅斜封。下輒拜。而綱紀大紊。玄宗定內亂。睿宗立。始罷斜封墨勅官。開元初。罷員外簡較官。而尤重於任官。已患吏部多私。分吏選爲十銓。以它部尚書若它官十人主之。試判畢。召稱制臨決。左庶子吳兢曰。易稱君子思不出位。言上下各止其所。不侵官也。今尚書分掌銓選。吏部尚書侍郎。壹不得參其事。而陛下又自臨。

決之是以大唐萬乘之主。而下行吏事。非居上臨人。推誠率物之道也。帝悟。乃以三銓歸有司。拾遺張九齡爲上言。天道雖遠。其應甚邇。乖政之氣。溢爲水旱。今六合元元。懸命於縣令。宅生于刺史。則刺史縣令。陛下所與共天治。親民者也。苟非其人。水旱繇之。今京輔雄望之郡。刺史猶曰少擇。若江淮隴蜀三河大府之外。類多非人。其繇京官出者。皆身坐疵負。政無善狀。或附會以忝高位。而勢衰形露。以不稱左遷。刺史已然。况縣令乎。夫厖庶國家之本務。務本之職而輕之。承弊之民而擾之。而聖化此銷鬱矣。今州刺史

古之郡守也。古郡守入爲三公。郎官出宰百里。欲內外均勞。謂宜科定其資。凡不歷都督刺史。雖有高第。不得任侍郎列卿。不歷縣令。雖有善聲。不得任臺郎給舍。都督守令。雖遠者不使十年在外。則天下從可治也。且今天下不治于上古。而事倍于往初。吏部條章。舉羸千百。巧猾胥徒。因緣爲姦。夫始造簿書。備遺忘耳。今反求精于案牘。而忽於人才。是所謂遺劒中流。刻舟以記者也。凡稱吏部。謂其能爲官擇人。因賢授任也。今膠以格條。擬資注職。士人有平配之誚。官曹無得賢之實。誠令刺史縣令。精覈其人。管內當舉。

選者。精考才行。然後送臺。吏部擇焉。以所用衆寡。爲州縣殿最。則州縣慎舉。多可官之才。吏部因成。無庸人之擾矣。今歲入選者萬計。京師米物爲耗。冒濫抵於此。而方以一詩一判定其去留。豈不遠哉。且用人宜第其高下。賢否不淆。高下有次。則祿位不可以妄干。而天下之士。必爭務刻意脩職。而刑政自清。此興衰之大端也。相懷慎亦言。孔稱爲邦百年。勝殘去殺。又稱苟有用我。三年有成。故書三載考績。三考黜陟。言治積久而後功效始可課也。今州縣官佐下車布政。多者一二年。少者三五月。遽已遷轉。人知吏之不

久則不憚其吏吏知遷代不遠則不盡其能苟且脂
韋傾耳企踵以冀速化亦何暇宣風布化求瘼恤人
哉帝從之加意守令之選詔採訪使觀察風俗課在
位善績三年一奏以爲常新除縣令親臨問試理人
策其高第者以不次擢季年吏部尚書裴光庭倣崔
亮限年法爲資格以罷官若干爲選官準資高者選
多無問能否選滿則注限年躡給無得踰越非奉譴
謫皆有升無降諸庸愚沈滯者皆喜謂之聖書而材
俊之士咸用怨歎丞相環爭之不能得光庭死中書
令蕭嵩以爲言詔申敕而有司奉式循資苟幸寡怨

無奉制書者

時洋州刺史趙匡言漢代用人府寺郡國得自辟所屬士脩於家而辟置隨之

故人務名簡風俗用脩今舉進因隋氏之制主司褒貶獨在詩賦務求巧麗溺於所習迷謬原本欲以啓導性靈獎成風俗豈不難哉又人之心智有涯九流七畧書籍無筭主司徵問不立程限故士務鈔畧以祈偶中業之無成固在於此夫疏以釋經經之筌蹄今明經問義復誦註疏竭精華於不急之業而當代典法無不面墻臨人決事取辦胥吏是所習非所用所用非所習也又舉人收用者少而諸色出身入仕者方於明經進士多十餘倍使服勤道業之士不及胥吏故效官多污下之流脩業抱後時之嘆崇本抑末啓昏窒明爭第既難因用奔競交馳公卿以求汲引毀訾同類用以相先業本儒雅行實險薄非受性固然流激使之然也又歲一舉選秋初就道秋末得歸休息未幾而嗣秋復至學業不得脩習而資糧薪芻舟車之費勞頓無已至有會考功負外郎不稱爲終死不得一薦者豈不痛哉

士所詆訶詔移貢舉於禮部以待郎主試禮部選士

自此始天寶中帝欲盡官材天下之士命通一藝以上咸詣京師策之相李林甫專恣患草野士倨侮得斥言其姦請令尚書省先試無一人及第者而林甫以野無遺賢表賀時中丞倚得幸上吏侍郎宋遙苗晉卿欲附之主選事以倚子壘爲舉首羣議沸騰帝聞召面試壘手試卷終日不成一字遙晉卿坐貶官其後有司鈎較爭苛切爲功冰炭脂炬饗殮皆士人自將羅棘遮截始唱名入列坐廡下士益浮賤禮部侍郎楊綰患之上貢舉議曰國家選士必籍俊良取其孝友純備言行敦實居常有德動不違仁體忠信

之資。履恭慎之操。藏器待用。虛心下人。以能率已。從
政化民。鎮俗也。自叔世澆詐。茲道寢微。爭尚文詞。互
相矜衒。馬卿不偶於任用。趙壹取擯於鄉閭。古人比
文章於鄭衛。蓋有繇也。近隋煬始制進士之科。當時
猶試策而已。高祖時。劉思立爲考功員外郎。奏進士
加雜文。明經加帖括。從此積弊。浸以成俗。幼而就學。
止誦當代之詩。長而博文。不過諸家之集。遽相黨與。
用弘虛聲。六經二史。皆同掛壁。况徵以孔門之道。責
之君子之儒。豈有當哉。祖習旣深。奔競爲務。投刺于
謁。馳驚於要津。露才揚已。喧騰於謗讟。古之賢良方

正胡寧有此朝之公卿。以此待士家之長老。以此訓子。欲其返樸淳懷。禮讓守忠信。謹廉隅。胡可得也。愚以爲古先哲王。皆側席求賢。今之取人。令將牒自舉。非經國理俗之道。請依古制。縣令察孝廉。審舉其有孝弟忠信。禮義之行。加以經業。才堪策試者。以孝廉爲名薦之州。州刺史禮待之。試其所通之經學。通者上第。上之省。皆毋得輒自陳牒。其所習經。周易毛詩儀禮周禮。禮記左氏公穀。任科一經。務取深義奧旨。通諸家之學者。至京遣諸司官有儒學者主試。每經問義十條。已對策策三問。問古今治體及時務所施。

行者全通爲上第。付吏部授官。經通八策。通二爲中第。與出身。下第罷歸。諸明經帖括。非古制。請與進士科並停。其國子舉人。準此。乃有行業不著所繇。妄相推薦。請量加黜貶。冀人歸實學。士識大猷。浮競自消。淳龐自勸。下有司議。而左丞賈至議。以爲自晉而後。衣冠遷徙。人多僑寓。於所在占籍。必舉之鄉。不足以盡才。請增國子博士員十道。及諸大州各設學。致生徒。其保桑梓者。鄉里舉之。在流寓者。庠序推焉。然終已不行。肅代兵興。天下多故。舉選濫而銓弊。禮部員外郎沈既濟上書言。古今選用之法。九流常叙者三。

科曰德曰才曰勞而已。今選曹之法乃在書判言辭之間。夫安行徐言。非德也。空文善書。非才也。累資積考。非勞也。就令執此無失。猶乖得人。况耳目聰明又有所不及乎。此其弊在法。王者觀變以制法。察時而立政。前代選用。皆州府察舉。至於魏齊。多繇請托。其時議者以爲外濫。不若內收。於是罷州府之權。歸之吏部。以矯時懲弊而可矣。今吏部之弊極矣。不可坐守而刊弊。請五品以上及羣司長官。宰臣進叙吏兵部參議六品而下。及參佐之屬。聽牧守選之。以清其源。其辟用非公。則吏兵二部得察而劾之。小加黜譴。

大寘刑辟。委任責成。孰敢不勉。而替名僞命。菲才薄行之弊。可從汰矣。或曰。吏部有濫止繇一門。州郡之濫。其門滋多。均之爲濫。曷若杜衆門而歸一門乎。答曰。州郡有濫。雖多門而易窒。吏部有濫。卽一門不可革也。旣已受選於部矣。雖才職不稱。政亂不理者。而責無所任。責刺史則曰。命出吏曹。不治不敢廢也。責侍郎則曰。量書判資考而任。不保其往也。責令史則曰。按資歷而行。不知其他也。混貿莫理。而黎庶安受其弊矣。若州府辟舉。則舉劾之章自在。州濫黜刺史。而可革也。府濫易牧守。而可清也。吏部之濫。卽更十

侍郎無益何者九流浩浩不可得知法使之然也或
曰當開元天寶中不易吏部之法而天下砥平何必
易法而求理乎。答曰選舉者經邦之一端開元天寶
之盛以慶賞不執刑威必齊而理之匪繇吏部臻此
也。向令此時用辟召之法其理不彌久乎。故州郡察
舉在兩漢則治在魏齊則亂而魏齊之亂不勝于兩
漢之治也。吏部選集在神龍則紊在開元則理而開
元之理不勝於神龍之亂也。議事以制當徵其本末
計其遐邇豈以時得時失而從定之哉。時不能用。既
又議近代之制爵祿其失四其一入仕之門太多。管
子曰利出一孔者其國無敵出二孔者其兵不誦出

三孔者國不可以舉兵出四孔者國亡先王知其然故塞人私徑隘其利途使人無游事而一其業也近代以來祿利所出數十百孔故人多岐心疏瀉漏失而不可轄也夫入仕者多則農工益少農工少則物不足物不足則國貧其二言閥胃之家太優禮曰天子之元子士也天下無生而貴者雖儲貳之尊與下士齒故漢王良以大司徒免歸蘭陵光武巡幸始復其徃役丞相之子不得蠲戶課而近代以來九品之家皆不征其高蔭子策重承恩獎皆端居役物坐食百姓其何以堪之其三言祿利之資太厚先王制士所以理物也置祿所以代耕也農工商有經營作役之勞而士有勤人致理之憂雖風猷道義士人爲貴其苦樂利害與農工商等不甚相遠也後代之士乃擗鐘鼓樹臺榭以極其歡而農工鞭臀背役筋力以奉其養得仕者如昇仙不仕者如沈泉歡娛憂苦若天地之相遠也夫上之奉養也厚則下之徵斂也重養厚則上覬其欲斂重則下無其聊故非類之人或沒死以趨上構姦以入官非唯求利亦以避害也其四言督刺之令太薄語曰陳力就列不能者止昔李

歸然第乘一勞結一課獲人選叙則循資授之官
隨列拜揖藏俸積祿四周而罷因緣浸漁抑復有焉
其罷之日必妻孥華楚僕馬肥腩而偃仰乎士林之
間及限又選終而復始非爲巨害至死不黜故里語
謂人之爲官若死然未有了而倒還者爲官如此
其易享祿如此其厚上法如此其寬下斂如此其重
則人孰不違其害以就其利者乎今當輕其祿利重
其督責使不才之人雖虛設座位置印綬于旁揖讓
而進授之不敢受寬其征徭安其田里使農商百工
各樂其業雖以官誘之而莫肯易如此則規求之志
不禁而息多士之門不扃而閉若上不急其令下不
寬其徭而欲以法術遽列禁人奸冒此猶坯土以壅
橫流也又言開元天寶中家給人足人無苦賦四夷
來同遠近熙晏人無所展其能生育長養至于老死
惟門調戶選徵文射策以取祿位而已故父教其子
兄教其弟大者登臺閣小者任郡縣資身奉家各得
其欲五尺童子耻不言文於是進士爲士林華選故
忠賢僞彥韞才毓行者畢出於是而茲策無良者亦
附焉故是非相陵毀譽相傾或扇結黨與私爲盟軟

以取聲稱。或鈎摭隱匿。播爲篇詠。貞元末。陸宣公贊
以通相訾抑。風俗之弊。固在於此。

秉政。白請令臺省長官。得自舉所屬。署名奏後。考不
稱坐舉者。而讒者以諸司所舉多親故。招賄賂。尼之。
帝以語贊。贊對曰。臣聞尊者統要。卑者舉詳。故人主
擇輔。臣輔臣擇庶長。庶長擇僚佐。此治人之大理。綜
擇之要也。臣前白奏宣行。亦近爾。諸司所舉。纔數十
人。資望旣優。行能未忝。而議者遽以騰口。臣請令言
者。得指陳所犯之狀。而詳覈之。令實謬舉。當必行其
罰。儻其誣善。亦反受其辜。然後憲典明。而邪慝者不
得作。臣待罪宰相。政柄攸歸。銓擇自予。豈不誠願。然

宰相不過數人豈能徧諳多士展轉諮訪然後得知
則是變公舉爲私薦其於情故必復滋多且今日之
宰相卽前日之臺省長官今臺省長官卽異時之宰
相也豈有爲臺省之時不能舉一二之屬吏居宰相
之位則能擇千百之具僚物議悠悠其惑滋甚語具
贅謨中帝嘉納然竟追前詔不行時德宗意疑多忌
不委任臣下官小大多自選一經譴責輒終身不收
又好以辨給取人於是贅具論官人之道廣上意其
畧曰昔詩序太平之君子能長育人才爲賦魚藻書
比梓人之理材旣勤樸斲惟塗丹雘禮著造士易尙

養賢。蓋以人皆含靈。惟所誘致。如玉之在璞。抵擲則
瓦石。追琢則圭璋。如水之發源。壅閼則污泥。疏濬則
川沼。書籍所載。歷代同途。祚屬殷昌。必時多儒。又運
鍾衰季。則朝乏英髦。方夫衰季之時。咸謂無人足任。
及雄才御寓。淑德應期。賢能相從。森若林會。故知興
王之良佐。皆季代之棄才。在季而愚。當興而智。臣每
於中夜竊自深惟。朝廷乏人。其患有七。夫宰相之主
吏。猶司府之用財。主吏在序。進賢能。用財在平。頒秩
俸。用財失節。則司之者可易。而秩俸不可以不頒。主
吏乖方。則宰之者可更。而賢能不可以不進。其行甚

易其理甚明。故與奪人主之利權。各位天下之公器。不可以公器徇喜意。不可以利權徇忿心。不以寡妨衆。不以人廢官。頃者任官頗異於是。宰相承恩。則援引濫而必進。宰相見卻。則擬議當而罕俞。是羣才仕進之窮通。繫輔臣恩遇之厚薄。此謂不澄源而防流。其患一也。經曰。無以小謀亂。大作無以嬖人疾莊士。蓋徇大者不拘於小累。謀小者不達於大猷。嬖者必行異於莊。莊者必性殊於嬖。莊士以愛才爲心。嬖人以傷善爲利。愛而引之。則近黨。傷而阻之。則似公。近黨則不辨而遽疑。似公則不覆而縣信。是以大道每

際於橫議。良才常困於中傷。失士啓讒。多繇於此。所謂不考實而務博訪。其患二也。頃者輔臣鮮克勝任。過蒙容養。苟備職負。致勞睿思。巨細經慮。每有官闕。須補。或緣將命擇才。宰司慎揀上聞。必極當時之選。而聖情未愜。復命別求。執奏既不見從。則又降擇其次。如是至再至三。所得益下。或斷於獨見。罔徇僉謀。或推自旁求。不稽公議。權衡失柄。進取多門。等差不倫。聲實相反。所謂求精太過。其患二也。臣聞耀乘之珠。不能無類。連城之璧。不免微瑕。仲尼至聖。猶以五十學易。無大過爲言。顏子殆庶。尚稱不遠復。無祇悔。

爲美自賢人而降孰能自免於過咎也哉。珠玉不以瑕類而不珎。髦彥不以過失而不用。齊桓不以射鉤而致嫌。故能成九合之功。秦穆不以一青而掩德。故能復三敗之辱。管仲論鮑叔牙不可屬國曰。聞人之過。終身不忘而已。陛下英聖統天。威莊肅物。好善旣切。記過亦深。一抵譴責之中。永居嫌忌之地。夫天下人士。獲登朝班。脩身勵行。聚學樹官。非數十年。勢不能致。而以一言忤犯。一事過差。遂從棄捐。沒世不復。則人才不能不乏。風俗不能不衰。所謂嫉惡太甚。其患四也。臣聞君子約言。小人先言。故訥訥寡言者未

必愚。喋喋利口者未必智。鄙樸忤旨者未必悖。承順
愜意者未必忠。故明主不以辭盡人。不以意選士。凡
制爵祿與衆共之。先論其材。乃授以職。所舉必試之
以事。所言必考之於成。然後僞妄不行。貞實在位。如
或好善而不擇所用。悅言而不驗所行。進退隨愛憎
之情。離合繫異同之趣。是猶捨繩墨而意裁曲直。棄
權衡而手揣重輕。雖甚精微。不無謬誤。所謂程式乖
方。其患五也。天之生物爲用。罕兼性有所長。必有所
短。材有所合。必有所睽。是以巧梓順輪楠之用。而枉
直無廢材。良御適險易之宜。而駑驥無失性。物旣若

此人亦宜然。苟區別得宜，付授當器，各適其性，各宣其能。及夫合以成功，亦與全材無異。故尚書序堯舜之美，自禹稷益而下，凡二十二人，所命典司，不踰一職。以能平土播穀，敷教明刑，禮樂興和，蠻夷率服，鳥獸魚鼈亦罔不寧。蓋繇舉任得人，鑒擇惟審，不求責於方分之外，不沮撓於局守之內，是以事極其理，人盡其材。君垂拱而仰成，臣協恭而濟美，功焯當代，名施無窮。及其升降任情，首末異趣，使人不量其器，與人不繇其誠，以一言稱愜爲能，而不扶虛實，以一事違忤爲咎，而不考忠邪。其稱愜則付任逾涯，不思其

力之不及。其違忤。則責望過當。不恕其才之不能。是以職無成功。人無定分。此所謂取捨違理。其患六也。夫覈才取吏。約之三術。拔擢以旌異能。黜罷以糾失職。序進以謹官常而已。故高課者驟升。無庸者亟退。其餘績非出類。守不敗官。則循以常資。約之定限。以能殊才不滯。庶品有倫。今內外羣官。考深合轉。陛下或言其已有次第。須且暫留。或謂其未著功勞。何用數改。是以循默者既無聞而不進。著効者有成績而見淹。雖能否或差。而沉滯無別。殊異登延之義。且乖勸勵之方。夫吏之數遷。固非理道。居官過久。亦有弊。

生何者時俗常情樂新厭舊有始有卒其惟聖人始也砥礪之心必切久也因循之意漸萌加以盈無不虧張無不弛蒞職既久寧無咎愆或爲姦吏所持或坐深文所糾偶以一跌盡隳前功故聖人愛才慮事採其英華而使之當其茂暢而獎之不滯人於已成之功不致人於必敗之地是以銳不挫而力不匱官有業而事有終也諸經慮深悉矣元和中天子重相重諫省而留意於任官敕禮部舉人爲官司決罰若曾任州縣小吏卽有辭藝長吏無得舉送違者罷免李吉甫爲上言自天寶來中原宿兵八十餘萬商賈

僧道雜色役不服田畝者。又什之五六。是常以三分勞筋苦骨之人。奉七分坐待衣食之輩也。況今斂財日寡。而授祿滋多。設官有限。而入流無數。九流安得不雜。萬品安得而不繁乎。漢初大郡不過五六十。今天下列郡三百。縣千有四百。以邑設州。以鄉分縣。費廣而制輕。又國家舊章。依品制俸。一品月俸三千餘。職田祿米不過千石。一品以下。給俸料者。計不下萬員。艱難以來。增置使額。厚給俸錢。大曆中。權臣月俸至九千緡。州無大小。刺史皆千緡。有名存職廢。或額去俸存。閑劇之間。厚薄頓異。願下有司詳定州縣可

所者併之入仕之途可停者停之而詳俸給之數則
祿寡易共官寡易治稍減冗食以寬疲甿於是詔段
平仲韋貫之等詳定省冗官八百諸色流外千有四
百員自唐踵隋制以詩賦試士士專於浮文開元中
敕進士以聲韻爲學昧古今而明經專帖誦陋弊自
今明經問大義十條對時務策三道進士試大經十
帖晚益浮薄文宗患之而鄭覃以經術位宰相抑惡
進士屢請罷其科帝曰敦薄淳澆諸科中類有之何
必進士進士科取人二百年矣念何可遽廢詔禮部
歲登第名額無其人不必充武宗時立舉格定國監

及諸道所送士名額各有差而相德裕於進士科稍殺其恩禮帝以爲言德裕對曰臣未嘗登第不當以進士爲非然臣祖天寶末以仕進無他岐黽勉隨計登第自是家不蓄文選益薄其不根

進士舒元興奏書言聖朝脩三

代之教而貢士一門闕然不脩竊以爲有司過矣臣爲童子時讀禮經鄉舉里選然後以弓旌束帛招之心竊信之謂強學待問可也比臣年二十三學文成爲州縣察舉得備貢士之數到闕下月餘待命有司始見貢院懸板立束縛簡約之法日勤磨狀與吏胥等倫臣幸狀書不被駁放得引至尚書試試之日見八百人盡手携脂燭水炭泊朝哺餐器肩荷手提爲吏胥縱慢呼名氏試者突入棘園重重乃分坐廡下寒餘雪飛單席在地嗚呼唐虞闢門三代貢士未有如此其慢易者也臣見今之天下貢士既如此有司待之又如此乃益大不信古聖人之言及觀今之甲

科固不輕矣。凡將爲公侯卿相者，非賢人君子不可也。而有司坐舉子於寒廡冷地，比僕隸已下，非所以徵賢之意也。施棘圍以截遞，是疑之以賊姦徒黨，非所以示忠直之節也。試甲賦律詩，是待之以雕蟲微藝，非所以觀人文化成之道也。臣恐賢人君子遠去，不肯污辱爲陛下用矣。今四方貢珠玉金銀，有司以篋筐皮幣承之，貢賢才俊乂，有司以單席冷地承之，是彰陛下輕賢才而重珠玉也。賢才耻之，臣亦耻之。臣又見禮部格下天下言察士當訪行實無頗邪然後貢，不如格罪舉主。臣初見心賀，以謂三代之風必作於今日。及格下而法設無藝，朋黨譁然，扇突則又惡用格爲哉。又於令格中程人數，歲多者不出三十，少不滿二十，此又非天子納士之心也。今日月出沒，皆陛下內地，自漸海流沙朔南，周環綿億萬千里，其間異氣所鍾，生英豪俊彥爲不少矣。陛下明詔必以禮舉之，忽一歲之內，有百數元凱楊馬之才德者而來，有司必曰：吾格取二十而黜八十，是爲求賢耶？遺賢耶？有司以僕隸視之，忽一歲之內，貢才德來者無十數輩，則有司必曰：吾拔二十，謬收其半，用充人數。

是爲取才耶。取合格耶。向之數事。臣久爲陛下疾有司不供職。使聖朝取士首科。委於地也。陛下詔有司按三代故事。明脩格文。使入貢者皆茂行實。不拘人數。其不茂行實者罪之。此謂澄源。源既清。則來者皆向方矣。俾有司加嚴禮待之。舉六藝試之。試之時。免自磨荷。廊廡之下。特設茵榻。陳爐火。脂燭。設朝脯飯。饌則人人知。天子重賢獎士之道。勝氣塗湧。如此士之立身。無不繇正。以成者爲士正。則公卿正。公卿正而天下不治者。未之有也。苟不如此。則士之求名。無不繇邪。以成者爲士邪。未有公卿不和者。公卿邪而天下可治。亦未之有也。陛下無以臣職在貢士中。疑臣自爲臣。雖不敏。竊窺太常一第。今日貢士之體事。便辟巧佞。馳騫閭鍵。不足爲難。不得則納屣而去。蹤踪巢繇。以樂陛下熙熙之化。何往而無泉石之快哉。伏惟陛下留神獨聽。天下之幸也。於臣何有焉。而是時杜岐公佑原本弊。始著論言昔之論選舉者。或云官繁人困。要在省吏。或云等級猥多。患於速進。或云守宰之職。所擇殊輕。或

所以失也。蓋昔秦法唯耕與戰。始得入官。漢有賢良方正孝悌力田之科。而常歲郡國以丁口率二十萬而貢一人。約當時推薦天下。僅以百數。則考精擇審。固其勢也。我唐開元天寶歲貢舉。輒數千人。而門資武功伎藝胥吏雜流入仕者。又不可勝記。比於漢代。增數十百倍。安得不重設等級。猥立選限以抑之乎。秦氏列郡四十。兩漢列國百餘。太守入爲公卿。郎官出宰縣邑。皆得便宜從事。濶畧苛文。惟責成效。寄委既重。酬獎亦崇。今之郡符三百五十。州縣遞降。倍復

八九而職司利病。不得自專。八使十連。動相稟覆。地卑體薄。勢下任輕。誠徒勞而難功。冀超擢以速化。常情進趣。共慕榮達。又何暇淹留著績爲乎。後魏崔亮爲吏部尚書。人無賢愚。以停解日月爲斷。魏之失才。實從亮始。隋文盜有天下。不欲權分州郡。內外一命。畢歸吏部。使執政參吏部之職。吏部總州郡之權。夫以萬里封域。九流叢湊。而掄才授職。一仰吏曹。以俄頃之周旋。定才行之優劣。故尊賢之道。先於文華。辨論之方。止於書判。靡然猥雜。銓綜無紀。故閱經籍。爲到爰。數詞司乎射。置資資之格。立數選之制。歷列

示其定限。平。酌。絕其踰。沮。不。沮。其。源。召。濟。其。未。求。其。
無失。不亦難乎。夫爲國之本。資乎人。昨。人之利害。繫。
乎官政。欲求治理。在久其任。欲久其任。在少等級。欲。
少等級。在精選擇。欲精選擇。在人重土著。而各反於。
本土。寡而農工商衆。始可以省吏員。安黎庶矣。宋承。
五季之亂。文教蕩然。人不知問學。不願仕宦。爲吏。太。
祖置賢良方正直言極諫。若經學優深。有師法。詳閑。
吏理。達教化。凡三科。不限資。見任官及草澤。並得充。
而郡縣無應令者。已。又許士得詣闕自薦。而應三科。
舉者。歲惟止二人。對制策。又不稱濶疏。賜酒饌。勞遣。

之於是詔諸州察孝弟力田。奇才異行。若文武材幹。可任使者。具送闕。凡七百四人。召試無可采。自陳習武韜。帝怒曰。是宜隸兵。皆號呼求免。乃得謝罷去。詔劾所部官。不審舉濫冒罪之。蓋一時風氣椎樸。至於此。於是始復重科舉。科制大都因唐。而進士科亦特

重。

設進士九經五經開元禮三史三禮三傳學究明經明法諸科皆秋取解額春集禮部考及第者榜

名尚書省凡士應舉始集令什伍相保毋得有大逆人總麻而上親及諸不孝不悌若工商異類僧道歸俗之倫意以坊始進凡就試奸私發覺者立黜知貢舉官將赴院臺閣近臣毋得有薦引既徹棘及第人毋得詣知舉官
稱門生爲阿私已又定諸州貢舉條法及殿最之式

而川蜀道所貢士今係次主量賣食以示憂

擢進士及第者十八而學士穀子兩在選中帝曰
穀不能訓子。邠安得登第。命中書覆試。且下詔言造
士之選。匪樹私恩。世祿之家。宜敦素業。繼自今關食
祿之家得舉者。悉以聞。中書覆試。其後翰林學士昉
知貢舉。而入第人武濟川者。入對陋。召問語失次。帝
怪問。已知爲昉鄉人也。黜之。而親覆試諸進士終場
下第者數十人。賜及第。昉坐絀。蓋進士廷試始於此。
其入選法。有貢舉。有奏蔭。有攝署。有流外。有從軍。凡
五等。而其選人注官。自京府留守。節度觀察判官。下
至今錄簿尉。凡七等。進士入望州判司。次畿縣簿尉。
九經入緊州望縣。五經三禮通。

禮三傳三史明法入上州緊縣學究有出身人入中州上縣太廟齋郎入下州中縣郊社齋郎試銜無出身人入下州中下縣諸司入流人入下州下縣凡非科第及特旨者年二十五方注官。內外官不署本職以差遣爲資歷。文臣少卿監而上。中書主之。京朝官則審官院主之。武臣刺史副率而上。內職樞密院主之。使臣三班院主之。其後分典選爲四曹。文選爲審官東院。爲流內銓。武選爲審官西院。爲三班院。而中書有堂選。郡縣有奏舉。不皆隸於有司。內外小職猶聽長吏奏辟而頗重舉官。是時天子懲方鎮擅官之弊。藩郡闕輒遣京朝官權知。置通判諸州各一人。詔於幕職及州縣官任職者舉充。又詔翰林

學士竇儼等四十二人舉才堪通判者各一人已又
詔諸州官負闕毋得以攝官蒞事以闕上有司選注
是時令選人到京者卽赴集不必限四時及成次甲
乃選又給限南曹八日銓司旬有五月門下省七日
自磨勘注擬及點較謝辭毋得踰一月其別論課
績或負過名須考驗行如法後復四時選如故已
帝念銓衡憑資歷而英才沉困也詔吏曹署人才可
副升擢者途中書引驗拔擢之已又念嶺表民久困
於苛政思惠養令吏部銓自荆襄以南州縣選見任
見力壯有幹理者判嶺南諸州得携家之官其後命
參政盧多遜正選法違複補闕漏定經式而銓綜益
有叙矣先是常參官沿五代舊制各以曹務閑劇爲

月限歲滿叙遷。無以綜名實。乃詔審官院課中外職事官。通磨勘。非勞績不遷秩。後立法。文臣五年。武臣七年。無贓私罪。乃得遷。其七階選人。第資歷。無過犯。有年勞。爲循資遷。又詔言吏員猥多。難以求治。俸祿鮮薄。何以責廉。令諸州縣以戶口爲率。減其員。俸月增給五千已。詔縣令佐有能招携勸課。致蕃庶。增利課者。減一選進階。時教坊使衛德仁。援同光故事。求領郡。帝曰。伶人爲刺史。自莊宗失政。奈何效之。擬上州司馬。曰。亦不可。州上佐資望甚優。乃士流所處。奈何乎。授之。彼伶人第當於樂部中遷轉耳。蓋貞元名

器如此太宗時天下稍益習文事而天子好文欲大興文治振滯淹謂侍臣曰朕欲博求俊彥於制科非敢望拔十得五但得一二焉可矣又謂侍臣曰朕親試多士殆忘饑渴每召見臨問觀其才拔用庶野無遺賢先是太祖幸洛陽洛人張齊賢以布衣獻策條十事中四說稱旨見召問而齊賢執所陳皆善中陳取太原復幽薊帝陽諱言之齊賢不解也因忤意罷去及還都謂帝曰我幸西都得一士曰張齊賢宰相才也我不欲官之以遺汝爲異日輔矣及帝卽位首設科齊賢在試中顧不得第命覆試於是并呂蒙正

以下。金賜及策。賜宴袍笏。賜詩。賜禮記儒行篇。命各
以優等授官。而進士恩禮之重始於此。其後每舉多
覆試。而閱貢籍十舉以上。百有六人。哀其困頓久終
遐棄老死。以特恩賜出身。曰特奏名。考較詳而推恩
廣。於是文學士烝烝嚮於用。然制亦少濫溢。士習因

稍靡。遂浸汰於文焉。

太平興國初。試士首以訓練將
命賦。主聖臣賢。命詩題。示參用。

文武之意。初試得呂蒙正以下百有九人。覆試諸科
得二百人。皆賜策。又按貢籍。得十舉以上。至十五舉
百八十餘人。金賜出身。九經三傳七人。不中格。憐其
老。亦賜同出身。凡五百人。皆賜袍笏。錫宴。帝自爲詩
一章。賜之。甲乙第進士。及九經皆授官。將作監丞大理
評事。通判諸州。餘亦優等授官。八年。進士諸科始試
律義。十道進士免帖經。明年。惟諸科試律。進士復帖

累日宰相屢請歸有司乃命官淳化三年諸道貢士
凡萬七千餘人先是有擊登聞鼓訴較試不公者故
知貢舉蘇易簡命糊名詔刻禮記儒行篇賜進士咸
平三年親試陳堯咨等百四十人特奏名九百餘人
有晉天福中預貢者又賜河北進士諸科三百五十
人第其下第願試武藝及量才錄用者又五百餘人
賜金錢慰遣景德中定廷試考第爲五等上二等曰
及第三等曰出身四等曰同進士
出身餘如舊八年始制謄錄院易書

勘司審官院掌京朝官考課院掌幕職州縣官廢差
遣院令審官總之當是時選注者往往得引對親罷
又時親臨軒注選嘗自書戒諭言勤政愛民奉法除
姦方可書勞績而除姦之要在乎奉法摹賜之已念
有司批書印曆多闕畧一漏失將殿遷降資也制自

今職事官。依州縣給南曹曆子。天下知州通判京朝官。釐務於外者。給御前印紙。令書課上。而遣官行郡縣。廉官吏不勝任者。覺免。詔轉運使統領郡國考第所部官爲三等。察舉之。

以政績尤異爲上。職務粗理爲中。臨事弛慢蒞官無狀爲下。

舉官不稱者連坐。自首者免。嘗謂宰相曰。日朕欲擇河北一轉運使。閱班簿多不詳操履。朕何自悉知。今後臣僚授任。盡詳具履歷狀。乃引對。庶幾朕漸得諳識。考觀其行能。益精慎如此。真宗承先制不改。而申舉官自代之法。每官闕。以見舉多者量授。授官者具表讓一人自代。方入謝。在外者限三月具表附

聞又著令自翰林學士以下常參官歲各舉外任京
朝官之班。使臣幕職州縣官一人著其治行及所宜
任。閤門御史臺歲終會其數。如無舉狀。卽具奏致罰。
而京朝官磨勘必引對。乃進秩。選人須三任六考有
奏薦功賞。乃得遷。無功薦有知縣供奉殿直至四十
年不遷者。至道中缺官至千七百人。仁宗性至仁恕。
尤矜惻下吏。命銓法選人有私罪放磨勘。近臣門謝。
後至者與引對。放班侍從失儀者。毋遽以爲負。每銓
注引見。率常至盱食。中書請如故事。引見毋過數人。
不許州縣卑秩。長吏毋得摺據細故。文致之於法。束

鹿尉王得說。歷官考多最。而無保任者。特擢爲大理丞。嘉祐中。下詔言古之治世牧民者多稱職而百姓安。今求材之路廣。責課之法詳。而吏多失職。則任官非其道故也。今智能材力任官之吏。雖欲興利除害。禁奸勸善。非假以歲月。亦無以終厥功。其令本路若州。察清白不擾政迹尤異者。具實保任聞。中書門下訪實許再任。慶曆中。宋興六十有餘年矣。天下承平久。進士額已廣。士日驚於浮文。磨勘法用而銓壅大。臣任子恩彌濫。天子優游寬容。賢不肖並進。而國費日不給。范文正公仲淹參大政。條上言堯舜之明建。

官惟百然且九載一考稽幽明爲黜陟誠慎之也。祖
宗朝百官無磨勘之例。惟政能可旌者。以不次擢。其
居職無卓然理効者。卽老其職不遷。故人自勵以赴
功。今文資三年武職五年。不限內外。不問勞逸。輒磨
勘序遷。雖其猥鄙而卿監丞郎固可坐而至也。此豈
黜幽陟明之意哉。在京百司典金穀浩穰者。類爲權
勢子弟所據。每一員闕。爭覲者數人。其外任京朝官。
私居待次。動踰年歲。比初到職。則已復當磨勘矣。縱
無勤効。例蒙序遷。此則人人因循不自奮之繇也。請
自今二府臣僚有大功善。加爵命爲特恩。自餘不許。

非時進秩。其京朝官臺省館閣而下。有高才異能奇畧嘉謨。爲上著信。及外任以善政聞者。自以特恩改擢。自餘須在職三年。始與磨勘。任內有公私罪。磨勘日具請上裁。其武臣磨勘年限。委樞密院。比文資定奪以聞。上明條黜陟古公卿以德任官。士世祿不世官。春秋譏世卿。不以天官私非人也。祖宗朝任子法。臺省六品諸司五品以上。登朝歷兩任滿。乃聽。則猶有限度也。自祥符中。天子以世隆平。嘉與臣下同其大慶。許大臣任子歲一人。遂沿不改。至有任學士以上官。經二十年。而一家兄弟子孫京官多至二十人。蓋監

極此矣。今百姓貧困，糾體實難。審官院至無闕可補。請自今兩府遇國大慶，許任一子。餘不得陳乞。其非時賜爲特恩，不爲比。諸轉運使邊任文臣，並候任三年無闕方聽。庶幾古爲官擇人之意。上條抑僥倖古鄉大夫州長間師之職，各教其所治民。三年大比，則考其德行道藝而獻其賢者能者。今國家以辭賦取士，以墨義取諸科士，皆捨大方而趨小道。雖濬濟盈庭，而才識學行之士十無一二。則取之非術，而教之非其路也。今請立州郡學，舉通經有道之士專教授，俾務於興行明理義，使人不溺於華辭。又外郡解發不

求履行。惟采詞藻。加用彌封。不見姓字。於鄉里舉選之意蕩然。夫士脩於家而壞於天子之庭者有之。未有不脩於家而不壞於天子之庭者也。今請外郡科解。必履行無玷。藝業及等者。方許解薦。更不彌封。試卷其南省考試之人。已經本鄉詢考。方用彌封。右條精貢舉。今刺史縣令古之諸侯。百姓之舒慘休戚繫焉。故

歷代盛時。靡不重之。令獨累資考以授。懦弱者多縱吏以蠹民。強幹者每近名而賊物。國本殘矣。今請中書先精選諸路轉運使。提點刑獄。若大藩知州。次委

兩制三司御史臺。若諸路監司。舉知州通判。知州通

判各舉堪縣令者以聞必舉主多者乃從中選授庶

刺史縣令不至罔濫。右擇官長古養賢以及萬民國初承

五代之亂制祿未有定真宗皇帝曠然德念復前代

職田之制而增復未均夫百官重內而輕外古患之

矣臣請兩府同計盡外官職田有不均者均之不給

者給之使有退食之休無交謫之患然後可責其廉

隅令安於職業政善民安而英俊樂用將來遷擢得

多經郡縣之人深悉民隱明於治要。右均職田下近臣議

於是學士宋祁等上議言教不本於學較士不察於

鄉里則不能以覈名實有司束以聲病學者驚於記

誦則不足以盡人才。誠使士皆土著而教之于學。州縣得察其履行。黜其浮薄者不得進。則士習端而好脩。致治之本也。於是詔州縣立學。須在學三百日。乃聽預鄉試。三場先策次論次詩賦通考爲去取而罷墨義士通經學願對大義者試十道而天子方倚毗仲淹。所白請皆著令。已復寢不行。學士張方平知貢舉。爲上言。文章之變與政通。今設科選士以文辭者。誠以謂其懷道義於中。而英華外溢。叩其外而中藏之所蘊可質也。言而不度。將何觀焉。邇文格日失其舊。各出新意以相勝。朝廷屢下書戒敕。而學者罕能自還。今試或八百字。論或千餘字。策或

置所問而妄肆臆。臆駭浮薄。用虧雅俗。非取賢劍才。簡治之意。諸習新體。澶漫不式者。請申前詔從事。而士益相習爲奇僻。鈎章棘句。浸失渾淪。學士歐陽脩知貢舉。大患之。痛裁抑。重渾厚之文。請寬期日。試士。試先策。擇其蕪鄙不通者罷去。留者就試。已乃定其去留。庶鈔畧剽襲之弊。可盡汰。而司考較者。役力少而易精。然議亦寢淫其末。不復反於本。至以爲科場之制。未盡復古。而無情如造化。至公如權衡。爲祖宗不可易之制。何言之闕也。其後帝御邇英。講周禮三年。大比。州里贊鄉大夫廢典。喟然曰。古選士如此。

今率四五歲一下詔。故士有抑而不得進者。令裁其數。而屢舉之。則何如下。有司議有司言。數舉則無滯才。人少則易簡察。而鮮僞濫。又令寒苦藝學者得自進。臣等愚所不及。請間歲一貢舉。如詔書。於是進士諸科減解額之半。增明經科。意寢寢重經術矣。已下詔。言朕開數路以詳延天下之士。而制科獨罷不設。謂俊異何其復制科。使兩制官各舉京朝官。素孝廉有節行者。以充諫官論糾。已令上素所藝業於有司。較合格乃試。重茂異如此。賢良方正能直言極諫科。博通墳典明於教化科。才識兼茂明於體用科。詳明史理。可使從政科。識洞韜

科以待布衣之被舉者。時蘇軾韓兄象應制舉策策攻
上身及後宮語悻直考官胡宿欲黜之帝曰以直言
策人而以直棄之人其謂朕何命優與轉官退入宮
喜太息曰朕今日爲子孫得二宰相蓋帝度如此先
是用人主資格而望實高懋者曾不得自振拔也寇
萊公準主吏銓進擢惟其人吏持例簿進準曰誠用
例一胥吏足矣烏用我爲蓋主用望實其後呂司徒
夷簡既柄國進用多所私范司諫仲淹進百官圖指
其次第言於帝曰如此爲序遷如此爲不次如此則
公如此則私凡進退近臣超格者不當全委之宰相

則知不揆內心而苟以法議政是非者皆偏指不參
平者也吏部銓格故苦繁典銓者患莫能辯知而吏
得因緣爲奸利杜祁公衍判流內銓既視事命諸曹
悉各具銓格以白毋有隱明日其得其本末躬平注
吏一不得預而稱平衍始視事選者三人爭一闕以
不能爭注他闕數日吏教丙訟甲有他負不當得因
奪之衍悟爲所賣召與乙乙謝得他闕不願也衍不
得已與丙既而笑曰此非吏罪乃吾未諳銓法故耳
故有是命既具上召吏問盡此乎曰盡矣因精閱其
得其本末明日禁諸吏各
坐曹治文書禁毋得升堂是時諫官孫洙上書言今
賢才之佚於下資格拘之也職業之廢於官資格牽

之也士人寡廉鮮耻爭於資格也民之困於書政暴

吏循資格之人衆也。萬事所以訛弊百吏所以廢弛。法制所以頽爛潰決而莫救。皆資格之病也。今小人累日以取貴。士君子側身而困卑位。才足堪其任。以拘於歲月限之矣。德不稱其位。以累歷資考得之矣。故爵不考德。職不度能。祿不責實。宜大蠲弊法。簡異能。以才功爲先後。毋專於資考。深久爲斷。言痛深如此。則知資與望當因其時。因其人而推移之於法。法固不可專也。治平中。議者以間歲貢士法不便。使士奔走道路無休息。而不得游意於學。詔三歲一貢舉。定天下解額。取未行間歲法前四之三。爲率明經諸

科毋過貢士之數。時舉官限負。歲終監司守得舉官者。務苟克其數。以樹恩。卽不充。人人以爲遺已而怨。故待次者益冗。於是始限監司守奏舉之數。熙寧中王荊公安石旣柄國。厭唐詩賦取士之陋。欲一之於經術。乃上言。今人材鮮少。以天下之言學術者不一異端紛然。莫有承聽。此病在朝廷不能一道德以同俗也。欲一道德。在脩學校。欲脩學校。在審貢舉。而貢舉之法。不可以不變。今議者言進士科多得士。非其科法善也。世以科目進士。士外此無繇進。故其中豈容無忠良正直之賢。苟卽此而謂科法之已善。則未

也。士少壯時正當講求天下之義理。以經世。乃閉門學作詩賦。縻日月於空言。及其入官。於世務了無諳解。此科法敗壞人才。致不如古也。於是罷明經諸科。而進士科罷詩賦。各占治詩書易周禮禮記一經。兼以論語孟子。每試四場。初大經。次兼經。大義十道。次論一首。次策三道。禮部試增二道。中書撰義式頒行。爲經義取士之始。視詩賦稍近實。主理義。而舉士不於鄉。不先於士行。士終祿利爲心。莫能反於本也。初兩府始入得舉官。帝曰。薦士不考才。而以輔臣故得進。無謂也。命罷之。已又罷內外舉官。歸吏部審官院。

選調已。又詔川陝福建廣南官。迎送勞苦。聽轉運司
立格就注。免赴選。而吏曹言。選法遠近迭居。而四路
人許連任本路。令自便。傷偏濫。相安石曰。選人之分
遠近者。所以均勞逸也。中州人不願遠適。四路人樂
近家。就用之。卽兩得所欲。庸何傷。况省吏卒將故迎
新諸浮費。顧不益耶。吏曹又言。今蜀人在仕籍者特
衆。令自郡守而下。皆得就差。一郡之官。土人太半。僚
丞吏民。皆其鄉里。難於徇公。易爲合黨。請收守令闕
歸之朝。而他官量立限。兼用其土之人。庶可經遠。奏
上。法不爲改。但嚴是利司互察之科。然安石本主急。

好人佞已而諸新進生喜事者驟登顯要握權重置
宮觀處老成耆舊俾不通用捨倒置法詳善終不能
自行也况猶未乎元祐初司馬文正公光既柄國慨
然欲盡官天下之材乃疏言臣惟爲政之要莫先得
人百官稱職則萬事成理臣蒙甄擢備位謹選百官
乃其職業而知術短淺見聞褊狹知人之難聖哲所
病。寔宇至廣俊彥如林或以恬退滯淹或以孤寒遺
逸被褐懷王豈能周知苟專引知識則嫌於私比難
服衆心若止循資序則官非其人何以致理莫若使
在位達官人舉所知然後克協至公而野無遺賢請

自今設十科以舉士。一曰行義純固。可為師表科。有官

無官人皆可舉。二曰節操方正。可備獻納科。有官人三曰智勇

過人。可備將帥科。舉文武有官人四曰公正聰明。可備監司

科。知州以五曰經術精通。可備講讀科。六曰學問該

博。可備顧問科。七曰文章典麗。可備著作科。以上有官無官

金八曰善聽獄訟。盡得情實科。九曰善治財賦公私

俱便科。十曰練習法令。能斷請讞科。俱舉有官人許廷臣

歲於十科中。舉三人以克。後不如所舉。結與同罪。其

舉章中書省存錄。遇本科職任有闕。則執政驗實補

克。而議舉主徇私保舉之罰。蓋始復舉官。已又言取

士之道當先德行。後文學。就文學言。經術又當先於辭采。神宗專用經義論策取士。復先王令典。此百世不易之法。但王安石不當以其一家私學。盡廢前聞而錮之。至於律令。乃當官所須。使爲士者。果能知道術。明理義。自於法意冥合。制刑于衷。何必置明法一科。使習爲刻薄。非所以長育人材。敦厚風俗也。乃立經義詩賦兩科。進士於易詩書周禮禮記春秋內聽。習一經。初試經。次試賦。試詩。次論策。末試子史時務。凡專經進士。須兼習兩經。以四場通科其高下。復詩賦又請升朝官。歲各薦州郡經明行脩士一人。以聞其

預薦者。不試州郡。禮部試不第。准特奏名。得廷試出身。其登第者。得升甲。風天下以敦士行。不專於文辭。後不稱舉者。連坐。則舉者自不敢妄舉。而士居鄉居家。立身行己。懼玷缺。不敢不謹。所謂不言之教。不肅之嚴也。然詩賦以罷廢。初復。士喜新艷。爭誦習。而經學愈濶。疏於異時。先是制重館閣。不輕授舉高第任官。及大臣薦舉。乃試授名。華重。後稍失擇。右正言劉安世。建白言。祖宗之待館職。至重矣。儲之於禁密右地。飭勵其名節。博之以古今典籍。開益其聰明。優其稟氣。而不責之吏事。所以滋長德器。育成其輔弼之

具也。近歲資途龐雜，未輒訖而擡授之徒，開門非祖宗之意。望明詔執政，詳求文學行誼，可長育者召試，以克毋濫及非人。知貢舉蘇軾、孔文仲言：臣竊見前後特奏名命官者幾千人矣，皆垂老無他望，布列州縣，惟務黷貨，未嘗有一人焉。思自奮勵，有聞於時者也。而殘民敗官，至不可勝數。議者徒欲以廣恩，不知吏部以有限之官，待無窮之吏；戶部以有限之財，祿無用之人。一人蒙其利，而百姓被其害，非臣之所知也。願更加考選，取其中有問學者，聽除官補文學。長史之闕，仍限名額，毋使積弊增重，皆從之。當是時，

法紀釐秩。稱一治而紹聖崇寧盡焚燬以快忿。而其
時達官貴胄多得第。上書獻賦頌者。又得第。最後大
闈梁師成寵幸。諸隸其家爲使臣小吏者。畢得第。蕪
濫至甚。乃猶以科法通經學古。抑史學。廢詩賦爲造
士太方也。豈不謬哉。當是時銓選法壞盡。其特授特
轉者。皆無事狀可名。而羣姦依寵鬻官。請求皆有定
價。不三五年。選人有至正郎。負外郎者。蔡京拔從官。
不循軌法。一言合意。卽日持橐。又優堂吏至中奉大
夫。或換防禦觀察使。任子益濫。郊恩奏補。選人改官。
見熙豐不啻音之後。以事與政。民人金設皆導甫文。

武官又優復戶役無科輸而民困國弊矣建炎兵興
天子務舉異材已大難詔中外有文武材略或淹布
衣沉下僚者命侍從監司郡守博舉聞州縣敦遣赴
行在又詔有忠信寬博可使絕域智勇能將萬衆者
聽詣登聞鼓院自陳又命庶僚各舉內外官及遺逸
才堪輔佐立駿功者可任臺諫州郡者實畱意於舉
官而高宗爲康王時帥河北見州縣官以三年爲任
一年立威信二年守規矩三年則務收人心爲去計
而久任之議興焉已薦舉法久益弊孝宗喟嘆言薦
舉欲得人而干請長奔競滋弊也相茂良曰三代良

法亦不免於弊。今欲精選監司郡守。非薦舉無自知。帝曰。雜舉則衆論久而定。經中書考察。則除授精。亦遴選之道。於是裁減內外薦舉。改官數有差。而詔爲縣令者。必爲丞簿。爲郡守者。必爲通判。爲監司者。必爲軍。爲郡守縣令郎官。不歷外任者。無得除授。爲著令。時天子留意考課陟黜之法。乃非久而弊。帝諭輔臣曰。考課欲明臧否。而司考者。以喜怒行之。是滋弊也。自今當精擇監司。而以臺諫舉察如故。善。故夫法聖王之所不能詳也。始汴宋重舉官連坐之令。而蘇學

士試著論。言知人之難。自堯舜病之矣。天下之人。士

方未達莫不勉旃。強善以才舉。惟官成而無憂。乃始
蕩然。方其在州縣時。長吏親見其廉勤敏幹之節。勢
不能以不舉。迨乎十年之後。少者已壯。壯者已老。而
猶執一時之舉。使同其罰。是責人以其所必不能也。
不已過乎。且一縣之長。察一縣之屬。一郡之長。察一
郡之屬。職司之長。各察其所司之屬。此其人無幾。其
貪廉寬猛。能不能。不可謂不知也。譬之牧牛羊者。而
不知其肥瘠。亦無爲牧人矣。今官屬有罪。其長不卽
以聞。事發。不過爲失察。而去官者。復不坐。夫失察微
罪也。職司各察其屬。非人所不能。而罰之甚輕。此何

說也。夫居官者莫不愛其同類而長其同道。賊吏詐廉以求舉。舉者皆王公貴人下者乃卿大夫。故樹根固而不可動。動之則當坐者常七八人。多者十餘人。此如盜賊多質良民以求免也。爲法之弊至於此亦可變矣。臣愚以爲請以職司守令之罪罪舉官。以舉官之罪罪職司守令。而貪吏小人無容足之地矣。又言今之議者曰。多資考而責以舉官之及格。彼將強勉於自力。臣以爲資考足而舉官之數及格。彼又將執文法而取必於我。則病也。計今之便莫若使吏六考而上。皆以名聞于吏部。吏部以資考之遠近。舉

官之衆寡而差次之。天子使一二大臣品其才器之優劣而爲之等。歲終奏之。以詔廢置。使其予奪常出於賢不肖之間。而不拘於法。然後天下之吏不敢有必得之心。爭奮厲自淬以求聞於上。如必曰人不可必信也。吾任法而不任人。則夫一定之法。臣未知其果不可以爲姦也。又近歲來。吏多而闕少。率一人官而三人共之。居者一人。去者一人。而守者又一人。是一官常二人爲無事而食也。且蒞官之日淺。而閒居之日長。以蒞官之所得。爲閒居俯仰之資。故貪吏多而不可禁。此用人之大患也。司馬公有言。自古得人

之盛莫若唐虞之際。然稷降播種。益主山澤。禹爲共
工。龍作納言。契敷五教。皋陶明刑。伯夷典禮。后夔典
樂。皆各占一官。終其身而不易。今羣臣之才。非必諸
人之選。而使之徧居諸人之官。遠者三年。近者數月。
輒復遷代。如此而望職業之脩。功實之成。何可得也。
天下有勤恪之臣。悉心致力以治其職。羣情未洽。績
效未著。在上者疑之。同列者嫉之。在下者怨之。朝廷
以衆言而罰之。則恪勤者靡不解體矣。姦邪之臣。銜
奇以譁衆。養交以賈譽。居官未久。聲聞四達。蓄患積
弊。以貴愛人。而人悅之。朝廷或以衆言而賞之。則

彙刊者靡然爭進矣。所以然者失在於國家。名而不采實。誅文而不誅意。夫以名行賞。天下將驚。名以求功。以文行罰。天下將巧。文以逃罪。此用人之患也。終宋代。每鄉舉。縣令佐察人士有行義者。保任之上州。州覆實上本道。使已保任而有缺行。罪保舉者。其進士科最重。而舉首僅以京散秩判州郡。甲乙科而下。取試邑丞簿尉。令練習民事。無驟登華近者。則百代不可易也。番陽馬端臨之言曰。虞廷載采。九德成。周賓興賢能。惟尚德也。兩漢刺史得專辟舉。魏晉中正甄采行實。抑猶得行能之士焉。自世之衰。以銓曹

署官而所按者資格。於是磨勘小吏得以司升沉之權。以科目取士。而所程者詞章。於是操觚末技。得以階榮進之路。夫其始進也。試之以操觚末技。而專尚乎詞章。其既仕也。付之於磨勘小吏。而專拔其資格。二者又各爲防閑簡扼之法。以相伺。於是選賢與能之意。無復存焉者矣。善乎胡寅之言曰。取士莫善於鄉舉里選。莫不善於程其詞章也。用人莫善於因人任職。莫不善於任非所長也。任官莫善於久居其任。莫不善於轉易無常也。莫善焉者。古皆行之。莫不善焉者。今皆爲之。悲夫。

明興

高皇帝開天治人。惟求賢之爲急。下金陵卽令有司舉
賢才武略之士。得賢者賞。濫舉及蔽賢者罰。已令有
司曰。上世帝王創業用武。以安天下。守成講武。以威
天下。而經綸撫治之寄。則屬之文臣哉。茲設文武二
科。以廣求天下之賢。應文舉者。察言行觀德。考經術
觀業。試書算觀能策經史時務。觀政應武舉者。先試
韜略。次騎射。俱求實效。毋虛文。有司其申勸秀民及
智勇之士。豫及時勉學。以俟舉焉。洪武元年。下求賢
詔曰。向干戈擾攘。疆宇未一。養民致賢之道未講。

也。獨賴一時輔佐之功。匡大業於底定。山林巖穴。念
豈無懷才抱德之賢。何隱而不列也。豈朕政令靡常。
國無法守與。抑刑辟煩重。人懷其居與。抑朕寡昧事
不師古而致然與。不然。賢士大夫。幼學壯行。欲堯舜
君民。豈固其汨沒而已哉。今天下頗定。方將與諸儒
日講明治道。以沃朕心。巖穴之士。能以賢輔朕。以德
濟民者。尚不吾棄。三年。下開科。詔曰。朕特設科舉。
起天下抱才懷德之士。務在經明行脩。博古通今。文
質相副。其中選者。朕將親策於庭。品學識命。官超衆
者。願罷吏中。外文臣。一皆縣科舉。而進非科舉者。不

與六年詔科舉取士終漢文罷不詔今有司察

才先德行次文藝舉用之又諭吏部曰古之帝王

若商高宗若周文王皆皇皇於版築鼓刀之賢豈其

智不足哉以賢才不備不足以爲治也鴻鵠之遠舉

以六翮蛟龍之騰躍以鱗鬣人君之能致治以賢才

爲之輔今山林之士念豈無德行道藝之賢其令有

司採舉禮遣赴京師朕將任用焉十三年吏部奏

明正直孝弟力田賢良方正文學才幹之士至京者

八百六十餘人十五年奏天下徵經明行脩儒士三

千七百餘人又詔天下十七年復科舉法命禮部頒
科舉新式行焉是年冬卽詔各布政司府州縣官

舉秀才人材。必會同境內耆宿長者。訪求德行道藝。著聞州里之人以克。從鄰里保結。命有司驗實。蓋科鴈。並行。十九年。詔郡國舉經明行脩之士。諭禮部

曰。比有司舉士。置耆年宿德不問。而拔少俊。覲後恩大諱也。昔周文用呂尚而興。秦穆違蹇叔而敗。伏生既老。白首傳經。豈可槩以耄老而棄哉。今郡國所舉士。年六十以上者。置翰林。備顧問。六十以下者。於六部及布政按察司官使之。諭尚書曰。吏部名鑑衡之司。言鑑明衡平。卽物之妍媸輕重無遁也。政事先得在吏官。吏官賢否歸吏部。吏部得人。則政理民

又非人則殲官曠職爾等居持衡秉鑑之任務乎
甄辯毋苟克位當是時

天子寤寐英俊以開治統輪旌東帛交馳于四方初定
金陵辟儒士范祖幹葉儀旣至訪道祖幹手大學以
進曰具不出此書克婺州置行中書省召儒士許元
胡翰等日會食其中翰二人講經史治道克處州以
書幣徵宿儒宋濂劉基章溢葉琛以來至入見

上喜甚曰我爲天下屈四先生命有司創禮賢館處焉
晚徵者儒崇德鮑恂上海全思誠安吉余詮高郵張
長年入見年皆七十餘

上喜。命坐。顧問者良久。命爲文華殿大學

士。恂等固辭。

上曰。卿等年固高。朕不欲煩以政。故授今官。以輔導

太子。免早朝。日晏乃後入。不久。且從卿志。庶無負卿

等生平爲鄉里光重。其勿辭。恂等固以辭。乃賜敕

禮遣之。時孝廉人材。及郡縣學所貢士。若富戶耆民

皆得見。見稱。旨。卽擢不次。而國子生奉

命巡列郡。廉官方吏治。問民所疾苦。還稱。旨。卽擢用

爲行省參政僉事知府等官。至有擢僉都御史者。

上嘗幸後苑。見巢鵲。翼子喟然嘆曰。誰無母子。羣臣親

老者聽予告歸養。當是時。優百官俸。賜百官公田。

租復。京官家。賜百官朝服公服。冬衣帶馬。給丁

憂官俸給。尤重慎省府州縣親民官之選。每之任。

召見。賜綺帛路費而遣。已患雜流用爲民害也。命

國子監擇監生通經術者千人。送銓部選州縣官。

賜遺有加。已作到任須知。俾除授者。就銓部領憑訖。

關須知讀。既至官。畫一遵守。毋具文。

上若曰。咨爾志人未官。既入官。厥有受任。應副之事。厥

知者鮮哉。誠沿是綱領。熟復以思。卽諸事立辦。脫厭

怠弗觀省。卽聰敏過人。於績用罔成。夫五經四書。脩

身爲治之道。爾志士業且講習之矣。況此書近易易知。而爲官要幾具在。尚切磋究之。無怠。首祀神曰。祭祀。國之大事。以爲民福也。府州縣歲春祈秋報。有社稷山川風雲雷雨城隍諸壇壝祠。及境內有功德於民。在祀典者。若郡邑厲無主後者。至任日。必先索知諸祀神期日。壇場祠廟各幾所。諸門垣祭器什物。有無完缺。務以時脩飾。副國家事神誠慎之意。次恤孤。曰。王政先惇獨矜寡。今郡國設有養濟院。重民隱。恤孤獨也。而有司爲空文。豈稱朝廷存恤之意。須索知院內孤貧若干人。歲支米若干石。點視給散。

必親無令失所焉。次獄囚曰：刑獄民命所繫，本徇門
見禁罪囚，須究知招擬完者若干。見問若干，其招擬
完者，宜詳審決放。見問者，悉心讞之。諸人禁淹速，事
體輕重，事證明白，若否，咸悉聰明誠愼，期平允折于
衷，毋致冤抑。次田土曰：國家以戶口版籍爲至重，
須究知所屬軍民匠竈僧道醫儒等籍戶若干，官民
田地各若干，官民田夏秋租稅各若干，欸分開揭。上
度支，倘國用次制書曰：國家有詔旨榜敕，
諭下者，定畫一之令，示官民有守也。諸隱恤經制，咸
具析其中。州郡官職在究宣，以明布諭下，須索知有

無存否。務講讀通曉其意。一一施行之。次吏典曰。樣
吏分科按事。視國六曹。能否異而政事之善敗因之。
須索知吏典總若干。分曹司吏典吏各若干。所該司
典。令常居曹理法。而時驗能否勤怠爲勸懲。夫分曹
承管。則事體練習。知首尾易辦。遷調數。則情弊萌生。
那移滋多。其以事故接管者不限。諸監司公文下。若
照行事件。須究知各曹已未結者若干。未結者分事
體急緩輕重先後。未施行者施行。毋稽遲沉匿。次印
信。衙門除本衙門外。須索知所屬有印章衙門凡幾。
庶知所分守。及所理業務。次倉庫。曰。本衙門所有倉

庫儲積須索知見收官民糧若干支起運若干存留
若干其庫收具分豁如目以稽察支用毋致乾沒境
內倉儲場所稅課亦如之次會計曰國家輕費重事
必量入爲出歲徵收漕運若折收各該若干及每歲
官吏師生俸給軍月糧具索知如目而境內出產各
色課程歲收亦如之其有魚湖若金銀場及窰冶須
索知所屬幾所坐落何地歲額辦若干所執工造器
者何等又山海國家之藏資國用而省民租爲繫
尤重諸邊海郡邑須索知煮海場分及竈戶若干工
若干歲辦課若干毋使折閱焉次公廨曰國家設

官司以聽治。諸廨宇用器皆民力從出。須索知堂房
廂宇幾所。公用什物幾件。有缺壞輒補治。愛護使用。
毋重勞吾民。而境內諸鄉有官房舍。仍時理葺焉。一
學較曰。國家建學立師。羣民俊秀子弟培養其中。
所以就成其才德而資任用也。府州縣須各究知所
屬儒學肄業生幾員。以時考試。勸率懲警。其不率者
黜。其建言實封告訐把持者。照榜文事治之。務作養
之成。稱國家善俗育才之意。一 國家重者宿之
設。以高年有行誼上俗習聞典訓。而民所疾苦事難
易得夫。尋各輒也。乃交結官有。故隱差淫。燥短長爲。

深害者蠹已。須審覈。灼知其人。乃舉以充一府州縣官。朝廷所設以宣導風俗者也。而移風易俗。則在於激勸善。良屬境有孝子順孫。義夫節婦。已旌揚者。時存問如令。未旌者。務體訪的實。奏聞旌之。其境內有精通經典。文學優長之儒。及能牧民馭衆。有幹濟才用者。博訪覈實。時造問以自輔。而貢于朝。資任用焉。諸境內士君子。任官在職。年老致仕者。一體具知。一爲政之道。奸慝去。則善良安。而四民有專業。則有常心。卽爲非者鮮已。境內有把持公私事務。說事過錢。教唆起滅詞訟。騙詐良善者。務細審訪籍姓名。

以族犯。其遊手遊食。不務生業者。行邪術左道。燒香
結會。惑人視聽者。不孝不弟。好酒賭博。不顧父母之
養。不遵先賢之教者。咸株訪籍之。懼自改。卽止。犯則
寘之法。謹毋令司典吏徧取勘以擾平民。一本衙門
及所屬。該設祗從禁子弓兵人數。照額設已。須索知
到役日月。毋容留濫設作弊。而境內士人爲宦作非。
罷黜閑住者。幾人。至死罪者幾家。境內以法誅者幾
戶。警迹人若干。咸索知之。右各目具列爲三十一條。
至官日。限各曹司典吏。十日中報。須知如式。其不依
式報。爲繁文。并懸正不報者。以違制論。已下血哭。

官。照須知款式。造文冊并所守地圖。若原領。敕諭
職掌。上之部。聽廢置。部奏黜其不職者。而定留用官
爲三等。其廉能愷悌。治行卓異者。爲上考。召見獎
勵。賜坐宴。其稱職無過。爲中考。宴不坐。有過不稱
職。爲下考。不與宴。屏立。已於事而退。蓋甄別如此。洪
武中。

制敕布政司。理所屬府州縣官。察勤惰。辯廉污。綱舉須
知內事目。申勅施行。其頑慢不法。貪污恬忍者。迹實
奏上。按察司理布政司府州縣屬。務振風紀。汰宿弊。綱

舉須知內事目。條察督之。以肅清一方。儻耳目有所不及。精神有所不至。遺貪官污吏。暴民仍縱者。巡按御史糾治。而府臨州。州臨縣。縣臨里甲。務綱舉如章。已。諭廷臣言。古惟四民。四民中惟士爲最貴。而農爲最勞。士讀書明理道。出爲君用。享天祿故貴。農鷄鳴而起。春耒耨而耕。耕而種。種已而耘。夏冒赤日。悴形神于芟耨。比秋成輸官。於所餘無幾矣。遇水旱荒札。卽舉家受其饑。士入官享祿。委民艱於莫聞。又重侵漁之。亦獨何心。於是命戶部以米計文職官品歲俸給之數。又計田畝歲出穀之數。與農用力多寡。

之數爲之書命之曰酬。會簡要錄頒中外。俾食祿者知所以恤民已。

上謂吏部言。朝廷懸爵祿待天下之士。惟賢是用。何可以資格限也。資格者。獨以爲常流設耳。自今庶官有才能居下位者。不次用。於是召萊州知府修尚書兵部。明州知府文昇尚書工部。是時宜興主簿王復春守公不奉上。

上聞遣吏科庶吉士齎手敕往勞慰。卽擢爲同知新化丞周丹。以進士蒞官。有治行考最。擢考功。新化民誦。

闕願得留。詔復任。禮部宴賞之而遣。當是時。馭下用重典。有藏罪。懷印綬未煖。輒被逮去。非謫戍。卽門誅。羅天下士之制甚設。而不爲君用之法。亦特峻以深。弛張闔闢。以鼓鑄天下人材。一心循法。故人士居職。恒惴惴恐不能奉法恤民。以稱塞指意。竭材力以亮工釐職。材黠者。亦頗工觀望。苟幸塞責。其不願爲材者。至陽瘖爲癩。名他屍以違難。而猶不免也。時一主於用人。諸所定貢舉銓選考課之法。頗參前代之制。而詳擇其中。然不專倚也。制科舉。諸明經宏詞等科。並革存進士一科。與薦舉歲貢爲三途。以並用。三年

大比而廣興之

春舉會試士各專一經皆兼大學中庸

論語孟子四書以爲業初場試四書義三道經四

道次場試論一道

詔誥表內科一道判五條末場策

時務五道

國初士愿樸文粗通得減場中而具錄

三場程式文上之

宣德元年定兩都十二省貴州附

雲南隨地爲取士額有差會試如

數正統額量增而禮部試臨期請旨裁爲定制嘉

靖中許雲貴各開科增湖廣額各其會試中式士

天子御正朝制策策焉又明日

上具皮弁服御正朝文武羣臣具朝服班侍

賜進士及第出身同進士出身各有差臚傳訖羣臣

前拜賀辭曰天開文運賢俊登庸卽六卿宣制無

是也故進士科特重其會試不中式者送國子監肄

業俟又舉屢舉不第以監生資入官歲貢法府州縣

歲各貢其廩生赴禮部試試中補國子生府學歲一

人州學三歲二人縣學二歲一人以食廩先後爲之

次既入官銓選考課一歸之吏曹銓選屬文選考課

屬考功諸選人進士舉人歲貢而外有官生恩生功

生流資外有吏員承差知印書筭篆書譯字諸襍流

各釐其品而銓凡選歲引選六類選亦六遠方選二
朝觀之歲陳選一選之日試策論判若文移引見日
考觀其身言其歲貢選教職者無常期命選庶吉
士會翰林院禮部選御史會都察院而內外官任職
三年給繇曰初考六年再考九年通考部奏請綜其
稱職平常若不職而黜陟之陟無過二等諸京官五
歲五品而下考察其不職者四品上自陳聽去留外
官以人親之歲考察亦如之內外官有劾章考功
品其良不肖贊尚書定去留覆上大自陳下亦如
之京官已亥年考外官辰戌丑未年諸司府州縣官
人觀撫巡二院若監司具在任賢否考語上吏部
部尚書及都御史署考察尚書考功郎吏部給事給
事若御史贊之定去留奏上貪酷者逃者罷為民不
謹若罷軟不勝任勒冠帶閒住老疾致仕其才力不
及者降調有差而留用者部尚書引誥闕六部及
法司各露章劾諸勘合不完鎖怠職之罪旨下姑
宥已申勅而遣而六科
都察院糾官邪吏弊無時

成祖卽立申勅百官於吏部尤諄重畧言朕以取躬續

承大統圖惟求賢以資治理宵旰皇皇急於饑渴其
令內外諸司於羣臣百姓中堪重任而沉滯下僚堪
劇煩而優游散地抱道懷才而隱田野者各舉所知
以名聞毋媚嫉毋蔽賢毋徇私濫舉又諭吏尚書
言銓選當各隨所長才優者治事德厚者牧民各有
稱也有才者不必皆君子有德者不必同小人爾必
戒之已又言吏部選授守令出一時銓注豈必盡才
必精考察然後其賢否可知也其令巡按監察御史
及按察司各精考郡縣吏自蒞官半歲以上貪廉能
否之實以聞時御史出按者至郡邑坐行臺已召

郡邑諸生。及在官人役立詢之。具報上。

上謂尚書義曰。往命御史考察外官。欲任賢退不肖。庶幾民受其惠也。今御史不博詢。惟卽在官數人之言定賢否。論何繇公。吏固有勤職業。必刑罰爲小人所忌惡者矣。亦有貪贓賄。低首下氣。依阿淟澁。爲小人所安利者矣。如以其詆訐而罷退之。以其保留而進用之。黜陟豈有當乎。宜嚴戒飭。務盡公。毋枉毋縱。已用尚書義言。在京文職七品以上。及近侍官。外任五品以上。及縣正官。舉所知五品而下官。及軍民有賢

長。廉。幹。甚。效。民。居。風。憲。者。各。一。人。以。聞。部。驗。實。以。

舉者。舉主連坐。

昭皇帝卽位。首申重舉官之令。謂廷臣曰。君以求賢爲務。臣以薦賢爲忠。人才大小皆有所用。天下之廣。豈無皋夔顏曾之徒。誠得一人。可勝千百。宜悉心訪之。又敕在京七品在外五品以上官。及知縣舉賢才。未計若淹下僚。德性淳篤。行止端方。材能文學。出衆者。覈實薦舉。聽擢用。濫舉若蔽賢者。罰。又敕言朝廷比數下詔求賢。而奉行者徇私。或以賄賂。或以親故。得實材無幾。將政何繇理。民何繇安。其加嚴舉。

主連坐之法。諭尚書義曰。天下治亂繫庶官。唐太

宗書刺史名于屏風。朝夕省覽。有善政疏其下。故庶
官效力。致斗米二錢。外戶不閉。甚盛。

皇考亦嘗書中外官姓名於武英殿南廊。至慎重也。今
府部官。朕朝夕繼見。得詢察其賢否。若各省都布按
三司官。乃旬宣大臣。隆重矣。而朕未親識其人。又不
悉其姓名。卽聞其賢否。又不能省憶。臣工善不
善。而上忘之。於勸戒何有。吏兵二部。其具各都司各
布政司官姓名履歷揭西序。朕得時親覽焉。又諭

尚書言。御史乃朝廷耳目。非老成識治體者不任。

新進小生遽授其職未達於治而擢得爲之權遇事
風生以喜怒爲威福以好惡爲是非甚者貪穢狼籍
賢人君子正直不阿者往往被其陵挫小人阿順從
諛則與爲膠漆於政事得失軍民利病略不省識亦
烏在其爲耳目也爾吏部自今慎遷擢以清風紀已
上以武臣疎於事理而專軍非法也 命選任方面參
政副使等官於各邊參贊軍治章奏督糧儲文臣協
贊提督自此始已 命擇御史行天下察吏治

上臨諭之曰國以民爲本比牧守多貪忍爲尅害民不
聊生故遣爾等分道考察然人材器不同有專爲脂

韋諂媚而失政殃民者矣。有沈靜篤實不善逢迎而簡易得民者矣。有虐刑巧取索而能集事者矣。有廉潔自守而政務不舉者矣。必究實毋惑流言。毋屈勢要。毋私親故。具糾舉聞賜鈔而遣已。命擇國子生有學行者十六人。俾翰林嚴試拔其尤。試六科。尋擢爲給事中。敕文武官有奉公差在途及在任物故者。所在棺斂。津遣之還鄉。毋令失所。有父母年七十以上。無它兄弟侍養。若任遠不能就養者。聽歸養待親終日。起復任。其不得離職願移祿於原籍奉養者。聽職官年七十而止。齊力近不勝壬者。聽致仕。有司

月給米二石。總其文武官非其人。詔被害者。赴司陳告。若詣闕訴。不許擅綁縛。如異時違者罪。詔朝臣歸展省者。官給鈔爲道里祠祭賓客費。蓋恩厚如此。鄭府審理俞建輔言。進賢之路莫重於科舉。邇賓興士。馳騖於空文。真才鮮少。有年未弱冠卽登第入官。雖甚才敏。然於脩己治人之道。固未始辯知也。遽使之從政。必有率意任情。而民受其弊者。請令有司先審訪。博通古今行止端重。年二十五而上。方許入試。比試則務選其文詞典雅。議論切實者。進之會試。加重慎。庶士務實學。而國家得仁賢之用。

上曰善。已與輔臣論科舉之弊也。大學士士奇言。北人文學遠不逮南人。然自古國家兼用南北士。長才大器多出於北方。乃南士往往材而浮。

上曰然。爲將奈何。對曰。試卷例彌封姓名。請自今外書南北二字。如一科百人。南取其六。北取其四。則南北士皆登用矣。

上曰善。北士得進。北方學者亦感發興起。議且定。而仁祖上賓。宣德初。乃奏行著令。

宣宗明聖。以長年嗣位。閱天下治亂之故甚熟。既踐

陛下。下求賢。召出。即製奇策。召急。詩。易。大臣。以

言朕負荷洪業。思得賢才以圖治理。寢食弗忘。間者
敕朝臣三品以上各薦所知。示以漪蘭招隱之作。庶
幾在廷。喻於朕志。乃曠日積月。所舉未聞。豈盡無遺
賢之可舉與。何怠忽不稱也。孔子曰。十室之邑。必有
忠信。况天下之廣。民生之衆乎。吏部申諭三品以上
衆推有才行文學者。畢以聞。又詔曰。君國之道。
保民爲先。當春時和。萬物萌生。而吾軍民曾未盡得
所念。何以荅。

天與

宗基命之意乎。夫布政按察司及府州縣官得人則
政理民安。非人則害被烝庶。而循資陞授。將賢不肖
混淆。吏部移三品以上官保舉。必得廉公端厚。識治
體。能爲國爲民者。以克其各處有文學才行出衆之
士。二司及有司具以聞。後有贓私罪坐舉者。已大
臣奏蘇州等九大郡號劇繁難治。擢郎中况鐘莫愚。
御史何文淵。員外陸本深等。知蘓常溫吉安等府。
上召見宴勞。賜璽書曰。朕孜孜夙夜。保民圖治。而田
里之民。鮮安其生。則守令匪人。恣肆貪刻。或闢冗情。

需。坐見民患。爲家設也。將下青。可自上通。上畢。可錄。

爾繫命宜體朕心以保愛爲務察其休戚均其徭役
興利除害同其好惡使衣食有資禮義有教其毋玩
毋愒毋事苟簡毋爲權勢所脅毋爲奸吏所欺凡公
差官負有違法害民者聽具實奏聞所屬僚吏有
作奸犯科者聽自提問爾等宜奉職循理終始不違
以無負朕委任之意命乘傳行敕吏部天下府
州縣官有能清正忠君愛民政治卓異者具奏其貪
酷壞法爲民所怨苦者逮赴京罪之已

上念京師乃本原地澄清所先而放濁當飭治也問

閣學士學士士奇對曰貪風自永樂季年來有之今為甚

上問何也士奇對曰永樂十五六年後

太宗以多疾不視朝故從官放濫無忌顧

先皇帝知之每欲澄清

上問是時貪孰甚學士榮對曰方賓問今日貪孰甚對

曰莫甚劉觀士奇曰風憲所以警肅百僚憲長貪則

不肖御史效之御史貪則不肖有司皆效之此放濁

所始也

上付御史曰烏乎余惡務本因問廷臣中今誰可使

長憲事者士吉堂曰通政使顧佐嚴公有威其人也
堂任按察使及御史有風采榮曰是爲京尹能令令
必行。

上太息曰顧佐乃能如是居數日出觀巡閱河道又數
日擢佐掌院事下 敕曰都察院爲 朝廷耳目

國家紀綱得人則庶政清平羣僚警肅否則百職怠
弛小人橫恣近年 京師諸司奸弊紛出風憲者不
糾顧與和同卽 國經何賴焉爾剛直廉正簡在朕
心其竭誠盡力毋憚夙夜毋避權要毋枉良善而縱
姦宄其各道御史有廉勤公正老成惇厚者留用不

達政體。貪滯無耻。若犯賊罪者。送吏部降黜。公差給假丁憂者。一體行。其御史缺行。吏部慎選以克。欽哉。於是考察御史不職者二十餘人。削籍。貪滯不法者。謫遼左諸衛克吏。不諳憲體者左遷。老疾免。而觀子輻以脅制諸道。騁私滅公。逮下獄。論死。宥戍邊。觀罷官。隨住。憲臺肅清已。

上御左順門。謂侍臣曰。郡守縣令。國家所寄以安民者也。賢不肖混。則中才之士。無激勸而忘反。吏部職進退百官。乃未聞甄別。何也。於是命推部侍郎出巡無四方。廉吏治。而于謙以御史。擢巡山西。河南。周

忱以長史擢巡南直隸各省專設巡撫自此始時
上重舉官大臣奏舉賢能官者

上爲降辭色慰藉廷臣選悞無舉薦降 敕責而司府

州縣官亦各得舉賢良方正一人上之部後有贓罪

連坐已合 臨御來三科進士 親試文華殿拔其

尤授脩撰編脩評事等官進學 文淵閣優待之

命內閣考在外庶官有文學者六十人拔其良七人

歷事六科而天下郡縣學生員年四十五以上者考

選送國子監令及時進用其官有贓罪卽復職嘗所

得 誥敕畢追奪諸鼓舞人材之意溢然

上嘗與侍臣論前代官制。慨然感唐虞稽古建官惟百。夏商官倍之盛也。輔臣以時世不同對。

上曰。唐虞三代事簡民淳。卽不可上擬。至如唐宗定中。外官七百三十。去古未遠。亦足爲法矣。蓋垂意於省官。輔臣曰。官省則民安。甚善。然必繇君上心清省事而得之。心清則事省。事省而後官可省也。

上曰。善。正統初。議者言府州縣正官專保舉。則恩出於下。宜循洪武永樂初制。令吏部選除閣學士。士奇言。往藩憲二司及府州縣官。不得人爲百姓患苦。以吏部權衡獨擅。聞見不廣。未盡得人而然。

宣宗皇帝敕大臣保舉比多得人間有一二非才自緣
舉主審覈不精亦容徇私而所司不行糾察故也况
所舉官皆吏部審擇具奏得俞旨乃授非上
允不得授恩固上出也昔唐太宗力行仁義
命在京三品以上官舉郡守縣令而天下昇平此其
明效。

宣宗皇帝體

祖宗之心行仁政此其首務邇有京朝官闕冗無藉人
無爲保舉者遂營爲飛言隳良法惟

陛下幸察於是詔保舉如故而嚴舉官連坐之令已

又下 敕言布政司按察司方面官從吏部都察院

考察二司屬從巡按御史按察司考察監察御史有
贓濫從都御史及各道御史糾察按察司官贓濫令
本司同僚官互察而吏部初任注選不得除監察御
史官御史缺京三品以上各舉一人聽吏部精體訪
奏授蓋特重風憲已又 敕牧民官縣令最親必得
人而後民乃安近方面郡守繇保舉率得人潔已奉
公而知縣缺員未舉豈果難其人耶抑爲例拘不舉
耶進士監生皆 國家作養成才待用者何曾是不
省也自今進士觀政一年監生坐監三年以上有學

識者繇吏自入官歷兩考廉慎忠厚愛民者科道官
各保舉聞送吏部銓用已又命在京四品及國子
監翰林院並得舉蓋實重守令已又敕文武官非
舊制濫設在任官罷軟無能若老疾不堪任使及行
止不端者畢汰省毋糜費廩祿已復申古三載考績
三考黜陟之法以九年爲滿中善政著聞者仍舊任
而增秩加官用給事中鮑輝言諸來朝官有廉能愷
悌治行超異者禮部引奏賜勅獎勸賜衣鈔
賜宴于禮部吏部錄功狀俟考滿顯陟高者至九卿
當是時薦敎公諸諸司選任專之天曹故撫巡憲臬

牧守縣令無慮清慎惠和號稱得人而宇內晏清及張太后崩三楊沒而王振用名保舉而進退人材之權實內移於中官當是時卽令吏部銓能自振乎議者不察翕翕訛訛以保舉爲病何言之過也景泰初大臣保舉者多私所親故爲養交甚且受賄囑而不得薦者因缺望爲流言銓部大臣亦頗以銓選權不盡在已也籍籍誹保舉於是御史張子初鍊綱等言御史從大臣保舉而任則大臣有過必鉗口卷舌而不敢言其有請囑必俯首帖耳而不敢異願停之以清弊源下禮部議部是御史言歸部銓已綱復言吏部

選授私舛請復保舉大臣以其議偏反無足賴也覆
上。下制曰朕期方面郡守得人其安養天民令大
臣保舉吏部推選乃彼此相蒙官不得人民其奈何
今後惟布政使按察使缺令三品以上官會舉餘吏
部訪求著爲令。

英廟復辟益明習於政治命吏部擇內外臣僚爲郡守
陞辭日召詣文華殿親諭訓勞給鈔爲道里費
而遣詔處士中有學貫大人才堪經濟隱居尚志
不求聞達者具以聞於是遣行人奉書幣聘臨
川處士吳與弼至京廷見問勞有加禮授春坊左

諭德辭不拜。賜璽書遣行人禮送歸里。近世未有也。而是時。

上留意於三事。大臣六部尚書若都御史缺。召輔臣

密勿簡任。先是正統初。副都御史吳訥言。洪武間京官俸全支。後因營造減折爲著。令祿以寢薄。邇小

官不自給。前廣西道御史劉準。繇進士授官。俸月支

僅米石五斗。不能養母妻女。貸同官俸至三十餘石。

終死不能償。乞下廷議。增京官俸。而國初皂隸

供役。後以俸薄。放寧家。月徵銀一兩。名柴薪錢。宣德

中都御史顧佐持憲嚴。以柴薪事被訐。

上持章密召閣學士士奇謂之曰爾不舉顧佐廉乎
今其事有無士奇對曰有之今朝臣月給俸實支一
石薪炭馬芻咸資於皂勢不得不遣半以歸皂亦樂
輸銀歸耕於官皂均便京師大小臣工皆然卽臣
亦然又自永樂來而然此
仁宗皇帝所爲增朝臣俸也

上太息曰朝臣之難如此因怒訴者曰朝廷用一好
官輒爲小人所排擠如此召佐以吏所誹狀授之
曰放皂歸耕使給薪芻聞京官皆然不足過小人
誣訕付汝自治之已復有重囚教囚誣告佐枉重辟

不聽理者。會鞫情得。

上震怒。

命磔囚西市。而柴薪皂隸爲著

令。

祖宗時。日御晚朝。廷臣門奏事甚悉。輔臣密勿。於用人

尤謹。每吏部具缺上。或簡除。或保薦。皆公朝傳。旨

行。永樂中。傳

旨。方賓兵尚書。卽日到任。此簡除也。

宣德正統間。用輔臣言。重保舉之法。景泰初。命吏

部專行。成化中。選授私舛。頌請復保舉。於是。命京

堂四品以上。官具缺上。朕親簡除。而權密下移。廷臣

大患之。於是吏科給事中沈瑤等。言兩京四品以上官。

皆下親簡用之矣。外方面官。又廷臣保舉。則吏部所司

者何事宜令吏部遇京堂官缺會內閣推方面官缺會同三品以上保舉防專聽之漸便。

上命查 祖宗時例得簡除事大怒曰此

祖宗時舊規御史給事中顧不欲朕行豈薄朕耶於是廷臣不敢復言而傳奉出中官以爲常當是時太監張敏敏兄子苗以承差得太常丞乃傾敏貲爲獻乞侍郎不允得南通政而是時白丁錢虜商販技藝若豪宦子弟率夤緣內侍進珍玩輒得官大者至太常卿通政丞不復關吏部謂之傳奉官弘治初以災異汰革乃知唐疇咨四岳亦重僉謀周宰統百官亦隆

推讓保舉公聽並觀。而天曹參酌銓注。固百世不能
易也。自永樂來。設巡撫官。多用侍郎。通政卿丞。無常
員。景泰中以風憲官得糾劾庶官。於體統便。畢改都
御史。卽尚書侍郎出督軍。贊軍務。總邊儲。必兼都御
史銜名。乃遣後官以因事添設而益增。部至兩尚書。
而侍郎率往往倍原額。在後添設撫民管屯等官。而
冗官滋多。議者請參酌裁省。事需後。而吏部尚書王
恕言考課之法。所以覈官守。彰黜陟。以嚴吏治者也。
今被災所在。考滿官令納米備賑。免赴京復任。造
須知功績類繳。臣惟各官廩祿有限。而雜職之祿尤

微苟非取於公必至剝於下是使考課法格不行而貪惰之風日滋也。請自今考滿者俱給繇赴部聽質。已又言永樂正統間天下亦有災傷各邊亦有戎馬時未聞納糧草納銀納粟爲監生吏負而用足也。乃邇年來奏開諸例而諸邊腹裏遇災旱輒效尤爲長策。故例進日廣而正途因壅不行多者至十五六年不得選。年邁力衰誰復爲盡心職業不營歸計終爲國牧民任事者。又此等今旣以財進身後豈能以廉律已欲不貪財害民天下治安何可得也。臣於元年具奏題止而部院又題覆請行是使後雜進人益

多而選法益壅弊將安極也。旨報可。其後

天子益明聖。坐煖閣。召幸文升入。面諭以明春當

三歲。觀察百官。卿用心體訪。明黜陟。以肅官紀。時

文升老。

上虞其贖也。復諭曰。卿聞未。頓首曰。聞之。

聖心留意庶官。爲天下蒼生此。宗社之福。敢不盡心。

上喜。命中官掖下階。又召尚書大冢都御史珊至。

幄中。言爾等與各科道官。諸所陳政務業行矣。然

使天下府州縣親民官非其人。卽政何自行。民何繇

破澤。諸陳行獨文具無益。卿等其悉心體訪。諸巡撫

三司必慎揀得人爾。珊更慎擇巡按御史。巡方岳黜陟。庶有司得人。而民可受福也。大夏珊頓首受命。明年考察竣。加文升少師。召大夏珊入。賜元寶各一錠。謂之曰。日朝覲諸司文官。皆閉門示無私通。令如卿二人。卽門洞開。孰從以賂通者。又曰。勿朝謝。令公卿知內愧也。六年。詔考察官未及三載被黜者。聽復任。先是吏部考頗以多黜爲公。方面而下有微瑕輒斥。大學士濬言。唐虞三載考績。三考黜陟幽明。今居官未半歲而黜。又所黜徒風聞不皆實。非祖宗法。不便。故有是命。一時見枉者皆喜得直。乃後

選者愈壅。而貪殘吏亦益以滋。嘉靖中

上中興明聖。南郊。詔下言

祖宗朝。雖定科舉歲貢之法。而薦舉尤重。以並列於三途。自科舉法行。進士偏重。而歲貢之法輕。乃薦舉廢途盡矣。夫三途並用。則懷才抱德之士。得顯於世。不專於文辭。今舉人無九卿之望。歲貢限方面之陞。田野絕保舉之路。以致人尚浮辭。不脩實行。宜真才之不可見也。吏禮二部。按舊典開奏。務復科舉歲貢辟薦之舊。有真才實德。不次擢。庶幾吏士向風。改行內外得人。爲惠民致治之本。又詔撫按官行巡州縣。

考守令政務有無脩舉其有循良清白著迹者不拘
進士舉人歲貢吏員量年資會舉。降敕獎勵。或增
秩。賜金。後不次擢。其相見須體貌。毋得薄資格。輕
用非禮陵虐。其貪酷罷軟。依律例問擬。當是時。

上明威自柄。內閣元輔。部院大臣擢用不以次。有不稱。
亦往往被重譴。嘗謂輔臣言。六部官要重。天下事皆
所經綜。宜精擇。擇人授職。古制也。

祖宗朝亦有改任者。其議上。時議改刑尚書。時中于都
察院。南兵尚書。世寧于刑部。大學士一清鑾同對言。
世寧有風采。令長院固當。時中本兵善刑部。宜別舉。

堪任者從之。已兵部以虜警請添遣大臣經畧。

上曰。天下官有定員。員有定職。惟未得人舉職。故有事輒擬添官。今邊務責巡撫。芻餉責所司。令盡心經理而可矣。遣經畧滋擾。何庸爲。且虜賊出沒無時。士須休養待敵。其毋遣嘗。手敕吏尚書鉉言吏部謂之天官者。以百凡奉天銓量。品隲賢不肖。進退廢置。必當。外不避怨。內不避親。而云也。誠如是。君有得人之喜。民受福而庶績凝。居是位者。亦未有不朽之譽。卿寧不思朕以此特重。不授他人。而簡任卿。卿宜有以報朕。作疏云。大禮之人。非大過不敢言。此何以稱焉。

來歲當考察期。當勉持風裁。使功不掩罪。私不害公。官知警而民有賴。夾持朕於不逮。其自勵必毋以私勝公。蓋重慎如此。而是時用輔臣言。出翰林官調外任。親民練政事。而諸府州縣官簡入院爲侍從官。正德中。附權倖。傳陞得文階者盡革。又裁諸冗官。至二千餘員。罷武官耗食者三千有百十人。進士科文體。敕毋浮冗。必古雅精確。臨軒制策。往往出上所親製。魏煥其文。鄭端簡曉言。

皇帝應期紹統。光蒞寶極。知人哲於放勛。籲俊勤於神禹。管劑不遺。瑕瑜並蓄。慎重名器。未嘗一歲九遷。收

攬人才。奚啻拔十得五。盛矣。其後土木禱祠之事作。而國費不給。戶工部增納銀事例。鬻官買爵。幾同賈術。大臣婪恣。美遷除。往往以私賄得通。營宮殿。將作。供焚脩。方士至。禮書工書。諸富人貴游子姦胥大猾。往往竄名營繕籍中。得官。無慮數千人。隆慶初。金革而原本。遺詔嘉靖中以忠諫屏廢死者。錄蔭存者。召用若干人。又諭吏部言。朕奉天子民。注存邦本。思欲固國安民。必得良有司。加意牧養。今朝覲考察在邇。爾吏部其悉心體訪。各官賢否。惟以牧愛宜民者爲最。其有弄虛文。事趨謁。剝下奉上。以要

浮譽者考雖優必寘下等并撫按官一體論劾萬曆
初制。朝覲考察汰黜官以吏部都察院科道會同
公黜陟故屏棄不齒其歲時以言官論紕者言事得
罪者撫按官得保舉起用又旨言各撫按官訪舉
地方人才果素無顯過才力堪用者聽舉用若經內
外考察及奉特旨汰斥及年力衰不堪世用者俱
不許濫舉市恩

崔文敏銑曰。國家有漢之全盛無其強無宋之苟
安類其弱皆繇士業草略登仕太易鮮治經世之學
官多牽制遷代太亟不予專斷之權弛而無支莫甚

於兵其覈舉議曰昔者成周受田百畝死徙不出鄉
聯之以比閭族黨教之以德行道藝正之司徒升之
司寇六德爲本六行爲輔六藝爲翼無奇表岐其心
無饑寒空其身處服孝弟出效忠順迨其世降德衰
叢爾之國必有賢哲尋常相語亦引典法稱先王則
教之効也國家造士專用經術豈不勝古之工詩
賦習法令乎哉然業之易能不假深造少而易仕不
俟大成考學記之故守曲禮之序人生十年曰幼學業繇行
成事以年易者未有也故士業經求仕鮮以祇身舊
法里老保其行試而升之學再保其行試而升之省

是猶里選之遺也。而久棄爲具文。卽令舉行民遷徙。靡常未易覈實。閭巷細民。惟視財勢。長吏任四五年。不以徵勞遷。卽以小瑕黜。里選何自而行乎。是以止。憑科舉。曰付至公。故試而得士。若博之中。呼其取之。失人。若奕之遭負。何則。非有參驗之詳。觀考之素。可賴也。自督學之官設。而郡縣守令。以事有專職。委之於不治。督學使者。數歲乃一至。事煩日寡。無裕於施教。故士以益荒。宜歲令縣令。察舉民年十五以上。能通四書。及占一經。性行淳謹者。上之。守而登之學。其輕狡者。雖才不右。督學官考較黜升之法。必本之性。

行責之太守。審驗當否。而懲獎施焉。間有幸舉者不
延矣。其省官議曰。

皇祖設官。分六部以萬務。而臺諫拂其違。責郡縣以六
事。而按察使糾其濫。自大夫而下。必三考乃進二階。
故官簡而該。事約而舉。功久而就。卽冗官鮮已。自宣
德迄今。額外添設。奚啻累百。不督之勤功。而爲之分
責。不已謬乎。况入仕之途不清。而多彙進之人。經久
之計。恬不動於慮。而懷速化之望。天下皆是也。官添
則缺廣。缺廣則易轉。倖門一啓。居亡固志。事至。借限
守以逃責。事成。務爭知而讓過。是以士節不勵。獄要

不結集其文案可束牛腰稽其實績僅同蝨翅夫一人而牧十羊則戢一羊而用二牧則騫孔子譏官事之攝老子著烹鮮之喻良有以也中朝官冗濫未論姑言外服賦稅學較捕寇治訟克伍百工之技郡縣之所得理也使縣精其成府可逸矣府精其成省臬可逸矣省臬之職別勤惰覈廉貪予能而翼純者也事連兩郡而不相下害出大豪而勢難搏則省臬當之今守巡之外別立數衙皆高坐司署止以文移相維屬吏不奉談議民不聞姓名不亦闊乎且邇年小官愈多而害民愈甚又官愈小則中無守外無覲而

心愈益貪。夫土之出粟不加多。而官冗員日加益。此民所以益困也。抑非徒冗員也。又苦代亟。文中子曰。成周之隆。邦家有社稷焉。兩漢之盛。牧守長子孫焉。不如是之亟也。無定主而責之以忠。無定民而責之以教。雖欲善治。未由也已。古治朝遼濶。未論論近事。國初臺省不甚通。御史陞按察僉副。或徑陞使。久則入中臺。爲左右都知府。久則陞布政使。若參。又久則爲部侍。故繩糾者諳法令。而收循者練治體。今臺省大通矣。又爲小轉法。春爲知府。或僉事於南。迨秋則副使矣。又參議於北矣。又春則參政憲使。馳騫於東西。

矣其進士科知縣事者率三歲而擢惟下僚以資格
限者乃積歲不遷卽行能高不振夫遷代如是其亟
也彼其視地方之凋弊若過傳頽圯之更於前視生
民之困苦若驛馬肥瘠之經於目也卽有善政美意
未效而去誰適爲治誠令脩古三考黜陟之法諸美
政表聞者就增秩加官勿移徙誠知其人或先超遷
而後久任以大厲其氣如周忱繇長史于謙繇御史
徑陞侍郎王翱繇御史徑陞
都誠善其政或先久任而後超遷以太慰其心陸瑜
繇布
政徑陞尚書何文淵繇知府徑陞侍郎陳璉繇
知州徑陞知府徑陞按察使又徑陞通政使卽仕
者一人之身計之淹序乘除與驟遷適等又何必轉

輶繁促。令僕僕道路。費供億不訾乎。胡端敏世寧。酌古今。遵

祖制。疏知人。官人。法條上。其論知人。以誠心體國愛

民爲之本。而才與守兼較之意。主於舉官。其論官人
之法。自內閣而下至守令。各以等級。條推補人數以
上。而主於廣推。畧以爲內閣舊當寅亮弼丞之任。乃
今又總裁六卿之務。而議其黜陟。於職任至重。而兩
京六部尚書。若左右都御史。秉國家大政。持天下
風紀。於隆重次之。內閣閣。不當專於翰詹吏禮。當掛

先朝閣臣李賢等故事於六部尚書左右都御史簡在
其公忠體國。知人有容。練國體。王事者。推補部尚
書都御史。闕宜於內部侍郎。於外督撫副都御史中。
簡其人才。望懋著者。補之。則心膂股肱。得人任職。而
天工時亮矣。其部堂官資望高。臺堂官若邊腹總制。總
督撫巡都御史。柄權重。必先之以廣推。而後能得人。
後之以重擢。而後能久任。仍論其職務難易輕重。而
後以其人當之。或量其才力能任。則繇簡易而陟重
難。或聽其心志所安。則辭重難而就簡易。務爲官而
擇人。不爲人而擇官。原職高而才力不及者。調簡輕

不爲貶。原職卑而年深望著者。擢鉅重不爲驟。則資於望。協才於職。稱而大臣者。皆足爲民表矣。一翰林春坊詹事府等官。以備顧問。侍講讀。草制誥。脩史牒。特爲清要之職。而吏部四司郎屬。亦既要且清。給事中御史。金擅言責。唐宋以來咸重之。然多選外官才學過人。行能尤最者以克。雖爲進士舉首。必先試僉判。而後召補館職。召寘臺諫。召判銓曹。國初殿閣翰林多用徵聘隱逸之士。永樂宣德來如楊士奇張洪繇。王府審理繇教授黃淮劉鉉。繇中書舍人鄒濟陳仲完繇教職。他如此類者不數。則猶

初選不授也。其後進士初選卽授吉士。吏部臺諫則
殿閣臺省之重。可優游安坐不勞而得之。是教競
而導驕也。故士初入仕。卽有夤緣美官之心。得美除
卽爲持祿養交之計。宜復舊制。聽吏部照各衙門事
例。從公推訪選補。果有才行卓異。學問優長。操行純
篤者。各以資給。奏補翰林宮詹。果忠直公明。端亮
不阿。明達治體者。奏補吏部臺諫。其翰林宮詹。吏
部臺諫。不稱職。或才宜別用者。俱許論資改授。則公
卿宰輔之儲。耳目心膂之寄。百官取舍予奪之權。重
慎得人矣。其在外布按二司官。宜於本省本衙門遷

轉僉事。徑陞副使。副使。徑陞按察使。按察使。徑陞左布政使。叅議。徑陞叅政。叅政。徑陞右布政。不必逐級挨陞。南北遠調。以致往來不常。虛曠歲月。各道分巡僉事。改道不常。地方難事。皆推避不理。以致豪強貪猾。貽地方患。害宜三年滿日。方許改道。仍考其三年中。奸弊賊盜。豪強貪猾。擊斷有無。以爲殿最。各要地兵備。及提督學較官。於資淺人員內。推才力相應者。先陞僉事。後加副使。其職任不許他官撓越。所屬有司罪犯。聽自提問。毋委官。提學任久者。推陞少卿。叅酒等官。兵備推各邊巡撫。餘照常遷轉。其知府知州。

知縣於民尤親於治體尤重宜畧倣唐內外均調之法。不歷刺史郡守。不得任侍郎列卿。不歷縣令。不得任臺郎給舍。進士出身。不得徑選州郡正官。京官外補。不得徑陞叅政副使。叅政副使缺。惟推訪知府知州知縣久次卓異者當之。則監司陳臬守土守令尊重難搖。各得其識。善政行而生民蒙福矣。其巡按御史權尤重。尤須慎選職量端弘才行老成識達治體。有憂國愛民真心者。而後遣。其差回各具所按應行應禁切要務。開款呈報。聽質於都御史。都御史查勘考察。稱職者保結具奏復職。不稱降黜有差。其

巡按四五次舉措中理輿望攸服者則超擢示褒其
論內外考察於馬端肅文升李尚書承勛議同而高
吏部束言守令尤痛畧以爲國家稽古定制在內
設六科給事中十三道監察御史在外設布按二司
又設各道分巡分守以總理軍民巡按御史監焉良
法美意至詳至悉百餘年間相維相統而中外肅然
乃邇年來風紀不振賄賂公行紀綱日紊而貪官汚
吏肆無忌憚者則風紀不振而考察舛謬之所致也
夫天下親民者守令也總郡縣守令者藩臬二司也
糾察二司守令者監察御史也而國朝憲綱巡按

與三司知府等官相見各有定體職任事務各有定
守矣。乃今藩臬大臣惟巡按之爲聽。甚而巡撫固位
者亦不敢專行。望風指承焉。知府以下長跪不起。布
政使而下隨行列坐。日伺候於其門。公文親遞。冀免
齟齬。應對唯諾。俯首至膝。一有剛正不阿之人。稍相
可否其間。專行職司稍不承稟。不唯巡按惡之。同列
惡其形已也。亦衆怒而羣擠之。陰註下劣之考。明摘
一事之愆。而壓抑以退矣。故二司之所職掌皆棄不
治。問之以水利農桑。積穀備荒。曰不暇爲也。問之以
覈戶口均賦役除盜賊抑豪強。又不屑爲也。唯巡按

批詞委勘。則承候其意旨所出。而亟爲虛實輕重之。
覆案以應之。卽不便於民心。知其枉。亦惟獨仰屋竊
歎而已。故其弊。以奔走應對爲職司。以臨政蒞民爲
餘力。以造請勘渠爲恭謹。以直躬守道爲悖戾。爲
布政者曰。我姑卑巽。數歲則京堂矣。爲都御史巡撫
者。則又曰。我姑謙遜。數年則部堂矣。舉藩臬大吏。上
至於巡撫。則苟而可。而望百職脩舉。吏稱民安。亦何
可得也。乃守令則又甚矣。郡大者。至壞地數千里。比
古大國諸侯。諸劭農厚俗。薄賦輕徭。廣儲積惠。因窮
興譽髦之教。慎封守之政。恭明神之祀。皆其所得爲。

而爲者而一稟之監司大者請於兩院監司兩院雖
瑣細末務委官規畫斷以胷臆咸科條其政令節目
而布之使必施行雖民情土俗不合不宜不得擅有
變動前官榜文吏未徧閱而後者踵至矣卽欲興除
動輒掣肘少加釐正立致譴呵大者提吏叅官而又
盡反其政是故政不宜而行之則病民不宜而不行
則病吏且也巡撫意有所出御史或從而矯之前者
革已後者或從而復之卽欲從何繇計數歲間撫易
一人或二人御史易三人內而藩臬諸大吏半易意
指蠡出旋已廢罷當是時而縣承其猥雖冉季亦安

從行之哉。故有司當令下不入目。付之吏。令制其遲速。高下。爲依准以應。而猥漫不治。次者一省輒廢去。擇其易者。塞責。僥倖且去。民不見德。亦不見怨。其最上者。強幹精敏。能自縱於法。而驚時。上令下。工文移。覆報。以游言相唱和。陽若鑿鑿行者。而索其實。則一無當也。而監司巡察之舉。薦因之矣。且也上官以逢迎爲喜怒。以喜怒爲賢否。跪拜頻仍。送迎踰境者。雖知爲過禮。而內喜。喜則頓忘其惡。以禮自處。不諂不賣者。雖知其爲正而不悅。不悅則頓忘其善。甚者。半一跪拜之末節。輒從媒孽之假耳目。以求其疵瑕。植

腹心以伺其陰私。於是。指廉爲貪。以正爲邪。以論劾公排擠。以考語陰醜詆快意而已矣。故多賢能之旌者。其奔走之捷者也。多不職之劾者。其樸直之拙者也。問刑以深刻爲能。催科以峻切爲庸。案牘以彌縫爲巧。御下以狙詐爲工。故能聲著者。虐焰張者也。祿位固者。智囊密者也。爲守令者。顧不甚難甚難也哉。海內之勢。譬者曰。如身使臂。臂使指。今則不然。譬衆身而加一臂。衆臂而加一指也。爲指者。常病竊以爲撫按爲二司者。但當公照靜觀。不先之以意。而藩臬巡守於歲終季終。各考其職業。而申達撫按。撫按覆

實因其優劣而殿最之。不及則教大過則抑。反覆之而不悛。於是覈其罪過。顯者去一二以警其餘。則賢者不至掣肘。而不賢者不得以肆其惡。守令之職專且久。而職業不脩。未之有也。乃若舊制。官員任三

年滿則給繇。詣吏部聽考。而三年一覲。則據撫按藩臬歷年考語。又大計天下之羣吏而黜陟之。先年給繇考滿。得平常不稱之名。猶皆復任。九年而後廢置。其緣事降職除名者。類許伸理。其後入仕塗多選人壅滯。則多立諸名色以黜汰之。用疎通選調。不復愛惜。夫同是異毀。好諛惡逆。卽賢者患之。上官貴倨。

正官偏私勢所不免而僚屬一事違拂一言忤意則
喜怒愛憎從之考語賢不肖因焉撫按二司府州之
考語又因焉司考察者獨見夫撫按藩臬而下同然
一辭以爲謫罷固當而豈知其初獨出於一人之私
愛惡已哉且也入仕數年司轄至衆卽善爲容者寧
能盡人人而須承盡事事而無忤一有所忤轉瞬居
諸而考察之期適至矣自非天性不移直已守道亦
胡能無囊橐之計身家之圖哉是鼓之貪也故察黜
頻煩實無益於懲創况巨奸老黠倚伏深巖又考察
者之所不及乎宜令撫按歲會藩臬官考襍職而上

咸面覆其人令得自辯實而公聽並觀諸老者疾者
貪者酷者素不謹者必明署其何年何疾爲貪爲酷
者何狀爲不謹何事冊報而罷黜之庶被黜者服而
不坐被空文之錮矣嘉靖末毛御史愷直京官考察
又疏言 朝覲年考察外官據有撫按藩臬歷年考
語爲殿最其分遠其勢疎其情易公而難私然猶未
盡得其當至京官考察止憑該衙門臨時訪采其分
近其勢親其情易私而難公是以賢否得實比外官
尤難以耳目所覩記言之有行已端潔而不同於俗
者有守法公謹而不諧於時者有雅靜愿實而不善

於承迎者有直介敢言不容於權貴者或反以爲不
肖而黜降之其汚濫外飾貪婪巧避奔競攀援柔媚
庸懦而無耻無爲者或反以爲賢而留用之此非賢
不肖之果難知也毀譽之言易惑而愛憎之情易投
也愛憎毀譽之言或倡之於一人而和之者不廉其
實或中之以一事而聞之者遂信爲真或假借當事
之人或放爲中傷之論或因鄉里親戚而造言使有
不可解救之勢或乘權耍嫉妬而巧中使有不可申
白之情或崔倩無藉之徒撝拾妄奏或買囑吏皂
之輩媒孽詆誣言其行簡不脩而不言其果何事玷

缺。或謂其官箴不守而不目其果何事廢墜。或謂其貪婪矣而未嘗指其以某事納某人之賄。或謂其奔競矣而未嘗指其得某官出某人之門。或加以帷薄曖昧之事。而辱及於室家。或摘其細微疑似之跡。而遂畧其大節。此賢者所以或負不肖之跡。而所黜者未必盡當也。其不肖者自知其爲公論所不與。則又深爲根蒂。巧於彌縫。或借譽於賢者之口。或倚勢於當路之門。或以鄉里而固結。或以姻婭而憑依。或托門生而出入求容。或假故吏而往來干謁。或以詞章小技文其奸。或以厚貌深情蓋其惡。或爲異同反覆。

之論以搖惑衆心。或爲陰險狡獪之計。以脅持當道。此不肖者。所以得冒賢才之名。而所留者。未必盡當也。望

勅下吏部都察院務秉公正之心。痛釐積久之習。考其素履。不惑於浮言。按其實跡。不眩於疑似。其庸劣素著。爲衆所共棄者。雖盤據夤緣而必去。其正直有聞。爲衆所共與者。雖媚嫉妬害而必留。則公道章明。視聽不眩。偶有虧漏。又聽臣等從公舉論。以章平明之治。公朝廷黜陟之典。天下幸甚。邇東粵陳建作治安議。條當世利弊。於任官爲十議特詳。始選舉毋輕

取浮文。一。選小官歸本省。二。入仕之途戒濫。三省冗官。四。初選戒驟貴。五。遷轉戒太速。六。資給毋太限。七。崇推讓。八。慎考察。九。小吏祿不宜折減。十也。一。覈舉。言項安世有言。舉天下之才。而一之於科日。入是科者。雖饕餮槁杭。必用。出是科者。雖周公孔子。必棄。宜朱子以爲教愈詳。取彌精。澄汰再三。而其具不越乎無用之空言。愈弊無益也。夫致治以賢才爲本。求才以興廉察孝爲先。經曰。居家理。故治可移於官。傳曰。求忠臣於孝子之門。此務本論也。李克曰。窮視其所不爲。貧視其所不取。此察廉方也。蘇軾顧諟之曰。上

取孝則勇者割股怯者廬墓上察廉則救車羸馬惡
衣菲食苟可以中上者無不用夫上賢好德人之秉
彛上好下甚王治之大幾也上誠敦德尚行爲天下
先而執此之政如金石四時堅久不易則天下之士
爭自刮磨舉人者求無負於知人舉於人者求無負
於所舉縱其有好名徇私之流殆其鮮矣况好名而
矯於善不猶愈於不好名而肆於惡耶三代兩漢風
俗人才之盛效可觀矣且夫天下固未有無弊之法
也然薦舉之取士也擇而後用其失也一二科舉之
取士也用而後擇其失也八九謂宜特設孝廉一科

郡守縣令正官。取諸生秀民中。行著鄉閭。學通經史。年三十而上。有成立者。薦之省。率三年而舉。大縣三人。中縣二人。小縣一人。府倍之。州縣同舉者。聽而守令察舉。必詢之耆宿。公之賢士大夫。驗之細民。保無謬舉。以充巡按御史會藩臬官。共試其經義主典實。無華言。而待遇恩數。並居詞科之上。庶學者尊經術。敦行義。人篤於自脩。如此而風俗不淳。人才不美。未之有也。其辟舉。言兩漢二千石長吏。皆得自辟曹掾。其所辟。率所部賢士之有能實操守者。以知閭里之奸邪。以廉黔庶之疾苦。而治效表著。恒必繇之。今一

歸之吏曹限之銓序始舉之以浮采終選之以排連
豈不過甚矣乎兩漢未論唐制嶺南五管黔中都督
府得任士人其後江南淮南福建因水旱遣選補使
卽選宋神宗詔川陝福建湖南嶺南等八路官令轉
運司立格就注免赴選是皆便選歸各省而未嘗拘
拘於吏曹總天下之選也今外官八品以下謂宜稍
準古辟舉之令委各省巡撫都御史卽舉薦及詮注
聽選生冊報于朝下吏部掌之而主其遷轉黜陟
之斷是其爲利五遠方士人去京師動數千里候
選經年又摯摯而之數千里之任揭債以往攜孥而

行以欲責廉也。固難選歸本省。省費七八利一。京師之地。天下輻輳。薪米踴貴。恒倍於四方。唐太宗所以分選人。令集于洛也。今選歸本省。米價無踴利二。四方官缺。類季報候銓。比其到任。動踰年歲。曠官廢事之日久。選歸本省。隨缺隨補。利三。曾子固言。均之爲吏。中州之人。用於荒邊側境。山區海聚之間。或燕荆越蜀海外萬里之人。用於中州。以至四遐之郡。相易而往。莫不羸糧舉藥。易舟選馬。刀兵曹伍。而後動戒。朝奔暮變。更寒暑而後至。則室廬器械。被服飲食之具。土風氣候之宜。與夫人民謠俗。語言之尚。其變

難違而其情難得也。則多愁居。惕處嘆息而思歸。及其久也。所習已久。所蔽已解。則歲月有期。且引而去矣。故不得專精一之思。脩治具。以宣布天子及下之仁。今選歸本省。不其東封。卽其西境。水土便安。而諳解其情。僞習俗。得展布其四體。利四人之情。莫大於祿養其親。故毛義賢士也。奉檄而起。喜動顏色。以爲親也。然途遠迎養。則自致爲難。恩衰共養。又義所不可。今選歸本省。則奉親之念易遂。而報國之志自堅。利五夫取士。用人察舉於守令。考試於巡按。銓補於巡撫。而黜陟出於吏曹。自下而上。於理天下。固自然。


之符也。或曰：人情於鄉土也易私。然侯文署督郵，杜
穉季斂迹。漢人前行之矣。他諸皆經世大猷，其本在
文莊言。疏貢舉考察之弊，雖時弊固然，然而法又不
可廢也。其言小官折俸之弊，以爲漢宣帝詔言：吏不
廉平，則治道衰。今小吏皆勤事而俸祿薄，欲其無侵
漁百姓難矣。其益吏百石以下俸。今制中外官皆折
鈔，鈔之不行爲日久矣。姑言縣令。兩漢秩六百石，今
知縣七品，歲俸八十石。視漢祿已薄，况折鈔例行。一
歲實支之數，不及漢半月之數乎？夫士受職於官，有
仰事俯育之資，有道途往返之費，而又有推其餘以


及三族朋友故舊之心。雖其私亦何可無恤也。衣食
時缺。雖嚴父不能制其子。君安能簡其臣乎。饑寒並
至。雖廉士不能固其節。況中庸之人乎。謂宜以今制
從九品。月支五石爲準。等而上之。品加一石。至正七
品。則爲俸月十石。而革折減之例。庶乎其可也。


函史下編卷之十一終

同治丁未

卷之三







D5
735
A2
T4
V.68
函史下編卷之十二

明盱郡鄧元錫著

學較志

昊天生民。若有恒性。以有彝倫。而人道昉焉。人生而
蒙蒙之言昧也。於天性人道。夢夢焉爾也。於是乎作
之師。以爽厥德。書曰。天降下民。作之君。作之師。惟曰。
其助上帝。則知師也者。助天明民。覺之以降衷。恒性
而定之命也。斯其重於大君乎。等矣。故君子欲化民
成俗。必始於敷學。上不興禮。下不說學。以欲致治末
繇也。自虞帝平水土之治。慮民飽食煖衣。逸居而無

教乃比於禽獸。命契爲司徒。教以人倫。父子有親。君臣有義。夫婦有別。長幼有序。朋友有信。其申命之辭曰。契。百姓不親。五品不遜。汝作司徒。敬敷五教。在寬。五品者。天生民之大倫。民賴以生者也。夫人之生。懷五常之性。有親愛之心。而莫先於親親。生我者父。我生者子。親莫親焉。故有親親。失則離。人生莫大於能羣。人所以能羣。居而不亂者。君。君也者。羣也。羣下所歸往。臣也者。服也。羣其羣。服而事君。以能羣者也。義莫寔焉。故有義。義失則亂。仁者人也。親親爲大。義者寔也。尊尊爲至。故人道親親尊尊也。夫父子之生。羣

孳無已也。自夫婦始矣。夫婦以判合爲施化。人之所以生。異姓合體。同尊卑。而合生於判。故有別。夫婦之別。天地之大義。人之終始也。無別則瀆。人同生。口兄弟。恩莫厚焉。親親所最先。先生而長者兄。後生而幼者弟。若生而叙之。然曰有序。序失則乖。於是乎聯之以朋友。朋友者。明父子之親。正君臣之義。辨夫婦之別。秩長幼之序。同方合志。引翼相導。以嚮於道。而盡性至命者也。而不交不親。不信不交。信也者。誠信而交。親之也。親之也者。親之也。遜之言順也。姓之言生也。凡百有生。畢親以遜。而後能羣。能羣而後成其爲。

人不親不遜。而能羣以和者否也。故人道尚羣也。夫是五品也。本天降之衷。故典曰天叙禮。曰天秩。本人道之紀。故典曰我惇。禮曰我庸。天叙秩之乎。而有典有禮。故親義別序信具。曰有。謂性生而有之。惇典庸禮以立教。則本天開人。教之以性而有之者也。乃其命敷教曰敬。敷五教曰寬。敬教之本。寬教之用。而萬世敦學之統具是矣。其國子之教。則專之乎典樂。后夔之命曰。命汝典樂。教胄子。直而溫。寬而栗。剛而無虐。簡而無傲。直寬剛簡者。性之才。溫栗無虐傲者。養調其情性于中和之極。爲倫物之本也。而和聲諧音。

皆之樂以蕩條邪穢。斟酌飽滿而消融其渣滓。其精也。重胄子也。重胄子。重國本於教也。夏殷沿而不改。因禮以爲教。夏曰較。殷曰序。周曰庠。皆小學。國學曰學。學則三代共之。皆主於明倫。其在周官。大司徒五物者。民之常而施十有二教焉。一曰以祀禮教敬。則民報本反始而不苟。二曰以飲射教讓。則民敬老尊長而不爭。三曰以冠昏教親。則民男女親戚而不怨。四曰以樂教和。則民親遜輯睦而不乖。五曰以儀辨等。則民貴貴尊尊而不越。六曰以俗教安。則民務本敦俗而不偷。七曰以刑教中。則民畏義憚法而不蔑。

八曰以誓教恤。則民勸相保助而不怠。九曰以度教節。則民寡欲知足而不侈。十曰以世事教能。則民力業劬生而不失職。十有一曰以賢制爵。則民興賢舉能而慎德。十有二曰以庸制祿。則民合鋤勸穡而興功。夫是十有二教也。非其加之。卽虞五教而品節秩叙之者也。虞五教者。教之經。而周十有二教其緯也。正月始和。懸教法之象于象魏。使萬民觀教象。挾日而斂之。乃施教于邦國都鄙。使各以教其所治。民五家爲比。比使相保。保之也者。親之也。不獨親其親。不獨子其子。有惻怛之愛。有忠利之救。而和親保之也。

五比爲閭。閭使相受。善爲受其慶。惡爲受其患。老受而終之。幼受而長之。窮無歸者。受而養之也。夫亦居忍并包之而已矣。四閭爲族。族使相葬。喪同其戚。五族爲黨。黨使相救。凶同其災也。五黨爲州。州之言賜也。謂不足相爲周也。五州爲鄉。鄉之言鄉也。鄉之斯飲射而賓之。教合敬也。故王教莫大於能羣。莫先於敬讓。莫厚於敦睦。莫美於不爭。大道之行。天下時雍。則不爭之極也。故保受葬救周賓者。漸之仁。摩之義。導之於德讓。而要之化。斯其路也。於焉頒職事十有二。登萬民教之。使人治其生。俾毋失其職。而又節之。

以禮防其僞而教之中。安之以樂防其淫而教之和。
於是二十五家爲閭。閭有塾。五百家爲黨。黨有庠。萬
二千五百家爲州。州有序。各萃其子弟而教焉。俾仕
焉歸老而有道德者爲之師。序以明教。庠以視化。春
令民畢出在野。冬令民畢入在里。以順陰陽。備寇賊。
而習之於禮。春將出民。旦上老坐右塾。里胥從焉。庶
老坐左塾。隣長從焉。以時民之出。夕入亦如之。出入
男子繇右。女子繇左。父之齒隨行。兄之齒鴈行。朋友
不相踰。輕任弁。重任分。頒白者不提挈。不負戴於道
路。恒出入畢如之。而閭巷庠序之間。絃歌之聲泯泯。

乎其相聞也。蓋自田野出入造次而教固已行矣。八歲入小學。學六甲五方書計之事。知室家長幼灑掃應對之節。見小節焉。踐小義焉。二十而冠。冠而入大學。大學。鄉學也。大學。學先聖之禮樂。知朝廷君臣上下之等。修六德六行六藝之凡。見大節焉。踐大義焉。六德者。智仁聖義中和。以達德所得爲德。教之本也。六行者。孝友睦婣任恤。以達道所行爲行。教之務也。六藝者。禮樂射御書數。因性習所近而達之。使各成其德而達其能。是教之全也。其教之不率者。則有鄉八刑以糾之。而悖行亂俗者。不得奸焉。於是比長掌

其比之教。治閭胥。掌其閭之徵令。用起教於眇微。月吉。族師屬民讀法。四時孟月之吉。若春秋祭禋。黨正屬之。正月之吉。若歲時祭祀于州社。州長又屬之。而讀法焉。皆有糾有勸。以漸之于德。於是乎黨正屬民飲于序。正齒位。州長春秋賓于序而飲射焉。三年大比。鄉大夫乃禮賓其賢者能者。教成者而材諸官。當是之時。教始於比閭。設於州鄉。本於家塾。黨庠。州序。以達於王國。蓋天下無人而不學。無地而不建之學。以教也。孟春之月。行人以木鐸徇於路。采民風而獻之。太師比於音律。以聞于天子。在侯國。天子巡狩陳。

詩觀風而教。因以設焉。此王者不出戶而窺天下。地
官。卿以敷典。擾民。旣富而教。和民則之。大畧也。乃王
世子。王子。羣后之世子。卿大夫元士之適子。生而有
教。教始於小學。小學在王宮之西。旣冠。則羣而教之。
辟雍。辟雍。國學也。而大司徒所簡州鄉邦國之俊造
與焉。大司樂遵成均之法。治建國之學政而教之以
樂德。教國子。中和。祗庸。孝友。以樂語教國子。興道。諷
誦。言語。以樂舞教國子。雲門。大卷。大咸。大韶。大夏。大
濩。大武。皆祖法於虞官。樂者。樂也。樂得其道也。中和
覆幬之大德。祗威無怠。庸常不易。而後中和之德全。

故祇中和之守而庸其保也。於是乎孝友順德無終始而安且成焉。乃語主興導諷誦以爲言。詩也者。樂也。言志而永言之以爲樂者也。詩見情於賦。比類於比。而起志於興。故興者風之遠而興導之大機也。樂語學焉。依物以爲興。托辭而導之。諷誦以昌之。咏歎之。淫液之。于時言言。于是語語。則和平之致。辭輯而懌也。故不學詩。無以言也。夫雲門大卷大韶。古帝之樂也。大夏大濩。盛王之音也。大武武也是帝王天地統體之全。是大學之所以教也。王制曰。樂正崇四術。立四教。順先王。詩書禮樂以造士。學記曰。比年

入學。中年考較。一年視離經辨志。三年視敬業樂羣。
五年視博習親師。七年視論學取友。謂之小成。九年
知類通達。強立而不反。謂之大成。其比年入學何也。
三歲大比。興賢能而敦之學。其國子則各以其始冠
之年。而登之學也。故比年也。不考不視。將怠而玩能
有成乎。故中一而視之。各依其始入學之年而考之。
各視其所造爲之等。則而較之。進之以序。而求之以
其安。曲成之道也。視離經何也。離經者。麗經也。視性
行之所近而易入者。循之以爲業。其爲人也敏而達。
則麗之書矣。其爲人也柔克而溫。則麗之詩矣。其爲

人也。恭而愿。則麗之禮矣。其爲人也。和靜而弘。深則麗之樂矣。離之者。使身比於是。以成其德。而達其林。故其爲人也。溫柔敦厚。長於風。詩教然也。疏通知遠。長於政。書教然也。恭儉莊敬。長於立。禮教然也。廣博易良。長於化。樂教然也。故時教正業。未有能釋乎四教四術者。視之。視其能身麗於此乎。否也。故啓知之始。一誠也。而學求端於辨志。志何辨。莫辨於誠僞之介矣。是君子小人之所分也。故始教發其志。中年視其辨。視其於志也。介然明乎。毅然確乎。惛惛焚焚乎。而從進退之。辨志之端。一明也。離經以爲業。或怠而

弛之於業也何有。朝焉夕焉。益焉習焉。日就焉。月將焉。不敢惰。庶其益乎。故視敬業也。夫道無方。經著其方。不博習。或局方而不通。蓋古三年而通一經。經通而諸經可循而窮也。故視博習也。敬業博習。然後知學之大方。要學之詣極。合語而論。不離迷於本。故視論學也。始較。視其言也。前此乎。蓋存而不論。存其心之至也。志辨矣。學樂羣而後能安。人道莫大於能羣。其不樂羣。必有辟也。不然。必有昵也。故汎愛衆而後能羣。能羣而後和。德性涵焉。志趣漸焉。此視之也。夫師也者。所嚴也。嚴之過。則尊而不親。益遠實而蒙敬。

無辟故愛。畏能愛故親。於師親而知其學之益也。故視親師也。夫朋友之於人也大矣。蓋取之以輔仁。孔子曰。朋友以極之。欲人之有壹也。必學明而後能知言。知言而後能知人。知人而後能取友。學至於能取友。則幾矣。故視取友也。前此乎。羣而不黨。汎愛衆而無爭。壹不敢自有其斷焉。平其心之至也。比九年而視成。九年者。天道九而究。王治三考而黜陟也。淵源之所漸。師友之所涵。其必且知類通達。見天地之純全。知古人之大體而知乎。其必且依仁秉德。強立不反。而仁且勇乎。之謂大成。大成者。措之用而時施之。

政而達。臨之大節。而介乎其不與易也。則司馬之所
材也。以充庶位。此造士之大方也。大學之教。其功始
於格物致知。其本約於誠意正心修身。其用達於齊
家治國平天下。其歸也。止於至善而已矣。故成均之
法。使有道有德者教之。學。沒祀於瞽宗。以爲先師。瞽
宗。西學也。大學始教。皮弁祭菜于先師。示敬道也。雅
肄鹿鳴。四牡皇華之三篇。官其始也。學以求志。教以
官材。肄之使端。其始也。入學鼓而發篋。趣之於離經。
曰。遜志於此乎。是遜業也。不威不重。以學則不固。故
夏楚二物。收其威。而教先於六儀。詩曰。朋友攸攝。攝

以威儀是也。故大學之教。弦也。誦也。春夏禮樂。秋冬
詩書。時教之正業也。久則勞而厭。敦生焉。操縵之安
弦也。博依之安詩也。雜服之安禮也。退息之居學也。
使玩焉游焉而後安。人之性也。有能有不能。其能者
得之性而成之習也。稷之播種也。夔之擊拊也。童而
能之。長而好焉。不性生乎。是藝也。故興其藝則樂。學
不興不樂也。是達材之教也。故君子之學。藏焉靜一。
修焉操業。息焉恬志。游焉適情。不專一方。皆所爲鼓
舞弛張。令之不倦。而日漸于中和之道也。夫然故安
學而親師。樂友而信道。離師輔而不反。是謂強立而

大成。此造士之大倫也。夫學所以理性情。淑身心。而歸諸道也。性其未發也。是於物無涉矣。時而調之。時而攝之。使無撓於物。而自達於本。禁未發之豫也。欲動情動。如水如火。卽發者欲自禁而無繇。如是而禁之。必扞格矣。是不豫之過也。夫時過後學。如夏而播種。秋而耘耔。將能獲乎。故學教國子及學士必時。中一而較必時。時過而後學。猶無學也。積分而授之業。積分而視之成。譬四時之八節然。一不可得爽。所謂節也。不陵節而施。使警雋者俯就之而熟。魯愿者誘掖之而至也。何業之不治。雜焉而施之。一不倫於理。

則施者悖也。壞亂之道也。夫獨學僻也。燕朋淫也。燕
辟逸也。與端良相觀乎。其長善也微。其救過也。於未
形。漸焉涵焉。淬焉入焉。之謂摩。唯然故移之以朋友。
而觀摩之益微也。夫目。心神之宅也。故教者時觀外
觀其形。目攝其儀也。內觀其心。目攝其心也。觀弗語
而目攝之。使自存。存其心之至也。不時觀而訊。使心
馳於訊。多其訊言而數。使心馳於數訊。此求者拂也。
夫君子之教。牽之以爲道也。然或以牽率而退。馳驟
之。束縛之而敗。故也。故弗牽而和。抑之以爲強也。然
或以抑壹而頓沮蹙之也。故弗抑而易。達之以爲開。

也。然或以開達而散，末之思又使人無復措其思，故散也。弗達而思矣，故辭約而達。語微而臧，教罕譬而喻，可以爲師矣。學者有四失，教者必知之。灼知之而後能救其失也。或失則多，或失則寡，或失則易，或失則止。此四者，心之莫同也。灼知之者，知至學之有難易，而又知其人之美惡，而灼見其心，然後能博喻博喻者，多而寡之，寡而多之，或因其多而多之，或因其寡而寡之，忽者以爲易，以其難儆之，止者以爲難，以其易開之，精而精之，精而麤之，麤而精之，麤之強者退之，強而不抑也，進者止之，止而不拂也，昏者

昭之。或昏以爲昭。明者融之。或虛以爲明。小者廓焉。
大矣。或因其小而小之。則得其爲小。大者挹焉。小矣。
或因其大而大之。則成其爲大。夫喻非一端而已也。
夫各有當也。故知微者知心。入微者格心。可以爲師
矣。夫良冶非裘也。子學而爲裘。學其似也。良弓非箕
也。子學而爲箕。學其似也。詩曰。螟蛉有子。果臝負之。
教誨爾子。式穀似之。謹其似也。不觀之效。駕乎始。駕
馬者反之。車在馬前。先之也。帥先之而從。不先何從。
是故。君子慎所以先人者。師之謂也。夫王世子貳君
矣。而學於學與士齒。不敢以其貴富加之。以友士。王

尊無上而師詔於天子無北面。正西嚮之席。稟學焉。
尊師也。故曰。師無當於六官。而重於六官。非苟爲尊
已也。德不官而德尊。道不器而道尊。信不約而信至。
時不齊而享行。時中也。如此而後能博喻。能博喻而
後能無陂敎。無陂敎而後可以爲人師也。制於虞曰。
上庠。於夏曰東序。於殷曰右學。養國老在焉。於虞曰。
下庠。於夏曰西序。於殷曰左學。養庶老在焉。皆太學
也。周人修而兼用之。虞學曰米廩。以養庶老。冬讀書
在焉。記曰書在上庠夏學曰東膠。以養國老。春夏學干戈。秋
冬學羽籥在焉。殷學曰瞽宗。以祭樂祖。春誦夏絃。秋

學禮在焉。皆太學。而統之曰辟雝。辟明雝和言學也。者所以明和天下也。又水環澤宮之丘如壁然曰壁雝。亦曰成均。以成其德性。均調其過不及而名也。膠言在郊。必於郊。於澤中之丘。欲耳目不雜。安其處而無異慮也。故亦曰澤宮。王擇侯國所貢士。與大射其中簡焉。國大事。出征執訊。受脤獻馘在焉。其侯國命立學亦於澤。而頗損其制。環水如半壁曰泮宮。故瞽宗東膠辟雝成均。其實一也。皆天子設太學以教於國者也。古聖王之所甚重也。故人生十年曰幼。學於家。學於家者。就外傳而學之塾也。學書記學幼儀學

樂誦詩舞勺。成童舞象。學射御是也。二十曰弱冠。能其秀而學于鄉。學於鄉者。學於庠序校也。始學禮舞大夏。惇行孝弟。博學不教。內而不出其學也。三十壯有室。大司徒簡其秀而學于國。大樂正造焉。小樂正大胥。小胥贊焉。朋友移焉。四術四教。春秋禮樂。冬夏詩書。其所術學也。九年而博學無方。知明強立矣。而後可材。諸位於是乎。大樂正簡而進之。王升諸司馬。故四十曰強而仕。而論官辨材始此也。其不幸教者在鄉學。則大司徒簡之。而習射上功。習鄉尚齒。左移之右。右移之左。以觀其變。不變如初禮。而移之郊。移

之遂焉。其移也。蓋族也。異師友。新視聽。易耳目。而更其所習。族之之道也。又不變而屏。在國學。則小胥大胥。小樂正。簡不帥教者。告于大樂正。大樂正以告于王。王命三公九卿大夫元士。皆入學。以興之。不變。王親視學。其興也。蓋族也。重絕人之道也。又不變。王三口不舉。屏之遠方。終身不齒焉。故司徒之教。主於使民繇道而成俗。而胄子之教。主於使人知道而成德也。然繇之者。雖其不通於道。而踐習服行。可寡過而刑俗。得安處於田畝。令詩書則誦習其文。禮樂則通習其數。以億事則慧。以博物則藝。以濟惡有能也。如

是而不屏。必且偏蔽反側。拂經賊德。過焉不止。而終
驚乎繇之者之民。故侯明撻記書識。而不威不變。必
從之以屏。屏之遠方。屏之棘寄。退不得伍於民。而後
已。此王者一道德以同俗。使小子有造。成人有德。有
馮有翼。有敎無斁。而譽髦斯士之道也。其詩曰。鎬京
辟離。自西自東。自南自北。無思不服。皇王烝哉。美哉。
周之盛德乎。至哉。敎乎。至其國子之倅。居虎門之左。
爲王宮衛者有官矣。諸子辨等正位。春合諸學。秋合
諸射。使修德而學道。以三德敎焉。曰。至德以爲道本。
敏德以爲行本。孝德以知逆惡。師氏以三行敎焉。曰。

孝行以親父母。友行以尊賢良。順行以事師長。於德
行益深。夫天命之中。人得之爲中。大本出焉。達道行
焉。覆幬持載。含容之至德歸焉。故以爲道本。天乾行
不息。人法之爲行。晝乾夕惕。無不敏。而百行萬善從
載焉。故敏德行本也。人心危。卽逆惡時有之。和順積
于心。不可解。以事其親。而逆惡必知之。知逆惡而未
嘗見諸行。則順積之致也。教之至也。鄉六行。行於家。
必友睦婣任恤。而後具此學成而官。官而學。惟尊賢
事師。止於孝德爲其行已焉。親親尊賢。九經之大端。
能事人而後能處人。於使人裕如也。唯然而國子漸

於道順具天元德而詔王燾匡王失者繩繩於無窮
此天下之大教也乃保氏養之以道而教之五禮六
樂五射五御六書九數俛周於應務又教之六儀於
容德益博習焉其在宮衛次舍宮正又糾其德行幾
其出入去其淫怠與其奇衰會什伍而教之道藝故
君子之於學也沒身而已矣先王之敬數學也沒其
身而已矣唯然知三代君臣相爲師友明穆交贊爲
天下帥先譬天奧樞居其所而列曜官乃其敷教則
固如產氣下復庶物萌生咸自夫閭巷黨序州庠鄉
學間始也豈非盛哉

張曰周家之教博
大精詳未易
殫述此編遍
採諸書融會
綱目

錦叙條達
發揮透露

周衰王道微缺。不悅學之說。多有而駟。及其大人青衿城闕。詩用爲刺。齊魯之國。易象春秋。十三國之樂猶在。而莫能宣明。孔子躬神聖之資。明天道而察民故。上述唐虞。下憲殷周。閔王路廢而邪術興也。轍環於列國。冀於一遇。而世以混濁。莫能用。於是退而論次詩書。修正禮樂。舉古樂正之所爲。造士者。退修之。洙泗之間。又贊易以明天道。修春秋以定王法。通四術四教。總之爲六經。以憲萬世而教無窮。其門人弟子。循誦習傳。漸被於海寓。絃誦詠歌。考道勸德。訢訢侃侃者數千人。高可佐王。下者德成材達。

以咸適於教。蓋孔門師友於唐虞君臣埒而素王之
繫終古一見也。然自是帝王敦學不在於京邑州鄉
之上。而在乎山澤壇墠之間。雖其甚盛。而世升降繫
之矣。其後仲尼沒。微言絕。以七十子之徒。林立於世。
而教義章明。當是時。有若居魯。子夏居西河。子張居
陳澹臺。臧明居楚。子貢在齊。大者爲師傅。卿相。小者
友教士大夫。而子夏之傳特盛。田子方段干木之屬。
皆從受繫。而曾子之傳獨得其宗。思孟纘繫焉。後乃
有荀卿。當其時。天下並爭於戰國。儒術旣絀。至秦坑
焚之禍至烈。而齊魯之間。學者獨不廢也。漢兵圍魯。

中不下。而諸儒尚習於講誦。禮樂絃歌之音相聞。高帝喟然嘆以爲守禮義之國。爲之罷兵。後過魯。以大牢祠祀孔子。蓋其感也。當是時。天子不說學。而儒生叔孫通稍通顯。阿帝意。就漢朝儀。因用爲太常。諸生共定儀者。咸爲選首。而魯兩生竟斷斷不肯行也。其守道不阿世如此。及太史遷適魯。觀仲尼廟堂車服禮器。而魯諸生尚以時習禮其家。令低回久不能去也。蓋孔子之迹熄已久。傳十餘世。五百有餘歲矣。聖人在下而道傳。其效壹至此哉。始漢興。方以干戈定海內。未遑庠序之事。孝惠呂后時。公卿皆武人。不說

需孝文初使掌故鼂錯從伏生受尚書已又令儒生
集撰王制經置一博士寢鄉於文治而帝終謙讓實
清淨慈儉爲道本未遑禮教也武帝卽位頗垂意於
六藝之文董仲舒爲上言古之王者南面而治天下
莫不以教化爲大務立太學以教於國設庠序以化
於邑漸民以仁磨民以義節民以禮今陛下幸詔舉
賢良而一郡一國對無應書者是王道往往而絕也
願興太學置明師以養天下之士白發其端於是天
子下制曰蓋聞導民以禮風之以樂婚姻者居室之
大倫也今禮廢樂崩書缺簡落朕甚閔焉故詔延天

下方正博聞之士咸登諸朝。令禮官勸學講義。洽聞興禮爲天下先。太常議與博士弟子崇鄉里之化。以廣賢材焉。當是時公孫弘以春秋起白衣爲漢相。封侯矣。悼道之湮鬱。乃與大常臧博士平等上議。言臣聞三代之道。鄉里有教。夏曰校。殷曰序。周曰庠。而建首善自京師始。繇內及外。今陛下昭至德。開大明。配天地。本人倫。勸學修禮。崇化厲賢。以風四方。太平之原也。古者政教未洽。不備其禮。請因舊官興焉。爲博士官置弟子五十人。復其身。太常擇民年十八而上。儀狀端正者。補博士弟子。郡國縣道邑有好文學。敬

長上肅政教順鄉里。出入不悖所聞者。令相長丞。上所屬二千石。二千石謹察可者。令與計偕。詣太常。得受業如弟子。一歲皆輒試。能通一藝。以次補文學。掌故缺。其高第可爲郎中者。太常籍奏。有茂才異等。輒以名聞。其不事學。若下材。及不能通一藝。罷歸。諸不稱者。罰。臣謹按。詔書律令下者。明天人分際。通古今之義。文章爾雅。訓辭深厚。恩施甚美。小吏淺聞。不能究宣。無以明布於下。治禮掌故。以文學禮義爲官。而官遷留滯。請選擇其秩比二百石以上。及吏百石。通一藝以上。補左右內史。大行卒史。比百石以下。補郡

太守。卒史各二人。邊郡一人。先用誦多者。不足乃擇掌故補中二千石屬。文學掌故補郡屬。用廣厲學官之路。請著功令。它如律令制曰可。自是世有增加。而公卿大夫。斌斌多文學之士矣。當是時。詩尚書易禮春秋經各有師承。而太師爲學士所師尊者。弟子至以久次轉相授業。或莫見其面。蓋嚴師如此。其後經師著傳者。得列於學官。而濟南關西瑯琊千乘間。隱居教授生徒者。復往往數千人。或至餘萬人。猶不屬於庠序。專門守業。論篤固而風最謹淳。方宣帝少時。受詩於東海濮仲翁。於是詔諸儒論五經異同於石。

渠閣命御史大夫蕭望之等平奏。帝親稱制臨決。而經高等者立博士傳習之。當是時。儒者王吉貢禹。留意於風俗教化之務。吉爲上言。春秋所以大一統者。六合同風。九州共貫也。今俗吏獨設刑濇以守之。各取一切。故變而不可復。是以戶異政。人殊服。詐僞萌生。刑罰無極。質樸日銷。恩愛寢薄。願陛下承天心。發大業。與公卿大臣延儒生述舊禮。毆一世之民。躋之仁壽之域。而條當世趨務不合道者數事以上。給事中匡衡言。臣聞保民者。陳之以德義。示之以好惡。觀其失而制其宜。故動之而和。緩之而安。今天下俗貪。

聲色尚侈靡。好財賤義。廉耻之節薄。淫辟之意縱。親戚之恩薄。婚姻之黨隆。苟合徼倖。以身殉利。雖歲赦之。刑難使錯而不用也。臣愚以爲宜一曠然大變其俗。詩曰。京邑翼翼。四方之極。今長安天子之都。親承聖化。然其習俗。無以異於外方。罷國來者。無所瀉。則或見侈靡而效之。此教化之本原。風俗之樞機。宜先正者也。宜遂減宮室之度。省靡麗之飾。放鄭衛。進雅頌。任溫良之人。退刻薄之吏。顯潔白之士。昭無欲之路。覽六藝之意。以崇至仁。匡失俗。易民視聽。令海內昭然。見本朝之所貴。道德弘於京師。淑問揚乎疆外。

然後大化可成。禮讓可興。美哉言平。有意乎司徒八
統保息本俗之教矣。其後衡孔光張禹之倫。以經學
位三公。爲天子師。恩數隆重。近古未有。而諸經生各
尊尚其師說。嚴承傳。疆學以待問。力行以待取。終無
外慕。臨位而不敢受。必以讓其師。比從政。守師說不
敢廢。國有大政大議。不敢臆說。懸斷舉師說爲對。而
篤誼服勤。至身爲之死。中更王莽更始之亂。禮樂崩
壞。典文殘落。而志誼皦然不替也。故先漢儒風特醇。
而梅福上書言。昔成王以侯禮葬周公。皇天動威雷
風著災。今仲尼之後。不出闕里。孔氏子孫。不免編戶。

以聖人而歆匹夫之祀。非皇天之意。陛下誠能據仲尼之素功。以封其子孫。後世爲則。國家必獲其福。而陛下之名。與天無極。事需後。及平帝初。詔追謚孔子爲褒成宣尼公。封其後均爲褒成侯。光武中興。首加隆重。修太學。式古典。訪求儒雅。而籩豆干戚之容。爵興。四方學士雲會于京師。於是立五經博士十有四家。俾各以其家灋教授。置弟子員受學。太常以差次總領焉。博士舉狀式曰。生事愛敬。喪事盡禮。通易尚書。孝經論語。兼綜載窮。微闡奧隱。居樂道。不求聞達。身無金瘡痼疾。三十六屬。不與奸惡交通。不干王侯賞賜。行應四科。經任博士。署某官某保舉。中元元年。始建三雍。明帝卽位。親行其禮。天子冠通

天冠而衣日月。備灋駕清道詣焉。至辟雍。御東廡。遣使者以安車迎三老。躬五更榮於講堂。天子親迎於門。屏外交禮。道中升自阼。老更自賓階躋。天子揖讓如禮。三老升東面。三公設几。九卿正履。天子親袒割牲。執醬而饋。執爵而醕。祝哽在前。祝噎在後。五更南面。三公供具亦如之。五更榮。帝故所從受經桓先生也。禮畢。引桓先生及弟子升堂。帝自下請爲說經。當是時。冠帶縉紳之人。圜橋門而觀聽者。蓋億萬計。於是詔尊賜榮爵關內侯。三老五更皆以二千石祿養終其身。其後帝親詣太常。爲桓先生設東面坐。置几。

校會百官及榮門生數百千人。帝親執業。諸生或避位發難。帝謙謙不敢對。曰。太師在是。旣罷。悉以太官供具薦其家。榮每疾。帝輒遣使者存問。太官大醫相望於道路。後疾篤。帝親詣問起居。至榮所居第街。帝下車擁經而前。撫視流涕。賜牀茵帷帳刀劍充其家。多儀及物。千百年鮮儷也。榮卒。帝變服臨哭。甚哀。賜冢塋首山之陽。當是時。自皇太子諸王及功臣列侯大臣子孫莫不學。又爲外戚郭樊陰馬建四姓小侯學。搜選高能。受博士業。自期門羽林之士。畢令通孝經章句。匈奴亦遣子入學。濟濟乎。洋洋乎。斯爲盛矣。

肅宗時尚書楊終言章句之徒師異道人異說用破壞大體願陛下準石渠故事詮平之一道德爲後世則於是會諸儒於白虎觀考詳同異稱制決如石渠故事命史臣著通義記焉迨連月乃罷又詔高才生受古文尚書毛詩穀梁左氏春秋皆擢高第爲講郎給事近署以網羅遺軼博存諸家方帝爲太子時受書於汝南張酺元和二年春二月東巡狩至于東郡詣焉命太守酺諸門徒掾吏會庭中天子備弟子之禮受尚書一篇乃行幸儒者鄭均宅問道賜尚書祿終其身望岱宗至魯作六代樂祀孔子於闕里大會

孔氏男子六十二人。命諸儒講經。帝謂博士倂曰。今日之會。於卿宗有光乎。對曰。古聖帝明王。莫不尊儒貴道。今陛下親屈萬乘。辱臨敝里。崇禮先師。增輝聖德。非臣私家獨蒙其榮。帝太息曰。非聖者子孫。能爲是言乎。拜倂郎中。和帝亦數幸東觀。閱書府。召博士諸儒。問大義。而司徒防爲上言。說經者傳先師之言。非從已出。若規矩權衡之不可枉也。難者必明其據。說者務立其義。浮華無用之言。不陳於前。故精思不勞。而道術愈章。伏見試博士弟子。皆以意說。不修家法。妄生穿鑿。輕侮道術。淺以成俗。臣聞之。改薄從忠。

三代常道。專精務本。師學之所貴也。臣以爲博士策試。宜從其家法。開五十難以試之。釋義多者爲上第。引文明者爲高說。其不依先師以新奇相代者。皆正以爲非。帝從之。永初初。鄧太后稱制。安帝方幼。中尚書準上疏曰。臣伏觀光武皇帝受命中興。羣雄崩擾。東西誅討。不遑啓處。然猶投戈講藝。息馬論道。至孝明皇帝兼天地之姿。竝日月之明。庶政萬幾。無不簡心。而垂情古典。游意經藝。饗射禮畢。正坐自講。闕里之化。矍相之事。不足方之。朝多皤皤之良布。在廟廊。每於讌會。則論議衍衍。共求政化。詳覽羣言。金聲玉

振小大隨流雍雍可嘉。期門羽林介冑之士悉通孝
經論語。化自聖躬。流入蠻方。八方肅清。上下無事。是
以議者每稱盛時。咸言永平。今學者益少。遠方尤甚。
博士倚席不講。儒者競論浮麗。忘謇謇之忠。習諛諛
之辭。文史則去法律而學詆欺。德陋俗薄。滋以苛刻。
昔孝文竇太后好黃老。而清靜之化流。臣愚以爲宜
下明詔。博求幽隱。發揚巖穴。寵進儒雅。徵詣公車。以
俟聖上講習之期。郡國書佐使讀律令。通知弼教期
治之意。樊準南陽湖陽人。宏族孫。少勵志。行。業儒。以父產數百萬。讓孤兄子。於是太后
詔公卿中二千石各舉隱士大儒。妙簡博士。必得其

人以勸後進。而安帝薄文藝不好也。當是時太學頽
敝。博士棄不講習。朋友怠散。永建中。將作大匠翟酺
爲上言。孝文皇帝經置一博士。武帝興學。宣帝論六
經於石渠。學者滋盛。光武初興。愍其荒廢。起太學博
士舍。若內外講堂。諸生黌巷。海內宗嚮。明帝重辟。雖
欲毀太學。太尉趙熹以爲宜兼存之。故竝傳至今。而
頃者頽廢。鞠爲蔬圃。宜更修繕。誘進來學。順帝從之。
而太學堂房門館復備。諸郡國試明經下第者。補第
子。增甲乙科。員各十人。成帝課甲科四十人。乙科二
十人。至是甲科五十人。乙科二
十人。并丙科用左雄言。召海內名儒爲博士。使公

卿子弟受業簡有志操者增養給而童子年十二能通經者拜童子郎自是游學增盛至三萬餘人其後桓帝時諸儒郭泰賈彪等遊太學學士宗之與司隸膺太尉蕃尚書暢更相褒重爲世表而太學生競爲危言深論以激世爲宦官所忿嫉於是鉤黨之禍作而學士無慮多誅僇烈矣始延熹初太學西門自壞平原襄楷歎之曰太學天子教化之宮門無故自壞文教其將衰乎已而果然靈帝溺辭自造皇羲篇五十章開鴻都門學引諸生能文賦者數十人以不次擢侍中祭酒樂松賈護多引無行趨勢之人以充賢

士耻與其列。議卽邕上書言。古者取士。使諸侯歲貢其德行道藝。孝武之世。郡舉孝廉。又有賢良文學之選。文武並用。漢之得人。數路而已。夫書畫辭賦。才之小者。康國理人。未有其能。陛下卽位。首先經術。聽政餘日。觀省篇章。聊代博奕。非以爲教化取人之本也。而諸生競利。作者鼎沸。高者頗引經訓風喻之言。下則連偶俗語。有顛俳優。或竊成文。虛冒名氏。亦復隨輩擢拜。旣加之恩。難復收改。不可復使之從政理民。及仕州郡。昔孝宣會諸儒於石渠。章帝集學士於白虎。通經釋義。其事優大。文武之道。所寔率從。若乃小

能小善。雖有可觀。孔子以爲致遠則泥。君子當志其
大者遠者。願幸留意。蓋終漢世。自天子王侯中國。咸
尊六籍爲素王。大業潤色。遵明其賢者。修諸身而見
於世。謀王謨國。撰著講授。咸不詭於宗經。故西京醇
厚。東漢風節。三代而降。斯爲美。而先漢循吏。蜀守文
翁。潁川守韓延壽之倫。猶能以興學明教爲大務。舉
察辟薦。庶幾古州里庠序之化。俗漸漬於學。而成風。
始蜀郡僻陋。有蠻夷風。郡守文翁。誘進之以教化。乃
選郡縣小吏。開敏有才智者。親飭厲。遣詣京師。受博
士業。學成歸。以爲右職。又起學宮於成都市中。招下

縣子弟受學。更其繇。高者補郡縣吏。次舉孝弟力田。吏民榮之。爭願爲學官弟子。繇是學者比齊魯焉。潁川多豪強難治。延壽欲教以禮讓。乃首召郡中長老。爲鄉里信。何者數十人。具酒食與相對。接以禮意。人。人問以謠俗。民所疾苦。爲陳和睦親愛。銷除怨咎之語。長老各自歡幸。願受令。因與定嫁娶器祭儀品。令畧倣古禮。而毋過於法。又令文學較官諸生。皮弁執俎豆。爲吏民行器祭嫁娶禮。百姓遵用。風化勃然。後入爲左馮翊。黃霸因其迹。而條教益設。而大治。天子下詔稱揚之。曰。潁川太守霸。宣布詔令。百姓孝子弟。

弟貞婦順孫日以衆多。田者讓畔。道不拾遺。養視鰥寡。贍助貧窮。獄或八年。無重罪囚。吏民興於行誼。可謂賢人君子矣。書不云乎。股肱良哉。其賜爵關內侯。黃金百斤。秩中二千石。而潁川有行義民。三老力田。皆賜爵及帛有差。施于東漢。流風未泯。蒲亭長仇覽。制科令。勸人生業。至果菜鷄豚。畢有數。農事訖。則令子弟就黌舍。羣於學。其剽輕遊恣者。督課之。田桑振器。卹窮民。大嚮服化。悉歸悖。卒成孝子。蓋其風如此。漢末凌遲。三國兵爭。始猶沿先代之故。興學講業。正始而後。王衍何晏。嵇阮之倫。扇以玄言。士溺恬虛。放

而成俗。讎視禮法。繹視名教。汎溢無簡。貪實溺女。視
爲性然。氏羗戎羯。交亂于士中。波及六季。莫之能反。
彼其初。徒以萬物生於虛無。成其簡曠。詆名教無所
用。快其宏論。而流乃漫漶底是也。晉宋梁隋之間。益
之以佛說。益宏濶勝大。王公崇奉。學較淪沒。曾莫省
顧。賀循戴邈王儉之流。稍請遵明。而習俗益敝。終莫
能振。當晉時。鄱陽內史虞溥。獨畱意庠序之事。移告
所屬縣。招學徒至七百餘人。溥作誥諭之。畧曰。爾文
學諸生。皆冠帶之流。年盛志美。講修典訓。此大成之
業。立德之基也。夫聖人之道。淡而寡味。始學者不好。

也。比至朞月。博習滋多。然後心開意朗。敬業樂羣。不覺大化之陶而入也。故學之染人。甚於丹青。丹青見其久而渝矣。未見學久而渝也。夫工人之染。先鈔其質。後修其色。修色積久而工畢矣。學亦有質。孝悌忠信是已。君子內正其心。外修其行。行有餘力。則以學文。文質彬彬。然後成德。夫學不忠才之不及。而患志之不立。故曰。希驥之馬。亦馬之乘。希顏之徒。亦顏之倫。又曰。剡而舍之。朽木不知。剡而不舍。金石可虧。斯非其效乎。時祭酒求更起學舍。行禮。溥曰。君子行禮無常處也。孔子射矍相之圃。而行禮大樹之下。

爲民費。諸猶淳質。有漢儒風。元魏孝文。篤意斯道。建
辟離。尊事老更。及遷洛。立國子太學。四門小學。斯文
鬱然復興。燕齊趙魏之間。橫經著錄。大者千餘人。小
者數百人。周文開府。設崇文之觀。重成均之職。徵沈
重於南荆。禮熊安生於東魯。是以天下慕向。服儒服。
挾先王之道者。比肩歸之。雖通儒盛業。有遜前代。而
流風爲競矣。道器千載。而王文中子。皇然遠覽於周
公孔子之道。遵修鴻業。曰先師之職也。不敢廢。道修
於近。治反乎本。好而能樂。勤而不厭。困而不懣。窮而
能通。而三才九疇。屬布衣也。當是時。河汾之間。講義

勸道絃誦詠歌。不列於庠序。而訢訢休休。微言眇論。

庶幾哉洙泗之風。其徒遵其道而受業者數千人。有

造有立。蓋天之厭亂極矣。會且開唐宗昌明之治。豫

爲之設科儲才。而房杜王魏之倫。因成佐命也。唐始

受命。卽詔有司立周公孔子廟于國學。有國子學。置

學生三百人。以文武三品以上子孫若從二品以上

品勲封之。曾孫及勲官二品。縣公京官四品帶三

品曾孫及勲官三品。有太學。學生五百人。以五品以上子孫職

以上有封之子爲之。有四門學。學生千三百人。其五

以勲官三品以上無封四品有封及文武七品以其

上子爲之。其八百人。以庶人之俊異者爲之。律書算皆有學。律學生五十人。書算學生各三十人。

以八品以下子及庶人之通其事者為之其京尹府有學。學生八十人。京

縣五十人。而天下諸道州縣率置學。凡三等。上州學

生六十人。中下州以十為差。上縣學生四十人。中下

縣亦以十為差。國子監生。尚書省補祭酒統焉。州縣

學生。州縣長官補長史主焉。凡博士助教分經授諸生。未終經者無易業。凡

禮記春秋左氏傳為大經。詩周禮儀禮為中經。易尚書春秋公羊穀梁為小經。通二經者。大經小經各一。

若中經二通三經者。大經中經小經各一通五經者。大經皆通。而門下省有弘文館

生三十人。東宮有崇文館生二十人。詔宗室功臣子

孫學焉。皇總麻以上親。皇太后皇后大功以上親。宰

從三品中書黃門相及散官一品功臣。身食實封者。京職事官亦甚設矣。太宗櫛風沐露銳情經

術。卽秦王府開文學館。召名儒十八人爲學士。旣卽位。於殿左置弘文館。引學士番宿更休。每間輒召對。討古今道前王成敗。至日晏夜艾不怠也。貞觀六年。詔罷周公祠。以孔子爲先聖。封孔子後德倫爲褒聖侯。顏氏爲先師。制太學。四門律書算學。皆隸國子監。聘天下老師淳德。爲國學官。數臨幸。命祭酒博士講論經義。賜束帛。諸生負至三千數百人。自玄武屯營。飛騎皆設博士授之經。四方秀父挾策負素。至集京師。而文治勃興。於是新羅高昌百濟吐蕃高麗等國。並遣子弟入學。凡八千餘人。侈袂方履。肩摩武接。國

學之盛。近古未有也。已又命讐正五經訛缺。頒天下
示學者。命諸儒萃章句爲義疏行之。因詔前代通儒
用其書。行其道者。宜褒嘉。列饗于孔子廟庭。方帝卽
位。初訪羣臣。喟然歎承大亂後。恐教化未易達也。魏
文貞對曰。久安之民驕逸。驕逸則難教。經亂之民愁
苦。愁苦則易化。譬之猶饑易爲食。渴易爲飲也。帝然
之。封德彝曰。三代以還。人漸澆訛。故秦任法律。漢雜
霸道。蓋欲化而不能。豈能之而不欲。魏徵書生。未識
時務。信其虛論。必敗國家。徵曰。五帝三王。不易民而
化。湯武皆承大亂之後。而身致太平。苟謂俗漸澆訛。

則至于今日。當盡化爲鬼魅矣。陛下安得而治之。帝曰善。由是垂意教化。而文治大行。玄宗卽位。重儒學。詔羣臣及府州縣舉通經士。而太常馬懷素散騎常侍褚無量。以待讀入勸講禁中。帝讀書有疑義。從問質。以無量羸老。造腰輿。使內侍舁之。親送迎。待以賓師之禮。已又置麗正書院。聚文學之士。撰講議。勅有司優給。中書舍人堅頗以爲多費。訾之。相張說曰。古帝王於無事時。往往肆意於聲色犬馬。今上延禮文儒。垂意典籍。甚盛。爲益者大。爲費者小。陸生之言。何不達也。時詔天下州縣里皆置學。而先聖孔子褒封。

未崇極。不副於帝心。乃尊諡爲文宣王。封其後襲文宣公。於廟正南面位。諸十哲七十二賢皆加秩。而顏子特進充國公。是時祭酒楊瑒爲上言。古者公卿大夫之子弟。及諸侯歲所貢俊秀。畢入太學。漸漬於禮樂三德四教。比學成而後官。唐興二監。舉者以千百數。當入選考。功覆較登第。無多少之限。今考功限天下明經進士歲纔百人。二監得與舉者無幾。是學徒空費官廩。而博士爲濫祿也。國家啓庠序。廣化導。將有以用之。而猥以限約格之也。且流外出身。及諸色仕者。歲至二千餘人。而明經進士。不能居其十一。胥

史浮虛之徒。眊先王禮義。非得與服勤道業者。挈長
度重也。而旁羅叔之。欲望俊乂之在朝也。難矣。又奏
言春秋儀禮書傳浩繁。今習者纔十一二。而有司帖
試明經。不質大義。獨取年頭月尾。孤經絕句以困之。
將廢無日。請帖平文以質大義。能通者稍加優仕。以
弘獎儒學。從之。代宗時。詔皇太子詣國學行齒胄禮。
國子司業歸崇敬。以學與官名皆不正。而講試無法。
欲因以更法復古。乃建言天子學曰辟雍。水環繚如
璧然。其誼言以禮樂明和天下也。云爾。漢光武立明
堂。辟雍。靈臺。號三雍宮。至晉別立國子學。以造士。今

辟離獨闕。請以國子監爲辟離。省祭酒司業。非學官
宜稱。請以祭酒爲太師氏。司業爲左師右師。近世明
經不課義。先帖經。額門廢業。傳授道絕。請尚書周易
儀禮禮記春秋左氏傳經。各置博士一員。公羊穀梁
春秋通置博士一員。皆兼通孝經論語四品以上。各
舉德行純潔。文詞雅正。儀矩莊重。可爲師表者。以聞。
在外給傳。七十者安車蒲輪敦遣。國子太學四門三
館各立五經博士。品秩生徒有差。且條教授法。學生
謁師。贊用服。修一
束。酒一壺。衫布一裁。色如師服。師出中門。延入與坐。
割修斟酒三爵止。乃發篋出經。握衣前。請師爲說經。
太畧。然後就室朝。晡請益。二時堂上訓授。示以文行
忠信孝悌。睦友之道。旬省月試。時考而歲貢之。天曹

視生徒及第多少爲博士考課殿最有不率教者夏
楚之移禮部爲太學生太學又不變徒之四門又不
變徒本州學復不變詠役如初終身不齒雖率教九
年學不成者亦歸之本州禮部考試法請罷帖經於
所習經及論語孝經條問大義二十而得十八爲通
策三道以本經對三通二爲及第其孝行聞鄉里者
及舉解具以聞試闕一二許兼收有詔尚書省集百

官議皆以去古久遠制度難分明省禁非外司宜稱
周世官稱氏國學非世官不得稱氏崇敬議非是本
所議有意乎興學而大都文具無本實故不行其後
鄉貢進士李行修上書言臣伏觀漢初經籍所起繇
口傳壁匿而煥然明備繇朝廷修廢官立太學朝夕
講貫以究聖意歲時程課以嚴師道使然也迨乎桓

靈之世。遂能使諸儒扶持元極。匡飭頽俗。傳委裘以終大運。非儒術已試之明效與。近學無專門。經無師授。以音定字。以疏釋經。是能使生徒繇之中科。不能使天下繇之致理。明矣。大率五經皆然。臣獨以詩學上聞。趨所急也。夫詩者。發人情性之蘊。故謂之風。手舞足蹈之音。作用之崇祖德。垂風聲。勞歌怨誹之音。作用之察治理。審教化。是以四海雖大。羣生雖廣。猶生人之和氣。息乎踵。達乎顙。而流乎手足。猶草木之豐澤。漸乎根。窮乎杪。而被乎枝葉。氣無湮滯。情無闕鬱。如此。則詩得其任。風得其性也。昔殷周相承。俱有

聖治道洽于下。告成功於神明。德澤衰反。謬於禮素。
文主譎諫而不訐。其教溫柔敦厚而不愚。仲尼接于
其時。謂王者宜以陶冶風俗。臣下宜以洗濯滓穢。乃
採詩合三百五篇。善者全而用。不善者全而去。非如
春秋諸經。或革或因。相錯而成也。志士躬當治亂之
時。氣有慘舒。感於物而後動。積於中而後形。故言之
成文。歌之成聲。聖人以全動物。物從自化。未施敬於
人而人敬。未施哀於人而人哀。頑者以之開明。躁者
以之舒釋。道源既失。絕而莫嗣。獨有楚屈原。頗得詩
人之風。介於子蘭靳尚之間。終以放死。洎秦嫫笑三

代燔燒經籍。世儒坑死。後學喑呢。相授以及漢興。離
全經者七十年。師口說者四三輩。漢武篤好。立於學
官。雖章句大修。而比興未喻。時楊雄。司馬相如。巽悞
觀望。勸百諷一。推波助瀾。文雖有餘。不足稱也。然以
本學寢盛。時因災異。屢啓直聲。初或不究。終得其助。
厥後君臣道薄。詩道陵夷。蘊義感激之士。至曰生何
後乎。鬱悞嘆喑。莫通其源。臣伏以爲詩教未隆於時。
則士不勸。風雅未洽於下。則言多舛。陛下加禮巖穴。
發揚幽仄。以文讓次。征伐而不暴。以誠明推教化而
不浮。如此。則詩學何爲鬱然積於空虛不用之地乎。

願詔公卿諸儒講其同異。約其指要。其有能列四始之元本。窮六藝之粹精。講之以多物而無譁。蔽之以一言而得旨者。使爲經師。俾傳而行之。其毛鄭不安者。隨宜刊正。選立博士弟子員。如漢故事。然後命瞽史納于聰明。命司成教之世子。是謂端本。繇朝廷被于民庶。由京師施之遠方。是謂垂化。復采詩之官。以察風俗。是謂兼聽。優登才之選。以勵生徒。是謂興古。四者旣備。大化自流。則動天地。感鬼神。德豚魚。其莖茶。來異俗。懷鬼方。推而廣之。神而化之。無難矣。微臣不知時變。溺於師言。謹昧死以聞。而是時皮日休請

立孟子爲學科。上書言。今有司除茂才。明經外。有熟
莊周列禦寇書者。亦得登科。其誘善雖深。而懸科固
未正也。孟子之文。粲若經傳。光乎百氏。諸子之不異
於道者。惟此而已。夫莊列之文。荒唐之文也。讀之可
以爲方外之士。鴻荒之民。豈能有益於輔世貞教也
哉。此之不列。而彼之崇長。何也。請下有司。立孟子爲
學科。有能精通其義者。視明經選。皆尼不行。唐自中
葉。老佛顯行。儒道媮末。濫竽顯仕。稱儒者。顧相助爲
怪神。昌黎韓愈始銳然以六經之文爲諸儒倡。喟然
引聖爭四海之惑。屢踰復振。元和中。爲國子博士。上

書言國家典章。崇重庠序。近日趨競。不復原本。至使公卿子弟。耻游太學。而工商凡冗。或占上庠。宜革正。以贊鴻猷。請國子館生員。依六典蔭補。其太學館。願許無資蔭。有才業人以充。如有蔭資。不補學生。應舉者。請禮部不錄。又言近年吏部所注學官。多循資叙。不考行能。令生徒靡觀。不自勸勵。請自今非專通經傳。傳涉墳史。及進士五經登科。人不擬其新授官上日。必研試。乃授。用副聖朝崇儒尚學之意。後愈爲潮州刺史。而潮人未知學。乃興士於學。牒諸縣置鄉校。云。孔子曰。道之以政。齊之以刑。民免而無耻。不知以

德禮爲先而輔之以政刑也。欲用德禮，未有不繇學。較師弟子者，此州學廢日久，百十年間，不聞有進士。明經業成，貢王庭試，有司者人吏，目不識鄉飲酒之禮耳。未聞鹿鳴之歌，忠孝之行，不勸固其所也。夫十室之邑，必有忠信。今此州萬有餘戶，豈無庶幾者耶？刺史縣令不躬爲之勸，里閭後生無所從學，此亦縣之耻也。秀才趙德，沈雅專靜，頗通經，有文章，能知先王之道，論說之，且排異端，宗孔氏，可以爲師矣。請攝海陽縣尉，爲衙推官，專筦州學，以督生徒，興愷悌之風。刺史已出俸百千爲舉本，收其贏，給學生厨饌，而

潮文學始於此。時閩越地亦未有學。貞元初常衮以故相出爲福建觀察使。乃設鄉較。興學者。召學士與爲客主之禮。諸觀游宴饗必召與。未幾皆化翕然。故潮海閩越之人舉進士仕上國。自韓常興學始。而後乃駸駸乎中州埒也。至于今。頌韓常之功不衰。自唐世興學而設科。專詩賦。不要於本實。中更兵革。已復廢墜。天下競於聲偶。爲祿利資。視梁昭明所輯文選。爲六經末益漫漶。自楊綰。鄭餘慶。鄭覃。以大儒輔政。議抑進士之業。優學科。先經誼。後辭賦。然終已莫行。五代學廢。後周太祖詣孔子祠致奠。左右曰。孔子人

臣也。請無拜。周祖曰：孔子百代帝王師也。其敢不拜。乃再拜。世宗營國子監置學舍。至宋祖尤重學。尊先師。嘗歲三詣學。詔有司增脩國子監學舍。塑先聖亞聖十哲像。繪先賢先儒像。尊謚孔子爲玄聖文宣王。十哲公七十二子侯。從祀先儒伯。帝自爲孔顏贊。命宰臣兩制分撰餘贊。儒贊而國子監言監生徒額七十人。詔分習五經。中繫籍不至者多。請令赴進士諸科者補生徒之闕。詔從之。然世更大亂。學者衰少。亂稍定。儒者往往依山谷講授。徒多者至數十百人。而嵩陽。嶽麓。睢陽。白鹿。四書院爲最著。太平興國中。詔

紹孔子後宜爲文宣公。蠲其家租繇。幸國子監謁先
聖。禮畢。張帟幕。召博士覺講經。賜金帛。真宗東封。詣
曲阜謁先聖廟。服韡袍。酌獻行再拜禮。仍詣墓奠。追
謚玄聖文宣王。後以國諱改至聖。從祀諸賢儒。畢差次增封。

詔州縣有聚生徒講讀之所。並頒賜九經。仁宗卽位。
首命龍圖閣學士馮元領國子監事。且命薦博明經
術者以聞。慶曆中。參知政事范仲淹請興學校。重本
實。於是下詔言。儒者通天地人之理。明古今治亂之
原。此其道博深。而有司操聲病章句拘攣之。吾豪雋
奇偉之士。其何以奮焉。夫士以純明朴茂之美。而無

教學養成之法。使與不肖者並進。朕甚痛之。夫遇人以薄者。不可責其厚。今朕建學更制。以尊子大夫之行。盡學者之材。有司其務。嚴訓導。精察舉。以稱朕意。學者益進。脩無失時。六部使者。選所屬充教授。負不足。取於鄉里宿學有道業者。於是府州縣以次立學。較造士。而宋興亦旣八十有四年矣。當是時。天下又安。取材惟進士諸科爲最廣。而貢禮部數絀者。亦具得。特奏名。於是士玩愒不學。帝下詔。揚厲之曰。學猶殖也。不殖將落。敬遜務時敏。厥脩乃來。朕慮天下士有遺也。念屢舉不中科退者。不能友其閭里。故特奏

名而狃于寬恩。遂隳素業。朕甚耻之。自今以往。其篤學愛時。無習僥倖焉。先是侍講胡瑗教授湖州二十年。患隋唐以來。仕進尚文辭。而遺經業。苟趨祿利。於是推本古聖賢所以治已治人者爲教本。嚴條約以身先。雖大暑。必公服端坐。終日嚴師弟子之禮。視諸生如子弟。諸生亦信愛之如父兄。解經中。至有要義。懇懇爲諸生言。所爲治身約心者。置經義治事齋。其經義齋。擇疏通有器局者居之。治事齋。人各治一事。又兼一事。如治民治兵。卜利算數之類。務之於道藝。學徒或不遠千里而來。來以千數。日月刮剗爲文章。

皆傳經義本師說以理勝尤敦尚行實至是有司言
瑗湖州學諸所爲條科甚具請下湖學取其法著令
爲太學程而召瑗爲國子師瑗旣至請擇其徒之已
仕者盛僑顧臨輩分治其教如湖學加篤衆始疑駭
謗蠡起而瑗誨誘精力不怠倦卒以有立而衆大嚮
服也四方士雲集黌舍不能容每公私試罷掌儀率
諸生會首善堂令雅樂歌詩迨乙夜乃散諸齋以其
間歌詩奏琴瑟而絃誦之聲徹於中外其弟子雖散
居四方隨其人賢愚皆循循雅飭其言談舉止遇之
不問可知爲先生弟子其學者相語稱先生不問可

知爲胡公也。方洛學未興，而正叔詣太學，就瑗學。瑗得其顏子所好，何學論大異之。命分主敎事，蓋卓然有得於古守約達材之敎者如此。神宗垂意儒學，廣太學講堂齋舍，勸學官。增置直講爲十員，率二員講一經，令中書遴選主判官、生徒勅入學者爲外舍，額七百人，外舍升內舍，員三百人，內舍升上舍，員百人，各執一經，從講官受學，月考試其業，優等上中書，其正錄學諭官以上舍爲之，經各二員，學行卓異者判直講，復薦之中書，奏除官，始命諸州置學官，率給田十頃以贍上，置小學敎授。而程純公

顥爲監察御史，裏行爲帝言治天下以正風俗，得賢才爲本。宋興百餘年，而敎未大醇，風俗未盡美。士鮮謙遜之節，鄉之廉耻之行，刑繁而奸不爲止。官備而

材不足用。則學較不修。師儒不立。無以風勸表厲之。而然也。古者一道德以同俗。今去聖久遠。儒學廢熄。人執私見。家爲私學。經訓支離。無復統一。道之不行。固在於此。宜先禮命。近侍賢儒。及方岳州縣之吏。悉心推訪。有明先王之道。德業充備。足爲師表者。其次篤志好學。材良行修者。以名聞上者。朝廷厚禮延聘。次者州縣敦遣。萃於京師。館之宴閑。豐其廩餼。朝夕相與講明正學。其道必本於人倫。明乎物理。其教自小學灑掃應對進退以往。修其孝弟忠信。周旋禮樂。其所以誘掖激勸。漸磨成就。皆有節度。其要在

於擇善修身。至於化成天下。自鄉人而可以至於聖
人之道。擇其學明德尊者。爲太學師。次以分教天下
之學。始自藩省。至於列郡。擇民之俊秀。士之願學者。
優其廩而蠲其徭。自太學及州郡學。擇其道成可爲
人師者。使教于縣學。而千室之邑。達於黨。遂咸以次
修庠序之制。教焉。每歲縣令與學之師。以鄉飲酒之
禮。會鄉老。推經明行修而材者。升之州學。郡守又與
其師行鄉飲之禮。會郡士。推經義性行材能三物。而
賓興之太學。太學聚而教之。歲論其賢者能者於朝。
凡選士之法。必性行端潔。居家孝悌。有廉耻禮遜。通

明學業曉達治道者以充薦舉。私非其人者覺免失舉者奪官二等。如此則教養之法一出於仁義道德。而升進者又專於行實材能。諸聲律小碎糊名謄錄。一切無義理之弊。盡屏不用。不數年間。學習丕變。豈惟得士浸廣。天下風俗將日漸於謹淳。王化之本也。當是時。顥與弟頤得汝南周敦頤所授道學之要。而發明光大之。會歸于六經。顥中和具體。頤敬義成德。天下師仰。爲洛學。古學蔚然勃興。道業傳數世。而關中張載。銳然於古。知禮並務之道。關中人士師尊之。躬行之多。與洛人並。蓋孔子沒。至是千五百年矣。而

神宗於純公甚信用。會相安石柄國。欲以其說易天下。尼不行。已。純公出爲晉城令。民以事至邑者。必告以孝弟忠信之行。度鄉村遠近爲保伍。使力役相助。患難相恤。孤乳殘廢者。責之親黨。使無失所。行旅出其途者。疾病皆有所養。諸鄉皆置較。暇時親詣較。召父老與語。兒童所讀書。爲正其句讀。教者不善。爲易置之。俗始甚野。不知學。乃擇子弟之秀者。聚教之。羣鄉民爲社會。爲立科條。旌別善惡。使有勸有耻。在縣三歲。民愛之如父母。又隱然古鄉大夫州黨之教也。而陳襄爲仙居令。正歲耆老大集。告之曰。爲吾民者。

父義母慈兄友弟恭子孝夫婦有恩男女有別子弟
有學鄉閭有禮貧窮患難親戚相救婚姻死喪鄰保
相助無墮農業無作非爲無學賭博無好爭訟無以
惡陵善無以富吞貧行者讓路耕者讓畔班白者不
負載於道路則爲禮義之俗矣是時藍田呂大防大
臨兄弟受學於程張爲鄉約以導俗爲約四一曰德
業相勸二曰過失相規三曰禮俗相交四曰患難相
恤各有條教月朔會鄉民相勸勉意主於化民成俗
時以丕變而用不大行元豐中太學置八十齋齋五
楹三舍生各以差次增廣又新更學制養士以千數

而司教者往往峻要束爲煩苛。元祐初。御史劉摯疏言學較以養育。人材爲首善之地。教化所從出。非宜以法也。雖羣居萃聚。訓齊之不可以無法。而實禮義存焉。今法禁比於治獄。條目多於防盜。上下相疑。以求苟免。甚者博士諸生。禁不相往來。教導無施。質問無所。但月一廵所。隸之齋而止。豈稱先帝所爲造士之意。治天下者。遇人以君子長者之道。則下必以君子長者之行應之。若遇以小人犬彘之道。彼將以小人犬彘自爲而已矣。於是詔崇政說書願看詳學制。而願議以爲學較禮義相先之地。而月使之爭。非教

養之道。請改試爲課。有未至學官。召而教之。不復定
高下。制尊賢堂。以延天下道德之士。立觀光法。鐫解
額。以去利誘。置待賓吏師齋。省繁文。以專委任。他諸
勵行簡。以厚風教者數十條。而議者訾其高濶慕古。
尼不行。始宋興。未遑庠序之事。諸名碩條天下事。莫
不以建學明教爲先務。其大患獨以爲在不立不行。
紹聖崇寧間。學較之制大設。營辟雖增。學正學錄官。
養士數千人。詔取士一於學較。廢科舉法不用。又立
八行取士法。以三舍遞登。時稱爲太學極盛。而羣姦
擅國。嚴元祐學術之禁。尊王荊國安石爲舒王。配饗

孔子。位次孟軻。學官講業。非新經義。若字說。禁不得用。崇尚老莊。絕滅史學。博士弟子語。稍稍及休兵節用。卽羅禁罔。雖引用尚書制治。未亂語。亦以爲訕謗。擯排之用。與大獄。以爲一道。德同俗也。法莫良於學較。苟非其人。亦不能以自行。況其他乎。建炎初。詔卽駐蹕所置國子監。御史葉林言。光武起河朔。晉元興江左。於天下僅十分之二三。而急於建學。未嘗以恢復軍興爲解。皇宋以儒立國。垂二百年。懿範閎規。非漢晉比。今駐蹕東南。百司庶府略備。而太學未建。非所以觀天下也。計太學官吏生徒之費。不過一觀察。

使之月俸。願謀之大臣。咨之宿儒。復盛典以光文治。
時廷議以爲學制倣元豐。則國力未贍。苟加削弱。卽
自損細。請需後迫。和議定而太學始建置。官師養士。
而奸檜用以文太平。光宗時。吏部尚書趙汝愚請倣
舍法補學徒。及諸州學。教養課試升貢之法。下有司
條上。而朱侍講熹著議言。古學較選舉之法。始於鄉
黨。而達於國都。教之以德行道藝。而興其賢者能者。
蓋居之者無異處。官之者無異路。取之者無異術。故
士有定志而無外慕。蚤夜孜孜。惟懼乎德業之不修。
夫子所謂言寡尤。行寡悔。而祿在其中。孟子所謂修

天爵而人爵從之者也。今學較所教。既不本於德行。而所謂藝者。又皆無用之空言。其又弊。則所爲空言者。又皆怪妄無稽。而適以敗壞學者之心術。治經者。不復讀經之本文。與先儒之傳註。但取近年科舉中選之文。諷誦摹倣。轉相祖述。以治經爲經學之賊。以作文爲文字之妖。是以人才日衰。風俗日下。朝廷郡國有一疑事。嘗試則公卿大夫。官人百吏。相顧眙愕。而不知所從。亦可以知其爲教之得失矣。議者不原本其所自尚。猶以程試文字之不工爲大患。豈不謬哉。古大學之教。先於致知格物。而考較之法。又以九

年知顓通達強立不反爲大成蓋天下之理皆學者
所當知而理之載於經者固各有官而不苟相混也
况今樂亡禮缺二戴所記已非正經而治經者又顓
舍其所難而趨其所易僅窺其一而不及其亮舜於
天下之事宜有不能盡通其理者矣若諸子之學同
出於聖人各有所長而不能無所短其長者固不可
以不學而所短者亦豈可不精擇爲趨舍哉至於諸
史該古今興亡治亂得失之變而禮樂制度天文地
理刑法兵制之屬在焉皆當世所須而不可闕者一
旦欲盡通其理勢固有所不能惟合所當讀之書分

年而課試之。使天下之士各以三年而通其三四之一。則亦宜若無甚難者。今欲諸經各立家法。主注疏而討論諸儒先之說附焉。以易書詩爲一科。子午年試之。周禮儀禮及二戴禮爲一科。卯年試之。春秋三傳爲一科。酉年試之。皆兼大學論語中庸孟子論則分諸子爲四科。分年附焉。策主諸史時務傳焉。將士無不通之經。無不習之史。德成材達而可爲當世之用。若學較之師。必遵仁宗之制。選士之實有道德。可爲師表者爲學官。而久其任。使講明道術。而裁減解額。舍選謬濫之恩。獨使爲之師者。考察其德行之實。

以聞而命之官則太學之教不虛而懷利干祿之流
自無所爲而至矣。諸州縣教官亦皆舉德行人以充
使州縣之學。稍知義理不但爲科舉之文。然獨其私
議云爾。而文公知南康時。數詣學與諸生講繹訪白
鹿書院遺址。奏復之。休暇造焉。揭虞書五教。中庸明
誠五目。易損益二大象。若言忠信行篤敬等語。置楣
間。使學者有所持循。諸規矩禁防。盡脫畧不急。而人
士颯颯於學。多所興起。其知漳州。采古喪祭嫁娶之
儀。揭示之。命父老解說。以風民於禮讓。又增損藍田
呂氏鄉約以行。俗故以浮屠聚會。云爲傳經。亂化者

畢禁之。風施于斯今。則小試之效。行之者遠矣。自崇
紹主熙豐。設黨禁。以禍宋。而天下賢士大夫。尊用程
氏之學。潛居教授。循習承傳。不爲悔。至南渡而程門
弟子楊中立時。尹彥明焞。道成德尊。爲當世表儀。人
士頌師尊之。爲左司諫陳公輔所忌。惡上書言大學
宜以孔孟爲師。中庸爲至。庶幾言行相稱。可濟時用。
今世取程頤之說。謂之伊川之學。倡爲大言曰。餘則
文武之道。傳之仲尼。仲尼傳之孟軻。軻死不傳。而傳
之頤。狂言怪語。淫說詖辭。曰。此伊川之文也。幅巾大
袖。高視闊步。曰。此伊川之行也。聚游談而長浮僞。乞

禁止以端士習。天子爲下詔申禁。時尹焞方以處士薦召爲崇政殿說書。辭不至。勅敦遣。旣就道。聞之。留不進。懇辭曰。學程氏者焞也。生事之二十年。沒守其學。又二十年矣。使濫經筵。所敷繹不過其師說。使舍所學。則欺君父也。遂留不進。於是侍讀胡安國力疏言聖人之道。所以垂訓萬世。無非中庸。非有深高難行之說。而士學宜師孔孟。此至論也。然中唐之義不明久矣。自顧兄弟始發明之。然後其義可思而得也。孔孟之道不傳久矣。自顧兄弟始發明之。而後知其道可學而至也。不然。世獨以六經庸孟之言資口耳。

取世資。徼爵祿而已矣。今欲使學者師孔孟。踐中庸。而禁使不得從願學。是猶欲入室而閉之戶也。夫願於易。因理以明象。而知體用之一原。於春秋。見於行事。而知聖人之大用。諸經語孟。皆發其遺旨。而知夫入德之方。則狂言怪語。豈曰其文。孝弟顯於家庭。忠信動於鄉里。非其道義。一介不取。予也。則高視闊步。豈曰其行。自嘉祐來。願兄弟及邵雍張載。皆以道德名世。公卿大夫。欽慕而師尊之。爲王安石蔡京等。曲加排抑。故其道不行。乞下禮官。討論故事。加封爵。著祀典。仍詔館閣。裒其遺書。用羽翼六經。使邪說者不

得作於是公輔等交章痛詆其學術頗僻遂罷去而道學之禁始於此。初秦檜本從游酢爲程學。靖康中虜陷京師與御史馬伸請立趙氏後及柄國姦露爲士論所不與。慚之欲反噬以自快。右正言何若阿檜意言程頤張載遺書乃專門曲學請戒內外師儒官加禁絕檜從申禁焉。孝宗銳志事功以士大夫倡清議矯激爲名高害治也。內惡之。侍御史謝廓然請禁有司毋得以頤安石之說取士而秘書郎趙彥中攻洛學言科舉之文成式具在。工信道自守以六經聖賢爲師可矣。今乃祖性理之說以浮言游辭相高而

別爲洛學。飭恠驚愚外。假誠敬之名。內濟虛僞之實。

士。願曰。學人才曰。能。聖詔執事。使明知聖朝好惡所

在。監察御史陳賈入對。言臣伏見近世士大夫有所

謂道學者。其說以謹獨爲能。以踐履爲高。以正心誠

意克己復禮爲事。若此之類。皆學者所共學也。而其

徒乃以謂己所獨能。是獨假其名。以濟其僞耳。願請

詔中外痛革。於聽納除授間。擯其人勿用。庶多士靡

然向風。言行表裏。一出於正。實宗社無疆之福。此其

說未始不以六經聖賢爲主意。若以抑浮僞而不知

謹獨踐履正心誠意之說。彼習聞其號。曾未嘗一宜

諸心而泰然以爲世所共學也用行其媚嫉豈不謬哉會朱侍講熹召爲兵部郎辭方入對侍郎林栗與論易西銘不合大惡之遂論熹本無術學徒竊程頤張載之緒餘爲浮誕宗主謂之道學妄自推尊所至輒携門生百十人習爲春秋戰國之態妄希孔孟歷聘之風繩以治世之法則亂人之首也今采其虛名將置朝列而熹聞命遷延坐索高價門徒迭爲遊說政府許以風聞得旨除郎而傲睨不滿是豈張載程頤之學教之然耶緣熹旣除郎官於臣合有統攝若不舉劾厥罪惟鈞乞將熹停罷以爲事君無禮之戒

帝謂栗言過當。相必大曰。熹上殿。日足疾。猶未瘳。牽
勉登對。非有傲睨。帝然之。而太常博士葉適上疏曰。
考栗劾熹之辭。始末參驗。無一實者。特發以私意。遂
忘其欺。至中所謂道學一語。尤利害所繫。不可無辯。
昔自小人殘害忠良。率有指目。或以爲好名。或目爲
立異。或斥爲朋黨。近又觭爲道學之目。以錮之。始於
鄭丙。繼以陳賈。居要津者。密相指授。見士大夫有稍
慕修潔者。輒以是名加之。以爲善爲玷缺。以好學爲
愆尤。於是賢士惴栗。中才解體。銷形滅影。以避此名。
栗官侍從。無以達陛下之德意。而襲鄭丙陳賈密相

付授之說以道學爲詬病出一熹未甚害第恐游辭
一倡讒言橫生良善受禍何所不有願陛下省察乃
出栗知泉州而熹亦除直寶文閣奉祠去迨韓侂冑
以熹侍講時格內批扼已也欲甘心而未有名奸人
逢之言此輩以道學目之何罪獨名之僞學可立盡
於是御史何澹劉德秀等言乞勅學士專師孔孟禁
僞學將近世語錄之類燔毀而濂洛關閩之書遂爲
世大禁有胡絃者故嘗謁熹武夷山中熹待學子惟
脫粟飯遇絃不能有加大不悅曰是不近人情有沈
繼祖者少嘗掠熹語孟說以自售至是共詆誣熹以

十罪。且言熹以喫菜事魔之妖。簣鼓後進。張浮誕。其徒蔡元定。佐之爲妖。詔熹落職。竄元定道州。後禁稍弛。絃復言。自御札存救。偏建中之說。急於承奉者。取僞黨次第擢用。建中靖國之事。可爲永鑒。茶馬使丁逢。極論調停之害。且引蘇轍任伯雨之言。以爲證。務扼之。俾不通。於是顧以元祐黨人爲賢。而籍其言。斥道學以爲快也。時選人余嘉至。上書請斬熹。以絕僞學。參政謝浚甫。抵其書於地。曰。朱元晦。蔡元定。不過自相講明耳。何罪。猶爲有人心焉。爾蓋侂冑僞學之禁。大設而非久。誅歿其黨。具獲罪。已理宗讀文公四

書集註及諸所爲書尊信之封徽國公宋亡而朱學

大昌

張栻曰、汴宋俱以世代爲序、此却不分世代、只以學較道學分兩段、

嗟夫士論每

公於身後而媚嫉取快於目前雖其言行能屏斥彥

聖排抑賢哲然直一時之快耳比於論定如辯蒼素

又不懲悟踵相倚齟齬自起臭禍延國家亦何益之

有哉善乎唐應德有言王教興則道德禮樂經術之

寄在庠序而師道爲天下公王教廢則道德禮樂經

術之寄在山澤而師道爲天下私雖所寄無以異而

世之升降繫之洛閩未論卽漢經師濟南關西瑯瑯

于乘講習誦傳不屬於庠序而固豈道之所寄也柰

何乎。已則不脩而忌人脩。如蛇虺然。見人輒怒而欲
其心之爲快乎。自漢李膺朱穆蒙宦官之禍。太學諸
生劉陶等三千人。集闕下。頌言其冤。唐國子司業城
以忠信禮教得士心。左遷道州。太學生何蕃等數千
人伏闕下。上書請留之。汴宋之季。國社傾側。太學生
陳東率諸生請斬蔡京等六賊。謝天下。明年春。上皇
東幸。又請追童貫正典刑。丞相綱罷。樞登聞鼓。乞復
起綱。安中外。後竟以留綱故論外。而士氣愈益振。其
後諸舉措關國大體者。太學生輒往往上章無忌諱。
卽大奸巨慝。獨以計柔其心。而卒莫敢動也。故其時。

有無官御史臺之稱。嗚呼。國重於士。論而激極。流反
鈎黨捲堂之禍。亦濫烈汰矣。

明興

太祖高皇帝未正位時。卽建國子監興學。洪武初。卽

詔天下府州縣皆立學。曰。古昔帝王育人材。正風俗。
莫先於學校。至元其弊極矣。先王衣冠禮義之教。腥
羶於夷狄。人紀蕩然。兵變而來。人習戰鬪。惟事干戈。
莫講俎豆。欲興化何繇。今朕統一天下。復中國帝王
之舊。內設國子監。念不足盡延天下之俊。其令郡縣
並建學校。以作士。師生月廩食。有司供饌。學官月給

俸講聖道。使日漸化於先王之舊焉。八年春。詔諭

都御史曰。惟致治在善俗。善俗視教化。教化行。雖閭

閻可化爲君子。教化廢。中材不免於小人。近北方喪

亂人。鮮務學。其選太學諸生中。年長學優者。往各郡

分教。使人務學而興材。於是選林伯雲等三百六十

人。續食遣而時輟。翰林院修撰簡討。爲郡學官。已。復

令按察司精考儒學官。不稱者。送部別調。蓋重郡縣

學如此。已。詔郡縣閭里。皆啓塾立師。守令程課於

是。天下窮鄉僻壤。咸有學。有社學嚮方矣。方

上創業初。師行所至。往往先詣學。謁先師。已。乃視事。已。

念國學地隘陋不稱登鷄鳴山見其下地平敞云市
朝益遠可營學使士得一耳目專於業莞然喜曰此
天所藏以遺朕興一代學也命工部集百工構造而
孔子廟建于學東。

上數臨視爲位置規畫明年成。

上親詣學祭孔子服皮弁執圭再拜獻爵復再拜乃退。
御彛倫堂諭祭酒顥曰天下言道之中正者莫如
儒。往古聖哲不儒名而德行實儒。孔子生周末身儒
道行儒行立儒教率天下於中正故爲萬世師卿等
位師表當以孔子之道爲教弼天下於道復取尚書

大禹謨洪範親反覆開諭 賜侍臣宴竟日而罷已

命國子生月賜糧給其家先是

上諭博士倣言爾等宜一以孔子所定經書誨諸生毋
以儀秦縱橫已 命參讀漢劉向說苑及律令尋

勅禮部頒定國子監規條復 手勅諸生言爾太學

生務謙柔恭謹毋縱血氣人我之驟固守仲尼所謂

四非之目積日經旬踰歲月不變則賢人矣朕已勅

禮部條陳警戒其勉循毋忽其欽定學規嚴師弟子

臨屬之禮務於整齊嚴肅以禮義相先學主理性明

倫期於適用諸所爲防非訖欲之道甚備而天下府

州縣學亦具科條禁令立卧碑其中令遵守焉

禮部

奉 欽依出榜曉示郡邑學較生負爲見言事理本部照學較之設本欲教民爲善其良家子弟入學必志在薰陶德性以成賢人近年以來諸府州縣生負父母有失家教之方不以尊師學業爲重保身惜行爲先方知行文之意眇視師長把持有司恣行私事少有不從卽以虛詞徑赴京師以惑聖聽或又暗地教唆他人爲詞者有之似此之徒縱使學成文章後將何用兄爲人必不从同人世何也蓋先根殺身之禍於身豈有長生善終之道所以不得其善終者事不爲已而計人過失代人報仇排陷有司此志一行不至於殺身未止也出榜之後良家子弟歸受父母之訓出聽師長之傳志在精通聖賢之道務必成賢外事雖有干於已不爲大害亦置之不忿固性舍情以拘其心待道成而行豈不賢人者與 一今後府州縣學生負若有大事干於已家者許父兄弟姪具狀入官辯別若非大事舍情忍性毋輕至公門智者子自外入必有家教之方當受而無違斯孝行

矣、何愁不賢者哉、其父母愚癡者、作為多非、子既讀書、得聖賢知覺、雖不精通、實愚癡父母之幸、獨生是子、若父母欲行非為、子自外入、或自內知、則當再三懇告、雖父母不從、致身將及於地、必欲告之、使不陷父母於危亡、斯行孝矣、一軍民一切利病、並不許生負建言、果有一切軍民利病之事、有當該有司、在野賢人、有志壯士、質朴農夫、商賈技藝、皆可言之、諸人無得阻當、惟生負不許、一生負內、有學優才瞻、深明治體、果治何經、精通透徹、年及三十、願出仕者、許敷陳王道、講論治化、述作文辭、呈稟本學教官、考其所作、果通性理、連僉其名、具呈提調正官、然後親資赴京、奏聞、再行面試、如是真才實學、不待選舉、即時錄用、一為學之道、自當尊敬先生、凡有疑問、及聽講說、皆須誠心聽受、若講解未明、亦當從容再問、母恃已長、妄行辯難、或置之不問、有如此者、終世不成、一為師長者、當體先賢之道、竭忠教訓、以導蒙愚、勤考其課、撫善懲惡、母致懈惰、一提調正官、務要常加考較、有敦厚勤敏、撫以進學、懈惰不律、愚頑狡詐、以罪斥去、使在學者、皆為善良、斯為稱職矣、

政治得失軍民和病者許起所在有司告緡文引新
齊赴京面奏。如果可抹。即便施行。不許坐家實封入
遞。一民間凡有冤抑干於自己。及官吏賣富差貧
重科厚歛。巧取民財等事。許受害之人。將實情自下
而上陳告。毋得越訴。非干自己者。不許及假以建言
爲由。坐家實封者。前件如已依法陳告。當該府州縣
布政使司按察司。不爲受理。及聽斷不公。仍前冤枉
者。方許赴京伸訴。一江西兩浙江東人民。多有事
不干已。代人陳告者。今後如有此等之人。治以重罪。
若果隣近親戚人民。全家被人殘害。無人伸訴者。方
許。一各處斷發充軍。及安置人數。不許建言。其所
管衛所官員。毋得容許。一若十惡之事。有干朝政。
實跡可驗者。許諸人密切赴京面奏。一前件事理。
卽一一講解遵守。如有不遵。並以違制論。一欽奉
勅旨榜文到日。所在有司。即便命匠。置
立卧碑。依式鐫勒於石。永爲遵守。

子生。

上曰。楊雄言務學不如務求師。師得其人。則材成。不得

其人廣生徒何益。今民間俊秀可充選者甚衆。而祭酒乏人。卿等其爲朕詢采天下通今博古才德兼備足爲人師者以名聞。於是起致仕尚書侍郎及四輔官驛召至。皆手勅署祭酒司業官。十四年以文淵閣學士宋訥爲祭酒。勅諭之曰。太學天下賢士所關禮義之所自出也。自建學而來。歷選師儒以居。迄今未臻其效。豈士習之難變與。抑師道之不立。莫爲變與。此朕所夙夜寃心者也。卿宿學者德。茲特命爲祭酒。尚體朕志。使諸生有成。士習丕變。庶國家有賴焉。時初設學。學徒衆。師生相訐。教尼不行。

上令曹國公李文忠以勲臣親重領監事助繩糾訥性
嚴重不妄言笑以矩矱自簡撫士恩義並至恒寢食
堂廂不休沐私第諄切訓告不遺餘力而

上時時

召與問對亦時時至大學

臨觀一日

上召問卿昨午默坐廂房色頗厲何也訥頓首言臣荷
皇上恩厚念欲爲國家效犬馬力造士昨生徒有造
次步傾跌失容者皆臣不能教迪所致故靜自尅責
上嘉歎訥頓首問主臣臣動息微隱

聖明何從知

上曰朕欲時見卿念學事煩不欲爲數數故遣畫工圖

卿像以來。因出像示訥。訥感泣頓首謝。居久之。學錄金文徵患訥嚴。謀於吏部尚書余愼。以訥年且老。移文令致仕。訥陞辭。

上驚問故。召二人面質。時

上方嚴賊吏之罰。文徵誣訥受公侯餽爲賊。

上怒曰。禮師父兄盛節。儒者之榮也。何謂賊。文徵又謂訥饑死有病生。

上曰。祭酒本提大綱。此自親教者。不省錄之過。訥何罪。逮文徵愼誅之。而勅祭酒言。君子之道猶嘉穀。小人之道猶稂莠。二者並存。世所不免。然天相德人。猶

扶植嘉穀故道堅而不磨彼小人之所爲自漸滅盡矣。卿勿以是而替威儀竭心力如故。訥再稽首謝後。訥病。

上遣中使臨諭言卿稟天地之性發仲尼之誠施幽德以脩道教人將病不病而速瘥也。召其子望江。

簿麟令侍養二十三年卒于官。

上爲文遣奠給器葬費。勅所過有司致奠三十年。

上御門召國子生臨諭猶追思訥作人之效爲比。

諄復不置云當是時。

上時時召儒臣便殿坐廣咨詢國學官李思廸馬。

懿緘不言。

上斥去。因勅國學師生言。賢者所爲務學者。欲推行之。有裨於國家。懷詐自私。上無助於君。下無補於世。學曷故焉。如思迪懿。朕以其學官。召同游。期在嘉言。舍行。啓輔朕不逮。乃終日緘默。朕有問。卽他人辭說。遷就之以對。未嘗獨出一言。豈朕昏昧。不足與言耶。何訪以道而不相告也。及遣侍東宮。亦緘默如故。斯懷詐甚矣。昔孔孟懷聖賢之道。恨不得用世。拯生民故。歷聘不休。今思迪懿。發身草野。一旦與人君同游殿廷之上。君就問而緘默如此。學孔孟者。顧若是。

乎事朕且然其肯盡心訓國子生乎自今師弟子一
以孔孟爲法副朕責望之意諸御大學恩意隆洽嘗
詔大臣曰朕甚欲尊顯諸生慮未悉吾意諸生入學之
日久其令歸省賜二親帛各四端有妻孥者携以
來月與粟錢務得其歡心勿惜有司費他諸保息有
堂調視有醫賜子有特恩而卹喪有著令諸愛
養至矣當修日曆時遴弟子貞俊秀有文者二人攷
義例繕書得義烏黃昶引見西苑賜慰問良久
曰爾何人之裔昶對曰文獻公潛臣從曾祖也
上悅遣侍臣出尚方綺裘革履以賜會

上召誠意伯基學士濂承旨同燕。乾清宮之便閣同被酒還。愛昶才賦一詩贈之。字大如竿。少選。

上復召赴右順門。目同曰。卿醉未醒耶。同醒未解。前對曰。臣雖醉。猶能賦詩贈黃秀才。秀才謂昶也。

上喜。問詩安在。同對曰。在史館。命濂亟取以來。手

之讀。讀已。笑謂濂曰。朕卽和同章。賜昶卿當爲朕書。

蓋菁莪樂育之心。至於是。往往命祭酒司業言太

學。國家育材之地。不專務記誦博洽。在簡身飭行。

恪遵古聖賢之道已患。國家文學之士不如古。

命擇弟子。負質貪能文者。得三十五人。命學士濂

教之日程業課功嘗召國子生前問之曰爾等讀書暇壹嘗習騎射矣乎對曰習之曰熟未對曰未也上曰古之學者文足以經治武足以戡亂故能出入將相而社稷奠安今天下粗平爾等當務學然武豈可忘哉詩曰文武吉甫萬邦爲憲文武並用古之道也吏部嘗奏下第舉人授教官。

上諭之曰教學之方非求速化譬爲層臺必基於畚土行千里必始於跬步但當勉循漸進若急遽苟且未得此而志彼非徒學者無益爾亦爲徒勞矣爾等盛年雖職教當勉脩毋自滿常見已不若人則所習益

高。常見人不若已。則業漸於下。卽百工盡然。况於學乎。當是時。

上方創制天下。而育才造士。顧勤備如此。初制郡州縣。里推高年行誼者爲老人。凡民間有戶婚田土諸爭。惠事付平決。又命戶部天下郡縣里各製木鐸一里。選其耆老行振之夜。徇于道路。以警衆。其詞曰。孝順父母。尊敬長上。和睦鄉里。教訓子孫。各安生理。毋作非爲。通天下設之。在畿縣。月朔則京尹引老人坊廂長至。

御前聽宣。諭稍久。乃傳旨。視古益重慎親比。而

御製大誥三編教民榜文於五常之訓養親祀先教子睦族勤生業厚閭里善善惡惡之事言之不一而足於是令諸色人盡讀大誥爲觀戒其麗于罪有誥能復習者聽減等無者加一等蓋誨誘至諄已詔中

書定鄉飲酒禮儀使民歲時燕會倣行之習禮讀律

誥敦叙長幼之節

歲孟春孟冬有司率鄉士大夫之老而賢者行之學宮其百家爲里

糧里長主之推年最長爲賓餘以齒叙燕每季月行里中

定官民服色冠帶室宇

鞍馬品式各以貴賤爲等差諸境內有孝子順孫義

夫節婦志行卓異者里老指實白有司有司上監察

御史按察司覈實開

奏表門閭如制已

詔定民

間冠婚器祭儀。民百戶爲里。里爲之長。歲時飲社。如制。人戶見丁著業。里老督併趨作業。令勿惰。里中諸婚姻。成器。富者助財。貧者助力。春秋耕耨。力不給。百家。頌助之。其子弟不率五常。作非者。里老人若年壯豪傑。會集訓戒之。則禮所稱屬民讀灋。如族師。索鬼神祭祀。如黨正。辯施舍。行秩叙。如閭胥。里宰勸農圃。任耕耨樹藝。而稽其女功。如閭師。鄧長使民相受。相糾。如鄰長。罪倣其意行爲著令。則固天下之大教也。國初以春秋上下。祭先師孔子于國子監。命學士承旨同侍講鳳韶。撰釋奠樂章舞六佾。命禮尚書諒。

定禮儀六年遣御史大夫寧釋奠丞相惟庸言誠意伯基不陪祭而受胙。

上曰基學聖人之道不陪祀使學士何勸。既不與祭而胙其安之。坐奪俸一月。寧坐不舉亦奪俸。月七年春二月上丁日食改仲丁。五年詔司府州縣衛學通祀孔子。頒釋奠儀已。又頒大成樂器于天下。府學州縣學從請式焉。當是時國子司業濂上孔子廟堂議曰。世之言禮者咸取法於孔子。不以古之禮祀孔子。褻祀也。褻祀不敬。不敬則無福。古主人西面。几筵在西。漢章帝幸魯祠孔子。帝西面再拜。開元禮先聖。

東向先師南向三獻官西向。猶古意。今襲後制。遷神
南面。非神道尚右之義。古木主棲神。天子諸侯廟皆
有主。大夫束帛。士結茅爲菹。無像設之事。開元禮設
先聖神座於堂上。兩楹間。先聖東北。皆席筦。尚掃地
而祭。今因後制。搏土而肖像焉。失神而明之之義矣。
古灌鬯求神於陰。燭蕭求之陽也。今用熏薌代古朝
覲會同郊廟祭饗。皆設庭燎。司烜共之火。師監之。示
嚴敬也。今以秉炬。古之有道有德者使教焉。歿則以
爲樂祖。祭於瞽宗。謂之先師。若漢禮有高堂生。樂有
制氏。詩有毛公。書有伏生也。當是時。學者各祭其先。

師非其師弗學非其學弗祭學較旣廢天下莫知所
師孔子集羣聖之大成顏曾思孟實傳其道尊之以
爲先聖先師而通祀於天下固當其七十二子宜止
於國學設之餘各祀於其鄉庶幾弗悖禮意開元禮
國學祀先聖孔子以顏子等七十二賢配諸州惟配
以顏子關重慎也今以荀况之言性惡楊雄之事王
莽王弼之宗莊老賈逵之忽細行杜預之建短喪馬
融之黨附勢家亦濫廁其中古者立學專以明倫子
雖齊聖不先父食久矣故禹不先鯀湯不先契文王
不先不窟宋祖帝乙鄭祖厲王猶尚祖也今回參倂

坐饗堂上。而其父列食於廡間。顛倒羹餼。莫此爲甚。
古士見師。以菜爲贄。故始入學者。必釋菜以禮。其先
師其學官時祭。皆釋奠。今專用春秋。非矣。釋奠有樂。
無尸。釋菜無樂。是二釋之重輕。以樂之有無爲分也。
今襲用魏漢津所製大晟樂。所謂亂世之音也。可乎。
哉。他如廟制之非宜。冕服之無章。器用祿乎雅俗。升
降時乎左右。此顛甚多。難可更僕。若乃建安熊氏。欲
以伏羲爲道統之宗。神農黃帝堯舜禹湯文武。次而
列焉。臯陶伊尹太公周公暨稷契夷益。傳說箕子。皆
天子公卿之師式。宜秩祀於天子之學。若孔子實兼

祖述憲章之任其爲通祀則自天子下達如是則道
統益尊三皇不汨於醫師太公不辱於武弁矣昔周
立四代之學學有先聖虞庠以舜夏學以禹殷學以
湯東膠以文王復各取當時左右四聖成其德業者
爲之先師以配固天子立學之法也忤

上意謫官五年罷孟子配享踰年而復當是時

上悉正黜鎮海瀆城隍及古忠臣烈士封號名惟大成
至聖文宣王及配享從祀諸賢儒封爵如故已從行
人司副楊砥議罷楊雄從祀進董仲舒永樂初

上諭禮部言我

太祖高皇帝內設國子監。外設府州縣學。選師儒教育俊秀。豐餼廩蠲繇。所期待甚重。比乃廢弛。其申飭如舊祭酒儼具洪武中所定學規以上。

上諭儼曰。此學子科條抑法耳。爲師範者。當正己爲諸生先。講學漸磨以養心淑身。又患天下士所爲學言人人殊。殊俗異政。無統也。諭學士廣侍講榮幼孜。

曰。五經四書。皆聖賢精義妙道。傳註外。諸儒議論有發明者。卿等其悉采增附。其下宋周程張朱諸大儒所著書。可羽翼六經者。亦類聚成編。務備務精。於是遴朝臣及郡縣學官有文學者。開局東華門纂脩光。

祿給饌廣等總其事書成。賜名五經四書大全性

理大全。親製序。申聖王道治天下之意。頒其書。六

部國子監及天下府州縣學。勅盡心講究。毋虛文。

於是進宋儒胡安國蔡沈真德秀從祀。禁祀孔子於
釋老宮。會鄱陽儒士朱季友詣闕獻所著書。毀宋
儒以自是。

上覽之。怒曰。此儒之賊也。遣行人押赴饒州。會司府州
縣官。聲其罪。校之。悉焚所著書。其彰示好惡。端士習
如此。

仁宗卽位。謂吏部臣言。此國子生務實學者。少固志趣

卑下。亦繇師範失職而然。今引選國子監官。率循資
陞授。不聞舉有道德老成之士。謂太學何。自今其慎
選以克時。

上諸青宮舊學。咸列翰林。備密勿顧問。於是進祭

酒儼階勲。

上親製誥詞。命之。畧言儼發身經術。洊歷外職。

先皇帝擢之。論思密勿之地。又簡諭朕德於春宮。昭掌
成均。仍參經席。其議論有本末。治官有勞績。光

先皇帝之德于無斁。爾實有之。今特進階勲。嗚呼。朕方
勵志興學。以成俊造。庶幾教化復先王之舊。爾其欽

哉予惟圖任舊人汝其益殫厥心用光子命而

章皇帝御製儒學箴言君國子民教之育之有育無教
或淪於夷置吏俾育建學俾教爲教之方本乎師道
清脩實踐正學博聞成已成物師道用尊爲學之方
體仁繇義誦法周孔亦致文藝化民成俗以善其鄉
成德達材以資于邦本末循循用臻實效勗爾師生
毋忝學較其興學篇一原本於君上之躬行於
德意益深篤矣先是定都北京國子監仍順天府學
之舊百制未備教戒居養之道闕然士雜居營巷正
統中大學士李賢請修建而廟學益嚴時兩都祭洒

皆得人。北爲李忠文時勉。南爲陳祭酒敬宗。於時有
南陳北李之稱。時勉崇廉耻。抑奔競。別賢否。爲勸懲。
士習丕變。諸生數千人。開導訓誨。語經義必窮旨趣。
俾渙有領解。諸生有貧不能婚。病不能醫。死不能葬。
者。節縮餐錢爲賑給。仁義之風行焉。督諸生學甚劬。
旦五鼓令起誦讀。夜漏定二鼓方聽寢。時潛行省其
勤惰。一時人士皆感奮興起。頌其稱之曰。天地之量。
父母之心。太師英國公輔。偕侯伯二十餘人。至請告
詣國子監聽講。旣至。時勉令諸生各講五經一章。講
罷。燕飲酒。諸侯伯咸讓坐。惟英國公以考年。與祭酒。

抗禮餘皆列侍。諸生雅歌投壺如古儀。迨暮乃散。蓋其風也。敬宗力師道。自任嚴條教。革舊習。勵諸生。於進學成德。瞽宗之政。肅於朝廷。僚屬挾忿。私有詆誣。周文襄爲草疏申理。辭少訕。敬宗曰。不可。被誣事小。欺君事大。持不上。而事亦竟白。時大閹振權重震天下。時勉特與抗禮。振生日。諸大臣皆往賀。又獨否。振恚遣人日廉迹其過。莫得也。葵倫堂故有大樹。時勉嫌其一面陰翳。頗妨諸生班。稍伐其旁枝。振以爲擅伐官樹。供私爨。遂矯旨與司業趙琬。掌饌金鑑俱逮。方逮時。時勉方坐東廂考業。錦衣官較猝至。掩卷。

起免冠受桎梏。監諸生皆眙愕失次。時勉神色自若。呼諸生前。徐語曰。某人某處講是。某處非是。某勝某。縷縷如平時。因顧囑僚屬。令終事乃行。已矯旨。荷較國學前較重百斤。時勉厄老不任較。憊甚。諸生司馬詢等百千人伏闕。請寬宥。有石大用者。獨奮請以身代。會事聞。

呈太后。乃得解。尋致仕去。而敬宗考績至都下。不詣振。振以禮幣求書。程子四箴。走筆書而歸。其禮幣竟不往。故官太學者二十餘年。竟不調。敬宗意豁如也。蓋一時風尚肅正者如此。其後天下府州縣學生徒頗

漫漶不簡提調官不能制禮部建請兩直隸勅御
史十三省按察司。敕添設副使。或僉事提督學轅。

倣國子監所定科條。畫所爲申督者而遣始。
文皇帝時。天下新脫於鋒鏑。湯火之苦。俗尚簡質。

天子又表章濂洛關閩諸儒先風。勸之於學。言學者有
所統進士陳紀等。予告歸。陛辭。

上拳拳以古人務學不厭。當益勉進。修爲訓。已復申
諭曰。鄉里父兄所在。爾輩不可以一第故。輒生驕慢。
驕慢凶德。不可長也。孔子於鄉黨。恂恂似不能言。當
是時。官峻濶守。謹繩墨。人尚禮教。施于洪熙宣德天

順之間。家喻戶曉。博士弟子語。獨視其粗合經義傳
旨者錄。稍戾迂者汰。其爲辭簡質。猶欲工而不能時
之賢者。各往往明經以窮理。居敬以反身。二者並修。
務悖於本實。雖中庸之流。亦奉訓承式。不敢悖。蓋士
有三年不課舉子文。而日專經學。研義理不廢也。卽
閭巷父兄長老。亦各往往誦習小學性理通鑑諸書。
及御製大誥榜文。故風習最淳。於時大學士瑄處
士吳與弼胡居仁之倫。言純師行純法。爲明儒元
鳴呼盛哉。成化中。勅提學各分督所屬官務化導。
仍簿錄諸儒生德業爲三等。德行優文學膽治事長。

者爲上等。有德行而經義治事稍劣者。次之。卽經義優。治事長。而德行玷缺者。列下等。歲課月考。非上等。毋得應貢舉。欲務士於本實。而例廩生考黜者。俱追廩爲民。父兄咸憚懼。不務子弟於學。提學御史閻禹錫。請停追廩學。乃興。當是時。陳恭愍公選督南畿學。言稱古昔。動循禮則。先頒冠昏。祭儀若射。儀於學宮。令歲時肄習。訓生徒。一主於躬行。以變革浮習所。巡行。不居公府。寄宿於學宮。端默危坐。以率之。已。徐行。締視。周旋。磬折。絃管豆登。泮泮翼翼也。北入夜齋。館燈燭如白晝。吾伊之聲。錫然。選時以二燈前導。省

勸之羣士競奮。前後三年。章縫士未嘗見其變色之語。折箠之威。卽輿皂不施也。其教人必本朱文公小學書。以達於四書五經。及通書西銘性理諸書。諸生翕然孚化。畏信如神明。旣去思之如父母。以憲副督河南廣東學。一如南畿時爲國朝督學使者之冠。蓋先之也。弘治初。監規積弛。詔起侍講謝鐸爲北祭酒。僉事章懋南祭酒。皆宿儒。懋以父喪力辭。特旨爲增置司業一人。署監事以待。以編脩羅欽順爲之。聽懋終制。日赴官。時士多放逸。有差撥爭先者。欽順念以爲放心宣収。非管攝之嚴不可。爭風宣息。非

精稽考公子奪塹之不能持甚力而謗作已乃肅然
及懋至與謹矩度尚德化勵廉耻明道術著功令祈
寒暑雨具冠服危坐終日以聽事諸生翕然日執經
質疑問業人人自以爲得師也時鐸先後在兩雍律
已率人皆嚴立規約監故有羨金爲祭酒費鐸盡籍
於官均贍僚屬構東西樓刻經史列其上北監廟街
湫隘益市地闢其斜側又市廬舍三十餘區居博士
助教諸學官諸生貧者贍給歿者賻襚皆羨金不自
私一錢請進宋儒楊時從祀斥元吳澄具疏言國家
聚英才教育之備任使卽選諸科貢尤恐未精况邇

年來開納粟納馬之令利未什一害已千百彛倫之
堂爲錢虜交易之地乞禁止以清源具條教人歛才
之法以 上而懋欽順亦疏言臣聞官不必備惟其
人今在監諸生不過七八百人而博士助教正錄等
官乃至三十餘人皆縻餼廩爲 國費况各官爲諸
生表模風憲有缺例於中選授則又風憲之儲也乞
勅該部參酌裁減遇員缺行令撫按提學等官推
選學官中學行超卓訓誨有方者 奏補毋苟爲備
員洪武永樂中生徒動以千計顯多俊少而教養之
法至爲周詳以通經積分而出序故其時布列庶位

類多得人。今歲貢非無可學之資。而衰遲不振。十常八九。舉人下第。當入監者。宜及時作養。顧往往徑自回籍。慮糜歲月。故差撥不敷。教養難效。本末胥病。臣愚欲行選貢之法。不分廩增附生員。合提學憲臣精加考選。務行著鄉閭學通經術。年富力強者以充。通計天下約取五七百人。分送兩監。下第舉人寬其違限之科。而要以坐堂之實。實坐堂一年之上方准會試。庶生徒充備。使臣等得竭駑鈍。勉課勸以少。這口素之咎。

旨允行。然是時科舉所取士。專一經。輒白首。餘經史付

度外故學專而識益陋而郡縣學列官闕冗未論卽
勤恪其職者亦獨嚴其爲課試蕪爛不經之文蓋程
朱沒至是且數百年矣諸濂洛之微言大義旣絕佔
俾循誦者非心到自得徒空言乃言理爛然卽童子
諳之又俗日漸於文而異時所崇尚性理或問諸書
習久而厭頗以爲樸學弗好也於是諸高明雋異之
士顧往往誦習先秦兩漢之書爲文章嫻美士爭歸
往王學士鏊至以爲宜別立科必兼通諸經博洽子
史詞賦者倣古制科之選冀以收非常之士其反本
近實者爲窮究物理之學顧蠶絲牛毛棼詰汎遠而

卒無從入也。於是新會陳獻章公甫於靜坐中見端倪。始復追泝程門主靜無欲之緒。而恍有得焉。以自然爲宗。以忘已爲大。以無欲爲至。以勿忘勿助之間爲訣要。一時人士醒然心目。以爲活孟子復出也。其徒湛尚書若水。試禮部爲舉首。入翰林爲編脩。官成均爲國子師。皆本師說而庚繹之。受學者至數百千人。而論者頗訾其質行。王文成公守仁謫龍場。實始悟知識非知。卽本心之知爲知。踐迹非行。卽本心之真知爲行。而知行固合一也。於是專揭程門鞭辟近裏著已爲名爲利。清濁不同。而利心則一。謙受益靜

坐舍學諸語爲學的。已深有省於孟子良知之說。大學古本誠意特傳之旨。日弘廓簡易真切高明。拳拳以其道易天下。士翕然嚮往。至數千百人。於是天下言學者。不歸王則歸湛。而風習一變。張梈口序陳白沙處以程門上靜爲言。叙王陽明處。以程門孟子大學古本爲言其贊揚韓析可謂精到微婉。文成官廬陵時。獄牒紛沓至。不卽斷射。而慎選里正三老坐申明亭。委曲勸諭。以勝氣囂訟之非。召父老俾教其子弟。無蕩僻。而囹圄日清。以都御史督撫南贛。軍務填委。而皇皇聚人士論學。不暫廢。闢濂溪書院。居來學者。而行臺左。開射圃。政稍暇。卽講切其中。令學者時默。

坐澄心游衍適性言有教動有警息瞬有考程時時
於人獨知幾微處指剖以爲是王霸義利誠僞理欲
關也。而詩書禮樂益神智而移氣體者畢備。於是及
門之士戚戚然有動於其中。久之疑者釋。憂者懌。矜
高者首自俯。辯博者口自訥。又久之。日改月化。信聖
脉之在我。而默自力也。倣古比閭族黨之教。立社學。
舉鄉約。立十家牌。以善俗。其諭父老言。頃頑卒倡亂。
震驚遠邇。父老子弟憂苦甚。豈獨冥頑者之罪。吾有
司撫養訓迪之有缺。實有責焉。而父老所爲倡率飭
勵之平日者。無亦有未至與。今倡亂者已滅。然創今

圖後。父老所以教約其子弟者。不可以不豫。今特爲
保甲之法。父老其率子弟慎行之。父慈子孝。兄愛弟
敬。夫和婦順。和睦爾鄉里。輯齊爾姻族。德義相勸。過
失相規。敦禮讓之風。成淳厚之俗。本院奉 命撫巡。
屬有哀疚。未遑匍匐。問父老所疾苦。故先遣諭。方春
父老。善保愛。督弟子及時農作。毋惰。以新建伯起平
思田。又大興南寧學較。蓋寤寐於敦學矣。其論國家
立學較之意。曰三代之學。皆所以明人倫。今之學宮。
皆以明倫名堂。則其所以立學者。固未始非三代之
意也。堯舜禹之授受曰。人心惟危。道心惟微。惟精惟

一允執厥中斯明倫之本也。道心者率性之謂也。去
雜於人無聲無臭微而顯者也。誠之源也。人心則雜
於人而危矣。僞之端也。見孺子之入井而怵惕而惻
隱率性之道也。從而納交於孺子之父母焉。要譽於
鄉黨朋友焉。則人心矣。饑而食渴而飲率性之道也。
從而極滋味之美焉。恣口腹之饗焉。則人心矣。率是
道而發於用也。爲喜怒哀樂發皆中節之和。爲三千
三百經曲之禮。爲父子之親。爲君臣之義。爲夫婦之
別。長幼之序。朋友之信。而天下之達道盡此矣。舜使
契爲司徒以教天下。教以此也。孔子之聖所求乎子

臣弟友均曰未能未能乎此也是明倫之學始於孩
提之知愛少長之知敬則孩提少長無不能而及其
至雖聖人有所不能盡也故明倫之外無學矣博學
者學此者也審問者問此者也慎思者思此者也明
辯者辯此者也篤行者行此者也心外無事心外無
理故心外無學是故於父子盡吾心之仁於君臣盡
吾心之義言吾心之忠信行吾心之篤敬懲心忿窒
心慾遷心善改心過處事接物無往而非求盡吾心
以自慊也譬之植焉心其根而學也者其培壅灌溉
之者也扶植芟鋤之者也今之學較必繇此而教之

而後無忝於建學立師。今之舉業必繇此而精之。而後不愧於敷奏明試。今之仕進必繇此而施之。而後無負於行義達道。諸語立教之本甚詳。其示教讀訓蒙大意曰。古之教者。教以人倫。後世記誦詞章之習起。而先王之教亡矣。今教童子。惟當以孝弟忠信禮義廉耻爲專務。其栽培涵養之方。則宜誘之歌詩。以發其志意。導之習禮。以肅其威儀。諷之讀書。以開其知覺。蓋童子之情。樂嬉遊而憚拘簡。如草木之始萌芽。舒暢之則條達。摧撓之則衰痿。固其理也。故凡誘之歌詩者。非但發其志意而已。亦以洩其跳號呼嘯。

於咏歌宣其幽抑結滯於音節也導之習禮者非但肅其威儀而已亦以周旋揖讓而動盪其血脉拜起屈伸而固束其筋骸也諷之讀書者非但開其知覺而已亦以沉潛反復而存其心抑揚諷誦以宣其志也夫然故順適其志意調理其情性潛消其鄙吝默化其麤頑日使之漸於禮義而不苦其難入於中和而不知其故是蓋先王立教之微意也若近世之訓蒙釋者責其簡束而不知導之以禮求其聰明而不知養之以善鞭撻繩縛若待拘囚彼其視學舍如圜牆而不肯入視師長如寇仇而不欲見窺避掩覆以

遂其嬉遊。設詐飭詭。以肆其頑鄙。偷薄庸劣。日趨下流。是蓋驅之以惡。而求其爲善也。何可得乎。凡吾所以教。實在於此。恐時俗不察。視以爲迂。爾其務體吾意。毋輒因時俗之言。改廢其繩墨焉。則其於蒙養者。爲已悉矣。當是時。士習蔑裂。於辭章訓詁。安以爲學。不復知聖功爲何事。自文成倡。而天下始知立本於求心。一時國俊。響臻駢聚。久益有造。其高第弟子。鄒文莊。守益。歐陽文莊。德程。禮書文德。先後爲辟。雖師賢。關語說斯。爲盛於名區勝地。各往往以王湛所名。學建書院。羣人士論心質學。考業講德。于其中游。

談間作而師友之道切劘之益亦因以不墜蓋庠序
爲虛器師弟子爲虛名嚮往者固不得不出於此也
自王文成之說行於時篤守程朱以反身實踐不變
者獨羅文莊欽順呂侍郎枬爲最醇呂爲祭酒時條
監規疏言歲貢入監卽古鄉舉里選六德六行六藝
之士故禮稱四十強仕道明而德立近年歲貢中有
二十上下者其德行焉考甚且禮讓未閑遇事興爭
各提學官惟取詞章不顧行簡遂使質樸淪墜乞

勅該部轉行提學官當歲貢期於食廩年深二三名

內遵照

祖宗卧碑參取德行必注其平日某德某行縱無完人
庶幾近實所較文唯取其不諄經傳理明詞達而止
不專於富麗有蹈襲六朝人語奇怪難讀者俱從黜
落而遐荒鄙邑亦取士以充用昭

聖明一視無外之心又舉人在監本以觀光

皇極薰陶德性今查在監實數天下之廣僅止二三十
人蓋自會試之後支稱他故駁奔原籍有志者固不
廢學餘多交際郡邑開治產業侵陵鄉曲比及試期
方攢監簿計水程用規撥歷未仕若此居官可知乞
勅該部將已未入監告回舉人移文行取嚴違限作曠

計月加曠若不許會試之條庶士類知儆衆向於學
矣納銀例貢近奉 欽依聽其依親原籍與考科舉

此以待志士可矣其無志者一旦還里抗揖守令兼
服商賈肆行鄉間他日入官殃民非淺乞 勅該部

將依親例貢行各提學官考行業類報其逃監及患
病給假三月之外許臣查治重則 奏報削其名籍

夫士必知古斯可通今儀禮一書乃成周致太平之
具世行高堂隆所傳十七篇宋儒楊復爲之圖解皆
可習行近臣等選諸士按圖學步自冠射鄉燕至士
相見諸儀使士子閑于周旋進退之節養其中正和

平之氣而此書稀少靡所正據禮樂諸器舊多未完
乞 勅該部重刊儀禮并造前項禮樂諸器以便諸
生游業。准古大雅鼓鐘辟離周禮樂語之義。

世宗初載垂意於興學明禮之務。製敬一箴。注宋

儒程子四箴范浚心箴。頒天下府州縣學風士於

正學。其敬一箴曰。人有此心。萬理成具。體而行之。惟

德是據。敬焉一焉。所當先務。匪一弗純。匪敬弗聚。元

后奉天。長此萬夫。發政施仁。期保鴻圖。敬怠純駁。應

驗頓殊。徵諸天人。如鼓答桴。朕荷 天眷。爲民之主。

德或不顛。以爲大懼。惟敬惟一。執之甚固。畏天勤民。

不遑寧處。曰敬維何。怠荒必除。郊則恭誠。廟嚴
孝趨。肅于明庭。慎於閑居。省躬察咎。儆戒無虞。曰一
維何。純乎天理。弗參以三。弗貳以二。行顧其言。終如
其始。靜虛無欲。日新不已。聖賢法言。備見諸經。我其
寃之。擇善必精。左右輔弼。貴于忠貞。我其任之。鑒別
必明。斯之謂一。斯之謂敬。君德旣脩。萬邦則正。天
親民懷。永延厥慶。光前垂後。綿衍蕃盛。咨爾諸侯。卿
與大夫。以至士庶。一遵斯謨。主敬協一。罔敢或渝。以
保祿位。以完其軀。古有盤銘。目接心警。湯敬日躋。一
德受命。朕爲斯箴。拳拳希聖。庶幾湯孫。底于嘉靖。蓋

先天下以聖學如此於是大學士璉疏科目之弊三

事一正文體復平實爾雅

申國初經義五百字四書義禮樂論三百字以上

時務策千字以上

二明實錄錄必生儒試文毋有司潤色三

慎考官各省鄉試

命翰林部屬有學行官主考京

官分考毋苟用教職卑闕使權歸外簾而大學士等

疏修明學政尤得古意而近本疏畧曰臣聞先王之

教其民也因天地之性順人物之生分主授職統之

於鄉州黨族閭里而導之以孝友睦嫻任恤故士不

出於畎畝而行不外於藝倫管敬仲曰農之子恒爲

農野處而不昵其秀民之能爲士者必足賴此之謂

也。漢書曰。餘子遣入序室。所謂餘子。父在則子餘。兄在則弟餘。故天下生負皆名子弟。其職在入孝出弟。而所以教之者。莫切於出作入息之期。後世岐教養之政而二之。教者不知養。養者不知教。以致學較之弊。考德行不求之鄉黨。談經之謬。分司徒以屬之冬官。故一登講堂。永耻民事。有父兄荷蓑笠。而子弟衣輕裘。見達官貴人。竦然敬起。見胼手胝足。雖至親。赧然媿之。是雖冠服士人。言論道法。而其孝友之實。曾塗之人。不若矣。此風俗之所以日下也。乞勅諭提督學較官。敦本抑末。進農民之秀。重居鄉之行。凡入

學生徒必求子弟曾知稼穡有孝弟實行者取之每
於考較後咨訪篤實父老如古所謂孝弟力田者量
賞犒以風之設稽行簿付之里老書其敬敏任恤條
報其善行旌異之其鄉行玷缺者選人不許入序貢
舉不以應科而命府州縣教官集諸生爲會五日一
會先將所當講求經傳手錄之錄畢即將本文諧協
音聲圈點句讀會通章大旨尋繹不得破碎擬題以
壞經義苟有自得錄冊端商之所作字務莊楷次將
身所處倫理間事未盡分若所遭不如意者務盡心
商處如此將不出畎畝之中鄉庠之內而駸駸然有

復古之漸矣。且夫人者。天地之心也。人存其心。則與天地爲一。一息不存。則不與天地相似。失久不復。則其違禽獸不遠矣。心何以存。曰敬。敬何以入。曰畏。昊天曰明。及爾出王。昊天曰旦。及爾游衍。敢不敬乎。曾子曰。十目所視。十手所指。畏也。惟畏而後能敬。敬而後心存。友朋交切嚴諸此。至業舉文字。士子所賴以發身者。固不待督責而自勸者矣。然其業之也。粗解章句。輒決裂經傳。擬題構文。競爲浮華放誕之言。以奪有司之目。是則雖名士人。其設心與壟斷之徒。何異。放心至此。尚何望其讀書窮理。以求見聖賢之心。

法也哉。必申令學官。務戒諸生。一洗此習。先閉門靜坐。整齊嚴肅。然後以先儒讀書法。取聖賢經書。熟復而近思之。體認深至。程子曰。如讀語孟。將門人問處。便作已問。將聖賢答處。便作今日耳聞。又云。未讀時。已曉文義大畧。既讀後。自家見得又別。但覺意味深長。今生徒知此味者。或鮮矣。議者又以爲讀書無益。傳註爲贅。正緣其始未知讀書之法。未深於讀之之味。後有所得。懲之太過。而不知此論一開。必將至於尚清談。滅禮教。聾瞽一世。使天下貿貿焉。無所執持而後已。非所聞也。乃小學之教。本古庠序。序以明教。

庠以行禮而視化。春民畢出在野。冬畢入於邑。餘子畢入序室。學六甲五方書計之事。非獨教之。將有以養之也。非獨養其德性。亦將養其身體。固其壽命。而堅強其血脉也。故聲音以養其耳。采色以養其目。降登疾徐以養其血脉。今之教者。嚴課程。急記誦。以傷其氣。強所不能。苦其思索。以損其氣。而教與養胥病矣。臣治縣時。闢義倉之右。廢寺隙地。南北數百步有餘。建爲學舍。左右相向。中設四堂。前後爲門。左右爲塾。以篤實長老二人。平旦坐左右塾。序行道出入。每食時。至日夕。亦如之。次爲習禮堂。中繪陳祥道楊復

所撰禮圖曰接子禮曰童子禮曰冠禮曰士相見禮
曰婚禮曰子事父母禮曰婦事舅姑禮曰祀先禮曰
鄉射禮立一師掌之諸童子進學卽率見先生習升
降拜揖坐立之節隨授一圖指示擘畫令其通曉間
令展習以辯雜服又次爲句讀堂內榜管氏弟子職
亦列數圖示之日講一圖次以孝經小學教之句讀
令其粗熟仍爲講說大義約之入身又次爲書算堂
榜六書法每日止教一兩字卽以四方上下自一至
十若干支等名數授之又次爲聽樂堂內置鼓鞀笙
磬投壺詩章弓矢禮樂之器或教以鼓節或教以歌

詩或擊魯薛鼓之半。以習投壺。或擊魯薛鼓之全。以習射儀。四堂遍。而日亦且哺矣。自聽樂堂。復之書算。以次至句讀。至習禮。皆畧復舊業。復於門左右塾。以次序出。如此。則家無子弟之憂。而子弟得養其德性。養其血脉。養其耳目心志。而非僻之干。無自而入。於以端養正之本。而復古興禮時。

上用輔臣摠議。詔吏部考察天下提督學較憲臣。不

勝任者。改調罷斥。蓋勵有存者。又詔禮部沙汰天

下生員。不許附學。過廩膳。增廣之數。而視聽一新。人

士務援精極意。研索探討。操舉文於古格爲。明文

極盛已

詔正祀典。尊孔子曰至聖先師。孔子四配。

曰復聖顏子。宗聖曾子。述聖子思子。亞聖孟子。殿東。

西十哲。兩廡從祀諸弟子。曰先賢某子。左丘明以下。

曰先儒某子。以顏無繇。曾點。孔鯉。配食啓聖公祠。啓。

聖公者。先聖父魯大夫叔梁紇也。黜申黨。公伯寮。顏。

何荀。况戴聖。劉向。賈逵。馬融。何休。王肅。王弼。杜預。吳。

澄。十四人。增祀后。蒼。王通。歐陽脩。胡瑗。陸九淵。五人。

而林放。蘧瑗。鄭衆。盧植。鄭玄。服虔。范甯。七人。各祀於。

其鄉。歷代所追崇先聖王先賢儒公侯伯之封爵。竝。

革。

國祔祭酒吳沉著孔子封王辯言褒之以王之貴
曷若事之以師之尊弘治中少詹事程敏政言荀

况言性惡大悖、洪武中、從祀黜雄、况雄實相伯仲、言者併欲黜况、宜也、申振申黨本一人、祀止宜存、振家語七十弟子、不及公伯寮、秦冉、顏何、蘧瑗、林歿、宜祀瑗於衛、祀放於魯、寮及冉、向宜罷祀、禮記傳於后蒼、與王通、胡瑗、皆宜從祀、顏淵子思配於廟殿、而父坐庭廡、非禮、宜別立祠廟中、祀啓聖王、以祀國公、無繇、榮蕪、侯黜、泗水侯鯉、邾國公孟孫氏配享、永年伯程珌、獻靖公朱松、配、下禮官議、不可、而祭酒謝鐸言、宋儒楊時、息邪放淫、承孟氏之傳、行晦翁之派、雖晚年一出、不克盡行其志、而力闢新經、足衛吾道、若吳澄、生長於淳祐、貢舉於咸淳、受宋之恩、已如此、其久爲國子司業、爲翰林學士、歷元之官、乃如彼、其榮迹其所爲、曾不及洛邑之頑民、何敢望首陽之高士、况二人皆太學之師、乞升時附宋諸賢、斥澄下從葬、大夫之列、乃追封時、將樂伯、從祀、而澄祀未黜、至是盡如其言、撤諸塑象、易木主、改大成殿、曰先師廟、大成門曰廟門、東西十哲、閔損冉耕冉雍宰子、端木賜冉求仲由言偃卜商顓孫師、東廡七十四位、澹臺滅明、原憲、南宮适、商瞿、漆雕開、司馬耕、有若、巫馬施、顏幸、曹邴、公孫龍、秦商、顏高、襄駟赤、石作蜀、公夏首、后處、奚

密藏顏祖句并疆秦祖公祖句茲縣成燕波顏之僕
樂欬狄黑孔忠公西箴施之常秦非申張顏噲穀梁
赤高堂生毛萇后蒼杜子春韓愈邵雍程顥司馬光
胡安國張栻楊時陸九淵許衡西廡四十四位必不
齊公治長公哲哀高柴樊須公西赤梁鱣冉孺伯虔
冉季漆雕哆漆雕徒父商澤任不齊公梁孺公肩定
鄒單宰父黑榮旂左人郢鄭國原亢廉絜叔仲會邾
異公西輿如陳亢琴張步叔乘左丘明公羊高伏勝
孔安國董仲舒王通周敦頤歐陽修張
載程頤胡瑗朱熹呂祖謙蔡沅真德秀而

上親著論言朕惟孔子之道王者之道其德王者之德。

功王者之功。事王者之事也。乃位則非王者之位焉。

孔子沒。唐玄宗薦謚曰文宣。加以王號。至元又增謚。

爲大成。夫孔子於其時諸侯之僭王者。作春秋筆削。

而心誅之。今不體其心。而漫加其號名。雖尊崇實目。

之爲亂賊之徒也。近禮官議增樂舞八佾。遯亨有二
上擬於事。天孔子如在其肯享之乎。孔子曰名不

正則言不順。言不順則事不成。而禮樂不興。夫旣以
王者之名橫加於孔子。故使顏回曾參孔伋以子而
配養於堂。顏路曾皙孔鯉以父而從祀於廡。綱領紊
而百目因之。豈不信哉。今不正滋來世之非道。苟謂
朕以位而凌先師。非知朕心者也。於是革塑像以主
上。皮弁服謁廟。用特奠帛。行釋奠禮。迎送神各再拜。樂
三奏。舞六佾。已。御史瞻得仁疏。請以故禮部左侍郎
薛瑄從祀孔子廟。下百官議。春坊唐順之上議。言惟

陛下懋建皇極身作君師惠然畱意理學之臣博採庶
論欲以定祀典而彰潛德甚盛心也臣請折衷之祀
典以答明詔可乎臣聞聖人之道有宗傳有羽翼
蓋孔門身通六藝者七十人其德行稱者纔四人而
夫子獨稱回爲庶幾一貫語之參賜而性與天道賜
又自以爲不可得聞則其精微之際心授心受毫釐
不差者固亦難矣所謂宗傳者也然文學政事言語
亦得與德行分科而居皆不失爲聖人之一體至於
門人之辯之勇之藝聖人亦自讓以爲賢於我也且
曰自吾得某而門人加親是聖人與人之間也所謂

羽翼者也。此孔門人物之衡。亦後世論孔門人物之衡也。如使必其宗傳而後可。則顏曾思孟而下。及於濂洛四三鉅儒而足矣。雖七十子猶在所畧。而況於經師之口傳。與諸儒之疵而未醇者乎。然且羣然而俎豆焉。則羽翼之故也。故曰與其過而廢之。寧過而存之。至如瑄者。以復性爲究竟。以持敬疑靜爲工夫。非聖人之道。不以志。非濂洛關閩之說。不以存。謂其爲聖門之羽翼。復何疑乎。此瑄之可附於祀典者一也。臣聞衆心安定而成俗。必有尚。衆志鼓舞而成尚。必有倡。倡之者。始之也。祭之爲言。報本而反始也。我

朝理學彬彬乎盛矣。然自瑄以前未之前聞。則瑄實倡之。比濂洛之倡道於宋。雖所得或有淺深。而功則並之。此瑄之可附於祀典者二也。臣聞之記曰。凡釋奠者。必有合也。有國故則否。解之者曰。國故云者。若虞后夔伯夷周周公魯孔子也。若漢高堂生制氏毛公伏生。代各自釋奠於其代之人。而國又各自釋奠於其國先師也。明興且二百年。絃歌之化暢乎遠近。而壁雖之側。至今無一人焉。得俎豆於其間。非所以鼓士氣而彰聖朝棧樸之盛也。繇此言之。苟爲聖人之徒者。猶宜援而進之。况如瑄之學。真可以羽

翼聖門。而曰我國之故也。而祀焉。奚不可哉。此瑄之
可附於祀典者三也。或者謂其於六經少所著述。宜
不得從祀。臣竊以爲不然。夫聖人作經。求諸其心而
已。儒者求諸心而有得。是真能發揮六經者也。且自
古儒者說經之多。莫如馬融。其體認本心。絕不肯爲
六經註脚者。莫如陸九淵。陛下嘗進九淵而黜融
矣。况瑄所著讀書錄。且十餘萬言。其爲著述也已繁。
又何疑焉。或又以爲宋儒之賢。若尹焞。羅從彥。李侗。
黃榦。皆不得與祀。今瑄所得。未知其與數子孰賢。宜
不得而獨進。臣又以爲自濂洛倡道之後。羣儒連茹。

而出耳目薰染故興起爲易瑄崛起絕學之後其樹
立爲難方連茹而出也不得不擇其尤者而祀之其
無待而起也不得不援而進之譬繁星麗空非五緯
不能以耀芒而晨星相望則維參與昴曄然而見微
顯闡幽之義也安得率彼以例此乎臣以爲宜如御
史臣瞻得仁所疏詔需後宋學自永樂尊顯而來
天下士守朱徽國文公所註經如金科玉條不敢少
抵忤而王文成求端於立本揭致良知爲學宗言時
與朱異而評論始興又機神天縱不拘故局常往往
爲有方士所深疑又自以爲簡易直截之學二千年

始顯號召同學。汲汲若不及。卽賢儒姍訾之。已功高
衆忌。而謗議大興。嘉靖初。南宮發策。至斥爲僞學。欲
焚書申禁。及起平思田。卒于師。爲冢宰。萼以論學異
同。故深擠之。奪贈蔭卹典。且下詔禁學。於是詹事
綰御史延。各疏言其學不詭於

聖人。皆不報。隆慶初。大學士階當國。用言官請下廷

議。進侍郎瑄。新建伯守仁。從祀孔子廟庭。而先後言
官論互異。獨進瑄。萬曆中。御史詹事講理。前議請進
簡討陳獻章及守仁。下廷議。議者復互異。

上曰。守仁學術與宋儒互相發。何得因彼廢此。卽集議。

歸一 上毋紛紛 奏。部覆議。請并祀布衣胡居

仁。於是輔臣始顯言守仁言致知。本大學言良知。本孟子。獻章言主靜。本宋儒周敦頤程頤皆翼聖真寔。祀居仁純心篤行。輿論攸歸。宜併祀。

上口祀之。善。

皇祖世宗。每言王守仁爲有用道學。其獻章居仁俱從祀。見 朝廷重道崇儒。操修經濟。並務尚本實至意。嗚呼。深矣。始。

祖宗時。重國子儒宗之選。祭酒司業。必簡翰林宿學。有碩望者以充。諸體睠遷陟於他司。絕等。卽博士學正。

學錄博聞行修者亦往往補館職列坊局已乃真內
臺當是時國學官民軍生非強學登科必積分至十
餘載升上館乃後使歷事叙選而任官其後進士科
日益重舉人下第者冀後舉引他故自便不以時入
監通歲至監者曾不能數十人歲貢生類衰頽願就
教爲祿仕計通天下郡縣學歲貢入監者視異時十
不能三四其後納粟納馬入監之例啓而國學愈
淆初例開時猶提學官試文理通而後聽後彌弊濫
郡縣學停降增附若斥退者及民間白丁子稱俊秀
得納銀齒於學於是商賈之子卅角之童以及遊蕩

愚不肖之流咸混迹其中士耻與爲伍而虎闥重地
曾不若郡庠邑序爲猶有推擇也又法齒學者無斥
退于是燕朋僻友恃蓄聚自恣蔑繩法不守卽教無
所施雖祭酒司業隆重不異疇昔而養聖需陟頗不
屑督廸南北監博士助教學正學錄官顧獨類刺貞
資叙漸下遷往往寬縱取妄說於是太學特爲出身
之塗舉人官生入監僅六月以上歲貢生僅八月以
上援例生亦不過終歲卽序撥而司教者卽欲遲之
歲月冀優游於學不能矣而國學大壞方

祖宗時特重督學使者之選兩京用御史外省用按察

司風憲官。類海內名流。國盛時未論。迨正德末。御史蕭鳴鳳。懲惡嚴。雖才不貸。副使魏較。敦行急。受欺不悔。副使李夢陽。伸士節。振萎習。士誦義不休。而邵文莊寶提江西學九年。忠信結士心。士戴如父母。後督學官稍益輕。柄任者。非必有卓行實學。厭士心如異時事。益多故。又廵歷。或二三歲。乃一至。至不過浹旬月。獨品所爲。較試一日文而止。不復關行能考察。道藝。卽甄獎德行。亦獨案郡縣學官所報三等簿。崇抑之。不復有案質。又憚廵行勞苦。獨高坐引日月至大比。獨委府州縣類考。而合試之。故士習剝而人儻。

於奔趨始

祖宗時重學官之選。往往取者儒宿學以充。後科目法
行。取舉人登副榜者選授。凡國家推選坊局纂修
典籍。會試較文。必與焉。其經保薦及九載處優考者。
輒得授翰林科道部曹官。於陟陞無等。故廷臣薦士。
以起家學官爲美談。後久刻弊。師儒之職益輕。副榜
舉人不屑就。而歲貢生年稍邁。若貧困甚者。乃甘心
焉。因取充位。精力倦於鼓舞。而學術紕謬。無能爲諸
生先。又俸難自給。於是奔走有司。結富豪以苟得。而
於月考課及上下三等簿。率以貲不復問行能。蓋冗

蠹甚矣。弟子負各以其意散處相師友。獨月朔望一詣學而講課缺然始。

祖宗以經術作人。令研磨於義理。以簡黜身心。文主典質。諸剽老莊浮華言若獵奇鬪異者不錄。已文治漸開。自弘治迄嘉靖。勅最盛。程式文及名家作者。類精義雅辭有爛其文。後學較所取士。遺棄典實。獨取輕俊。卽及經畔義者得錄。又學無師法。經有成說。講貫粗通。卽稚子能之。業之者以爲取足行文而止。於微義奧辭固無俟深解爲也。於是窮年畢力。獨取進士科高等課試之文讀之。他經史未諭。卽異時所業專。

經亦簡棄不讀。獨剪裁科場中可爲試目者爲擬題。
構文已然者輒效。輾轉摹擬。習益靡濫。又後天下言。
文者宗史漢。言學者涉莊老。佞佛而經生亦競勦莊。
老佛唾餘以投之。豈必心解。獨弔詭倖售。又少俊者。
多得雋。人用倡狂自恣。輕忽長者。傲慢同列。甚乃淫。
伍酣歌。伍俳優不耻。不復憚名教。遵簡桺如異時鄉。
學又大壞。彼其以。

國家設科取士。真爲祿利資。一旦効高第。取右職。試官。
異時業棄如弁髦。卽夙昔受學師。升沉稍異。忽若途。
人。長躁進之心。傷揖遜之美。而風習大潰。當是時。天。

下學士聚講學者亦不復知古六籍四教遜志游心。
成德達材之盛。獨取近儒一二激世之論。如所謂六
經糟粕。須焚書一遭之語。爲至言。倡天下於師心自
用。而名世高虛之士。至園靈自詡。蔑棄脩學。混楊墨
老釋於一途。揚波助瀾。仕競苟得。居營口實。幾於晉
宋清談濁亂之俗。而未知所止也。萬曆初。輔臣白降
詔申勅。國家用經術造士。爲實學。禁剝書院標門戶。聚
黨爲空談。重兩京國子監。十三省提學使者之選。申
勅遣歲貢士若附學生。勅嚴遴選以充。然不能有救
也。先是大理副李承芳著論言。近代來害天下之人。

心者莫甚於學宮。壞天下之士習者莫甚於科舉。率天下爲惡無紀極。莫甚於學官。可一切廢去。惟救天下守令於郡邑之內。求老師宿儒爲一鄉之善士者。令師其一鄉。一國之善士者。令師其一國而學焉者。必六德六行道藝以立其本。經書以擴其用。至於農田水利及錢穀兵甲律令之類。皆一一究極之。而可效諸用。守令卑躬盡禮其師而勸誘成之。其道成德尊者。則舉而加之高位。由邑而達之郡。由郡而達之省。達之天下庶其可也。雖持議已激而痛時弊至深。嘉靖季年王祭酒材故受學呂宗伯柟官司業時。

嚴條約。居必於廨舍。守必於矩矱。程課業。敦彞倫。又申明崇讓戒速。規儉勗勤之訓導。誘諄至少。宗伯康太和。以爲諸生始而惕然。終而訢然。不惟不敢犯。且不忍犯也。於是兩都學門堂廳廂畢具。飭街衢房號。爲居民侵冒者。清復之。任勞怨不避。考典稽訓。作大學志六編。編爲之序。序各有志焉。其畧曰。自昔帝王膺圖命世。罔不崇宣教學。以爲化本。此三五之代所共繇也。

皇祖初定天下。汲汲焉是圖。崇祀先師。科列維範。登耆授俊。廣籍庀養。諸室廬服器之需。庀汎之役。靡不周。

具燕賜之恩。給于縫掖衣廩之給。下逮厮人。所以勤教作人。燦然備矣。

列聖相承。敦嚮若一。古稱盡制。莫此尚焉。紀典制第一。

一典制 建學 祀先師 設官 官民生 生

負巾服 經籍 倉庫 官吏俸給 師生廩饌 賜予 器用 徒役 印信 官吏給繇 內外學舍 自舜命夔契開五倫四

德之原。周廸賢能。示德行道藝之典。固文敷立命。辭出爲經矣。

皇祖建學立師。廣延胄俊。多方戒誘。綱目具昭。方其創制天下。百度萬幾之殷。密劇矣。而建學成賢。惇惇焉。若家長之於子弟。昕夕于衷。又時爲策目以課試之。

聖神之周貫如此。

列聖嗣休。代有明訓。

皇上天縱時敏。造極淵微。作敬一箴。反復幾三百言。心

學統宗。光昭絕緒。繼又取宋儒五箴。親爲註釋。而主

敬協一之功。益明敬一以治心。而精察於視聽言動。

爲敬一之實。是皆啓萬世之堂塗。豈真制一時之津

楫已哉。遵道遵路。率德勵躬。教立化行。歸其有極。雲

漢章天作人斯。無已。紀謨訓第二。

一謨訓、勅諭

官箴、策問、敬

禮樂太學所以爲教也。三王教世

一箴、五箴註

子必以禮樂則齒胄之大義。春秋教以禮樂則時教

之正業也。

皇祖光有天下。亟命儒臣。考禮定樂。辯度審音。時輒親較。務求近古。

皇上惇崇倫典。制益備章。雖議在宗伯。業在奉常。然自郊廟之外。獲覩其盛者。惟太學。

車駕臨幸。則朝廷之禮樂行焉。春秋釋奠。則宗廟之禮樂行焉。合語合射。則州鄉之禮樂行焉。此其大端。而莊敬恭順。動皆有則。中正無邪之禮。事罔弗由。暢析經猷。相說以解。論倫無患之樂。時罔弗著。瞽宗東序之故。雖不盡沿。而窮本知變。著誠去僞。可以得禮樂

之實矣。記曰：知禮樂之情者能作，識禮樂之文者能

述。紀禮樂第三。一禮樂、臨幸、春秋釋奠、釋菜、

祭、朝賀、禮射、進士釋菜、衍聖公襲封釋菜、習讀公侯駙馬伯釋菜、有官必有政。

太學之官則師，其政則教也。官師政教，義並隆焉。師

以爲官，教以爲政，而教固政之本也。德行道藝之導

其全，藏修游息之省其懈，燕朋燕辟之章其戒，中以

亨行，有發蒙包蒙之吉，術以時用，有鼓篋夏楚之宜。

自辯志至于強立，自勞來至于振德，有等有序，古帝

王之命教，固已然矣。我

皇祖詳定學規，至三至四，儆礪教學之法，纖曲備周，蓋

義裁禮節而曲成之仁在焉。今之學政。惟率遵成式。而會饌積分。良猷或廢。雜升速歷。敦學應文。蓋時遷法弛者。今多矣。學者憚其嚴。論師者亦且謂不必於嚴。或乃以敷教在寬之說。文之夫寬也者。言遲之歲。凡俟其成。不急迫云耳。非廢

祖宗之制。循時俗之趨。爲寬弛也。教學日弛。抑將如訓典何哉。抑崇德重義。表儀諸生。

太祖之訓也。爲師範者。務正已以先之。

成祖之訓也。學政之本。固有出於約法之外者。於乎。政者正也。書曰。爾身克正。乃罔不正。紀政事第四。

政事一

升監、廂儀、講肄、考較、懲戒、差遣、太學、文
歷事、分守、稽驗、官解始末、鑒戒

章之府禮義之宗也。盛世仁賢陳建所及未始不度

衷物則研志時裁期以光贊。微猷彌成陶範或貞

一察倫舉前往之闕或變通盡利裨教誘之方列於

下而帝俞行於今而後守。詎曰枝辭務取鬼攬蓋

惟政術是稽言正事覈者裁焉紀論議第五

正廟祀簡師儒

廣生徒

增載籍

申惠養

清資途

大矣哉

國

家作人之教也夫崇禮師選簡登耆碩龍雲感會固

賢業所以益隆而鼓淬大鈞藹藹多吉殿邦楨國萬

序威熙二百年來不可勝書矣。且今之抗色升壇卽

昔之執經間席。後之幹調斗鼎。卽前之表枳均雍。文
武勲名。道德源緒。胄林所毓。今在廷彬彬可睹已。惟
皇祖尚教敦儒。

列聖

今皇篤勵無斁。故譽髦之盛。若此。詩曰。肆成人有德。小

子有造。紀人材第六。名德、簡遇、職官、題名、
髦譽、甄除、科名、歲報、

其典制篇序建學曰。按四代之學。虞商貴在郊。夏周
貴在國。在國以惇禮樂教化之原。在郊以遠朝集市
紛之劇。我

高祖卜大學於南都之鷄鳴山。去朝市且十里。今太學

雖沿元址。去朝市如之。不越都闔。而夔隔囂閭。藹藹之士。合志營道。敬業樂羣。自禮樂詩書之外。無所干於視聽。可不知其故哉。乃內外學舍。脩復以存。

祖宗之制。限居以一生徒之業。委官以主代承之籍。嚴毀耗之防。則今日之事。守焉爾。序祀典曰。凡立學。必舉先師之祀。誓宗右學之典。可考已。漢氏以前。樂祖經師。皆習其道。則祀其人。蓋未有定祀。東京雖以聖師禮周孔。而學未始有廟。廟祀孔子於學。自唐始。夫盡天地之性。明帝王之道。修六經。扶五教。終古宗承。未有盛於孔子矣。歷代嚴禋。纘服無斁。我國家建

雍作廟。昭揭兩都。崇祀儀章。光布寰宇。

皇上正名秩禮。定先師位號。益顯以隆。秩祀尚本。祭川先河。又捐所自出而報祀焉。子淵諸賢。不先父食。大中羣哲。均饗崇報。殷禮肇稱。無文咸秩。惟

皇盡制。於是爲不易之典矣。序官師曰。敎胄之司。著於虞典。傳於周官。兩漢時立博士官。而元長一人爲祭酒。助教昉於後魏。司業監丞設於隋唐。正錄則置於宋。自昔爲有道之選。

國朝列職太學。皆在廷儒臣。非大典禮。雖朔望有長貳迭朝之例。以施敎授業。必專必勤也。故有金閨

之籍而無待漏之勞。優假之若是。今升監儀。

皇祖所欽定。鵠立鴈行。繩趨矩步。自官屬以及諸生。肅如秩如。所以嚴師者至矣。匪由自樹焉取立人。

皇祖之命師儒。曰正心。曰實學。曰崇德重義。正身率下。曰簡身飭行。守道尊嚴。諄諄焉不欲徒文辭記誦之爲務。道不可師而居其名。教不務修而虛其職。瘵曠之罪。豈直若他司比哉。茲可爲栗栗懼矣。亨生徒曰。

勅

太祖設國子博士等官。敎皇太子於大本堂。時自

親王而下。至功臣子弟。及生徒之秀者。皆得入伴讀。

既建國學。乃令品官子弟。及民間俊秀。充國子學生。於是。有官民生之目。自一品至七品。皆得與蔭叙。皆謂官生。民生。則郡縣諸生中。論其秀。歲升之者也。洪武三年。始設科舉士。五年。選會試下第。年少質美者。令入學。皆曰民生。當是時。啓教雖弘。而任官不易。非強學登科。則積分將至十餘載。而後得歷事授官。儼淬之久。如是。後貢舉諸生。既盛。貴游子弟。不得輒錄。宣德以來。頗有陳乞聽。

上裁可。仍令勉學。從科舉出身。成化初。始詔大臣三品以上子孫。許一人送監。照監例出身。近歲蔭而得。

舉復得以次子補蔭。而自洪武來。歿王事者之胤。時
間有特蔭。其經筵儲邸講導之臣。有稽勞叙蔭。
近歲邊境大臣以功蔭。皆曰恩生。天啓

聖人復中華於蒙古之世。驅氛蕩穢。豈惟諸夏再瞻倫
軌。卽邊境夷酋。以及海外君長。梯航相望。遣子入學。

附之官生。其勲戚習讀。昉於洪武初。令公侯伯及武
官子弟承襲者。入國學肄業。時蓋二百餘人。景泰天
順間。戚畹諸公主子孫得乞恩入監。成化十年。

令公侯伯駙馬。初襲授者。送監讀書習禮。祭酒依學


規教之。不幸者奏聞。


今上設禮部主事一員。專教駙馬。因不復入監。諸勲爵
幼者不及時。題請在監者落落。諸習讀之規。復有
待於申勅矣。序歲貢生曰。國初令按察司於府
州縣弟子。貢年二十以上。重厚端秀者。拔其尤。歲貢
入監。歲貢之名自此始。卽漢歲察法也。正統八年
令生貢年四十五以上。考選送監。弘治中。歲貢中願
就教者。仍送監肄業。按季考試。嘉靖七年。行選貢法。
十五年。禮部復題照舊。其在學年老無進者。給衣巾
終身。復連年開貢。以疏湮滯。然自是多衰朽無志
之士。就教者日積於銓司。入監者無幾。夫國初選


秀不問年。由科目未盛行也。近科目既爲世所共趨。則歲貢之法。自當以處淹滯。惟年力過衰。神志昏眊者。雖鄉較之官亦難之。而又束之國學。以冀其進。不已遠乎。議政當如持衡。不可以已意爲輕重。苟酌二者之中。凡鄉學廩生四十而下者。可以待後舉。四十以上。嚴訪其志行。試其才力。以充貢。養之國學。俾及時而用。其不稱者。仍其衣巾。不奪其蠲復。則國學有進修之士。鄉庠無頹朽之師。而不稱者。亦無失所之歎矣。序舉人與呂祭酒枬條議同。序援例生日。自納粟納馬入監之例啓。而總州之童。侗頑之子。亦與於

齒胄冒濫甚矣。訾筭入官。昉於西漢。唐宋間行多繇軍興。非其獲已也。然輒以貲授。今國家雖入貲。猶必教之學。而後使之仕。視往代之法。爲猶愈矣。其間英俊繇以擢名。雖千百一二。而固未嘗乏也。惟職師儒者。體朝廷曲成之意。而不以資途棄焉。可也。其序廂儀曰。廂儀有可列者。有不可列者。今列者。舉政之節度。教之糟粕焉已也。攻堅叩竭。非有定時。因材當可。非有定術。發蒙啓滯。批軋導窾。游心遜業。達機裁化。其事固萬變而不可窮也。若乃水繇孟幻。金以範成。觀法所從。感通有在。則本乎德行焉。

函史下編卷之十二終







25
735
A2
74
U69
國史下編卷之十三

明旰郡鄧元錫著

經籍記

自天地具神明之德。運行四時。播序五氣。宣明二曜。而萬物生焉。有萬物而後有男女。有男女而後有夫婦。有夫婦而後有父子。有父子而後有君臣。有君臣而後上下禮義。於是乎有錯。古之人其備乎。配神明。醇天地。育萬物。經五常。和天下。澤及百世。明於原本。六通四闢。於小大精粗之數。而運無乎不在。宓犧上聖。邃古淳龐。河出馬圖。聚天地之美。極神明之容。爲

易宗於是仰觀象於天。俯觀法於地。觀鳥獸之文物。
主之宜。近取諸身。遠取諸物。作八卦以通神明之德。
以類萬物之情。先天圖作焉。圖有畫無文。首八卦衡
圖。次圓圖。次六十四卦衡。方圓各有圖。而諸宇宙橐
籥生成。覆幬持載。大儀法象。若雜撰流形之緼。畢具
易曰。天地之大德曰生。易有太極。是生兩儀。兩儀生
四象。四象生八卦。而富有日新之盛德。大業生焉。生生

謂

首畫一象。乾乾陽物也。天太虛無形。而專直充盈。

不禦無間。蓋大易無體。盡六合爲其體。而莫載莫破
也。實莫實於此。以爲天下之至健。故立奇象焉。次畫

一象坤。坤陰物也。大塊效法。中載神氣。神氣流行。升降出入。游焉鬱蒸。翕張蓋至。無留行。藏無遺迹。有萬有而無有也。虛莫虛於此。以爲天下之至順。故立偶象焉。微哉乎。天太虛而象之奇。地旁薄而象之偶也。象其精也。於是兩相摩而四。陽之陽曰太陽。陽之陰曰少陰。陰之陽曰少陽。陰之陰曰太陰。而天人之大德盡於四也。四相摩爲八。乾一兌二。離三震四。巽五坎六。艮七坤八。而天地水火山澤雷風儀象之大象盡於八也。八相盪爲六十四。而天地之混闢。日月之代明。四時之錯行。絪縕化醇。精構氣凝。萌長孕育。還

復死生。仁昭義立。性命貞成。具府於其中。縱觀之一。
本。雙榦自下而上。通六虛無外也。衡觀之。陽先陰後。
陽主陰輔。盡萬象一體也。統觀之。天地持衡。震巽中
萌。山澤形用。水火神行。析觀之。愈大愈少。彰造化之
大用。愈小愈繁。窮萬有之幽顯。而陰陽左右。枝比葉
偶。盡萬類之情性也。八卦小成。其參天之所爲乎。一
三而三矣。六畫大成。其兩地之所爲乎。三二而六矣。
察性知命。原始見終。顯萬有之府。脩神明之容。其惟
衡圖乎。其圓圖象渾天。天之德。遍圖渾淪。周迴。上象
天。乾正位上。覆坤正位下。載而位定矣。艮西北。

兌東南澤鍾而氣通矣。雷出地奮於東北。風行天勁於西南。而相薄矣。大明生東爲晝。小明生西爲寒爲夜。精互藏而不相射矣。嘗以意類仰于園中。而渾天上下四方之象。撫覆而宇周。卽璣璿游儀之設。不察於此矣。旋觀卦運。始震一陽。順而升。歷離兌二陽。上至乾而陰生。始巽一陰。順而降。歷坎艮二陰。下至坤而陽復生。四序鱗次。五運輻周。是天下之大順也。而數往者順矣。夫是有奧樞焉。坤之三陰也。艮坎之二陰也。逆遡其所繇來。實始巽一陰。乾之三陽也。兌離之二陽也。逆反其所繇生。實始震一陽。則窮陰

之窟。躡陽之谷。迹神化之所繇來。以知天地之轂也。
來爲難知。是其逆也。而易本衡圖。其爲數逆數也。一
陰一陽。綿綿伊始。不見不聞。大本大始。以一而神。自
下載起。爲變化之宗。爲復往之紀。則易之爲易。盡之
於逆數矣。故一衡圖也。規之爲圓圖。而上下四維。往
屈來伸之大用。指諸掌可覲也。規六十卦爲大圓。而
坤孕乎復。乾鬻乎姤。冬春夏秋。晦朔弦望。日長短至。
晝夜分。可候而測也。陽在陰中。陽逆行。陰在陽中。陰
逆行。陰在陰中。陽在陽中。畢順行。而好醜有類也。健
順誠明。造位天德。動止入說。時行不忒。動靜應軌。消

息準度。好惡有鄉。喜怒以類。清寧平康。玄眇黃中。來以逆知。性守其宮。往以智藏。而寓諸庸。其取諸此乎。故曰。乾坤縱而六子橫。易之本也。

說卦傳。天地定位。章正釋圓圖。

方圖象地儀。地之德方。析衡圖而八。積而六十四。廣莫拓坦。有截其方。圖從中起。震巽其始。恒益綸綸。四卦衡從。爲中方。雨滋以生。日暄而泰。旣未濟持功。神農盛昌。通十有六卦。爲次方。兌說保合。艮止勿過。咸損見義。通三十有六卦。爲又次方。於是乾以君主始。坤以藏主成。而六十四卦方圖成焉。從其積而衡觀之。其下卦皆乾一兌二離三震四巽五坎六艮七坤

八而貞不易也。從其積而縱觀之。其上卦亦然。而悔亦不易也。上下四維。靜正求寧。風雨露雷。變化充盈。纖芒入歲。廣博無垠。東西爲緯。南北爲經。人敬正以直。而復見其心。方不過物。而巽以隱稱。器故大備。心不踰矩。其取諸此乎。

說卦傳雷以動之章正釋方圖

於是周圓圖其

外。納方圖其中。而天包地外。地處天中。地儀有限。天體無窮。眎諸掌矣。故曰動萬物者。莫疾乎雷。撓萬物者。莫疾乎風。潤萬物者。莫潤乎水。燄萬物者。莫燥乎火。說萬物者。莫說乎澤。終萬物。始萬物。莫盛乎艮。則變化萬物。而既成之矣。然必定位通氣。相薄不相謝。

而後能職二儀。相依附也。非是之謂乎。說卦傳神也者。妙萬物而

爲言者也。章正釋圓外方中圖是故。日一南而萬物處。日一北而萬

物生。斗一北而萬物虛。斗一南而萬物盈。天地合其

神靈以謀。天其運乎。卦氣爲之行。地其處乎。卦體爲

之止。闔天爲宇。闔宇爲宙。博厚高明。無疆以久。圖象

爲之紀。故圖先天而天莫之違。圖無文而天下之至

文出焉。易其五經之原乎。其天地鬼神之奧乎。而經

籍昉此矣。伏羲氏沒。神農黃帝氏作。實始有書契。代

結繩之政。而書闕不傳。軒轅氏沒。放勳重華文命。三

聖帝者作。實始官三才。府萬物。欽天授時。亮工熙載。

九功叙而萬世永賴。有書以紀事曰典。典言常也。謂
天地人之常道。極則也。二聖五臣。格心闡德。明道彰
化。論思可列之語。紀言之史。詳焉。曰謨。謨言謀也。安
止幾康。密勿精微。不專於格事。曰謨也。禹平水土。封
山濬川。志九州之土貢。其書曰禹貢。湯順天應人。放
有夏而新命。詰德其書曰湯誓。曰湯詰其時。仲虺阿
衡傳說之。倫攝政納誨。命官戒德之書曰訓。曰詰曰
命。代各有其書。詩本性情。匹夫匹婦。因性術之變。
極哀樂憂思之感。咸有作以暢志。如各言其傷。於是
命太師陳之以觀風。司徒因之以施教。天子躬於明。

堂陶觀而考政治焉。以經夫婦。成孝敬。厚人倫。而美風俗。代各具有其詩。自郊廟朝廷吉凶軍賓。以達於問巷。自會朝燕饗。以至於冠昏器祭。人道始終之變。緣情制則。因性作儀。代各具有其禮。乃夏易連山首艮。明定乃能應。商易歸藏首坤。示藏而後發。上契於道符。孔子曰。我欲觀夏道。是故之宋而不足徵也。得坤乾焉。蓋善之也。而於易已褊矣。至周文王。德純天載。古易大甄。而演之於羗里。法伏羲先天圓圖以序卦。更先天方圖爲圓。明天行。尊乾坤。旁列六子。因父母六子圖。明人紀。而設卦觀象。著彖繇以前民用。而

易道復興。序卦首尊乾於天以冠經。繇備四德以統經。配以坤。致用以坎離。泰否尸其交。剥復見其心。是故天尊地卑。乾坤位而易行。日東月西。長短至而時平。於先天圖四正之卦合。四正卦者。貞觀貞明貞一之象。反觀之不變者也。下經主四偏卦。首咸恒。咸兌艮合。恒震巽合也。咸恒者。山澤風雷。男女夫婦。鬼神陰陽之道也。山澤通氣。二少感應以相與而爲咸。風雷不交。二長敬正以相守而爲恒。夫姤謹其微。漸歸妹極其變。震艮先。巽兌後。而別與序章焉。於先天圖四隅之卦合。四隅卦者。乘除躋羸。上下降升。一不可

爲經反觀之則變者也。上經天道。故乾健知始。坤順成物。坎誠中實。離明中虛。性諸天而法天。下經人道。故咸以虛受。恒不易方。震作艮止。巽入兌說。修之人而盡人。易知大始。簡作成物。命天性也。有孚心亨。明麗中正。性天命也。咸虛以受。恒不易方。戒懼成德。靜止居方。始巽以入。終說而解。則人道以盡。性至命爲其常也。故易之言易也。以二體反對爲其耦。爲交易。以一體反觀成兩耦。爲變易。而交易變易如環不窮。不易者常易。常易者未始或易也。此易之情也。其圓圖本先天方圖。先天方圖起動撓。次潤曄。而兌若艮。

說之止之也。乾坤從君藏焉。五運周而歲功成。此規之使圓。遠以冥諸天。帝出乎震。帝。天帝也。出震。震東方也。齊乎巽。巽。東南也。其盛德在木。陽氣奏地而出。而鮮潔遯齊也。離也者。明也。南方者。夏。夏之言假也。大也。盛德在火。萬物皆相見。雨潤日暄。養之長之而大也。坤也者。土也。土寄旺四時。中央土。則冲氣之府。王莫王焉。土潤暑溽。火暎金伏。而育神此育。復命此復也。譬母鬻子乎。羸以爲克。勤顧復而致養之也。是致役也。兌。正秋也。西方之卦。萬物之所說。西北。陽之窮也。方圖乾位焉。曰戰。謂死生分而爭。而即死即生。

也。坎也者。水也。北方之卦。天地之大德藏焉。于產室
乎。宴勞之艮。東北之卦。爲地統衝。萬物之所成終。而
卽終卽始。爲不窮之通。故曰。至哉。文王之作易也。其
得天地之用乎。上應天之行。下法地之經。五氣順布。
萬物砰砰。出入生死於其門。聖人秉規矩權衡。制天
下而不劇。方國以平。其取諸此乎。說卦傳帝出乎
震章正釋此乃
父母六子圖。嚴父於天。親母於地。而乾坤上位矣。六
子者。索之乾坤。而各得其一體者也。萬物資始於天。
萬形資始於親。資之也者。索之也。乾純陽。震索而得
其初體爲長男。坎索而得其中體爲中男。艮索而得

其末體爲少男。陽主而陰從合之。故乾道成男而稱男。坤純陰。巽離兌之索之也。亦然。則主陰而陽從附之。故坤道成女而稱女。其位叙秩然。而易序卦以之。首乾坤。尊乾坤也。天地父母。尊之也。中坎離。終既未濟。重坎離也。坎離得天地之中也。均是男女。而嫡子婦以體祖爲其正也。故上經初主坎。上經中主離。二經終主坎離交。其震艮兌巽卦。互內外經。分上下。縱所衡合。先後䟽附。體父母佐嫡冢。有序有別。有恩有禮。有節有權。而緯經。故曰明人紀也。說卦傳乾天也。故稱乎父。章釋

此於。是乎設卦觀象。明三極晝夜進退之道。察人事。

得失憂虞之故。各繫之吉凶。悔吝无咎。利不利之辭。以明吉凶。而易道大興。乃其慎明德。肅雝以刑厥家。后妃配之。求賢善以輔君子。寶仁儉美德義。以章助內教。關雎葛覃卷耳作焉。因被之管絃。用之房中。而化行召南。夫人慎始重正。亦崇厥化。鵲巢美焉。采蘋采芣草蟲作焉。俗用滋美而化章。及受命爲西伯。伐桀遏密。薄伐玁狁。而采薇出車。杜作焉。以三分天下有其二。而且服事殷也。故曰可謂至德也矣。武末受命。周公成文武之德。相成王。鑒于二代。製禮作樂。以風化天下。而周禮以經官。建冢宰之官。以儀天。建

司徒之官以象地。建宗伯春官以成仁。建司馬夏官以成聖。建司寇秋官以立義。建司空冬官以幹事。而六官三百六十屬。上法乎天行。爲之冠以重成人。爲之昏以合二姓。爲之鄉飲射以教德讓。而王侯卿大夫。畢各爲之器。旣夕葬。以哀死。器爲之禋祀。實柴。燎以事天神。爲之血祭。豕沈。醢辜以祭地。示爲之肆獻裸饋。食時祀。以事先王先公達士庶人。而聯邦國之交。秩上下之等。又有賓禮焉。以通之。至其內心外貌。思慮視聽。食飲裳衣之有其節。若語默進退。取舍死生之有其介。與凡親疎貴賤交際事使之有其體。

谷品節之以立教焉。蓋周禮制而儀曲有官。儀禮制而人義有紀。曲禮制而人道有理。三禮者。周公明天道。察民故。以興人治之大順也。至其作樂。念王業始基。以二南。用之鄉人。用之邦國。爲化本。而因列國山川。封域。禹迹。職方。次邶鄘衛王鄭齊幽秦魏唐陳曹。檜十三國之風。列樂職。以導化而匡俗。周太史所爲歌之。第次是也。其王朝賓師友。燕兄弟。洽群下。勞使臣。以至于興賢育士。遣將命。戍畢。各因其尊親之義。上下之等。愛敬之殺。具次爲燕饗之樂。歌奏之時。撫而旁用焉。命之曰小雅。其王國會朝。若祭訖。受釐陳。

戒。則又原天命之明赫。揚祖德之盛隆。爲樂歌。以格
王正事。命之曰大雅。其郊祀柴望。祀先王先公。至于
群祀。又各爲登歌之詩。主唱嘆。無淫泆。以交於神明。
大司樂掌之。以祭以享以祀。命之曰周頌。蓋其禮有
五。曰吉。曰凶。曰軍。曰賓。曰嘉。宗伯掌之。其樂詩有六。
曰風。曰賦。曰比。曰興。曰雅。曰頌。太師掌之。其樂舞有
七。曰雲門。大卷。大咸。大韶。大夏。大濩。大武。司樂掌之。
太史掌建邦之六典。內史掌邦國之志。外史掌四方
之志。掌三皇五帝之書。則固其守官也。蓋詩書禮樂
大備而各備其官。乃太卜掌三兆之法。曰玉兆。曰瓦

兆曰原兆。其經兆之體。皆百有二十。其頌皆千有二
百。掌三易之法。曰連山。曰歸藏。曰周易。其經卦皆八。
其別皆六十有四。而箬人用筮焉。又觀天下之動。分
周易卦之各爻。觀會通以行典禮。爲繇辭。以盡時物
之變。而易道大興。觀易升著。王享西山。明夷著箕子
之貞。則知爲公繫爻無疑也。故三代之隆。教自京師。
首善下逮於州閭鄉黨。官自司徒樂正。下達於庠序
之師。均之立四教。崇四術。順先王。詩書禮樂以造士。
至三易。則天子寶之爲國大訓。三公論焉。以燮理寅
亮。國有大故。從龜策受命焉。則學較之設。於經籍豈

非致一之理。而道之符哉。先師孔子。統一聖真洞明。於天人之極。而下學於好古。其自言曰。述而不作。信而好古。竊比於我老彭。又曰。我好古以敏求。其歎人之莫知也。曰。我下學而上達者也。於是乎覽觀終始之變。觀大道於皇羲。觀大順於唐虞。觀大備於成周。而祖述憲章。刪六經。立隆以爲天下極。其序書以爲上世荒忽。不可放而原也。故斷自唐虞。標典謨爲經首。以欽明文思安安。於恭讓爲德元。以安止幾康爲心要。以危微精一爲學的。以欽天若采。修府和事。知人安民。爲治統。以二帝之德。爲不可尚也。故贊堯曰。

大贊舜曰君贊禹曰無間然用爲世儀矩而極四代之故以著變敬明若淑者昌從逆逸豫者亡而夏后氏之祗台告功殷王之丕顯造邦周王之集命武成他諸元聖碩哲之謨訓範誥咸在而終之以二誓費誓伯之端秦穆霸之修也錄二誓明欽明未嘗亡而過可改已焉蓋詩禮春秋之統盡於書也書本古書叙而次之者仲尼故首粵若稽古叙唐虞之道宏以典叙夏商直以簡叙周致嚴又間有微辭所謂芟夷繁亂翦裁浮辭舉宏綱撮要刪明治亂之統者也書百篇皆以恢宏至道示人主以軌範帝王之制坦然

明白可舉而行。於詩樂悅周公六詩之義。適周訪之於萇弘。聞韶於齊。博采考觀。迨既老而自衛反魯。芟夷蕪穢。屏斥靡濫。語太師以樂而樂正。雅頌各得其所。雅頌者。詩也。詩也者。樂之章也。蓋存樂於詩也。於國風表二南爲風始。諸列國詩有繫於善敗失得之故。爲興替存亡之紀。足觀省而垂勸戒者。頗更定其第次。表其嚮應。樹之風楨。用究其治化所極。而正人心移風俗之大權在焉。詩雅表周公所製會朝燕饗樂歌爲正雅。明政所自出。雅道廢而政爲不舉。詩人傷之而有作。刺失導微。依大小雅以爲文者。則以爲

變雅分從附焉。頌尊周頌。昭穆清以交神明爲之本。
而以魯頌頌君以燕之篇附焉。商頌終焉。明尊周重。
魯視所代。而儀鑒於殷。故風者風也。上感下。下化上。
莫敏於風。而風自下起。故詩莫先於風。家人風。所自
出。閨門其隧也。故風莫大於閨門。風之起也。淪淪乎
泱泱乎。感人者微。而被焉者立解。故詩莫切於賦。莫
美於比。莫深於興。而莫大於風。風始于家。而化成於
國。故端起於夫婦。序以爲一國之故。繫一人之本。是
也。風之自也。政始於朝廷。而達之天下。故綱始於君
臣。序以爲言天下之事。形四方之風。是也。雅同風之

道也。風始於夫婦。故二南。風本也。和而有則。樂而不淫。則風移而俗易。政始於君臣。故二雅。政本也。君讌享以慈惠。盡下情。臣會朝以道德。襄上志。則政善而民安。有夫婦。然後有父子。有君臣。有上下。而禮義有所錯。夫婦。天地之大義。人道之終始也。故風先雅。君仁逮下。則下忠事上。天先乎地。君先乎臣。其義一也。故小雅先大雅。二雅明一王之道。而推其成功於頌。被之管絃。諧之舞佾。而主於升歌。風主情。足以興雅。主性。足以正。頌通神明。則至於命極矣。故詩以頌終。孔子之自言曰。小子。何莫學夫詩。詩可以興。可以觀。

可以群。可以怨。邇之事父。遠之事君。多識於鳥獸。草
木之名。本人道在閨門。以二南爲風始。其謂伯魚曰
女爲周南召南矣乎。人而不爲周南召南。其猶正牆
面而立也與。本王道在賓臣。以鹿鳴爲小雅始。本王
道在格天。以文王爲大雅始。喟然歎之曰。仁不可爲
衆也。大哉天命。善不可不傳之後。王道極於神明。大
於郊廟。以清廟爲頌始。又歎之曰。周公升歌清廟。苟
在廟中。嘗見文王者。愀然如復見文王焉。故仲尼三
百。始終於周。乃其觀周道。適周於柱下。史學禮焉。歎
之曰。大哉聖人之道。洋洋乎。發育萬物。峻極于天。優

優大哉。禮儀三百。威儀三千。禮儀曲禮。威儀經禮。歎
道盡於禮也。又曰。周監於二代。郁郁乎文哉。吾從周。
於是夢寐志周公之事。迨既老而歎之曰。甚矣吾衰
也。久矣。吾不復夢見周公。故子所雅言。詩書執禮。諸
與君大夫若弟子縱言。必及於禮。乃其縱觀於尚古
大同小序大祥之世。而本仁陳義。體信達順。一之乎
禮。其推極乎道之眇微。三至三無。五起極於三無私。
亦一之乎禮。告顏子以爲仁。惟克己以復之禮。其言
曰。郊社之禮。所以仁鬼神也。嘗禘之禮。所以仁昭穆
也。饋奠之禮。所以仁死羣也。射鄉之禮。所以仁鄉黨。

也。食饗之禮。所以仁賓客也。明禮無不體者。仁也。又
言曰。宮室得其度。量鼎得其象。味得其時。樂得其節。
車得其式。鬼神得其饗。器紀得其哀。辨說得其黨。官
得其體。政事得其施。加之身而錯於前。凡衆之動得
其宐。明禮無不體者。理也。其告哀公曰。古之爲政。愛
人爲大。所以治愛人。禮爲大。所以治禮。敬爲大。明禮
無不敬而已矣。曰。君子無不敬也。敬身爲大。而敬始
於大昏。身也者。親之枝也。敢不敬與。妻也者。親之主
也。敢不敬與。子也者。親之後也。敢不敬與。三者百姓
之象也。身以及身。子以及子。妻以及妻。敬之至矣。大

昏爲大。其禮有本務也。與。故禮者。事之治也。物之則也。君子有其事。必有其治。觀物察則之謂也。無節於內者。觀物弗之察矣。作事不以禮。弗之敬矣。出言不以禮。弗之信矣。持身不以禮。手足無所錯。耳目無所加。進退揖讓無所制矣。是故。以之居處。長幼失其別。閨門三族失其和。朝廷官爵失其序。田獵戎事失其策。軍旅武功失其制。宮室失其度量。鼎失其象。味失其時。樂失其節。車失其式。鬼神失其饗。器紀失其哀。辨說失其黨。官失其體。政事失其施。加於身而錯於前。凡衆之動失其宜。則焉往而宜適哉。其以約言志。

之心曰。不過乎物。物。則之謂也。君子言。不過。辭動。不
過。則。百姓。不。命。而。敬。恭。是。故。仁。人。不。過。乎。物。孝。子。不
過。乎。物。故。仁。人。之。事。親。也。如。事。天。事。天。如。事。親。大。哉
深。乎。至。哉。禮。乎。故。學。始。格。物。也。蓋。夫。子。晚。而。好。易。又
晚。而。作。春。秋。曰。吾。志。在。春。秋。春。秋。王。統。也。王。道。一。天。
天。以。一。元。統。萬。象。廣。運。而。不。宰。並。育。大。生。而。不。私。翕
闔。變。化。時。行。而。不。匱。故。四。時。者。天。之。行。十。二。月。者。天
之。量。日。星。者。天。之。紀。萬。物。其。散。殊。也。莫。不。正。形。性。而
命。於。天。春。秋。以。天。道。綱。紀。王。事。故。事。繫。日。日。繫。月。月
繫。時。時。繫。年。而。一。統。之。於。天。王。之。道。其。天。乎。配。天。地。

之德。備神明之容。並日月爲明。同四時爲序。並覆兼
愛。而無頗不怒也。中和爲極。典禮以度。好生乃祥。大
順爲富。建公侯伯子男以經之。列公卿大夫士以緯
之。設禮樂教化以齊之。其用歸於上。若天行。下奠地
輿。中植人紀。俾君臣民事物。靡不各得其極。以無失
乎天地之性而已矣。春秋以天道正王統。故王御侯
侯帥伯子男。王御卿。卿率大夫士。王圻御侯甸。侯甸
修男采衛。而一之於王。天有溫涼燠寒以經二氣。王
有慶賞刑威以達二志。好喜志也。怒惡志也。喜志。陽
也。怒志。陰也。陽氣萌黃鍾之宮。物始動於下。不得春

之和不能生。生而長之。假之斯極矣。陰氣起。長至之
候。養始美於上。不得秋之和。不能成。成而拏之。歛之
斯極矣。故生養者。天地之大用。中和者。天地之至德
也。德莫大於和。而道莫美於中。講信修睦。人之利也。
王有朝聘會盟以達喜。以瀆於齊盟而亂。爭奪相殺。
人之患也。王有征伐會盟以飾怒。以殘於戰攻而極。
則處其極之過也。春秋以天道正人心。興人之利。辟
人所患。反忠以致中。貴同以處和。長善於微。救惡於
忽。愛始公人。惡反自復。喜怒以類。循物不逐。而一統
之於心。故命之以春秋。故春秋者。中和傳心之要典。

也。蓋昔者大道之行。三代之英。面稽天若而大一統也。典謨訓誥紀其政。五典六官齊其教。國風雅頌播其化。於是乎天道洽。人道得。而王者貞一之統昌。周東而王統絕矣。呂刑明刑。典誥亡矣。二誓明矣。誓命亡矣。况五禮曠行。六職失官。又將如周公之典何哉。故天子幽。諸侯僭。諸侯陵。大夫奪。大夫微。陪臣畔。中國衰。夷狄橫。而莫甚於定哀。子曰。嗚呼哀哉。我觀周道。幽厲傷之。吾舍魯何適矣。魯之有易象春秋也。是周之所以王。若周公之德。而道之所存也。於是乎作春秋。以續明王之統。尊元后。輯諸侯。正大夫。總夷夏。

屬辭以著教。比事以見義。其屬辭也。意溢於言。慮先於事。卽會以觀通。本經以運權。微言而旨逾顯也。深言而測深厚。彌遠無盡也。不言如天然。而時行物生。示人者獨至也。渾渾乎如天道然。雨潤日暄。霆震霜拆。而彼蒼於穆之體自若也。其比事也。舉本稽末。卽始要終。本始有起。末終有窮。舉其故而事權有重者。可推也。啓其端。而事變所極者有至也。錯其事。而義連類。比得失是非。燦其可鏡也。蓋昭昭乎如天用焉。陰陽晝夜分。而昏明燠清截如也。山川草木形。而天下秩如也。類聚群分異。而吉凶善敗燦如也。故

辭屬而教著。事比而義章。繹其辭。可以深於教。觸其事。可以怵於義。有感有創。有動有變。而懼心可作。非心可格。良心從可復也。故繇其教。格其志。克其義。盡其道。則元會股肱指臂。各得其官。而不相亂也。天文地理人事。各奠其所。而不相悖也。夷狄禽獸草木。各安其常。而不相戾也。俾六合之內。懷生之類。老終幼長。男分女歸。各順性命。以正生死。而不夭札疲癯也。故詩書禮樂亡而受之以春秋。斯義也。觀上之歎發其感。老安少懷。朋友信著其端。夏時殷輅。周冕韶舞。大其用。而其自言曰。知我罪我。其惟春秋乎。文中子

見之。以爲王道之權衡也。顧不諒哉。其渙然於易而贊易贊而不敢論。贊庖犧氏先天諸圖。揭圓神方知易貢之妙。歎之曰。大哉乎。通神明之德。類萬物之情也。聖人以此洗心。退藏於密。吉凶與民同患。神以知來。智以藏往。其孰能與於此哉。古之聰明睿智。神武而不殺者。夫贊文王序卦。張圖繫辭之旨。歎之曰。易之興也。其於中古乎。作易者。其有憂患乎。是故其爲書也。不可遠。爲道也。屢遷。變動不居。周流六虛。上下無常。剛柔相易。不可爲典要。惟變所適。其出入以度。外內使知懼。又明於憂患與故。無有師保。如臨父母。

其贊著之德曰。昔者聖人之作易也。幽贊於神明而
生著。參天兩地而倚數。觀變於陰陽而立卦。發揮於
剛柔而生爻。和順於道德而理於義。窮理盡性以至
於命。其示人學易也。曰。易有聖人之道四焉。以言者
尚其辭。以動者尚其變。以制器者尚其象。以卜筮者
尚其占。是故君子居則觀其象而玩其辭。動則觀其變
而玩其占。是以自天祐之。吉无不利。其自名則曰。加
我數年。五十以學易。可以無大過。比五十而韋編三
絕。於性命之奧洞然。曰。吾五十而知天命。故易盡性
至於命之書也。學不可以已也。又曰。吾於易也。沒身

而已焉。於是卽文王周公所繫卦爻辭。卦闡其消息
變化。化裁之以爲斷。曰彖上下傳。以八大象。造化交
重變化之象。君子效法之以致用。曰大象傳。爻觀其
德位。比應當否。推行之以爲通。曰小象傳。以周易乾
坤象天地易簡之善。運之乎四德。而純粹精也。是天
人之合也。而天德聖功盡於此。作乾坤文言傳。以二
經之弘綱大體。未易以究而原也。標易知簡能之精。
通極於天德。而成位乎其中。推貞觀貞一之神。體備
於人道。而成能於仁義諸凡。其立象設卦。裁變制占。
以開物成務。冒天下之道者。作統言寃宣之。曰繫辭。

上下傳。原義文圖象之精。闡无方之象。盡不言之言。

作說卦傳。以易卦名言之序。消息進退往復正反。皆

時之相生。而可與幾也。作序卦傳。以易卦卽三十六

爲六十四。反對之妙。更其序。繇乾坤而窮之於井困。

繇咸恒而反之於姤夬。明易之不可窮也。後作者。復

以次而受於無窮。作雜卦傳終焉。將雜卦傳布爲三
十六宮圖。卽復是

一部是謂十翼。其用歸於使人通志成務。不違天。不

過物。盡性命之致而已矣。故曰。大哉易也。人更四聖。

世歷三古。故書以表德。元之府。禮以爲嘉會之府。詩

樂爲和義之府。春秋爲貞幹之府。故聖人之有五經。

也。猶天之有五運。地之介五方。人之品五常也。易握
奧符其諸元命乎。用能以萬世爲主。通之於一息而
持載覆幬於無窮。文中子歎之曰。大哉乎仲尼之教
也。與太極合德。神道能行矣。謂之曰。自生民以來。未
有夫子也。詎不諒哉。當是之時。三千之徒。各從受業。
而七十子之賢。蓋身通焉。而魯曾參子輿獨得其宗。
以爲人道莫先於孝。夫子嘗與之語。至德要道盡於
孝。述孝經。人盡道莫大乎學。記夫子嘗與之語。三綱
八目統於學。述大學。夫子之孫子思伋從受學。憂道
學之失其傳也。原天命之性。極修道之教。以明天人

之統紀。舉九經三重而約之一誠。作中庸。他諸孔子所自語。若其與時人弟子語者。非一日語。非爲一人語。非罕言及其所不語者。門人各以其所聞記之。曰論語。又曰家語。而門弟子相與言。若承聞於夫子者。間附焉。又百餘年而子思之門人孟軻。思以道濟生民。又不肯枉道求合。諸凡與其時王侯大夫言。皆述唐虞三代之德。述詩書。述仲尼之意。類次之爲書。作孟子七篇。而七十子之徒。各往往傳五經之意爲之傳。子夏有易傳詩傳。治禮學者。或記錄舊禮之義。或錄變禮之繇。或兼記體制。或雜序得失。編錄之爲記。

曰禮記獨春秋文成數萬其指數千於當世多所刺
譏褒諱挹損之文辭不可以書見也七十子之徒受
其傳者弟子左丘明恐人安其意不覩其事實而失
其則取仲尼所得魯史記之舊文系之經爲傳曰是
春秋之案也蓋周衰文勝史繁志寡仲尼盡刻其事
辭獨以其微言志之歸簡質以尚忠而丘明則以舊
史所記固事之所考信辭之所從屬也傳之俾人繇
其傳察其義因其事探其用優游厭飫於深切著明
之文而得其心故傳之豔而富也史氏之舊也所謂
其事則齊桓晉文其文則史者也乃左自著文言約

而義微。又其後子夏之徒。齊人公羊高。魯人穀梁俶。
一名赤。各以所受師傳旨意爲之傳。與左氏並爲三
傳。蓋公穀卽春秋屬辭著教者。深言之。闡其志。左氏
卽春秋比事見義者。條記之。備其文。各指所之以爲
言。而未相從質是也。故時有牴牾。然三傳最古。故傳
五經者莫近於春秋。當是時。鄒魯之士。縉紳先生多
能明之。百家之學散於天下。而設於國中者。時稱而
道之。已天下大亂。聖賢不作。陰陽道德名法儒墨九
流百家。各得其一。察焉以自好。皆有所長。時有所用。
而不該不徧。一曲之士也。譬之耳目鼻口。皆有所聞。

而不能相通。判天地之德，析萬物之理，終鮮能通易簡之善，稱神明之容者，是故內聖外王之道，闇而不明，鬱而不發。天下之人各爲其所欲爲，而自爲方。悲夫！百家往而不反，必不合矣。後世學者，不幸不見天地之純，古人之大體，而道術遂爲天下裂。重遭戰國棄籩豆之禮，理軍旅之陳，孔氏之道抑，而孫吳之術興。陵夷至于暴秦，燔經書，殺儒士，設挾書之法，行是古之罪。道術繇是遂滅。于時唯獨卜筮醫藥種樹之書不禁，以爲是民用不可缺於國體。王術故無當也。而易賴以全。蓋自魯商瞿子木受易於孔子，歷數百

十年不廢。豈天愛道原。秘之使繩傳不絕與。漢興去
聖帝明王遐遠。仲尼之道又絕。人無禮無學。于時獨
有一叔孫通。定漢禮儀。列奉常爲九卿。而陸賈於上
前。時時稱引詩書。天子初以干戈定四海。尙未遑經
籍之事也。至孝惠之世。乃除挾書之律。公卿大臣絳
灌之屬。咸介冑武夫。莫以爲意。文皇帝實始求能爲
尚書者。天下亡有。聞濟南有伏生。故爲秦博士。治之
時。伏生年九十餘。老矣。召不能行。於是詔掌故鼂錯
往從之。受書。伏生老病。語蹇不能端言。言不可曉。使
其女傳言教錯。而錯齊人。語與潁川異。所不知者十

二三略以其意屬讀之。或曰非也。秦時禁書。伏生壁藏之後。其鉅失。漢定天下。求其書。獨二十九篇。竇公者。故魏文侯樂工也。年百八十歲矣。來獻書。召見。問父何自爲樂。具對言。臣年十三失明。父哀其瞽。不能。攀衆技。教鼓琴。以遂爲樂師。問父年高。豈有術延年乎。服餌乎。對曰。學導引。無服餌。奏其書。乃周禮大司樂章也。蓋樂經亡矣。而天子閉禮教。放失聞。魯徐生善爲頌。容也徵以爲禮官。又集博士諸儒。討前代典制。各奏所聞。論次之。曰。王制蓋五禮。在王朝者皆亡。獨高堂生所傳儀禮。嘉有士冠婚。鄉飲酒。燕射。大射。

凶有士罍。既夕。虞罍服吉。獨特牲饋食。少牢饋食。有司徹賓。獨有聘。有公食大夫有覲。有士相見。凡十七篇。蓋闕逸甚矣。於是時。伏生始以尚書教齊魯之間。詩始萌芽。天下衆書往。往頗出。皆諸子傳說。漢朝之儒。博學多通。惟賈生而已。至孝武皇帝時。廣川董仲舒治公羊春秋。深明於天人之統。勸天子推明孔氏。抑黜百家。於是表章六經。疇咨俊茂。廣厲文學之路。立五經博士。書歐陽。禮后蒼。易楊何。施孟。春秋公羊。詩申公。開弟子員。設科勸以祿利。然後鄒魯梁趙詩。禮春秋先師。並起於延元之間。當此之時。一人不能

獨盡其經。或爲雅。或爲頌。或相合而成。泰誓後博。七
集而讀之。言易者。或治章句。或專卜筮。雜占候。而不
通其本。故詒書稱曰。禮壞樂崩。書缺簡脫。朕甚憫焉。
而是時侍御史倪寬見帝語經學。帝說之。曰。吾始以
尙書爲樸學。弗好也。及聞寬說。說可觀。乃從問尙書
一篇。時漢興已七八十年。離於全經固已遠矣。及魯
恭王壞孔子宅。欲以爲宮。而得孔氏先世所藏經於
屋壁之中。有逸禮。逸書。論語。孝經。春秋。左氏。皆古文
舊書。多者二十餘通。皆蝌蚪文字。王又升孔子堂。聞
金石絲竹之音。乃不敢毀它。悉以書還孔氏。時蝌蚪

書廢已久。人無知者。諫大夫孔安國以所聞伏生之書推讀古尚書。考論文義。定其可知者。更定爲古隸。以竹簡寫之。增多伏生二十五篇。伏生以舜典合於堯典。益稷合於皐陶謨。盤庚三篇合爲一篇。康王之誥。於顧命復出此篇。并序凡五十九篇。爲四十六卷。其餘錯亂靡滅。弗復可知。悉上送官。藏之秘府。有詔爲五十九篇作傳。會國有巫蠱事。經籍道息。用不復以聞。而尚書滋多於是矣。當是時。王公大人。獨河間獻王德修古學。好古以金帛招求四方善書。而淮南王安亦好書。所招致多。浮辭小辯。獻王所得。率古文先。

秦傳書周官尚書禮記孟子毛氏詩左氏春秋之屬。
王與諸儒生共采周官及諸子言樂者作樂記入。
朝獻雅樂八佾之舞。漢經學殘缺收輯完補。獻王有。
力焉。宣帝故說學。少受詩於東海濮仲翁。聞武帝尊。
公羊春秋。衛太子好穀梁。問丞相韋賢。少府夏侯勝。
史高。三人皆魯人。乃言穀梁本魯學。當立於是。召善。
爲穀梁者郎蔡千秋。令與公羊家並說。帝善穀梁說。
愍其學且絕。擢千秋諫大夫。選郎十人從受學。會千。
秋病卒。徵瑕丘江公孫爲博士。代授經。復病卒。徵周。
慶丁。姓待詔保官。使卒授十人業。積十年明習。帝召。

五經名儒議殿中。平公穀同異。各以經處是非。咸多穀梁。而穀梁大行。已復詔諸儒講五經異同於石渠閣。諫大夫蕭望之等平奏。帝親稱制臨決。立施孟梁丘易。大小夏侯尚書。穀梁春秋。博士。元帝時立京氏易。然是時大毛公萇所傳詩。本出於子夏。最善。不得立。左氏春秋本親見孔子。公穀在其後。獨傳聞之辭。顧得立。而左氏不得立。禮古經出魯淹中。地名其十七篇。與高堂生所傳者合。增多三十九篇。及孔氏學七十篇。有明堂陰陽王史氏記所見多天子諸侯大夫之制。雖不能備。猶愈於后蒼等推士禮而致於天子。

然莫能宣明也。大小戴者。信都太傅德延君九江守
聖次君也。始后蒼說禮數萬言。及傳前代儒所記禮
三百十有四篇。曰后氏曲臺記多蕪冗。大戴刪爲八
十五篇。小戴刪爲四十九篇。而小戴所刪。特精奧近
經。多孔門微言。亦未立學官。哀帝時。奉車都尉劉歆
親幸白左氏春秋宜立。帝納之。以問諸名儒。諸儒皆
不對。歆數見丞相孔光。爲求助。光不應。於是歆移書
太常博士。顯讓之。略言先帝憫學殘文缺。陳發秘藏。
較理舊文。得古文尚書逸禮。左氏傳凡三事。内外相
應。皆有徵驗。以考學官所傳。經或脫簡。傳或間編。及

傳問民間。則有魯國桓公。趙國貫公。膠東庸生之遺學。與此同。抑而未施。慨然惜憫。綴學之士。苟因陋就寡。分文析字。煩言碎辭。學者罷老。且不能究其一藝。信口說而背傳記。是末師而非往古。至於國家將有大事。若立辟雍。封禪巡狩之儀。則幽冥而莫知其原。獨欲保殘守缺。挾恐見破之私意。而無從善服義之公心。或懷妬嫉。不考情實。雷同相從。隨聲是非。抑此三學。以尙書爲備。謂左氏爲不傳春秋。豈不哀哉。今上繼統揚業。憫文學錯亂。雖昭其情。猶依違謙讓。樂與士君子同之。故下明詔。試左氏可立不。遣近臣奉

指銜命將以輔弱扶微與二三君子比意同力冀得
廢遺。今則不然。深閉固距而不肯試。猥以不誦絕之。
欲以杜塞餘道。絕滅微學。夫可與樂成。難與慮始。此
乃衆庶之所爲耳。非所望於士君子也。夫禮失求之
於野。古文不猶愈於野乎。往者博士書有歐陽春秋。
公羊易。則施孟然孝宣皇帝猶廣立穀梁春秋。梁丘
易。大小夏侯尚書。義雖相反。猶並置之。何則。與其過
而廢之也。寧過而立之。傳曰。文武之道。未墜於地。在
人。賢者識其大者。不賢者識其小者。今此數家之言。
所以兼包大小之義。豈可偏絕哉。若必專已守殘黨。

同門。妒道真。違明詔。失聖意。以陷於文吏之議。甚爲
二三君子不取也。於是諸儒並疾恨歆。出補吏。而後
之言左氏者。皆本歆。平帝時立左氏春秋。毛氏詩。古
文逸禮。古文尚書。本奏白自歆。自公孫弘起布衣。以
通經術爲漢相。其後韋賢。匡衡。張禹。孔光。平當之倫。
各相踵在位。爲三公。爲帝者師。天子尊禮隆特。風於
海內。謨經宗雅。具有其質文。而經籍大昌。施于東漢。
元帝時。安昌侯禹以博士入授太子經。成帝卽位。賜
爵拜中二千石。給事中。領尚書事。大將軍鳳輔政。擅
朝權。而帝富於春秋。謙讓鄉經學。敬重師傳。於是禹

數稱病。上書乞骸骨。欲以退避。鳳帝手書報曰。朕以幼年執政。萬機懼失其中。君以道德爲師。故委國政。君何疑而數乞骸骨。忽忘雅素。欲避流言。朕無聞焉。君其固心致思。總領諸事。推以孳孳。無違朕意。加賜黃金百斤。養牛上尊酒。大官致饗。侍醫視疾。使者問。明帝爲太子時。受經於桓先生。榮學旣通。傳榮言。師說已盡。謹使掾臣汜再拜歸道。太子報書曰。莊以童蒙學道九載。而典訓不明。無所曉識。夫五經廣大。聖道幽遠。非天下之至精。其孰能與於此。況以不才。敢承誨命。昔先師謝弟子者有之矣。上則通達經旨。

分明章句。下則去家慕鄉。求謝師門。今蒙下劣。不敢
有辭。願君侯慎疾加餐。重愛玉體。其重經學尊師。至
於此。章帝時。命諸儒會白虎觀。議五經同異。下詔言。
蓋聞三代導人。教學爲本。漢承暴秦。褒顯儒術。建立
五經。爲置博士。其後學者精進。雖曰承師。亦別名家。
孝宣皇帝。以爲去聖久遠。學不厭博。故遂立大小夏
侯尚書。後又立京氏易。至建武中。復置顏氏嚴氏春
秋。大小戴記博士。皆所以扶進微學。尊廣道藝也。中
元元年。詔書五經章句繁多。欲議減省。長水校尉鮒。
奏言。先帝大業。當以時施行。欲使諸儒共正經義。顏

令學者得以自助。孔子曰。學之不講。是吾憂也。又曰。博學而篤志。切問而近思。仁在其中矣。下太常。將大夫。博士。議郎。郎官。及諸儒諸生。會白虎觀講議。朕親陶決焉。已又詔曰。五經剖判。去聖彌遠。章句遺辭。乖離難正。恐先師微言將遂廢絕。非所以重稽古求道真也。其令群儒選高才生。受學左穀梁春秋古文尚書。毛氏詩。以扶微學。廣異議焉。先是司空徐防上疏言。漢立博士十有四家。設甲乙科以勉學者。今太學試博士弟子。皆以意說。不修家法。不依章句。妄生穿鑿。輕侮道術。寢以成俗。非詔書本意。夫改薄從忠。三

代常道。專精務本。儒學所先。臣以爲博士策試。宜從其家章句。開五十難。試之以解釋。多者爲上第。引文明者爲高說。若不依先師義。有相伐者。皆正以爲非。建武初。茂陵杜林於西州得漆書古文尚書一卷。愛寶之。雖遭艱困。常挹以自隨。及東歸。出示東海衛宏。河南鄭興等。太息曰。林流離其亂。常恐斯經將遂泯絕。何意復傳。是道竟不墜於地也。古文雖不合時務。然願諸生無悔所學。於是賈逵作訓。馬融作傳。鄭玄作註解。古文尚書遂大顯於世。成帝時。侍中劉歆於秘府得河間獻王所上周禮六篇。信以爲周公致太

平之書宣明。及莽世爲奏置博士。建武中廢。永
平時周官博士咸盡。惟縱氏杜子春尚在。年九十餘。
能通其讀。識其義。而鄭大夫興。若子司農衆。及賈逵。
馬融從受焉。其時林存。斥以爲末世黷亂不經之書。
作十難七論以排之。何休亦以爲六國陰謀之書。惟
北海鄭玄從融受學。已括囊大典。網羅衆家爲之註。
而周官盛行。或頗以二經後顯爲疑。然周官井井。分
職共功。以六典襄大道。禹謨伊訓說命旅獒諸篇。微
言格論異代。儒疇能言之哉。抑聖典猶天運。然顯晦
有時耳。自漢興言易者宗田何。後別有焦氏易。其說

長於災變。分六十四卦。更直日用事。以風雨寒溫晦
明爲候。各有占驗。梁京房用之尤精。夫易道廣大悉
備。盡神理。占候者得之以卜筮則神。是時東萊費直
長翁者。治易無章句。獨以彖象傳及繫辭等十篇解
說上下經。尤得易本。而未嘗立於學官。東漢後言易
者。稱馬融荀爽鄭玄。皆轉相師。多溺於象數。互體飛
伏以求通。而滯象失真。至魏山陽王弼始一暢以義
理爲古今論易冠冕。然時雜以玄言。自是學者無慮
稱老易蓋尊老於易。推易於老。適名理而止。其究爲
清談。其言春秋者劉子駿賈景伯父子許惠卿之倫。

尚左氏而任城何休守公羊晉杜陵杜元凱預著左氏經傳集解其序言周禮有史官掌邦國四方之事達四方之志諸侯亦各有國史大事書之於策小事簡牘而已韓宣子適魯見易象與魯春秋曰周禮盡在魯矣蓋周之舊典禮經也周德既衰官失其守赴告策書諸所記注多違舊章仲尼因魯史成文考其真僞而志其典禮上以遵周公之制下以明將來之法蓋周公之志仲尼從而明之左丘明受經於仲尼以爲經者不刊之書也故傳或先經以始事或後經以終義或依經以辯理或錯經以合異身爲國史躬

覽載籍廣記而備言之其文緩其旨遠將令學者原
始要終尋其枝葉究其所窮優而柔之使自求之饜
而飫之使自趨之若江海之浸膏澤之潤渙然水釋
怡然理順然後爲得也其發凡以言例皆周公經國
之制史之舊章而仲尼微顯闡幽裁成義類據以發
義指行事以正褒貶用以成一經之通體者也諸稱
書不書先書故書不言不稱書曰之類則起新舊發
大義謂爲變例亦有史所不書卽以爲義者蓋又春
秋新意故傳不言凡曲而暢之也故發傳之體有三
而爲例之情有五一日微而顯謂文見於此而起義
在彼如稱族尊君命

舍族尊夫人梁亡。二曰志而悔。參會不地與謀曰及

之類。三曰婉而成章。曲從義訓以示大順。諸所諱辟壁假許田之類是也。四曰

盡而不汙。直書其事。文具意見。丹楹刻桷。天王求車。齊侯獻捷之類是也。五曰懲惡

而勸善。求名而亡。欲蓋而章。書齊豹盜三叛人名之類是也。推此五體以尋經

傳。觸類而長之。王道之正人倫之紀備矣。其後順陽

范甯武子。始不主一門。徵聖經以詰衆傳。其序言傳

以通經爲主。經以必當爲義。夫至當無二。而三傳殊

說。庸得不棄其所滯。擇善而從乎。既不俱當。則固容

俱失。至言幽絕。擇善靡從。庸得不竝舍以求宗。據理

以求通乎。雖我之所是。理未全當。又安可以得當之

難。而自絕於希通哉。則知父子異同之論。石渠紛爭之說。廢興繇於好惡。盛衰寄之辯訥。斯蓋非通方之至理。誠君子之所歎息也。左氏豔而富。其失也誣。穀梁清而婉。其失也短。公羊辯而裁。其失也俗。若能富而不誣。清而不短。裁而不俗。則深於其道者也。若二子者。有志乎春秋矣。自是南北分裂。經籍道散。著錄傳承。鮮或深洽。迨隋而王文中子。實始講素王之業於河汾。以萬古爲兆人。以五常爲四國。以三才九疇爲朝廷。以詩書禮樂爲政化。以易爲司命。以春秋元經爲賞罰。而統一於聖真。秦漢而來。未或際斯者也。

語具文中。子訓中當是時。門人竇威、賈瓊、姚義、受禮。
溫彥博、杜如晦、陳叔達受樂。杜淹、房玄齡、魏徵受書。
李靖、薛方士、裴晞、王珪受詩。叔恬受春秋。元經非專
經者。不以授也。而董常、仇璋、薛收、程元備聞六經之
義。以能翕受。旁攝砥德礪材。迄貞觀而用著于廊廟。
唐興。天子垂意儒學。傷五經去聖遠。繆缺詒諸儒。頗
師古。孔穎達、司馬才章等。攄章句爲義疏。使士有所
統一。而穎達所疏。易主王輔嗣。尚書宗孔氏古文。於
詩本毛傳。鄭箋。於戴記皆主鄭康成。於春秋分左公
羊、穀、梁竝爲三經。各有傳注。而覆審諸說爲義贊已。

賜名正義

傳傳也紀其事傳諸遠也又本經意傳其義訓道也詁通古今之言也通作故注註

也解其意所注也箋表識也謙不敢言注表識其不明者疏託也條陳之也

書成詔中書

門下于志寧長孫无忌等為考正損益行之而賈公

彥儀禮周禮本鄭注為之疏而六經略備然所為疏

者之注獨毛公為先漢餘皆漢晉末師不復能遠討

西京經學承傳之統西京韋孔匡劉之說盡廢不復

可得聞又自是業經者傳相誦習獨通解所疏而止

無復師承著錄擊困攻堅如異時又踵隋制舉進士

專詩賦而進士科最盛高才生皆精文選工小技藉

資取膺仕其舉明經為學究者材下劣乃為之皆帖

括誦記片文隻辭而止去經學逾遠近五季極壞歐陽公修五代史不復列儒林其儒生効官者甚乃入雜傳中悲夫宋興藝祖實始重學隆儒臣而經學萌起當是時博士聶宗義表所著三禮圖上之下詔言古禮器禮儀相沿承用浸歷年祀寧免違謬宗義服膺儒業討尋故實疑訛刊正有足嘉者下學士平議太子詹事尹拙多所駁正宗義復條釋以對帝甚嘉說已又召處士王昭素入便殿講易乾卦經學風焉太宗留意墳典文學之事命學士諸儒較定唐九經注疏頒天下州郡縣若名山大澤書院廣經學之路

仁廟恭仁嚮意特盛。士釋褐入見。取戴記中大學中庸儒行篇卽賜。亦時以賜儒臣。風勵之。於是文治洽而濂洛之學大興。程純公顥與弟正公頤始從周元公惇頤所聞大道之要。已大求之六經而合也。與關中張明公載。西都邵堯夫雍。皆本所躬詣心通者爲得。上契於昊天以時授人。聖人以經法天之統。交發互奮而學昌。迨紫陽而五經之論撰大備。又秦漢諸儒未有也。易自孔疏王輔嗣列學官盛行。而諸家說盡廢。其時傳習者以簡褻輕省易誦習。見目爲小經。至周元公作易通實探誠神幾之原。會歸於太極。

而稱易爲五經之源。天地鬼神之奧。程正公序所著論易傳。以爲易變易也。隨時變易以從道也。而聖人開物成務之意。曉然。其高第弟子尹和靖。每以爲易傳。乃先生成書。求先生之學。求諸此。又曰。先生踐履皆大易。傳述而成之。而邵所傳先天諸圖象。則造化生成自然之次第。爛然。實始傳羲畫。於是內外相應。顯微竝炳。而人始知易爲崇德廣業。窮理盡性。至於命之書。而又知象固辭之本也。其後朱文公熹。因邵易作啓蒙。因程易作本義。而作五贊。具述其大都。而本義終以爲易爲卜筮而作。文周繫辭。本卦爻之。

象而繫之占以爲言。自漢經師所傳易本周易上下經及夫子所傳十翼爲十二篇

費直以彖象文言本說上下經分而雜附焉唐孔穎

達又本王輔嗣言傳本釋經宜附近分爻之象辭各

附當爻之下便誦習程易因之作傳宋晁以道欲復

其舊而未能盡合古文呂祖謙伯恭乃定著爲經二

卷傳十卷盡復孔氏之其於書疑今文多艱澁古文

舊朱子因之作本義云

乃平易殆伏生女子口授鼃錯時訛之而先秦古書

所引經已然或以爲記錄多其時方言世語於古爲

易曉於今世覆爲難知誓命則史官所潤色雅辭故

易曉然暗誦者不應偏得所難而考文者反更得所

易以爲不可知欲讀者姑務沈潛反復其所易而毋

穿鑿附會其所難蓋實疑今文至其命蔡仲默沈作

傳篇各著古文。今文有無同異而並爲訓釋。蓋其慎也。至國朝崔文敏銑則以爲今文委情鉅典。後人不能摹也。古文諄誨複戒。後可倣依爲之。故孔子刪書百篇。今存者伏生二十八篇。傳信可也。晉人晚出之書。傳疑可也。則又疑古文。豈宋文嗜平質。故申古文。近文尙奧尙深古。故右今文。各卽所習而安之。與要特其形已也。察之則古今文高厚奧鉅各具有其真。詎後人能髣髴哉。自齊詩傳曹魏而亡。魯詩至西晉又亡。惟韓詩頗存。然無受傳之者。而天下學者並遵誦毛公詩。諸儒爲毛詩者至衆。亦皆廢。惟鄭箋盛。

行。亦以他疏義相沿踵。率不能出二氏之區域故也。至宋而歐陽公劉侍讀王荊公蘇黃門。各以其意說詩。而程正公張明公門人。亦各記其師說以傳。蓋三百五篇之微辭奧義。始可得尋繹。不待講於齊魯韓氏之傳。而言詩者。業已知不專於毛鄭矣。其後臆說者愈衆。無復祖本。而詩又以病。東萊呂伯恭氏著家塾讀詩記。總衆說而融貫之。渾然若出於一家之言。而一字一語。未嘗不謹其說之所自。雖其斷以己意。超然前人意慮之表者。亦謙讓退托。未嘗敢有輕議前人之心。蓋其慎也。朱文公深歎以爲有得於溫柔。

敦厚之教至其作詩集傳言關雎取匡衡釋桓舟定
以爲婦人之詩。取劉向笙詩有聲無辭。取儀禮上天
其神。取戰國策。何以恤我。取左傳。抑戒自警。昊天有
成命。道成王之德。取國語。陟降庭止。取漢書。賓之初
筵。取韓詩。禹敷土下方。又證諸楚辭。一洗經師專已
守殘之舊。其閎議眇指。多卓然獨得於千載之上者。
其自序以爲本之二南。求其端。參之列國。盡其變。正
之於雅。大其規。和之於頌。要其止。而章句以綱之。訓
詁以紀之。諷詠以昌之。涵濡以體之。察之情性隱微
之間。審之言行樞機之始。修身及家。以平均天下之

道亦不待他求而得之。可謂曰詩。然大小序相傳以爲卜子夏作。或以爲出於孔子。或曰非也。蓋國史明得失之故而著之。或以爲衛宏作。或曰非也。宏自有毛傳序。非小序也。序本自爲篇。至毛公分以寘諸篇之首。而蘇黃門疑小序非經旨。獨存其首一語。而餘皆削去。朱文公本鄭漁仲辨妄之意。以爲小序首句已有不得詩人之本意。而妄爲之說者。乃復合小序自爲篇。而條辨其失。若以爲可廢者。然番陽馬端陶貴與以爲書序可廢。而詩序不可廢。雅頌序可廢。而十五國風之序不可廢也。

馬氏曰詩書序自史傳不能明其爲何人所作而先

儒多就之至宋文公解經於詩國風諸篇之序詆斥尤多愚觀之書序可廢而詩序不可廢就詩而論雅頌之序可廢而十五國風之序不可廢也書直陳其事而已序後人所作藉令深得經意亦不過已言之事而已不作可也詩則異於書矣如雅頌之作能發明所作其辭易知其意易明則序猶可畧至於風之爲體比興之辭多於叙述風諭之意浮於指斥蓋有反覆詠歎聯章累句而無一言叙作之之意者而序者乃一言以蔽之曰爲某事也苟非其傳授之有源乎蓋詩之難讀者多矣夫茅苴之詩序以婦人樂有子爲后如之美也而其詩語不過形容采芣苢之狀而已黍離之詩序以爲閔周室宮廟之顛覆也而其詩語不過慨歎禾黍之苗穗而已此詩不言所作之意而賴序以明者也若捨序以求之則其所以采掇者爲何事而慨歎者爲何說乎叔于田之二詩序以爲刺鄭莊公也其詩語則鄭人愛叔段之辭耳楊之水椒聊二詩序以爲刺晉昭公也其詩語則晉人愛桓叔之辭耳若捨序以求之則四詩非子雲美新之賦亦袁宏九錫之文耳是豈可以訓而夫子不刪

之乎、鵠羽陟岵之詩、見於變風、序以爲征役者不堪
命而作也、四牡采薇之詩、見於正雅、序以爲勞使、臣
遣戍役而作也、而深味四詩之旨、則歎行役之勞、苦
叙飢渴之情狀、憂孝養之不遂、悼歸休之無期、此其
辭同意異、而賴序以明者也、若捨序以求之、則文王
之臣民亦怨其上、而四牡采薇不得爲正雅矣、卽是
數端而觀之、則知序之不可廢、序不可廢、則桑中溱
洧、何嫌其爲刺奔乎、蓋嘗論之、均一勞苦之辭也、出
於叙情、閔勞者之口、則爲正雅、而出於困役傷財者
之口、則爲變風、均一淫佚之詞也、出於奔者之口、則
可刪、而出於刺奔者之口、則可錄也、均一愛戴之辭
也、出於愛叔段黨叔者之口、則可刪、而出於刺鄭莊
晉昭者之口、則可錄也、夫茅苴黍離之不言所謂、叔
于田、楊之水之反辭、以諷、四牡采薇之辭、同變風、文
公亦旣如序者之說、求作詩之意、於詩辭之外矣、何
獨於鄭衛諸篇、必以爲奔者所自作、使聖經爲錄淫
之具乎、且夫詩之可刪、孰有大於淫者、今以文公詩
傳攷之、如桑中、溱洧、月出、東門之墠、東方之日、東門
之池、東門之楊、序以爲刺淫、而文公以爲淫者、所自

女同車山有扶藟薺今彼童蒙裳風雨子衿揚之水
出其東門野有蔓草則序本別指它事而文公亦以
爲淫者所自作也夫以淫昏不簡之人發而爲放蕩
無恥之辭夫子猶存之而不刪則不知所刪者果何
等篇也或曰文公之說謂春秋所記無非亂臣賊子
之事蓋以爲不如是無以見當時事變之實而垂鑒
於後世故不得已而存之也愚又以爲未然夫春秋
史也詩文詞也史所以紀事世之有治不能無亂則
固不容存禹湯而廢桀紂錄文武而棄幽厲也至於
文辭則其淫哇不經者直削之而已夫後之詞人墨
客跌蕩於禮法之外如秦少游晏叔源輩作爲樂府
備狹邪妖冶之趣其詞非不艷麗可喜也而醇儒莊
士淡斥之口不道其詞家不畜其書懼其爲正心誠
意之累也而詩中若是者二十有四篇夫子錄之於
經又煩儒先爲之訓釋使後學誦其文惟其義則是
通書西銘與小山詞選之屬兼看竝讀而後可以爲
學也且羞惡之心人皆有之今市井小人有能道其
宣淫之狀指其行淫之地則未有不面頸發赤且慙
且諱者則知禁之使不爲不若愧之使自知其不可
之爲愈此鋪張揄揚之辭所以爲閔惜懲創之至也

禮記

此詩之訓也。古禮經存於世者。周禮經五篇。儀禮經十七

篇。士冠 士昏 士相見 鄉飲酒 鄉射 燕 大射 聘 公食大夫 覲 士喪 既夕

虞 器服 特牲饋食 小戴記四十九篇。世所傳三 少牢 饋食 有司徹

禮是也。而周禮亡冬官。河間獻王以考工記一篇其

記也。附其後。與大戴記八十五篇。書具存。而漢人所

得逸禮三十七篇終亡。自文中子亟稱周官。以為先

師謂上道極是也。蓋夢寐欲行之。而漢劉歆佐王莽

頗遵用。以更張而敗。宋王荆公安石尤主之。奉詔上

所撰三經義頒行。而自董周官已造新法。欲一二追

復。而又敗。蓋世異久矣。於是人士言周禮者。諱其敗。

咸以爲非經程正公則以爲有闕睢麟趾之意然後
可以行周官之法度。至哉言也。張明公載以爲天官
之職。必心量弘大。方能讀。若不大其心以體之。而欲
於事上窮究湊合。知其難也。朱文公以爲周禮乃周
公建太平之書。皆從廣大心中流出。又爲孝宗言周
禮天官冢宰一篇。乃周公輔相成王。垂後世之大法。
至深切。欲知三代人主正心誠意之實學。驗諸此。蓋
尊信如此。然未有論撰。而儀禮冠昏喪既夕虞皆士
禮。惟大夫而上無冠禮。他諸諸侯大夫大昏。絜葬禮
皆亡。惟饋食有少牢。有有司徹。則太牢亡也。特牲少

牢惟饋食。則饗禮亡也。聘有公食大夫。則公再饗大
夫。禮亡也。禮大問曰聘。使大夫。則間於事相朝。禮亡
也。至王覲止覲。則春朝夏宗冬遇。殷見衆頻。禮亡也。
推斯而言。禮闕廢甚矣。蓋孔子適周。學周禮。而王朝
禮業不展於邦國。諸侯憚行禮。又自去其籍。惟士鄉
禮。以習行而存。今觀漢中世諸生。猶以時習禮於孔
氏。而孔子廟堂車服禮器猶存。可見已。其存者。又文
辭古與。易行難誦讀。其所稱宮室堂奧冕弁裳衣。飲
食用器。非今世嘗及見。卽進趨拜跪辟讓揖遜周旋
之節。又異宜而莫之行。自唐韓愈已苦其難讀而歎

以爲文武周公之法制具在。惟不及其時。揖讓進退。於其間。又自鄭注賈疏。而外諸儒先舊說。不復得見。蓋廢久矣。及是朱文公實始尊儀禮爲禮經。經進時。奏劄言。臣聞六經之道同歸。而禮樂之用爲急。遭秦滅學。禮先壞。漢晉諸儒。悉力補緝。竟無全書。其頗存者。三禮而已。周官一書。固爲禮綱領。至其儀法度數。則儀禮乃其本經。而禮記郊特牲。冠昏。祭鄉射義等篇。乃其義疏耳。前此猶有三禮通禮學。究諸科。士猶得誦習以知其說。自王安石變亂舊制。廢罷儀禮。而獨存禮記之科。棄經任傳。徇末遺本。而博士諸生。又

不過誦虛文以應舉。其間有因儀法度數之實而立
文者。迷莫復知其原。國有大禮大議。耳學臆斷而已。
臣頃在山林。嘗與一二學者考訂其說。欲以儀禮爲
經。而取禮記及諸經史雜書所載。有及於禮者。皆附
於本經之下。而具列註疏諸儒之說釋之。略有端緒。
而私家無書簡閱。無人謄寫。會蒙除用。學徒分散。遂
以未就。至於樂之。又絕無師授。律尺長短。聲音
清濁。學士大夫舉莫知其說。而士友中間。亦有得其
遺意。欲更加參考爲一書。以補六藝之闕。亦復未具。
欲望聖明。特詔有司。許臣就秘書省。關借禮樂諸書。

自行招集舊學十餘人授之間館令其編類雖有官人亦不繫衙請俸但量給飲食紙札油燭之費其膳寫人下。陶安府撥貼書二十名候結局日量支犒給別無推恩於公家無甚勞費而可以興廢舉墜垂之永久斯文幸甚會去位不果行。退而推前意編續爲家禮二卷。學禮十一卷。邦國禮四卷。王朝禮十四卷。曰儀禮經傳通解。凡三十有二卷。未成卒。而子壻外府丞黃榦成其志。取小戴喪大記一篇合周禮禮記諸書補其缺。而王侯大夫之禮略具。其門人溫陵楊復嘗及事文公受禮學與纂修。且撰儀禮圖式一卷。

事因圖顯。而禮學粗完。春秋公羊立學官最先。穀梁次之。左氏最後。漢藝文志。猶標古經。平陵賈逵有經訓詁。李鉉。馮沆。有古經三傳異同。後左氏大興。學者專治傳。迨唐初。經無復專行。好古者。頗從杜解中錄出經文。而二家擯不錄。惟陸德明音義。頗兼存之。至

啖助。陸淳。實始探聖人筆削之志。於三傳之上。唐初獨杜

解猶抄出經文。二家無有。貞元末。陸淳纂例。列三傳差繆。凡二百四十一條。潼川謝疇。取三家所傳遺經。心以爲是者。大書之。仍細書其不然者。於其下。曰春秋古經行焉。眉山李氏曰。司馬遷言春秋文成數萬。張晏曰。春秋十萬八千字。遷誤也。今數之。更闕一千四百二十八字。數最易見。尚爾錯誤。况聖人筆削之

旨宋熙寧中。王荆公安石。悅詩書爲著義。頒學官。於

春秋不解也。以爲是斷爛朝報廢不列而程正公順
獨深明其旨。作傳以明之。其序曰。天之生民。必有出
類之才。起而君長之。治之而爭奪息。導之而生養遂。
教之而倫理明。然後人道立。天道成。地道平。二帝而
上。聖賢世出。隨時有作。順風氣之宜。不先天以開人。
各因時而立政。豎乎三王迭興。三重旣備。子丑寅之
建正。忠質文之更尙。人道備矣。天道周矣。孔子當周
之末。以聖王不復作也。順天應時之治。不復有也。於
是作春秋爲百王不易之大法。所謂考諸三王而不
謬。建諸天地而不悖。質諸鬼神而無疑。百世以俟聖

人而不惑者也。先儒之論曰。游夏不能贊一辭。辭不待贊也。言不能與於斯耳。斯道也。顏子嘗聞之矣。行夏之時。乘殷之輅。服周之冕。樂則韶舞。此其準的也。後世以史視春秋。謂褒善貶惡而已。至於經世之大灋。則不知也。春秋大義數十。其義雖大。炳如日星。乃易見也。惟其微辭隱義。時措從宜者。爲難知。或抑或縱。或予或奪。或進或退。或微或顯。而得乎義理之安。文質之中。寬猛之宜。是非之公。乃制事之權衡。揆道之模範也。觀百物而後識化工之神。聚衆材而後知作室之用。學春秋者。必優游涵泳。默識心通。而造其

微則三代可復。然是後黨禁嚴峻。經傳蕪滅。至不復得知。建炎初。天子頗好讀。左氏謂給事中胡安國曰。聞卿深於春秋。欲資勸講。手左氏傳授之。令點句正音。安國對曰。春秋乃仲尼手筆。實經世大典。義精理奧。陛下宜潛心聖經。爲出治大原。不宜耽翫文采。虛廢光陰。高宗曰。善。令專以春秋進講。且命作傳以進。初。安國少好春秋。究心者有年。已得程子所爲傳讀之。精義微辭。多所默契。乃渙然信以爲聖心。從可質也。益潛玩而傳成。左氏爲案。見本末質公穀爲斷。探聖意大綱。本孟子而微辭。一以程氏之說爲正云。

明興

高皇帝神聖述覽。退紹于皇帝王師之統。造觀心亭時。致齋其中。召學士宋濂謂之曰。人心虛靈。乘氣機出入操而存之爲難。朕罔敢目暇逸。况有事於天地廟社。其敢弗虔。是用致齋。日端居斯亭。反視却聽。體道凝神。誠一弗二。庶幾對越在天上。契於穆清。蓋心學皇皇乎開源矣。當是時。承元季兵亂。天下學士多失業奔走。惟發台二州。徽國文公之承傳具在。上克發。召耆儒許元葉瓚玉胡翰吳履等。日會食省中。輪二人日分講經史。陳治道。聞四方有通經學古之

儒輒以幣敦禮聘致之。賜坐咨訪。嘗讀書洪範太息。以爲是天人之大統也。以叙彞倫立皇極。保萬民。叙四時成百穀。皆本於天道而驗於人事。箕子爲武王陳之。武王猶自謙曰。此五帝之道也。我未有能焉。朕每爲惕然。命儒臣揭御座之側。朝夕時覽觀。已親御翰墨爲訓釋。新殿成。命母藻繪。命編古人行事可鑒戒者。書殿壁。書宋儒真德秀所撰大學衍義于廡間。

文皇帝嘉宋學自洙泗來爲道正統也。簡儒臣集宋儒五經四書傳註纂修之。易主程傳朱本義。詩主朱集

傳以武夷蔡沈傳尚書。番陽陳澧注小戴記。侍講胡安國傳春秋。本程朱主焉。而學庸語孟主朱章句集註尤嚴。其諸儒先論說。於傳註互發。若足其所未備者。分註其下。不合者不取。惟周官儀禮不課士。置科無列焉。書成。賜名四書五經大全書。其儒先言理性命之要。足羽翼聖經者。彙爲編。賜名性理大全書。上親爲製序。刊布。賜六部。頒兩都國子監。及府州縣學。諭禮尚書曰。此書皆聖賢精義妙道。學者之根本。朕旦夕披閱。不倦。所益弘多。古之志於學者。苦得書籍難。今學者得此書。而不勉自力研討。是自棄也。

爾其以朕意曉諭天下學士。令盡心無視爲虛文。當是時。天下新脫鋒鏑湯火之苦。民俗惇質。而

天子尊顯宋濂洛關閩之書。風厲之於學。以上達於洙泗。俾學者有所統一。故其時士謹繩墨。官肅法守。施于熙宣天順之間。循習誦傳。諸儒書字守其義句。遵其訓。如金科玉條。尺寸無敢自踰越。雖所守近隘。而士習朴淳。言純師行。純法之儒。往往輩出於世。其後風氣漸開。聰明漸擴。耳目心知漸廣。往往嗜新喜異。厭樸學弗好。而濂洛之微言又絕。學者糾縉於文義。支離於章句。窮年矻力以爲是。所以窮理而致精於

聖賢大訓。稍涉高遠者。又以爲此上達。未當學。姑就
下學者學之。固陋支辟。於聖賢主靜存誠。日用實功。
茫無所從入。成化中新會陳先生獻章。始求之靜坐。
渙然於真靜無欲之體。以爲是聖功之本。而無大於
外也。著論言六經聖人之書也。學者苟誦言而忘味。
則六經一糟粕也。未免於玩物而喪志。苟不但求之
書而求之吾心。察動靜有無之幾。致養其在我者。而
勿以聞見亂之。去耳目支離之用。全虛圓不測之神。
一開卷盡得之矣。非得之書也。得自我者也。蓋以我
觀書。則隨處有得。以書博我。則釋卷茫然。諸皆妙詣。

心得。一時人士回視易聽而約之於本。至王文成公
守仁。標致知爲致良知。異知識之知。語益真切簡易。
旁皇周洽。而敎大昌。致知本大學。而良知之蘊。實自
孟子發之。自漢戴氏記禮家言大學中庸書二篇。賴
以存。而知者蓋鮮。至程純公顯始尊信表章。以爲是
古者繇學入道之大法。帝王授受傳心之統宗也。而
頗疑其編簡失次。非其舊。更定之時。發其指歸。而所
爲說者不傳。會稽石鑿子重彙其說。雜見於門人所
記錄。若門人所自爲說者。爲編曰輯略傳焉。朱文公
又疑大學書有放失。補格致傳。更加考定。而中庸一

依其舊文。二篇各有章句。又取石氏書。刪其淫於老
佛而過高者。存其可信傳者。仍曰輯略。而記所爲論
辨取舍之意。爲或問附之。然後二書之旨。貫注如經
脉。始終鉅細。畢舉如碁布。詳略淺深。相因如引繩。而
諸說之同異得失。亦曲暢旁通。如導川入河海也。然
所補者傳。終於聖經高簡弘厚之體不類。而八目等
級。亦微若已峻然。至王文成既有悟於致知之旨。信
大學舊本出戴記者。爲本無脫誤。與中庸各爲完書。
無所事更定補綴爲也。而誠意特傳。諸目合傳三綱
八目。實貫於誠意特傳之中。切磋語學。則格致也。學

磨自修則誠意也。恂慄正心之訣。威儀修身之統。親
賢樂利。各得其所。則齊治均平之效也。通朱傳格物
九條之說。一統之於慎獨。中庸以不覩不聞莫見莫
顯名中和極位育之用。歸之於慎獨獨之者。天德良
知也。蓋天德王道一以貫之。要在於慎獨。而經文高
簡深渾。通造化之體。乃復完文成之論。六經曰。經常
道也。其在於天。謂之命。其賦於人。謂之性。其主於身。
謂之心。心也。性也。命也。一也。通人物達四海塞天地。
亘古今無弗具。弗同。無或變者也。是常道也。其應乎
感也。則爲惻隱。爲羞惡。爲辭讓。爲是非。其見於事也。

則爲父子之親。爲君臣之義。爲夫婦之別。爲長幼之序。爲朋友之信。是惻隱也。羞惡也。辭讓是非也。是親也。義也。序與別若信也。一也。皆所謂心也。性也。命也。通人物。達四海。塞天地。亘古今。無弗具。弗同。無或變者也。是常道也。以言其陰陽消息之行焉。則謂之易。以言其紀綱政事之施焉。則謂之書。以言其歌詠性情之發焉。則謂之詩。以言其條理節文之著焉。則謂之禮。以言其欣喜和平之生焉。則謂之樂。以言其誠僞邪正之辯焉。則謂之春秋。是陰陽消長之行也。以至於誠僞邪正之辯也。皆所謂心也。性也。命也。通人

物達四海塞天地亘古今無弗具弗同無或變者也。夫是之謂六經。六經者非他。吾心之常道也。故易也者。志吾心之陰陽消息者也。書也者。志吾心之紀綱政事者也。詩也者。志吾心之歌詠性情者也。禮也者。志吾心之條理節文者也。樂也者。志吾心之欣喜和平者也。春秋也者。志吾心之誠僞邪正者也。君子之於六經也。求之吾心之陰陽消息而時行焉。所以尊易也。求之吾心之紀綱政事而時施焉。所以尊書也。求之吾心之歌詠性情而時發焉。所以尊詩也。求之吾心之條理節文而時著焉。所以尊禮也。求之吾心

之欣喜和平而時生焉。所以尊樂也。求之吾心之誠
僞邪正而時辯焉。所以尊春秋也。蓋昔者聖人之扶
人極。憂後世而述六經也。猶之富家者之父祖。慮其
產業庫藏之積。其子孫者。或至於遺亡散失。卒困窮
而無以自全也。而記籍其家之所有。以貽之。使之世
守其產業庫藏之積。而享用焉。以免於困窮之患。故
六經者。吾心之記籍也。而六經之實。則具於吾心。猶
之產業庫藏之實積。種種色色。具存于其家。其記籍
者。特其名狀數目而已。而世之學者。不知求六經之
實于吾心。而徒考索於影響之間。牽制於文義之末。

硜硜然以爲是六經矣。是猶富家之子孫不務守視
享用其產。崇庫藏之實積。日遺忘散失。至爲窶人丐
夫。而猶囂囂然指其記籍曰。斯吾產。崇庫藏之積也。
何以異於是。其論禮曰。禮也者。理也。理也者。性也。性
也者。命也。維天之命。於穆不已。其在於人也。謂之性。
其粲然而條理也。謂之禮。其純然而粹善也。謂之仁。
其截然而裁制也。謂之義。其昭然而明覺也。謂之知。
其渾然於其性也。則理一而已矣。故仁也者。禮之體
也。義也者。禮之宜也。知也者。禮之通也。經禮三百。曲
禮三千。無一而非仁也。無一而非性也。天叙天秩。聖

人何心焉。蓋無一而非命也。故克已復禮則謂之仁。窮理則盡性以至於命。盡性則動容周旋中禮矣。老莊之徒外禮以言性。而謂禮爲道德之衰。仁義之失。旣已墮於空虛濔蕩。而世儒之說復外性以求禮。遂謂禮止於器制度數之間。而議擬倣像於影響形迹。以爲天下之禮在於是。是豈爲得禮之意哉。其原本仲尼刪述六經之意。以爲欲天下反朴還淳。見諸行事之實。非欲美其文辭。以嘒嘒於世爲也。蓋自伏羲畫卦而來。其間言易如連山歸藏之屬。不知凡幾。而易道大亂。於是取文王周公之說而贊之。以爲惟此

爲得其宗於是紛紛之說盡廢而天下之言易者始一書自典謨而下詩自二南以降而九丘八索之屬非經失正者又不知其凡幾而禮樂之名物度数至是亦不可勝窮於是舉虞夏殷周之舊刪削而是正之然後其說始廢今觀詩書儀禮孔子未嘗措一辭於其間意可識矣至於春秋雖稱所作其實皆魯史舊文筆者筆其舊削者削其繁其用歸於刪繁就簡正人心之流濫而已矣當是時增城湛太宰若水實師事陳先生以所當稟質曰隨處體認天理爲學宗衍繹其說曰天理吾心之中正也六經註我柰何註

六經爲平會 廷議薛文清公瑄當從祀與否而論

者頗以薛無著述尼之於是湛卽諸易書春秋禮經
傳四子各以其師旨爲測爛然繁富矣夫文沒質博
溺心斯其弊已久新會餘姚閻之至痛深於是學者
實始知實詣深造不求經於經而求經於心主靜研
幾謹獨之爲要而以經書爲培壅灌溉之資以輔之
其說終主於卽心卽性卽心卽經而六經在吾心也
於孔門歆然無我好古敏求以上達天德微若異趨
然末流益弊於是深者研知之爲良研天理於勿忘
勿助之間旣窮深極微莫知所止而不踐其實淺者

信良知爲至足天理卽吾心師心自是至謂物無理
專求諸內而莫擇其精又其下恣心以行猖狂自恣
浮淫矜誇將繇惡終然且蔑棄修學而自謂得不傳
之學抽不抽之緒也所至輒以其說敷繹刊布日新
而月盛顧獨忽前經爲糟粕情之而不耻謂世教爲
格式略之以爲快於是乎束書不觀獨游談無根而
已矣然後知古聖王之世循之於四教六藝俾學者
優游漸漬於其中上焉者據德依仁日漸於大成中
下者有學有造日躋於有立不趨噐而道存繇踐迹
以入室則固古之教萬世不與易者也昔詩書言天

人之際。綦詳極備矣。易明天道以前民用。禮承天之道以治人情。春秋本天道以正王統。故六經者。天人之大命。而神明之符也。故經以載道。道不得則不章。經以著教。教不得則不刑。經以表心。心不得則不盡。故記籍非庫藏產綦也。而固庫藏產綦之命也。人生而蒙。長而無怙恃以愚。顓侗寡聞。否則逸諺且誕。令不按視其記籍。以考其家之庫藏產綦。而徒以其意臆之。謂先人予我之庫藏產綦自足。而坦然居之。庫藏產綦何知焉。而疇與有之。亦終爲窶人丐夫而已矣。自太史公叙九流。知各有弊。而知其不可廢也。班

志加詳焉。略言儒家者流。游文於六經。留意於仁義。原本堯舜。師尊周孔。助人君明道而視化者也。於道爲最高。故樂和神人。仁之表也。書以廣德。知之術也。禮以明體。禮之節也。春秋以斷事。義之用也。五者蓋五常之道。而易爲之原。古之學者。耕且養。三年而通一經。存其大體。玩經文而已。故日力寡而畜德深。後世諸儒。章句之學興。箋解義疏。轉相祖述。而爲說已繁。惑者旣失精微。而辟者又隨時抑揚。遠離道本。苟以譁世取寵。傳學者不惟闕疑闕殆之義。務碎辟以逃難。翳其本實。後進彌以馳逐。故童守一藝。歷白首。

而無聞。終以自蔽。是以五經乖析。不合不公。而儒學浸衰。道家者流。蓋本易而出於史官。其道無爲。又曰無不爲。其宗以常無觀妙。以常有觀微。而知常曰明。其術以深爲根。以約爲紀。以虛極靜篤爲至。以因循爲要。深根寧極。秉要執本。以御萬物。無成勢。無常形。故能究萬物之情。不爲物先。不爲物後。故能爲萬物主。人皆取實。已獨取虛。無藏也。而有餘。歸然而有餘。故虛者。道之常也。因者。君之綱也。神者。生之本。而形者。生之具也。人之生也。其動若水。其靜若鏡。寶慈寶儉。寶不爲物先。以定其形神。於道也。合矣。嗟夫。不先

定其形神。而曰我有以治天下。何繇哉。其知雄守雌。知白守黑。以濡弱謙下爲表。以空虛不毀萬物爲實。合於堯之克讓。易之謙謙。一謙而四益。此所長也。乃其以本爲精。以末爲麤。以有爲爲不足。牴絕禮學。搥提仁義。卷婁堯禹黜桎周孔。斬詆儒學。以自肆。其悖也。傷教蓋教裂而道敝矣。其宗老道德經莊南華經列冲虛經陰陽家者流。亦本易而出於義和之官。易道陰陽。其言四時八紀十二月二十四節。各有教令。是故序四時之位。正分至之節。推五德之終始。會日月五星之辰。以考寒暑殺生之實。順之者昌。不順者不死則亡。夫春生

夏長。秋收冬藏。此天道之大經也。不順則無以爲天。下紀綱。故其明四時之大順。不可失也。拘者爲之。則

爭於禁忌。泥於小數。使人拘而多畏。舍人事而任鬼

神。漢武帝時。聚會陰陽家。問某日可娶婦乎。五行家曰。可。堪輿家曰。不可。建除家曰。大吉。叢辰家曰。大

凶。曆家曰。小凶。天人家曰。小吉。太一家曰。大吉。辨訟不決。制曰。避諸死忌。以五行爲主。人取於五行以生

者也。則自漢來。已亂雜無統宗如此。墨家者流。亦本易而出清廟之官。

墨子汎愛。以天下無非我者。故不自愛而兼愛也。其

稱說堯舜禹。言其德行曰。堂高三尺。土階三等。茅茨

不剪。采椽不刮。食土簋。啜土飴。糲梁之食。藜藿之羹。

禹涇洪水。決江河。通四海九州也。親操耒耜。而鳩涉

百川。腓無肢脛。無毛。其道以自苦爲行。尚慈實儉。薄利而非闔。養三老五更以貴孝。選士大射以尚賢。宗祀嚴父以明鬼。順四時而行。故非命。以孝示天下。故尚同。墨子莫天下之好也。求之不得也。雖枯槁不合也。然見儉之利。因以非禮。則尊卑無別也。推兼愛之意。而不殊親疎。同至親於途人。則無父也。生不歌。死無服。桐棺三寸而無槨。以爲法式。以此教人。恐不愛人。以此自爲。恐不愛己。其道大觥。使人憂。使人悲。雖墨子能獨任。奈天下何。離於天下。其去王也遠矣。夫世異時移。事業不必同。故曰儉而難遵。

高子略曰。韓非子謂墨子

死有相里氏之墨。相芬氏之墨。鄧陵氏之墨。離爲三其說依經據禮。而孟子排之。不遺餘力者。以其言近偽。行近誣也。不可勝言也。法家者流。本春秋而出於理官。信賞必

罰。以禁邪暴。輔禮制。其尊主卑臣。明職分。令不相踰

越。此其所長。及刻者爲之。則薄教化。去仁恩。不別親

疎。不殊貴賤。而一專於法。欲以致治。將蔑親而廢仁。

故嚴而寡恩。其術出商鞅。韓非慎到。名家者流。蓋出於禮官。古

者名位不同。禮亦異數。孔子曰。必也正名。治國者。不

務覈其名實。執勢以御其臣下。求人任賢。反舉浮淫

之蠹。而加之功實之上。故控名責實。參伍不失。此不

可失也。警者爲之。晉灼曰。警。訐也。師則苟鉤鈇析亂。

師古曰鉅破也音普使人苛察繳繞不得反其意專

決於名而失於人情。

申子卑卑施之於名實公孫龍為堅白之辨假物取譬冀君感

悟正其名實劉劭以人之材檢志尚不縱橫家者流同當以九徵八觀審察而在使之是也

蓋本詩而出於行人之官。權事制宜。受命而不受辭。

其後世亂。尚權詐。則操翕闔弛張之權。用之於捍闔。

飛箝詭給揣訐。尚詐諛而棄信。

鬼谷陰符戰國策之類

禰家者

泥。蓋出於議官。兼儒墨。合名法。見王治之無不貫。此

所長也。蕩者為之。則廣取汎與。心目矐眩。多愛失務。

漫美而無所歸心。

呂氏春秋淮南子之類

農家者泥。蓋出詩豳

風書農稷之官。播百穀。勸耕稼以足衣食。孔子曰。所

重民食是也。鄙者爲之。欲使並耕而食。饗殮而治。諄

上下之序。謂許行陳相小說家者流。蓋出於稗官。閭里小

知之所及。輒綴而不忘。談言微中。亦可以解紛。然致

遠則泥。厖雜而弗經。齊諧博物志之類諸子中。佛最晚出。而

說益宏勝。其書無慮數千萬卷。多中國所苛譯。乃其

微言。老墨不能難也。言無生。則空有兼遣。卽營魄抱

一。猶末也。論法界。則妙明融徧。卽清淨本然。無際也。

論慈憫。則普度弘濟。卽兼愛尙同。有意也。而要之平

等日用。不卽不離。於斷滅枯槁者殊科。然窮大不經。

雕龍蝸角之論。視之爲隘。通人感焉。諸輪迴因報升

沉起滅以誑誘愚俗。皆聖者所不語。妄者假之崇虛。
尚鬼爲誣惑益滋。自世之衰。聖學熄而道術無所統。
時君世主好惡殊方。故九流百家蠭起。各安所見。崇
所善。以馳說取合。雖言人人殊。而道無不在。辟猶水
火相滅。亦相生也。反者道之動。故仁之與義。敬之與
和。相反而相成。易曰。天下同歸而殊途。一致而百慮。
之所向而辟則惑。惑所辟而倨自足則爭。爭則亂而
不相爲謀。其說之昌。且率黜而食人。哀哉。學者誠深
於六藝之旨。究觀周公孔子之教。卽百家騰躍終入
寰內。可以通萬方之略矣。他諸執技事上。以其術自

名者亦復數家時有用也而不可倚也。曰天文歷譜家本易五行家本書而領於天官天文家序二十八宿步五星日月以探知吉凶之象易觀乎天文以察時變五行家本五行之形氣五星之變動推之爲吉凶書洪範貌言視聽思得失而五氣之僭若因之是也。然星紀遷變庶徵雜揉天道幽眇非湛密者弗能繇也。觀景以譴形本隱以之顯非明主不能聽也。以不能繇之臣諫不服聽之主是以兩恒患焉。道之亂也患在於小智強欲知天而謬於其統故道術破碎而難知其裔餘爲雜古本易洪範著龜神物因用卜

筮以前知吉凶。通志而成務。易曰。占事知來是也。爻
占非一。而夢爲大。故禮有大卜。筮人占夢之官。至衰
世解於齊戒。舍本憂末。而婁煩卜筮。筮瀆不告。易以
爲訓。我龜既厭。不我告。猶召彼故老。訊之。占夢詩以
爲刺。故其官失。而其傳泯焉。又其裔爲六壬。遁甲。形
家。星命之流。壬遁家本大撓甲子。容成律曆。推八門
休、生、傷、杜、三奇六儀。以知軍國興敗得失。趨避。非必
景、死、驚、開、然也。人和上矣。地利次之。天時曷故焉。智者時用之。
倡勇敢禁祥而去疑。星命家本五行。干支生旺克制。
休囚之度。或乃步日月五星。順逆。觸辰會尾之躔。用。

占人壽夭貴賤死生先處其利不利時是亦多言。豈不倖中而於得器何加焉。惑者聽之。浪憂喜而失正。甚且不信道安命。馳於苟得而希冀非望。則自噴之

道也

唐呂才曰宋忠譏司馬季主云夫日者高人祿命以悅人心矯言禍福以盡人財今更研彙本

非事實長平坑卒未聞其犯三刑南陽貴士何必俱當六合今時亦有同年同祿而貴賤懸殊其命其胎而夭壽更異形家者流大者本詩篤公劉之陟岵降此何以處焉

京逝泉瞻溥定方中之升虛望楚景山與京觀九州山川形勢以乘其環會或本易河圖八卦依三垣天星貴艮亥爲氣之所生以立城郭宮室廬舍以定陵

墓寔安以設阜富壽其人民而死者亦得安體魄而

蔭遺體細者。形人及六畜骨法之度。形室廬器物之
具。以其形容聲音度量而定其吉凶貴賤死生之斷。
形依氣氣附形。其數然也。蓋時有中焉。或者溺焉。怙
其形不守之以道。安危利藹以取滅亡。妄者謂奪神
功而改天命。使人眩瞀而失守。甚者不安分命。不叙
昭穆。怙執力以規營。構窮陰。賊以請墓地。則大亂之

道也。

呂才曰。近代葬書一術。至百二十家。各說吉凶。競爲妖妄。傳云。王者七日而殯。七月而葬。諸侯

五日而殯。五月而葬。大夫經時而葬。士庶人逾月而葬。先期謂之不懷。後期譏之殆禮。此葬不擇年月也。
春。禮云。丁巳葬定公。雨不克葬。戊午乃克葬。此不擇日也。
禮云。屬尚赤。大事用平旦。殷尚白。大事用日中。夏尚黑。大事用昏時。大事謂器葬也。春秋鄭葬簡公。司墓大夫室當路。毀之平旦而窆。不毀。日中而窆。子產

不毀是不擇時也。古之葬者、在國都之北、域兆既有常所、而死者北首、向亦有定位、是不擇地也。野俗無識、皆信葬書、擇葬之際、擇地而希官品、茶毒之秋、選時以規財祿、或云辰日不宜哭泣、遂荒爾而對賓客、或云同屬忌於臨壙、乃吉服、夫易之道大、百物不遺其親、葬書敗俗、一至於此。廢鬼神之德盛、體物而不可遺、諸凡巫史百工小數小術、豈顧能解免自外哉。必且依託五行、假於鬼神、時日卜筮、矯虔而稱引之、而此理孔神、支離覆逆、必且可推之而通、譎者因爲神姦、逢人情喜、息以吉凶、呵喝之、微利誘、不驗則屢變其說、外託師傳、內稱篤悟、展轉增加、蠱眩以疑衆、愚俗怵焉、助爲譸張、民用大惑、闇義命之致、咸靡靡於趨利辟難矣。故術不可

不慎也。是教之流失也。明王之所坊禁。君子之所不道也。一不慎者。蹶矣。醫家者流。本周禮醫師原人血。脉經絡骨髓。陰陽表裏。察天五運。並時六氣。視人五聲。五色九竅九藏之動。以探百病之原。決死生之分。而度箴石湯火之所施。爲之經方。本草石寒溫之性。量疾病淺深。度氣感輕重。假藥味五苦六辛之滋。調水火齊和之宜。以通閉解結。致五味五穀五藥之養。而反之於平。至齊之得。猶慈石取鐵。以物相使。拙者失理。以熱益熱。以寒益寒。精氣內傷。而見於外。以愈爲劇。以生爲死。故諺曰。有病不治。常得中醫。巫家者。

泥。本周禮司巫掌男巫女巫。凡以神仕者。掌制神之
處。位次主。而爲之牲噐時服。以致天神人鬼地示物
魅。以禴國之凶荒。民之札沴。國大旱以雩。歲時以祓
除疾病。冬以堂贈。春以招餌。稍後因爲符章咒水號
呼。以禱祈。攻說禴禳。今之巫覡。旣闇其義。何明之見。
何法之行。正神不降。憑於淫厲。依爲神姦。苟貪貨食。
以誣神人。其家者泥。本書春秋而出於司馬之官。自
黃帝有涿鹿之戰。而風后有握奇之書。下及湯武。以
師克亂而濟百姓。動之以仁義。行之以禮讓。而太公
其法作焉。世所傳司馬法。其遺事也。自春秋至於戰

國出奇設伏變詐之兵用而孫武子猶知本道法天因地任將制法先計後戰因形用勢察彼已措勝於無形於是本陰陽者推德勝順時日以制敵尚技巧者習手足便器械以立勝識形執者雷動風舉離合背鄉務變化輕疾以信威視王官之武備益遠而戾者得之以逆天而殃民乃漢志志神僊志房中頗以爲神仙者祖老氏玄同清虛保性命之真而游於方之外者也房中者情性之極至道之際聖王制外樂以禁內情而爲之節文若猶有羨然然世主甘心者衆誕譎恠迂之文彌以益多而遙興輕舉終道無繇

至。乃術淫於樂。其心以其身從之。快意生疾而墮性。命者多矣。未見其有和平壽考而節以長生者也是。以聖王絕之。蓋九流百家方技。各具有其書。於四庫。隸子書。自黃帝時。倉頡沮誦。實以史建官。夏殷之世。有左右史以紀言動。周禮有太史小史內史外史御史之官。諸侯之國。亦各設官掌記載之事。晉乘。楚檮杌。魯春秋是也。仲尼因虞夏商周之史。述尚書。因魯史舊文。次春秋。皆削其煩重。制義法。明天人之統。其事辭史也。而其義經也。故曰。聖人述史三焉。以憲萬世而爲經。左丘明依魯史以作傳。所不盡載者。各以

其國志之作國語曰外傳或曰非也蓋左氏未傳時
博采草創之書因卽之爲傳其後楚相鐸椒趙虞卿
秦呂不韋各往往摭摭春秋之文采取成敗以著書
不可勝記又雜史之所起也遭秦滅學而始皇惡史
記燒燔之尤甚漢興陸賈迹秦漢間成敗興亡之故
作楚漢春秋而世本戰國策呂氏春秋之屬頗以其
間出矣漢武重文事而河內司馬談爲太史令典其
官時天下郡國計書皆先上太史副乃上丞相遺文
古事靡不畢臻於是欲論纂書春秋左國之文及當
世名卿賢大夫之業成一家言未就卒且死執子遷

手而泣。屬之成會。遷相繼爲太史令。傷父志。乃網羅舊文。原察終始。觀盛見衰。上記軒轅。下至天漢。作十二本紀。明天下治亂之統。竝時異世。年差不明。作十表。明興廢久亟之變。禮樂律歷。眞權山川。鬼神天人之際。承敝通變。作八書。憂當世之務。述先令諸侯卿相輔弼股肱之任。忠信行道。以奉主上。若卿大夫賢士。以翼戴其世者。作三十世家。七十列傳。凡百三十篇。曰史記。而後代正史本祖之。其書原易傳。繼春秋。本詩書禮樂之意。協異傳。齊百家。而著論壹折衷於仲尼。而紀表志傳。遂爲後世正史法。後漢扶風班彪

固父子續業。因以爲前漢書。固稱唐虞三代世有典籍。史遷所記。以漢氏繼百王之末。非其義也。故斷自高祖。迄於孝平王莽之誅。爲十二紀。八表。十志。六十。九傳。旁貫五經。上下洽通。典重鉅麗。議論頗不詭於儒。亦間有微意焉。而繇有史籍以來。未有如太史公之所記。弘深高古。通造化者也。蓋自孔子沒。至是四百餘年。漢興又七十年矣。自劉向楊雄。皆稱遷有良史之才。服其善序事理。辨而不華。質而不俚。其文直。其事核。不虛美。不隱惡。謂之實錄。宋呂祖謙稱其指意深遠。寄興悠長。微而顯。絕而續。正而變。文見於此。

而起義於彼。非拘儒曲生所能驟而窺也。今觀三代高紀贊。明天統。通忠質文之變。呂后立紀。而贊稱孝惠皇帝。呂后之時。正名實之斷。武紀闕矣。而八書具著其事。各寓其匡救之忠。禮述漢儀。本秦故。而晉末附前記。明美德也。樂會陳賡歌。至於流涕。而襄以汲直之諫。戒佚淫也。律書紀律。同聽軍聲。施及兵禍。風佳兵也。封禪。寃觀方士祠官之意。開惑志也。河渠。嗟勞人也。平準。傷并兼爭利末也。歷。尚夏正。天官紀。百年中。五星無不變色。逆行。令覽者。懼然懼焉。可謂至忠。而誹者。以爲謫書。謂言易知哉。獨其陳道與法。往

往出事詞之表。比事連類。時推引古哲先憲之文。寓
已意。故覽者忽焉。其傳夷齊老子孟荀屈賈。皆微眇
有深味。其文緩。則其旨愈遠。其事繁。則其辭特簡。至
其述天下異時性情慘舒。事端出沒之變。形神具出
俾後世如目見然。則夫人慕誦之矣。獨採摭經傳。多
分散其事。故頗疎畧。又時有牴牾。其激而寓言也。是
非時謬於聖人。記繁志寡。昔賢病之。至班史述其所
自傷。以爲宵雅巷伯之倫。而難其明哲。此與眊目睫
何異。嗚呼。事始末未易言。太史公歎之矣。宋蘇洵之
稱二史曰。遷固史雖以事辭勝。然亦兼道與法而有

之。故時得仲尼遺意焉。遷之傳廉頗也。議救閼與之失不載。見之趙奢傳。傳酈食其也。謀撓楚權之謬不載。見之留侯傳。固之傳周勃也。汗出洽背之耻不載。見之王陵傳。傳董仲舒也。議和親之疏不載。見之匈奴傳。夫頗食其勃仲舒。皆功十而過一者也。苟列一以疵十。後之庸人。必曰。知如廉頗。辨如食其。患如周勃。賢如董仲舒。而十功不能贖一過。則將苦其難而怠矣。是故本傳晦之。他傳發之。則其與善也。不亦隱而彰乎。遷論蘇秦。稱其知過人。不使獨蒙惡聲。論比宮伯子。多其愛人長者。固贊張湯。與其推賢揚善。贊

酷吏。人有所褒。不獨暴其惡。夫秦伯子湯酷吏。皆過
十而功一者也。苟舉十以廢一。後之凶人。必曰蘇秦
北宮伯子張湯酷吏。雖有善不錄。吾何望哉。是窒其
自新之路。而堅其肆惡之志也。故於傳詳之。於贊復
明之。則其懲惡也。不亦直而寬乎。遷表十二諸侯首
魯訖吳。實十三國。越不與焉。夫以十二名篇。而載國
十三。何也。不數吳也。皆諸侯耳。獨不數吳。何也。用夷
禮也。不數而載之。何也。周裔而霸盟上國也。春秋哀
七年。公會吳于鄆。十二年。公會吳于橐臯。十三年。公
會晉侯及吳子于黃池。夫庸得不載乎。若越區區於

南夷豺狼狐狸之與居。不與中國之會盟。而用夷俗。名以赴。絕之矣。後觀之者曰。不知中國之禮義。雖勾踐之賢。不免絕與棄。則其賤夷也。不亦簡而明乎。固之表八。而王侯六。書其人也。必曰某王若侯某。或功臣外戚。則加其姓而會目之曰。號謚姓名。此異姓之例也。諸侯王其目止號謚。豈以其尊故不目名之耶。不目名之而實名之。豈以不名則不著耶。此同姓諸王之例也。王子侯其目爲二。上則曰號謚名。殺一等矣。其下則曰號謚姓名。則是以同姓列侯而從異姓之例也。察其故。蓋元始間。王莽僞褒宗室而封之。非

天子自封之也。宗室天子不能封而使莽封之。故從異姓之例。示天子不能有其同姓也。後觀之者曰。權歸於臣。雖同姓不能有名。噫。隱而彰。則人果得爲善之利。僭也不亦微而切乎。噫。隱而彰。則人知中國禮義直而寬。則人知悔過之漸。簡而明。則人知中國禮義之爲貴。微而切。則人知強臣專制之爲患。其能爲春秋之繼。而後之史無及焉。以是夫。後漢史自胡廣蔡邕。掌續綜業。不能成書。迨宋范曄。約謝承司馬彪華嶠等七家所記。爲後漢書。類次精整。剡精剡采。體晦而文。削蜀陳壽父嘗以臯爲丞相。諸葛亮所法。蜀亡。

壽請褒表亮祠墓其撰三國志頗有義法而傳亮事

特詳以晉承魏因主魏而不詳所自出載夏侯惇淵

於諸曹傳中則見高本夏侯氏之子也高貴鄉公書

卒而詳司馬昭之奏則見公不得其死也猶微眇有

指世以其評諸葛將畧非長及他闇昧疵之非其質

矣且夫相賢者不必兼將不兼將不害其為賢而將

略固賢者之所時短也自是南北分裂各有史以記

事南梁沈約撰宋書本何承天裴松之裴子野所撰蕭子顯撰南齊

書因江淹沈約新記唐姚思廉撰梁陳書本思廉父察為梁史官推其意及謝

吳等記其在北則魏收撰後魏書本鄧彥海崔浩李處所記唐李

百藥撰北齊書

本父德林所記

唐令狐德棻撰周書

牛弘所

記而李延壽本父意以南北互詆無所統一南起宋

盡陳百七十年北起魏盡隋三百四十年為南北二

史刪繁補闕叙事簡勁過本史遠甚而先南北史有

晉書後此有隋書粗稱混一其書皆唐太宗命房文

昭玄齡魏文貞徵等所修

晉史本何法盛等十八家纂修

時雜以制

旨而人各用其所長故志載差有倫

如晉書天文志出李淳風所修

也嗚呼南北六代之變亟矣又其時文衰於靡蕪作

史者猥采諸小說傳以其意至一人之身稱譏雜揉

前後乖刺記載繁紊多謬於事情更改破析雕刻藻

績之變日新。而其文每下。諸其立國。皆偷爲一切。非有先王經紀禮義風俗之美。制治之法。可章示於後世。宜無足采。然而兼權尙計。明於任使。恭儉愛人。則其始之所以興。惑於邪臣。溺於嬖妾。忘患縱欲。則其終之所以亡。至有所因造。以爲號令。刑威。職官。州郡之制。雖其事已淺。然亦各施於一時。皆不可以不考也。其時之士。爭奪詐僞。苟得偷合之徒。尙不得不列以爲世戒。而况於壞亂之中。蒼皇之際。士之安貧樂義。取舍去就。不爲患禍勢利動其心者。亦不絕於其間。此蓋古人之所思見而不可得。風雨之詩所爲作。

也安可使之泯泯不少概見於後哉美矣乎宋魯子
固因陳史而推言之也可謂曰史矣唐初溫大雅撰
創蔡起居注貞觀中命相玄齡爲國史監修帝謂玄
齡曰前世史官所記皆不令人主見之斯何也對曰
史官不虛美不隱惡若人主見之或恚其傷直取罪
故不進也帝曰朕爲心則異是欲自觀史知前日過
失爲後戒公等可撰次以聞於是給事中許敬宗等
相與撰次以編年體爲實錄上之龍朔中敬宗以宰
相領史職而人實憊鄙所作紀傳或希上旨或釋私
憾毀譽多失真中宗時時相蕭至忠等領史事秘書

少監劉知幾子玄病不得其職爲書上至忠求去略
言古之國史皆出一家如魯之丘明漢之子長晉齊
之董狐南史咸能立言不朽藏諸名山未聞藉衆功
而成述作者也惟後漢東觀大集群儒而纂述之故
著作無主條章靡立爲後嗤笑今史司取士有倍東
京人自以爲荀袁家自稱爲政駿欲記一事載一言
則閣筆含毫相視而不敢斷故省白可期汗青無日
此不可一也前漢魏國計書先上又副上丞相後
漢公卿所撰初集公府亦上蘭臺史官所修於是爲
備爰自近古此道不行左右二史關注起居衣冠百

家罕通行狀求風俗於州郡討沿革於臺閣視聽臣
詳簿籍莫考。藉令尼父再出。猶且成於管窺。況以中
才安能遂其博物。此不可二也。近代史局通籍禁門
者。欲杜頽面而防請謁也。今作者如林。非能齟齬。僅
五始初成。一字加貶。言未絕口。朝野具知。夫孫盛實
錄取嫉權門。王韶直書見讎貴族。人之情也。能無畏
乎。此不可三也。夫尚書之教。以疏通知遠爲主。春秋
之義。以懲惡勸善爲先。史記則追處士而進姦雄。漢
書則抑忠臣而飾主闕。斯曩賢得失之林。良史是非
之準也。頃史官記注。取稟監修。法春秋。則云必須。

直辭。宗尚書者。則曰宜多隱惡。十羊九牧。其意難行。
一國三公。適從焉在。其不可四也。竊以史置監修。非
古也。而其意可知也。如創紀編年。則年有斷限。列傳
叙事。則事有豐約。或可略而不略。或應書而不書。此
刊削之務也。屬辭比事。勞逸宜均。揮鉛奮墨。勤惰須
等。如某奏某篇付之此。某紀某傳歸之彼。明立科條。
審定區域。則人思自勉。此銓配之也。今監之者。既
不指授修之者。無所遵奉。用使草率推避。坐變炎涼。
此不可五也。凡此不可。其流猥多。願謝簡書。以避賢
路。於是委史事於浚儀吳兢。退而撰史。通內外四十

九篇或問自古史才甚寡何也知幾曰史有三長一曰才二曰學識是也兼之罕矣夫有學無才猶愚賈操金

不能殖貨有才無學猶巧匠無榱桷弗能成室善惡必書使賢辟良臣見而知勸驕君賊臣覽而知懼乃

爲史耳時開元中張燕公說當國領史事覽天后實以爲篤論

錄叙張昌宗誘說誣證魏元忠事頗言說已聰許賴

宋璟激發故轉禍爲忠不然皇嗣且殆說讀之慙忿

不能堪也知秘書競所爲書欲懾之謬以歸知幾嘻

笑謂競曰劉生書魏齊公事不少借已甚也競對曰

此競實書之今草具在不可使子玄受怨地下說默

然已屢造請漸少刊其文競曰儻徇公請亦何名實

錄乎卒不改蓋堅正如此唐書本石晉相劉胸等撰

世嘗其燕冗。至和中。命學士歐陽修爲紀志。宋祁爲

列傳刊修。

范鎮宋敏求呂夏卿劉義叟等修

故事書成進御。獨署官

高者一人銜名曰臣某修。時宋出守鄭。歐陽公位宋

上。曰。宋公於我爲前輩。且用力於此書甚深久。何可

沒也。遂本各所撰署銜名上之。舊書本五代時作。識

早而氣弱。新書非出一手。而宋獨精小學古文。文不

無促迫以未善。韓魏公琦當國。屬歐公更刊修。歐謝

曰。宋公於我爲前輩。人所見何必同。寧能盡如已意

哉。竟不復刊。修退而修立代史以見志。

本開寶中盧多遜庖蒙李

昉李穆劉兼於五代。梁不絕其爲君。而不沒其惡使

人知爲君者終不得掩其惡而原本於女禍明患起
於忽微。唐一號而三姓。周一號而二姓。故從其號與
姓作紀。而作家人傳。別其家。見號同也。家不可以
不別也。以別嫌而明微。自開平訖乾德。終始五十三
年。天下五易姓。士不幸而生其時。欲全節而不二。亦
已難矣。然其習俗。遂以苟生不去爲當然。於五代得
全節之士三人焉。曰死節傳。其初非有卓然之節。而
終以死事者。得十有五人焉。曰死事傳。其仕不及二
代者。各以其國繫。曰梁唐漢晉周臣傳。其仕非一代。
不可以國繫者。曰雜傳。自古忠臣義士多出於亂世。

而怪五代時可道者。何其少也。意必有潔身自負之
士。嫉世遠去而不可見者。又以世亂崩離。文字殘缺。
而不可得知。得四五人焉。作一行傳。論著往往師春
秋之意。而不襲其文。其傷自古宦官。當世朋黨之禍。
至深痛。下及伶人。具於諸傳。六臣贊著之。其著論往
往以嗚呼發端。致亂世之感焉。雖其深渾雄厚通造
化。有謝左史。而守經程義章好示惡。庶幾哉。成一家
之言。李夢陽曰。歐陽人雖名世。唐書新靡加故。今之
識者。賄故而廢新。五代史成一家言是矣。然古
史如畫筆。形神具出。覽者
踴躍卓如見之。歐無是也。自唐興倣前代。以給舍爲
起居注。紀人主言動。武后時。宰相撰持政記。記廟堂

訐謨貞元初相執誼以國史撰於私家非制也。令月終錄所撰上館中。日曆昉焉。而世各因起居注日曆爲實錄。成緘之金匱石室。儒臣纂實錄中。諸可傳誦者宣布之。曰實訓。宋初內庭日曆樞密院錄送史館。然所記不過朝見謝辭而止。至君上言動人臣善惡之迹。莫或細書。淳化中。史館修撰張秘以爲言。置起居院。復左右史之職。而國史常以宰相一人爲監修。別置國史院於宣徽北院東。置編修修撰等官。而非諸司供報。卽所聞見不敢書。有欲書而不得者。直史館歐陽修以爲言。請得據所見聞具書。書不敢進呈。

冥館中已詔儒臣即太祖太宗真宗實錄以史例修

之曰三朝國史呂夷簡王旦英仁曰兩朝國史王珪

孟李清臣等修既成帝以付魯鞏使損益為成書鞏謝曰五

朝史皆先正大臣道德文學士所勒成臣何人敢當

此命不許會鞏以憂去而罷元祐初修神宗實錄鄧

伯陸佃林希頗不直熙豐紹聖中諫官翟思阿惇魯

意言元祐間相大防提舉修史史官范祖禹黃庭堅

等刊落事迹變亂美惡為詆誣先烈詔魯布等刊定

於是主安石所為日錄下所傳益者刊修而大防再

竄元祐史官皆得罪元符初詔刪修為京下所持而

罷紹興中昭慈太后孟以誕辰天子爲置酒宮前上

壽甚歡昭慈忽泣數行下慨然謂帝曰吾老矣國家

多難猶幸見今日也有一事當爲官家言吾不言死

不瞑矣帝頓首請太后曰吾逮事宜仁古今母后之

賢罕有其比姦臣快其私憤厚加謗誣建炎初雖下

詔昭雪而國史未經刊定謂後世何吾意在天之靈

不無望於官家也帝頓首受教明日以語輔臣命學

士范冲等刊定焉冲祖禹子也初曾布修定神宗實錄舊本用墨書新增者用朱書刪

去者用黃抹每一卷成納禁中蓋將滅其迹而使新錄獨行也及梁師成用事自謂蘇氏遺體頗招延元

諸家子弟爲道之諸家子幸其書尚存因勸令傳錄師成如其言而舊本遂傳及是冲刪修爲考異明

示去取舊文墨書刪去者黃書宋亡元命脫脫等修
新修者朱書世號為朱墨史云

宋遼金史時議以元代金有中原以金滅汴宋因子
金正統意尊元山陰楊廉夫力為書辯之申宋為正
統終論無所定於是宋遼金各為史而蕪穢不倫

高皇帝既平燕盡輦勝國典籍歸京師得所為十三

朝實錄者於是詔修元史召前起居注宋濂漳州

府通判王禕為總裁徵山林遺逸之士汪克寬胡翰

趙昉陶凱高啓等十六人同纂修

宋禧陳基趙壘魯叢文海徐尊生

黃箴傳恕王文儒在官者無得與

論之曰自古一代之興必有一代之史蓋行事見於

當時是非公於後世不可諱也。元主中國垂百年其
初君臣朴厚。政事簡略。與天下休息。號稱小康。然闇
於先王之道。溺胡虜之俗。禮樂制度無聞闕矣。迨其
後嗣荒淫。權臣跋扈。兵興民困而國亡。然其間君臣
行事。有善有否。賢人君子。或隱或顯。多可稱者。國可
滅。史何可滅也。今命爾等纂修。事務直書。文必明白。
毋艱深。毋溢美。毋隱惡。庶合公論。以垂鑒戒。自元統
至正間。事無可據。遣儒士歐陽佑等詣北平采訪。明
年續修。仍瀛禔總裁。而以趙塤、朱右、貝瓊、張孟兼等
十五人同修。

朱世廉、王廉、王彛、高遜志、李懋、
張宣、李汶、張簡、杜寅、俞寅、殷弼、前纂修

諸儒不與時

上勵精_三世。諸儒窮旦夜編摩。每成卷輒進。

御。

上見文深古者輒_三去。曰惡用是。獨卽舊志爲書可矣。
於是諸儒生人茫然自失。凜不敢自見而著作之意
荒。又以筆削咸取。

上裁不以諸儒生所不能爲之病。

語出趙子常游送獨操公琬歸番陽序

據諸所移文。槩_三膳取具而辭義兩蔑夫。

高皇帝神聖起在位。卽以宋廢爲起居注。修古記言動
之官。七年。大明日曆成。凡宣諭征伐禮樂刑政。

國諸務。若群臣功過。四夷朝貢之事。咸具。又取_三其

政體要機者列七類若干條。曰聖政記其後秘書
監弘文館等官竝革。而定翰林院修撰。編修。簡討。爲
史官。代纂實錄。以勲臣官高者一人爲監修。閣學士
爲總裁。翰林學士爲副總裁。詹坊經局官與馬弘治
初。編修何塘上疏言。臣以菲薄待罪史官。月受俸錢
日支廩給。然乃朝參之餘。退安私室。旣失官守。是爲
素餐。每一念及。惶灼無已。臣聞

太祖時。劉基條答天象之問。命付史館。

太宗時。王直以右春坊右庶子。兼記起居。繇是推之。史
官之職在國初未失也。不知因循廢墜。始於何時。

沿襲至今。未克修舉。今山陵既畢。政治維新。聖

勅令修撰編脩簡討。畚直史館。凡陛下之起居。臣

工之論列。政事之因革。弛張令畢。記載於紙尾。書臣
某記藏之。以待纂述。史職既修。國典斯備。上則

聖君賢臣。嘉謨嘉猷。日有記載。而不至遺逸。下則儉夫
小人。懼遺世譏。亦有懲警。而不敢縱恣。公則明

朝廷無虛設之官。私則使人臣免素餐之愧。幸甚。或
謂館閣之地。以儲異才。不責職守。臣竊謂養才之道。
當使之周知天下之務。而後可以備他日之用。今於
國家政事。初不聞知。卽欲練習其道。無繇若令史館

得職庶事咸練。他日任用不至疎脫。是於課職之中實寓養才之意。疏上報聞。萬曆初。閣學士居正言國初設起居注官。後定官制。設翰林院脩撰編簡等官。以紀載事重。故設官加詳。非有所罷廢也。但自職名更定之後。遂失朝夕記注之規。以致累朝史文闕略。

世宗皇帝嘗諭大學士張璫曰。古左右史。即今編簡等官。今居此職者。弗盡乃事。何也。是紀錄之職。本自備官。而臣下曠廢之耳。邇者纂脩

世宗皇帝。穆宗皇帝實錄。臣等祇事總裁。凡所編輯。

不過諸司章奏稍加刪潤彙集成篇。至於仗前柱下之語。章疏所不及者。即有見聞無憑。增入。是以

兩朝之大經大法。罔敢或遺。而

二聖之嘉謨嘉猷。多所未備。此皆史職之廢致然也。我皇上聰明天啓淵哲性成。踐祚以來。善政鴻猷。斑斑可

述。類非章疏所能盡見。若不及時紀錄。奚以章聞盛

美。垂法無極。今日講官密邇。天顏見聞真切。又每

從閣臣後出入。便殿即有密勿謀議。非禁秘不可

宣泄者。皆得知聞。宜令講官日輪一員。專記起居。

象

聖諭詔勅冊文及

內閣題稿。其

朝廷政事

見諸司章奏者。另選年深文學素優史官六員。分六曹編纂。仍遵照

祖制。除御殿外。例用史官侍班。常朝列班六科給事

中之上。午朝列御座西稍南。專記注言動。凡郊

祀耕籍。幸學大閱諸大典。有舉輒書。其不時宣召

及大臣秘殿獨對。恐有宣泄。則自紀聖諭及奏

對始末。封送史館詮次。其諸司章奏。該科奉旨發

部。卽全抄送閣。轉發史館。其紀錄體例。祇備事繇顛

末。日月先後。待異日之考質。所貴核實。不尙文詞。不

得妄以已意。及輕信傳聞爲褒貶。每月終。史官編草

稿爲七冊。一起居。六冊六曹。于冊面記年月。記史官姓名。送閣驗訖。即投小櫃。用文淵閣印封鎖。歲終。內閣同各史官。開取各月草稿。收入大櫃。印封如前。永不開視。旨允行。自司馬遷著史記。以本紀世家列傳表志立科條。代宗其體爲正史。勢不能微約其辭。多複重。甚者至疣辭贅義。不可以觀。漢獻帝時。荀侍中悅。奉詔準春秋編年記事之例。事繫月。月繫年。爲漢紀二十篇。凡君臣事物。治亂成敗。天人災祥之故。雖互見錯出。而一時一人一事。本末必備。義類爛然。微顯闡幽。括倫鑒之要。其自序以爲有五志焉。一曰

達道義二曰章法式三曰通古今四曰著功勲五曰
表賢能辭約事該時稱嘉史自是晉袁宏爲後漢紀
王隱虞預爲晉書于寶有晉紀褚裒有晉春秋徐爰
沈約有宋書裴子野有宋畧皆編年至文中子閔後
史之記繁志寡失書春秋之旨也於是取漢詔制志
策章帝範取漢臣命訓對讚議誠諫表臣榮曰續書
傷帝制亡起晉惠之世法春秋作元經始帝晉卒授
魏明天命之有在書晉宋齊梁陳亡哀中國之無人
卓然於明道而其書不傳今元經存殊
駁野蓋僞書宋治平中龍
圖閣直學士司馬光患史籍猥多人主不能徧覽觀

也。乃準編年法。約戰國至秦二世。爲通志八卷。上之英宗。愛其書。命就崇文館。借龍圖天章秘書三館圖籍。給御府筆札。續次其事。許辟官屬與俱。神宗即位。賜名資治通鑑。親爲之序。自是六轉閑資。皆聽以書局自隨。於是光與劉貢父。攷劉道原。恕。范純夫。祖禹。分綜之。託始周威烈王。初命韓魏趙爲諸侯。明王道。自此而盡也。而原本智伯之亡。實上繫左氏之卒章。如相授受。下訖五代。貫穿千三百六十二年之事。爛然指掌。依托古義。抉摘幽隱。諸凡明良治道之切劑。德禮刑之張弛。威福盛衰之本。規摹利害之效。无

人相與之際休咎庶徵之原與凡吏治其體忠臣節士皆斷之以邪正要之以治忽辭令淵源論諫深切靡所不備。朱文公歎以爲偉哉書乎。自漢而來未始有也。光又略舉事目年經國緯以備簡尋爲目錄三十卷參考羣書評其異同爲考異三十卷又患其書浩大難於領畧晚著通鑑舉要八十卷又爲圖每年一行六十行爲一重六重爲一卷凡一千三百六十二年爲通鑑曆年圖又自宋一天下接于熙寧爲百官表乃威烈而上書契已來論纂成書爲稽古錄然事以年繫而事首尾散見於數十百年之間離而不屬讀者病之工侍郎袁樞機仲作通鑑紀事本末俾觀人考事者什五如引繩以錯綜溫公之書而文公綱目表歲以首年因年以著統義例法書以提

要分注以備言。一倣之春秋。元儒金履祥本劉道原
外紀。上溯洪荒。下逮戰國。申詩書春秋之旨。糾子傳
誣失。曰通鑑綱目前編。至皇朝成化中。命大學士
商輅等依朱文公義例。即宋元史大綱細目。權衡其
事。爲續通鑑綱目云。乃後世朝野羈窮放阨乏士。博
記所聞見爲書。雖所據已淺。摭撫微細。通之于小說。
寡通方之用。然芟蕪酌雅。辨德彰隱。通人君子。時亦
所不廢焉。嘉靖中。鄭端簡曉法正史作吾學編於

昭代

九朝及遜國時事。揭

皇綱曰大政記表

川爵封世

奪以明功罪表。內閣以崇政本表太宰以重銓衡。
傳文武各臣以垂景範。紀遜國臣節以獎忠義。述天
文以嚴修省。述地理以辯經略。述三禮述百官以秩
祀典。辯職掌。考四夷比虜以大聲教。嚴邊備。義類森
然。爲明史記。陳東筦建。倣荀氏漢紀。撰皇明通紀。
於人才風俗政體邊防。三致意焉。視宋李燾長編。有
過無不及矣。蓋正史編年史。霸史若野史。總之於四
庫。隸史集本。漢劉歆輯略而名。然代未嘗以集名書。
東京後乃有撰集古昔。若當代人。所爲賦頌箴銘古
近體詩。若書疏序記。他雜文類編之。曰類集。人各集。

所著撰爲輯曰別集。然總之二端。辭令論叙本乎著作。導揚諷詠達乎比興。著作者流蓋出於書之謨訓。易之象繫。春秋之筆削。要主於典厚精純。深理義爲之本。比興者流蓋出於虞夏之咏歌。商周之風雅。要在溫柔敦厚。調性情以爲經。蓋周官敎國子以六詩。被以成化。春秋諸侯卿大夫交接鄰國。咸以微言相感。稱詩以喻志。而識者用以別其人之賢不肖。觀國盛衰於爲繫已重。而夷考其詩。則二南十三國風雅頌之辭也。非必其自賦也。孔子曰。不學詩無以言。傳曰。不歌而誦謂之賦。登高能賦可以爲大夫。謂其賦

物觸事幾應言。適辭非已。出音繇心。生可觀。可群。可與圖。事故可以爲大夫也。故誦詩三百。以達於政。而能言。其後聘問。詠歌。不行於列國。而賢人逸士。齊寧戚楚。接輿采葛婦。失志自傷之辭作。則已漸於楚聲矣。及楚臣屈原。旣放逐。而離騷作焉。離騷者。猶離憂也。屈平陳堯舜之耿介。稱湯武之祇敬。誠桀紂之猖披。傷羿澆之覆敗。正志直行。竭忠盡智。以事其君。而讒人間之。可謂窮矣。信而見疑。忠而被謗。能無怨乎。屈平之作離騷。蓋自然怨生也。國風好色而不淫。小雅怨誹而不亂。若離騷者。義無之矣。自疏濯淖汙泥之

中蟬蛻濁穢以游於塵埃之表。皜然泥而不滓者也。

允斯志也。與日月爭光可也。

宋景文歎之曰。離騷爲辭賦祖。猶至圓不能加

規。至方不能加矩矣。

其後宋王唐勒景差之徒出。而楚聲大昌。

漢興高皇帝尤好之。行幸沛。召父老故人子弟飲沛

宮。縱酒。帝擊筑自爲歌詩。今大風篇是也。湯湯乎風

漢聲。此洪源哉。又傷戚夫人不得志而悲哀。爲作鴻

鵠歌。亦楚聲。當是時。唐山夫人依楚聲造房中樂。然

無二南風化之本。獨主於饗神。孝惠二年。使樂府令

夏侯寬備其簫管。更名安世樂。而賈誼枚乘各善爲

辭賦。猶之古風。迨武帝定郊祀之禮。制樂府。有練時

日帝陶青暘朱明西顥玄冥惟泰元諸篇皆侍臣司
馬相如等畧論律呂以合八音之調蓋時假雅頌多
爾雅之文而依違於楚聲其軍樂曰鼓吹鐃歌曰短
簫鐃歌鳴笳以和之。簫鐃如鈴無舌周禮以金鐃
止鼓以鼓吹作鐃止之而名其
上之回戰城南之篇好公戰激義死皆漢聲雄高蓋
漢都關中本秦敢毅武戰之風而高文景蓄力靖民
者三世武帝因用激發爲雄武故民忘其死焉。漢樂
有四
有黃門鼓吹天子所以燕群臣有殿中御飯食舉七
曲大樂食舉十三曲本小雅而辭皆不傳惟短簫鐃
歌乃鼓吹之一章亦以錫有功準采薇杖杜迄今存
焉其相和曲絲竹更相和而執節者爲之歌其琴曲
九引十二操曰琴操而後世
平調清調瑟調清商曲祖焉當是時天子好音樂而

甚嫺於辭。既封禪。發卒塞決河。閔焉有顓神憂民惻
恒之心。作瓠子歌。幸河東祠后土。燕中流歎甚。賦秋
風辭。皆楚聲。善端此其萌哉。而時樂府總齊楚趙代
之音。命協律都尉李延年。以曼聲協焉。而漢聲大備。
然崇雅黜浮。視國風已蔑矣。

齊歌曰謳吳歌曰歆楚歌曰豔浮歌曰哇徒歌

曰謳廣雅曰聲阡陌里巷相和曰謳皆總之樂府王
曾慶云古曰章今曰解解有多少當是先詩而後聲
詩敘事成文故諸曲調解有辭有聲而大曲又有豔
有趣有亂辭者其歌詩聲者若羊吾常伊邠何之類
是也豔在曲之先亂在曲之後是時相如爲上林子
亦猶吳聲前有和後有送也

虛大人等賦侈麗宏衍視楚聲稍劣而自爲漢賦之

祖楊子雲少好詞賦悉力模擬之而晚乃大悔曰雕

強小技壯夫不爲也。或曰：諷。楊子曰：諷平諷，諷一而
勸百也。或問之曰：詩人之賦麗以則，辭人之賦麗以
活。如孔門用之，則賈誼登堂，相如入室矣。如不用何？
有志乎其言之也。蓋古詩亡久矣，獨楚傳、帝孟依於
諷諫義主匡君。比其在鄒進退之際，確如也。可謂曰
詩。玄成自効，又其次也。而是時蘇李枚乘實始倡五
言。今觀十九首若錄別諸篇，至情篤義，深裕冲悠，婉
轉附物，圓渾無迹，溫柔敦厚，有六詩之遺焉。李善謂十九章
詞兼東都，非盡乘詩，其冉冉孤生竹一篇，則傳毅之
辭也。○詩也者，持也，所以持人之情性，而止於理義
也。銘者，名也。觀器正名，辨物審用，貴盛德也。箴者，鍼
也，所以療疾防患，喻鍼石也。頌者，容也，美盛德形容

也。讚者明也。颺言明事而嗟歎以助辭也。湯盤有銘。武刀劍戶牖席左右端皆有銘。臧武仲曰。天子令德。諸侯計功。大夫稱伐。則銘之變也。用以永名也。周太史辛甲命百官官箴主閼。爰有虞箴。頌主告神。義必純美。讚亦頌之變也。皆詩之旁執。依韻以立言者也。至建安黃初。作者衆。奮差

謝深渾而骨力適上。魏武智沈而勇深。用能以樂府之雄高。發四言之沉鬱。徐禎卿曰。美哉乎。壯而猶賤。賤也。王弼州曰。曹公莽莽。古直悲涼。短歌苦寒。憫勞盡下。憂思慕賢。以能得天下之材力而成其功。上者錯宵雅之辭於已篇。用如已出。何識力之兼詣也。子桓小靡聲變而哀。其公讌諸作。留連光景。宋梁風浸。浸乎開源矣。又衰世叔運。終鮮粹才。應瑒巧思。透迤。

夫之靡靡陳琳意氣鏗鏘之風人之度仲宣流寓荆楚思禮度義慨愾善懷有風人之思焉。旣爲丞相掾。賦從軍詩。尊魏公元后。有從吏而無匡拂。又何靡也。陳思處危疑之際。沉於酒自晦。而讓德莫白。終蒙其難。扼腕流涕。轉徙悲歌而不能已。今觀瑟調怨歌。煮豆曲。贈白馬浮萍等篇。當凜不自保之時。恭順仁惻。終無一毫怨尤之心。可謂達理矣。甄后塘上。朴茂真至。猶之古聲。而魏其亡乎。兄弟夫婦之間。又何其已甚也。嗣宗身處魏晉之際。憂讒畏譏。故每有憂生之嗟。廣以曠達。時有風刺。而文多隱避。百代而下。難以

情測也。鐘參軍嶠曰。嗣宗詠懷之作。洋洋乎會於風雅。使人忘其鄙近。斯爲不佞矣。晉混三維。天告不饗。宣淫構亂。生民焦燬。哲士幽戮。而風危以哀。茂先勵志言良於行矣。而華實不副。太冲述史。振衣濯足。思壯難任。而風人之度。遂微其時乎。其時乎。至劉越石。盧從事贈答之作。則愴其傷焉。王弼州曰。磊塊一時。涕淚千古。亡徵見矣。乃宋齊梁陳諸國風。君艷於彌藻。臣托於放慢。俗淫於佚女。始也玄言終焉。色澤至新聲代變。而玉樹後庭花靡靡之樂作焉。蓋開源於王何。夷曠誕弛。至六代而極。元經傷之曰。晉宋齊梁陳亡。蓋傷之也。

傷中國之不復競也。掃地而求更新，乃符秦元魏風
則氣殷志雄，虎視狼息，矯不可回。恢恢乎車鄰鐵駟
之遺焉。傳稱曾大事者，必於東南而收功實者，常於
西北。不其然耶？其陶徵君乎？崔文敏有言：陶靖節潔
身如嵇康而安，遜保如孫登而平，放志如阮生而法
六朝，無良材詞浮靡而論玄虛，出言深覲，希志洙泗。
數百年間，斯文而已。唐宗邁迹，基運昌明，混一六季。
俯視百代，時之作者，其旭日始旦，雖雖鳴鴈乎？薛少
保郊陝篇，遂綽有古風。陳拾遺曾倡高雅，研精名理。
思旨微矣。至明皇帝諸詩，親親賢賢，文經武緯，儉約

勅已良牧撫人九經三重之道略具張曲江應制賦
函谷關過晉陽宮送錢張燕公送採訪朝集使諸篇
柔澹者思冲雅其音温文洽以澤也至在郡諸作憂
危慘慄則慄然悲其不終詩可以觀不其然乎大都
貞觀末品格漸高景雲中頗通遠調至開元而體法
風骨大備近代推挹乃古詩於漢魏亦既離而去之
雖自成唐調高者猶可被管弦入咏歌而十九章之
温柔建安之典厚殆盡其近體於古體又去而遠之
雖自成唐調而上局聲病下嚴俳儷性情益邈古道
湮焉明皇晚好溺音薰被成俗令才人依樂工拍節

爲辭短長而度曲焉。謂之新聲。亦曰詩餘。淫艷猥褻。而漢樂府之道又盡。乃其代擅偏長。人操獨至。則有之。七言古詩。其來自古。栢梁燕歌倡之上。飯牛四愁。諷之下。然而未暢也。乃至唐而暢。李白遠別離蜀道。難等篇。窈窕惆悵。參差詰曲。遠托騷人。近涉樂府。幽錯鬼語。寄興不測。使人一唱三歎。旁皇哀慕而有餘思。杜甫大篇短章。廣賈猛起。意有獨造。辭無不可。奇正開闔。雄飛雌伏。倒垂直上。各極其態。大者攄忠宣憤。使人忼髀激烈。歛歛欲絕。而有餘悲。沈_佺宋_之沿_期梁陳聲。深研精練。穩順聲勢。爲律詩祖。王弇州曰。律猶音律。法律。

天下吳嚴焉、不得任情而度明矣、五十六字、如魏明
帝凌雲臺、材木銖兩悉配乃可、五言律差易得、雄渾
加以二字便費力、雖曼聲可聽、而古色漸希、七字爲
句、字皆調、夫八句爲篇、句皆暢穩、雖復盛唐、代不數
人、人下開元天寶間、漸格而上、神境旁薄、興寄綿邈、
數首、

李翰林之俊逸、王右丞之高秀、岑嘉州之奇峻、高常
侍之深厚、竝稱正宗、而杜公絕識宏力、意完神全、有
聲有色、有骨有力、有香有色、而臭味和之、其開闔宕
蕩、足擬史記論贊、豈無利鈍、而懷古秋興、諸將等篇、
足以命令前人、掩抑千古矣、至五七言絕、雖爲近體、
實本樂府古辭、王少伯、李太白、特稱高妙、神境混合、
瀕洞無迹、雖其季晚、託意愈深、寄情彌遠、句眇韻約、

而抑揚開闔之間有足泣鬼神而感千古者。楊用修謂唐樂府本古題而意或近。其絕句體本近而意實遠。欲求風雅之彷彿者。惟此近之。非虛語也。槩之則初唐如晨光霽色。霞采熹明。盛唐如芳野春工。匪直鮮妍。展其勃益。元和而降。漸於靡蕪。施及有宋。終莫能振。故漢之無騷也。唐之無賦也。宋之無詩也。天也。雖欲反之。道無繇至。譬之春禽入夏。而變響。秋蟲撫節而增悲。與運推遷。莫之自覺。而體格聲音之變盡於此矣。唐音既闕。宋風不競。而有學有師。駸駸爲盛。邵翁闢天倪。而擊壤有集。朱苞絡宇宙。而感興成篇。

夫非詞人之詩也。而固儒人之詩也。交讓則雙美。交形則兩傷。其輕之靡後。其軒之非揚。乃詞家頗以理語誹之。古烝民物則之詩。不理語乎。則旣與關雎覃葛列之經矣。尚論者。毋亦左視于斯馬。以上詩集自虞廷命九官。命十二牧。肇命官之制。後因爲冊爲誥爲勅。其湯誥盤庚大誥多士多方敷大命於天下。詔制昉焉。禹徂征胤征。而訓戎有誓。禹臯陶益稷矢謨。阿衡陳訓。太保旅獒。而上之諭告璽書批答。下之論諫風諭章疏權輿於此矣。以至論說辭序。則易統其首。箴銘祝誄。則禮總其端。傳記銘檄。則春秋表其義。他

雜文各有稟質。無非經者。自周衰。王迹熄。而訓誥命
誓不及於天下。僅見於左國所載。諸諭告論諫之辭。
寥乎耗矣。然先王之遺澤。未泯。士習深厚。風諭論議。
婉而章。肆而隱。曲而中。從容委曲。而意獨至。其陳制
申典。明道秉義。忠而無諂。直而有體。庶幾哉。閭閻侃
侃之風格。人碩哲。清明開先。覩影識形。見微知著。所
謂國有司命。匪神惟人也哉。雖其億中時獲。亦知類
通達。何其遠也。乃劉康公之語申。語命。齊司空之語
敬。語學。北宮文子。鄭子太叔之語威儀。語禮。魯敬姜
之論勞逸。懿哉粹乎。於道也篤。深下及戰國。樂生之

報燕惠。李斯之諫逐客。爲近代書疏之首。一則直據
肝膽。忠貫天日。一則曲譬事理。義格暴主。亦其美也。
漢承秦滅學之後。復於簡質。而風氣以完。高皇帝詔
令。恢恢乎有朴略弘遠之風。文皇帝仁默恭恕。祇上
天體群臣。子萬姓。不異四夷之至意。怒然結乎人心。
而敬明內恕。迄彌留不替也。於制詔爲近經。武帝選
言弘奧。制策典則。多爾雅之文。體大而思深。卽賜侍
臣嚴助。吾丘等書。又何雄厚也。王言之體。斯爲盛。其
時儒雅踵生。鬱有鴻采。賈傳之雄。高董相之雅。馴太
史公之雄深渾厚。爲漢文極盛。施及宣元。匡稚圭劉

子駿揚子雲之倫格王正事。固非經義墓墳宗典溫
文各爛如也。詎非世近古俗醇質未靡濫。士無異學
滑之。而然與當是時。人未有別集。史未列文苑。高文
大篇。獨班班見之漢書中。而後世類先代爲輯。畢前
茅標焉。則實之不可掩也。故先漢之無文也。非無文
也。夫人而能爲文也。後漢書實始傳文苑。競新濫而
文益下衰。至陳隋而極。然江統之徙戎。裴頠之崇有。
陸機之序豪士。賦于令昇之論晉紀。治軌百代。保國
長世。恒必繇之。亦可謂得理事之閫範矣。唐承六代
之弊。文麗猥不振。貞元元和。中詩始降。而文昌昌黎

韓文公愈挹群言之統。淳畜磅礴。恢奇奧博。而深養
氣爲之本。其指事陳理。辨異端。尊孔孟。卒澤於道德。
仁義炳如也。柳柳州之奇偉。李文公之雅奧。亦其次
焉。至五季隨靡。宋歐陽文忠脩本以德心弘度。襄之
直節偉幹。而極意於孟韓。其文往復百折。而條達無
難色。急言極論。而紆徐容與。有不盡之思。曾文定輩。
宗經正學。若有聞於道之槩者。其文如三代宿儒。復
起九原。矢口所陳。皆盛世禮樂。人未或前聞也。當是
之時。蘇氏父子起眉山。以文章震天下。而其學合縱
橫。虛寂而一之。其陳政指事甚辨。而危言劇上古爭。

臣難焉。王荆公安石文稱峻潔矯世厲俗之意嶄然。乃卒蹶於用。蓋道散久矣。人士類闇於道之大原。各以其識之所及為至。輒自持論。即聖經天道不信。顧牽以從已。雖高賢名儒患之。故議論有餘。事實不足。視漢文淳質簡遠之風又遠矣。

崔後渠曰。南宋之文氣浮而詞削靡。故國

益弱。甚者如秋楊之華。祇章其索然。○王弼州口。六經也。四子也。理而辭者也。兩漢也。事而辭者也。錯以理而已。六朝也。辭而辭者也。錯以事而已。大都唐宋來。詔制奏疏之文。代

有。而習俳識陋。遠遜於古往。別集所著。獨精於序記。諭著碑誌之文。又其一變。以昌黎之古心直道。當史職不任。而苟為其文。於順宗實錄見之。柳柳州誅之。

宜文之不振也。

按秦更命曰制、改書曰奏、漢初定儀王言四等、一曰策書、策封王侯、二曰

制書、施於赦命、三曰詔書、詔詔百官、四曰勅書、勅戒州郡、策者、簡也、制者、裁也、詔者、告也、勅者、正也、而詔誥職在尚書、其賜四夷若迂臣、鄭重其事、封以玉璽曰璽書、文帝賜南越王佗璽書、答鼂錯璽書、是也、唐宋曰批答、其政化得失、宣制策大迂問焉、其臣下陳言、亦有四等、曰章、曰奏、曰表、曰疏、章者、明也、詩曰、爲章于天、奏者、進也、曰奏劄、曰奏狀、皆敷下情進于上也、表者、標也、謂標著事緒、如表標景而明也、疏者、疏也、科條事目、如疏川理河也、議之言宜也、盡諮詢之用、審事宜也、其陳便宜慎機密、慮有宣泄、囊封以進曰封事、其應詔陳政獻說曰對策、曰射策、而糾罪邪有按劾、曰奏、曰彈文、唐宋及今、名體時異、均以宣上言而達下情、其書記序說、論解、原七發、問對之類、皆依文立義、周民用焉、書者、舒也、臣僚敷奏、知舊往後以舒布其胸臆者也、記之言志也、主記事、講遺忘也、亦本經有記、記經之大意、若所或遺也、序者、緒也、本詩有序、以言有倫序而名、亦序事也、論者、倫也、爾雅

解以解刺爲義，評以評騰爲體，辨以決剖疑難，原以
據本宗趣，議以警其違，贊以明其意，引題辭以倡其
端，題跋識以標其尾，曰發，曰對，曰問，皆極意往復以
盡其辭，曰雜著，則隨文以標其旨者也，其用之公府
則有奏記奏牋，用之黎庶則有譜籍簿錄，用之徵信
萬民則有契券疏牘，用之百官則有關有牋有移文，用之
表也，記者志也，規書表而名，譜者普也，記序世統資
周普也，籍者藉也，藉者借也，春秋司籍歲借民力條
之板也，簿者圃也，文書類聚史簿之列，情僞如草木
區以別也，錄領也，以編簡領名數也，徵召防僞曰符
三代玉璫，漢世金竹符是也，契者結也，券者束也，堅
明約束，備情僞也，古一書而中分之，稱判書小券短
書曰疏，疏者布也，移者易也，短命資移，命易以解也，
關者關也，關審庶務出入，猶門關也，牋者牒也，議政
未定，短簡編牋咨之，其密事曰籤，籤者密也，狀者貌
也，詔列事情可見如狀貌也，辭者舌端之文，通已於
人者也，檄軍書也，師行指時挈事章勝昭威以壯先
聲曰檄，師有功書勲伐次第露板不封，昭布視聽曰

露布也。其大者叙事之辭曰傳。傳者傳也。美其人德善勲名故傳而永之也。本史列傳而名。碑者碑也。在宮廟本麗牲有碑而名。在丘墓本豐碑以寔而名。皆列其事勒諸石使不朽而名也。誌者記也。狀者貌也。先賢表謚並有行狀。謂記其善行形容也。謚議者議謚也。謚者行之迹。美不可溢故議之以懲惡而勸善也。表者標表之也。碑碣表揭於外宜詳誌。座於中本直述其世系歲月名。家爵里而已。埋銘墓記又其畧也。誄累也。哀死累其行誄之。亦曰哀辭。而祭死者有文。祭神亦有文。則人道生死幽明終始之故備矣。

聖代鴻朗登於周漢

高皇帝神聖天授。方微時。目不徵書。下集慶後。顧嘉意於文事。長歌短篇。操筆輒韻。鏗鏘有建安風。親撰

制詞。簡質高古。一洗俳偶之習。而是時佐命謨弼之臣。宋文憲濂。以文章名世。磅礴深渾。已時漸於先漢。

沿傳之文詩始萌芽而劉文成基。取裁漢魏高亮峻朗亦時軼宋唐而上之。他如高季迪啓。劉子高崧黃子邕蕭之倫。上者格力深重。不卽風調諧美光嶽合而六音復完。斯孰爲之也。

仁宣二聖。右文崇儒。而楊文貞士奇。敦厚先質。以文雅潤色鴻業。迨于

英憲之世。風氣未開。士俯胥程棐。利心理語。迷文顯則猶欲工而未能。後益熙洽。至

孝皇之世。而文治大昌。李文正東陽爲次相。最久招徠徵引。旣工且富。而一時名勝。或慕昂龍。或悅元和。文

宗歐陽高乃韓柳猶未能漸格而上於是李北地獻
吉何信陽景明徐吳郡昌穀之倫此驚於先秦兩漢
之文游精於秦漢割正於六朝執筌於雅謨參變於
諸子則北地其大矣其時心學益暢下視詞章而習
摹近代爲文詩者頗誹其意卑語塞爲文章飢餒然
浮曜之氣結爲英華莫可閼抑迄于嘉隆之世濟南
江東拔茅以前家有結撰人競揚奮巨者垂天焜者
曜日高者岱霍卑者鄒嶧自辭賦樂府迫于歌行律
絕自碑銘金石迄于卮言禠說上宗經誥下乃秦漢
遠尚屈宋近乃古選李憲使攀龍有言擬議以成變

化而盛德日新。爛然於左馬曹劉。母烈矣。嗚呼。上世
之文典以厚。其義精。叔世則麗猥。盛世之文深以渾。
其氣完。衰世則激肆。治世之文簡以朴。其古遠。亂世
靡濫而已矣。惟人也亦然。才士之文鬯其失也傲。碩
賢則謹。達士之文曠。其失也誕。格人則核。狷士之文
節。其失也戾。元夫則平。牴於見者其氣爭。憑於勢者
其辭濫。湛於欲者其義鄙。殉於能者其志矜。乃心天
而造。則文約義博。氣冲旨澗。窮高遠之而測深原至矣。
不可有加矣。經是已。故考其文。知其世。察其言。知其
德。觀於集而道其可知也。彼以辭焉而已者。陋已虛。

車已已而為文者溺淫而已矣。類書本史書志。志天

官。地理。禮樂。政刑。典章。經制之務。代有因革。而廢興

理亂。條貫終始。未始不相因也。儒者綜絡古今。原本

終始。類聚臚列之。而百世可知。施於文為通儒。措之

事為達政。斯其美矣。唐杜佑通典。宋鄭樵通志。宋馬端臨通考之類。即分門

類物。而采古今文詞。博附之。得用者如取若携也。唐藝

文類聚初學記 韓子曰。記事者擻西要。纂言者鈎玄宋玉海之類 音

謂是乎。曲士溺於事而不知其道。悅其華而忘其實

學。彌廣志。彌惑多。而愈亂。此功 苦而離此難 成譜。謀家出春

秋。而掌於內史。奠繫世之官。自炎共與肇姬姜之姓。而

因生賜姓。胙土命氏。雖天子之子。不皆著姓焉。蓋其

重也。

章俊卿曰。衆仲曰。天子建德。因生賜姓。胙土而命之氏。諸侯命族。以字爲氏。以謚爲氏。充賜伯

禹姓曰姁。氏曰有夏。伯益姓曰姜。氏曰有呂。禮傳曰

姓所以繫百世之正統。氏所以別子孫之旁出。族則

以氏之所聚而已。然氏又謂之姓。故大傳言繫之以

姓。又言庶姓別於上。則氏與姓一也。氏又謂之族。故

羽父爲無駭。隱公命爲展氏。則氏族一也。蓋別姓則

爲氏。氏則有族。族無不同氏。氏有不同族。故八元八

凱出於高陽氏。高辛氏謂之十六族。是氏有不同族

也。商氏條氏徐氏之類。謂之六族。陶氏施氏之類。謂

之七族。宋之華氏。謂之戴族。向

氏謂之威族。是族無不同氏也。其後或以國。周虞夏殷

宋衛之類。或以邑。祭尹蘇毛樊

其原召之類。或以官。司馬司寇宗

諡。莊文康武桓

威閔簡之類。或以族。楚昭屈

景之類。或以王父之字爲氏。

魚侵豐

狐之類。而族姓漸廣。周衰或以所居

東門桐門以門傳嵇蒙橋以山

之類或以生次

孟仲叔季第五之類

或以德

冬日老成之類

抑又廣迨戰

國兵爭列國滅世其民各以舊國為姓漢而下則又

有賜姓以人皆有姓又後世益崩亂百宗蕩析華夏

夷貊冠冕輿臺之姓混為一區蓋冥莫知其原唐張

說元行冲韋述宋鄭樵為譜學引源著流為姓族著

錄然研覈有之而猥雜何得盡信也大都古姓氏必

推其本同而後世必別其末異寶所世傳謹所可知

以原本追遠類族辨物見親疎之殺恩義之等固其

重也談者迹本始以為博偽者冒所附以自揚甚者

假郡望以自蔽謬矣小學蓋古比閭族黨少儀內則

之教而領於司徒之官。教之謹言動。正容止。習動作。進退禮義威儀之則。習誠慤恭讓。端聖功之本。而開廣知識。時教之六書。一曰象形。二曰指事。三曰諧聲。四曰會意。五曰轉注。六曰假借。象形者。規形成象。日月之類是也。指事者。形不可象。即事可指。上下之類是也。諧聲者。以形事意。取聲相成。江河之類是也。會意者。比類合誼。止戈爲武。人言爲信。是也。轉注者。轉音以注。因爲別字。老壽考考之類是也。假借者。類言同字。借爲別用。能朋之類是也。蓋史頡所著五百四十字。今說文徧旁是也。許慎分居每部之首。斯謂字母。故六書有子母相生之義焉。有文字相間之辨焉。象形指字文也。會意諧聲字也。轉注假借文字俱也。象形指事。一也。象形別出爲指事。諧聲轉注亦一也。諧聲別出爲轉注。二也。母合爲會意。一子一母爲諧聲。而要之以象形爲本。形不可象。則屬諸事。事不可指。則屬諸意。意不可會。則屬諸聲。聲則無不諧矣。又不足而後假借生焉。

與五射五御五禮五樂九數之文。皆小學而教。今不傳。世傳爾雅。以爲周公之書。蓋用釋經。而周史教學童。有史籀篇。古制書必同文。不知則闕。問諸故老。孔子曰。吾猶及史之闕文也。蓋傷其寢不止也。秦李斯作蒼頡六章。趙高作爰歷七章。太史令胡毋敬作博學七章。皆明六書。漢興。太史試學童。能諷書九千字以上。乃得爲史。以六體試之。課最者。上尚書御史。其後司馬相如。作凡將篇。黃門令史游。作急就篇。楊雄作訓纂。班固續之。爲百有三篇。無複字。而六藝群書所載略備。東漢許慎作說文十五篇。首一經亥各有

部屬而制書之義益詳。宋王安石因之。發其意之所
悟爲字說二十卷。上之楊。祭酒時條闕之以爲害道。
蓋傷其說多謬巧。雜以佛老。非盡倫於理也。然於字
學則思過半矣。其序言文者奇偶剛柔雜比以相承
如天地之交故謂之文。字者始於一
二。而生生至於無窮。如母之字子。故謂之字。其形聲
有義。而一本於自然之文。其表言書之用於世久矣。
先王立學以敎之。設官以達之。置使以喻之。禁誅亂
名。豈苟然哉。凡以同道德之歸。一名法之守而已。蓋
物生而有情。情發而爲聲。聲以類合。皆足相知。人聲
爲言。述以爲字。字雖人之所制。本實出於自然。鳳鳥
有文。河圖有畫。非人爲也。人則效此。故上下內外。初
終前後。中偏左右。自然之法也。衡表曲直。耦重交拆。
反缺倒仄。自然之法也。發歛呼吸。抑揚合散。虛實清
濁。自然之聲也。可視而知。可聽而思。自然之義也。以
義自然。故仙聖所宅。雖殊方域。言音乖離。點畫不同。
譯而通之。其義一也。道有升降。文物隨之。時變事異。

書名或改、原出要歸、亦無二焉、乃若知之所不能與、
思之所不能至、雖非即此而可證、亦非舍此而能學、
惟天下之至、乃朱文公類古今立教明倫敬身之要、
神爲能究此、而廣之稽古、徵之嘉言善行爲書、俾始學者有所興
起、固小學指南矣、字畫本於卦畫、而莖於史官、蓋伏
羲畫八卦、如儀象森然、爲文字之祖、黃帝時、史頡頏
文字、以代結繩、用以遂滋、宣之王迹、則百工以叙、載
之方冊、則萬品以明、用施于三代、伏羲時有龍瑞、命
朱襄氏作龍書、神
農感嘉禾之瑞、作穗書、黃帝感卿雲見、作雲書、高陽
氏作科斗書、古以竹挺點漆、書竹簡、而名、自是堯作
龜書、禹作鐘鼎書、時有務光者、作倒薤書、周史佚感
駒虞而作虎書、感鸞鸞赤雀火鳥作禽書、感白魚作
書魚及周宣王大史籀、取倉頡形意損益同異、轉相

合。爲大篆。亦曰籀篆。

今石鼓文是也。

孔子修六經。皆用科斗。

古文。戰國殊軌。文字乖別。有芝英鳥迹。款識諸書。而

異體文字。與夫秦而下。苟趨簡易。爲小篆。爲隸。

李斯取籀

篆省改。爲小篆。世謂之玉筋篆。又下壯人程邈。逮于

理。從微中上章言。文牘繁多。難用篆。請爲書。趨約易。

取便。隸佐曰隸書。又曰佐書。始皇

大悅。出以爲御史。使定書行之。爲八分書。曰漢隸。

上谷王次仲

已鍾繇王羲之。變體爲今隸。復推秦爲古隸。

其後變益新巧。爲楷法。史游爲急就章。損隸規矩。存

字梗槩。本草創而名草。取篇名別之。謂之章草。穎川

劉德昇。以真幾於拘。草成於放。介兩者之間。爲書。謂

之行。言簡易可流行也。蔡中郎邕。見役夫以墜帚成

字。心悅之。歸而爲飛白書。宮殿題署用之。勢既素大宜輕微不

滿曰而六書之變極是矣。大都科斗籀篆。如古治象。

隸佐行草。每下彌放。則古今重慎輕肆之辨也。周官

六藝。孔門游之。烏謂非道哉。程門以耽書札爲畧志。

而純公作字時甚敬。曰。卽此是學。嗚呼深矣。晉衛恒字體贊

曰黃帝之史沮誦舍頡眡彼鳥跡始作書契紀綱萬事聖法立制帝典用宣質文著世爰暨暴秦滔天作戾大道旣泯古文亦滅魏文好古世傳丘墳歷代莫發真僞靡分大晉開天弘道敷訓天垂其象地耀其文其文乃耀粲矣其章因聲會意類物有友日處君而盈其度月執臣而虧其旁雲委蛇而上布星離離以舒光木卉萃尊以垂穎山嶽峩峩而連岡蟲跂跂以若動鳥似飛而未揚觀其錯筆綴簡用心精專勢和體均發止無間或守正循簡矩折規旋或方圓靡則因事制權其曲如弦矯然特出若龍騰于川森爾

下類若雨墜于天或引筆奮力若鳴鳳高飛邈邈翩翩或縱肆阿邪若流蘇懸羽靡靡絲絲是故遠而望之若翔風厲水清波漪漣就而察之有若自然信黃堂之遺跡爲六藝之範先籀篆蓋其子孫隸草乃其魯玄觀物象以致思非言辭之所宜先是蔡邕作篆勢曰鳥遺跡皇頤循聖作則制斯文體有六篆爲直形要妙巧入神或龜文鍼列櫛比龍鱗舒體放尾長短複申頽若黍稷之垂穎蘊若蟲蛇之藏身揚波振擊鷹峙鳥震迅頸脅翼勢似凌雲或舉內投微本濃末若絕若連水露淥絲凝垂下端從者如懸衡者如編杳杳邪趣不方不圓若行若飛跂跂翾翾遠而望之象鴻鵠群游絡繹遷延迫而視之端際不可得見指擣不可勝原研桑不能數其詰屈離婁不能覩其卻問般倕揖讓而辭巧籀誦拱手而誦翰翳篇籍之首曰粲斌斌其可觀摘華艷於紈素爲學子之範先喜文德之弘懿愠作者之莫刊思字體之俯仰舉大略而論旃其隸勢曰鳥跡之變乃惟佐隸蠲彼繁文崇此簡易厥用既弘體象有度煥若星曄鬱如雲布其大徑尋細不容髮隨事從宜靡有常制或穹隆恢廓或櫛比鍼列或砥平繩直或蛺蝶膠戾或長邪用

趣或規旋矩折修短相副異體同勢奮筆輕舉離而不絕纖批濃點錯落其間若鐘簾設張庭燎飛煙薪巖嵯峨高下屬連似崇臺重宇增雲冠山遂而望之若飛龍在天近而察之心亂目眩奇姿譎詭不可勝原研桑所不能計宰賜所不能言何草篆之足算而斯文之未宣豈惟體大之難覩抑將秘奧之不傳耶俯仰而詳觀舉大較而論旃崔瑗作草書勢曰書契之興始自頡皇寫彼鳥跡以定文章爰暨末葉典籍彌繁時之多僻政之多權官事荒蕪勦其墨翰惟作佐隸舊字是刪草書之法蓋又簡略應時論指用於卒迫兼功并用愛日省力純儉之變豈必古式觀其法俯仰有義方不中矩圓不副規抑左揚右望之若崎竦企鳥時志在飛移狡獸暴駭將奔未馳或凌點狀似連珠絕而不離畜怒怫鬱放逸生奇或凌遂端慄若據高臨危旁點斜附似蜩蟬掬技絕筆吹餘綆糾結若杜伯捷毒綠峨螭蛇赴穴頭沒尾垂是故遠而望之崔馬若阻岑崩崖就而察之一畫不可移機微要妙胸時從宜畧舉大較髣髴若斯自隸書之行已久加之行草紛然間出反以篆爲怪難罔

李陽水齋志馬而終莫能有振諸善書者並以真草
名如漢張伯英芝鍾元常繇晉王逸少羲之子子敬
獻之唐初率更令歐陽詢金吾長史張旭顏魯公真
卿之倫張在京洛有求法者第言倍加功力久當自
悟真卿往從學者月餘懇求之旭不言良久乃左右
眄睞拂衣起真卿從入東林竹院小堂旭踞牀坐坐
真卿小榻謂之曰筆法玄微難妄傳授非志士高人
詎可與言今以授子可須思妙乃曰天平謂橫子知
之乎真卿思而對曰常聞長史示令每爲一平畫皆
須令縱橫有象非其謂乎長史乃笑曰然已而又問
曰直謂縱子知之乎曰豈不謂直者必縱之母令邪
曲之謂乎曰然均謂間子知之乎曰掌蒙示以間不
容光之謂乎曰密謂際子知之乎曰豈不謂簾鋒下
筆皆令宛成不令其踈之謂乎曰鋒爲末子知之乎
不謂以末成畫使其鋒健之謂乎曰力謂骨體子知
之乎曰不謂趯筆則點畫皆有筋骨字體自然雄媚
之謂乎曰輕謂屈折子知之乎曰豈不謂鈞筆轉角
折鋒輕過亦謂轉角爲闇過之謂乎曰決謂索掣子
知之乎曰豈不謂爲索爲擊決意擇鋒使不怯滯令
險峻而成乎曰補謂之不足子知之乎曰豈不謂結

構點畫有失趣者則以別點畫旁救之謂乎曰損謂有餘子知之乎曰豈不謂趣長筆短形雖不足常使意勢有餘矣乎曰巧謂布置子知之乎曰豈不謂欲書先預想字形布置令其平穩或意外字體今有異勢乎曰稱謂大小子知之乎曰豈不謂大字蹙之令小小字展之爲大兼令茂密所以爲稱乎長史曰子言頗皆近之矣夫書道之妙煥乎有古字外之奇言不能盡世之書者宗二王元常不啻呪筆法之妙謂獻之古肥旭謂之今瘦古今既殊肥瘦頗反芝鐘巧趣精細殆同機神肥瘦古今豈易致意逸少學鐘勢巧形容及其獨運意疎守緩譬猶楚晉習夏不能無楚又子敬之不逮逸少猶逸少之不逮元常學子敬者畫虎也學元常者畫龍也子其勉之工精力勤當自妙矣真卿又請曰幸蒙長史傳授筆法敢問工書之妙如何得齊古人旭曰妙在執筆令其圓轉勿使拘攣其次在布置不慢不越巧使合宜其次紙筆精佳其次諸變適懷縱捨覲矩五者備矣然後齊於古人子筆法傳之老舅彥遠曰昔者悅書苦學有功而跡不至褚河南曰用筆如印泥畫沙思所以未後

陳之狀、明利媚好、乃悟用筆如錐畫沙、使其藏鋒、畫乃沉著、當其用鋒、常欲使其透過紙背、真草用筆、悉如畫沙、其道至矣、真卿再拜、遂巡而退、遂以名世、其後長沙僧懷素、姓錢氏、精心筆法、魯公見之、深加獎歎、好事者咸作歌詩以贊之、張禮部謂云、奔蛇走虺勢入座、驟雨狂風聲滿堂、盧員外舟云、初疑輕烟澹古松、又似山開萬仞峰、王永州邕云、寒猿飲水撼枯藤、壯士拔山伸勁鐵、朱處士遙云、筆下惟看激電流、字成只畏盤龍走、許御史璵云、志在新奇無定則、古瘦纏纏半無墨、醉來信手兩三行、醒後復書書不得、戴御史叔倫云、心手相師執轉奇、詭形怪狀翻合宜、人人欲問此中事、懷素自言都不知、魯公常問懷素曰、草書豈牽似古釵脚、真卿微笑不應、經數月辭去、真卿曰、師豈學古釵脚、何如屋漏痕、懷素乃大詫服曰、貧道觀夏雲奇峰、悟變化無常勢、又遇壁拆之路、悟一自然、宋興黃太史庭堅、米南宮芾、書體尤縱恣、觀之變化揮霍、莫可控搏、若非法度所得、拘攣者徐而察之、俯仰向背之理、固森然於法也、國朝起善書致大官者、永樂中有華亭沈學士度、宣德中有南城程侍郎南雲、嘉靖中、姜侍郎必江、度書婉麗飄

逸、雍容矩度、兼善篆八分、八分尤高古、渾然漢意、南
雲四體具稱善、時宣宗留意文翰、至手撫其背、視
其書、然度襟宇澄澹、風韻蕭散、貞靜不苟、附南雲亦
小心慎密、結主知、爲時所稱、其後雲間陸學士深
以爲經術之不明、繇小學之不振、小學之不振、繇六
書之無傳、於是取前代書家之論著輯之、作書輯十
篇、王大理世貞、上述書源、下述書體、書品、書評、書估
旁采咏贊八法、文詩、泛紀書蹟、金石刻、述古今法書
苑十韻學本於音律、而董於樂官、自文字生而有形、
三篇有形、此有聲、聲出而七音具焉、字主形、爲母韻、主音
爲子、形、形也、禮也、音、聲也、樂也、形以目視、音以耳聽、
音也者、禮樂之總、文字之命、聖人所以達耳目聰明
之用於天下者也、故周教六書、諧聲其一、漢樂府有
七始、華始之文、則七音具焉、依在古而來、江左偏安、

辭競流麗爰有韻書實惟四聲

平上入

蓋其禍也其後

梵法流入諸夏用譯佛書實始通七音以盡文字之

變

牙角舌徵喉宮齒商唇羽舌齒之間半商半徵

於是四聲體縱為經如四

時五聲體橫為緯如五運以三十六字為母六十音

為子如環無端相生於無窮

昭代同文總齊聲韻

復古四始七始之音而韻倫之制復完

三十六母見經堅全清

溪輕牽次清皆牙音角

群勤乾全濁端丁顛全清

疑銀研不清不濁透汀天次清

田全濁

泥寧年不清不濁

皆舌頭音徵

知珍

氈全清

徹辰禪次清

澄陳纏全濁

娘紐聯不

清不濁

皆舌上音徵

影因煙全清

曉欣軒次清

匣刑賢全濁

喻寅延不清不濁

皆喉音宮

精

津煎全清

青親千次清

從秦前全濁

心新先

全清

餘錫延半清半濁

皆齒頭音商

照諄專

全清、穿與掀、次清、牀、臻、滂、全濁、審聲類、全清、
禪、辰、常、半清、半濁、皆正齒音、商、幫、賓、邊、全清、
滂、濱、偏、次清、並、俚、便、全濁、明、民、綿、不清、不濁、
皆唇音、重羽、非、分、畚、全清、敷、芬、蕃、次清、奉、墳、
煩、全濁、微、文、滿、不清、不濁、皆唇音、輕羽、來、鄰、
連、日、人、然、皆不清、不濁、半商、半徵、爲舌齒音、
司馬溫公曰、母取其聲音之正、立以爲本、本立則聲
音繇此而生、故曰母、以三十六母、演三百八十四聲
取子母相調之義、是故一氣之出、清濁有次、輕重有
倫、合之以五音、運之若四時、故始牙音、春象也、其音
角、次舌音、夏象也、其音徵、次喉音、季夏象也、其音宮
次齒音、秋象也、其音商、次唇音、冬象也、其音羽、宋學
士漁洪武正韻序曰、人之生也、則有聲、聲出而七音
具焉、所謂七音者、牙、舌、唇、齒、喉、及舌、齒、各半是也、智
者察知之、分其清濁之倫、定爲角、徵、宮、商、羽、以至於
半商、半徵、而天下之音盡是矣、然則音者、其韻、書之
權輿乎、夫單出爲聲、成文爲音、音則自然、協和、不假
勉強、而後成、虞、廷之賡、歌、康、衢之民、謠、姑、未、暇、論、至
如國風雅頌四詩、以位言之、則上自王公、下逮小夫
賤隸、莫不有作、以人言之、其所居有南北東西之殊、

故所發有剽疾重遲之異，四方之音，萬有不同。孔子刪詩，皆堪被之絃歌者，取其音之協也。音之協，其自然之謂乎？不特此也。楚漢以來，離騷之辭，郊祀安世之歌，以及於魏晉諸作，曷嘗拘於一律，亦不過協比其音而已。自梁之沈約，拘以四聲八病，始分爲平上去入，號曰類譜。大抵多異音，及唐以詩賦設科，益嚴聲律之禁。因禮部之掌貢舉，易名曰禮部韻畧，遂至毫髮弗敢違背。雖中經二三大儒，且謂承襲之久，不欲變更。縱有患其不通者，以不出於朝廷，學者亦未能盡信。唯武夷吳棫患之尤深，乃稽易詩書而下達於近世，凡五十家，以爲補韻。新安朱熹據其說以協三百篇之音，識者雖或信之，而韻之行世者，猶自若也。嗚呼！音韻之備，莫踰於四詩。詩乃孔子所刪，舍孔子弗之從而區區沈約之是信，不幾於大惑與？恭惟皇上稽古右文，萬幾之暇，親閱韻書，見其比類失倫，聲音乖舛，名詞臣論之曰：韻學起於江左，殊失正音。有獨用當併爲通用者，如東冬清青之疊，亦有一韻當析爲二韻者，如盧模麻遮之屬，若斯之類，不可枚舉。卿等當廣詢通音韻者，重刊定之。於是翰林侍講學士臣樂韶鳳、臣朱蘄、侍制臣王禕、修撰臣李淑、

編修臣朱右臣趙璦臣朱廉典簿臣瞿莊臣鄒孟達
典籍臣孫貫臣答祿與權欽遵明詔研精覃思壹
以中原雅音爲定復思拘於方言無以達於上下質
正於左御史大夫臣汪廣洋右御史大夫臣陳寧御
史中丞臣劉基湖廣行省參知政事臣陶凱凡六騰
藁始克成編其音諧韻協者併入之否則析之義同
字同而兩見者合之舊避宋諱而不收者補之註釋
則一依毛晃父子之舊勒成一十六卷書奏賜名曰
洪武正韻勅臣濂爲之序臣濂竊惟司馬光有云
備萬物之體用者莫過於字包衆字之形聲者莫過
於韻所謂三才之道性命道德之奧禮樂刑政之原
皆有繫於此誠不可不慎也古者之音唯取諸協故
無不相通江左制韻之初但知縱有四聲不知衡有
七音故經緯不交而失立韻之原往往拘礙不相爲
用宋之有司雖嘗通併僅稍異於類譜君子患之今
聖人在上車同軌而書同文凡禮樂文物咸遵往聖
赫然上繼唐虞之治至於韻書亦入宸慮下詔詞
臣隨音刊正以洗千古之陋習猗歟盛哉雖然旋宮
以七音爲均均言韻也有能推十二律以合八十四
調旋轉相交而大樂之和亦在是矣唐寅曰邵子

謂物理无窮音聲亦无窮惟无窮乃可以配无窮故以音聲起數仰天下古今物理之變聲則起於甲止於庚多良千刀妻宮心之類是也音則起於子止於戌古黑安夫卜東乃走思之類是也與沙門神珙之法稍異神珙則以内外公攝總其聲三十六母總其音法雖不同其於聲音則括盡而無遺矣然有字右聲者雖多而有聲无字者不少必皆以翻功得之翻者翻出其音切者切出其聲如徒公徒丁顛東丁顛謂之翻徒東謂之切也其他无字之音聲如水聲風聲皆可翻切。李滄溟三韻類押序曰辟之車韻者歌詩之輪也失之一語遂玷成篇有所不行職此其故蓋古者字少寧假借必諧聲無弗雅者書不同文俚始亂雅不知古字既已足用患不博古耳博則吾能徵之矣今之作者限於其學之所不精苟而之俚焉屈於其才之所不健掉而之險焉而雅道遂病然險可使安而俚常累雅則用之者有善不善也薛君所爲累押字不見經傳者屬俚見經傳而僻若不可單舉者屬險凡以復雅道而陰裁俚字復古之一事也。鄭樵論楚書曰楚書流入中國代有譌潤之宮不能盡通其古華一音該一字梵一字貫數音故從

衡正倒展轉成圖無非自然之文。梵人別音在音不在字。華入別字在字不在音。故梵書甚簡只是數个屈曲差別不多而有無窮之音焉。故梵有無窮之音而華有無窮之字。梵音有妙義而字無文彩。華字有變通而音無錙銖。故曰此方真教體清淨在音聞。又有所得從見入。故天下以識字人爲賢智不識字人爲愚庸。七音之韻起自西域流入諸夏。梵僧欲以其教傳天下故爲此書。雖重百譯之遠一字不通之處而音義可傳。華僧從而定之以三十六爲之母。重輕清濁不失其倫。天地鳴呼。自上古造書契而來。曷嘗不萬物之音備於此。嗚呼。自上古造書契而來。曷嘗不寶文籍爲世大訓哉。伏羲神農黃帝之書謂之三墳。山墳氣墳形墳言大道也。少昊顓頊高辛唐虞之書謂之五典。言常道也。夏后商周之書雖設教不倫。雅誥奧義其歸一揆。歷代寶之以爲大訓。八卦之說謂之八索。

索者求其義也。九州之志謂之九丘。丘聚也。言九州所有土地所生風氣所宜皆聚此書也。周官內史掌邦國之志。外史掌四方之志。掌三皇五帝之書。蓋其重也。遭秦播絕。至漢武之世。設太常太史博士之藏。內廣秘室之府。外置寫書之官。成帝使謁者陳農求遺書於天下。詔光祿大夫向。較經傳諸子詩賦。步兵較尉任宏。較兵法。太史令尹咸。較數術。侍醫李柱國。較方技。每一書竟。輒條其篇目。撮其指意。錄上之。會向卒。哀帝復使向子侍中奉車都尉歆。卒父業。於是歆總群書而奏其七畧。日輯畧。日六藝畧。日諸子畧。日詩賦畧。日兵書畧。日術數

畧曰方技畧爲書三萬三千九十卷而孔氏之舊顧多亡者光武篤好

文雅天下初定輦遺書入洛陽者二千餘兩後於東

觀及仁壽閣集群書藏之使班固傅毅等掌焉明章

及和時陶幸觀閱經董卓之亂而盡魏氏采掇遺亡

藏之秘書而秘書監荀勗分四部總焉甲部總六藝小學等書乙

部總諸子兵法術數丙部總史家雜家丁部總詩賦圖贊至永嘉又成遺書稍流

江左宋文梁武敦悅斯術王儉任昉先後部集而北

魏道武隋開皇頗廣購以存魏道武問博士李先曰天下何物益人神智先

對曰莫如書籍帝曰書籍凡幾如之何集之對曰書契以來世有滋益今不可計人主所好何憂不集乃命郡縣收送平城隋開皇初用秘書監宋弘言遣使分行求遺書上書一卷者命酬絹一疋較爲訖歸之

而異書往往間出已平陳嘉則殿藏書至三十七萬卷武德初有書八萬卷而重複相揉貞觀中

博購書命大臣分爲四類曰經史子集至開元而藏

書彌盛命昭文學士馬懷素崇文館學士褚無量整

比而著錄之

初懷素無量言內庫舊所藏書漸遺逸請繕寫刊較南齊前墳典舊編王儉有

七志後著作弘多隋書所志曾未詳備或古書近出闕而未編或近人浮淺猥雜見錄請檢括著錄於是

詔於東都乾元殿及麗正殿廣采天下異本繕寫之初二人集天下該通文士尹知章等分割撰錄凡五

萬三千九百餘卷唐學者自爲書又二萬卷各有正有副天寶之亂尺簡不存文宗時相鄭覃請四出搜

採而四庫之書復完

宋平諸國盡收其圖書貯三館而庫陋不

稱太宗改創于昇龍門東北曰崇文院中建秘書閣

徙三館書籍充焉宣臨幸覽觀賜從臣及直館宴尋

命以開元四部書目。閱閣中所闕者，四出購之。募有以亡書來上及三百卷者，甄錄酬獎。餘第卷帙多寡，爲差次優賜之。不願送官者，錄其副。

慶曆中以災故改作，命儒臣集

四庫爲籍，命曰崇文總目，凡三萬六百六十九卷。靖康俶擾，起紹興至嘉定遺書，始十出入九，而直尚文之會，自朝廷至於草野，著作紀述之繁，顧倍於往初，非久蕩然。歐陽脩曰：六經之道，

簡嚴易直，而天人之道備。故愈久而益明。其餘作者衆矣。質之聖人，或離或合。然精粹閎博，各有其造。而怪奇偉麗，往往震發於其間。此其能使好奇博愛者，所以不能忘也。然非久磨滅者，亦不可勝數。豈其華文少實，不足以行遠與？而俚言俗說，猥有存焉。亦其

有幸不幸與蓋歎之也。我

太祖高皇帝伐燕。初。詔大將軍收秘書監圖書典籍。

太常法服祭器儀衛及天文儀象地理戶口版籍。即

定燕。詔求遺書散民間者。永樂中。購遺書之官四

出。蓄甚富。正德間。閣學士儲迂和白請。命監生


入秘閣較正。得叙勞入官。而秘書往往流逸於民間。


世宗時。國子監司業言。成均載籍鮮少。請遣官博求以
業學者。


上批答言。經籍充棟。學者誠尊所聞實踐之。卽六經自
足。如不能廣求何益。要歸於空言。罷勿遣大哉。

聖謨信萬世學士指南矣

函史下編卷之十三終







函史下編卷之十四上

明盱郡鄧元錫著

禮儀志上

記禮者有言。大哉聖人之道。洋洋美德乎。發育萬物。峻極于天。優優大哉。禮儀三百。威儀三千。太史公曰。嗚呼。此豈人力也哉。余至大行禮官。觀三代損益。乃知緣人情而制禮。依人性以作儀。其所繇來尚矣。天地具神明之德。陽垂日星。陰竅於山川。播五行於四時。和而月生。故天高地下。萬物散殊。而禮制行矣。流而不息。合同而化。而樂興焉。天尊地卑。君臣定矣。卑

高以陳。貴賤位矣。動靜有常。小大殊矣。方以類聚。物以群分。而性命各正矣。在天成象。在地成形。而物則有定矣。如此則禮者。天地之別也。地氣上躋。天氣下降。陰陽相摩。天地交盪。鼓之以雷霆。奮之以風雨。動之以四時。煖之以日月。而百化興焉。如此則樂者。天地之和也。故大禮與天地同節。大樂與天地同和。和故百物皆化。序故群物皆別。群物皆別。故禮殊事而合敬。百物皆化。故樂異文而合愛。著不息者天也。著不動者地也。一動一靜者。天地之間也。故明於天地之性。而後能制禮樂也。蓋昔者大道之行。天下爲公。

故人不獨親其親。不獨子其子。使老有所終。壯有所
用。幼有所長。鰥寡孤獨廢疾者。皆有所養。男有分。女
有歸。貨惡其棄於地也。不必藏於己。力惡其不出於
身也。不必爲己。是故謀閉而不興。盜竊亂賊而不作。
故外戶而不閉。謂之大同。而至禮原此矣。大道旣隱。
天下爲家。各親其親。各子其子。貨力爲己。於是乎大
人者作。閑之世。及以爲紀。城郭溝池以爲固。禮義以
爲美。以正君臣。以篤父子。以睦兄弟。以和夫婦。以設
制度。以立田里。故謀由此寢。而兵由此弭。禹湯文武
周公。由此其選也。此六君子者。未有不謹於禮者也。

以著其義。以考其信。刑仁講讓。示民有常。如有不繇。此者。雖其在勢者。與衆去之。以爲是衆之所殃也。爾。此夏殷周之所以康也。而去帝者之世。則遠矣。故禮時爲大。順次之。體次之。宜次之。稱次之。堯授舜。舜授禹。而大同。湯放桀。武伐紂。而小康。時也。因天事天。因地事地。因名山升中于天。因吉土饗帝于郊。順也。故祭帝于郊。所以定天位也。祀社于國。所以列地利也。祖廟。所以本仁也。山川。所以儋鬼神也。五祀。所以本事也。故宗祝在廟。三公在朝。三老在學。王前巫而後史。卜筮瞽侑咸在左右。而王中心無爲。守至正也。故

禮行於郊。而百神受職焉。禮行於社。而百貨可極焉。禮行於祖廟。而孝慈服焉。禮行於五祀。而正法則焉。故自郊社祖廟山川五祀。義之修而禮之藏也。蓋言順也。謂順其禮也者。體也。體不備。君子謂之不成人。自然設之不當。猶不備也。故禮者。人之大端。所以固人飢膚之會。筋骸之束。而持其心者也。人體便安逸。爲之大路。越席。以養其體。目好五色。爲之黼黻文章。以養其目。耳悅五聲。爲之和鸞舞象。采齊肆夏。以養其耳。口甘五味。爲之庶羞調劑。養陽養陰。以致其美。情好珍善。爲之琢磨圭璧。禮義文理。以養其意。依以作儀。

而皆以防其滯洩。救其彫敝。故耳目手足百骸五體者。形也。足容重。手容恭。口容端。目容止。聲容靜。頭容直。氣容肅。立容德。色容莊。目以定體。足以從之。目以處義。足以步目。皆心以攝其形而踐性也。禮之善物也。君令臣恭。父慈子孝。兄愛弟敬。夫和妻柔。姑慈婦聽。禮也。君令而不違。臣恭而不貳。父慈而教。子孝而箴。兄愛而友。弟敬而順。夫和而義。妻柔而正。姑慈而從。婦聽而婉。禮之善物也。故朝聘之禮。所以明君臣之義也。聘問之禮。所以使諸侯相尊敬也。覲祭之禮。所以長恩。且明有仁也。鄉飲酒之禮。所以明長幼之

序也。婚姻之禮。所以辯男女之別也。故禮之已亂也。猶坊止水之所自來也。以舊坊爲無所用而壞之者。必有水敗。以舊禮爲無所用而去之者。必有亂敗。故昏媾之禮廢。則夫婦之道苦。而淫辟之罪多矣。鄉飲酒禮廢。則長幼之序失。而爭鬪之獄繁矣。罌祭之禮廢。則臣子之恩薄。而倍死忘生者衆矣。聘覲之禮廢。則君臣之位失。而倍畔侵陵之患作矣。故禮之爲教也微。其止邪也於未形。使人日遷善遠罪而不自知。夫禮有本有文。忠信禮之本也。禮義禮之文也。甘受和。白受采。苟無其質。禮不虛行。君臣上下父子兄弟。

非禮不定。宦學事師。非禮不親。斑朝治軍。蒞官行法。
 非禮威嚴不行。禱祠祭祀。供給鬼神。非禮不誠不莊。
 是以君子恭敬樽節退讓以明禮。故禮也者。體也。體
 也者。理也。理體物而不違。聖人作爲禮以教人。使人
 知有禮。以不過乎物。其善物也。故郊疇于天子。社至
 乎諸侯。函及士大夫。所以辯尊者事尊。卑者事卑。宜
 鉅者鉅。宜小者小。故有天下者事七世。有國者事五
 世。有五乘之地者事三世。有三乘之地者事二世。特
 牲而祭者。不得立宗廟。所以辯積厚者流澤廣。積薄
 者流澤狹也。蓋言稱也。器祭之用。賓客之交。羔豚而

祭百官皆足。太牢而祭。不必有餘。此之謂稱也。先王之制禮也。不可多也。不可寡也。惟其稱也。孔子曰。禮不可不省也。禮不同。不豐不殺。蓋言稱也。君子曰。無節於內者。觀物弗之察矣。察物而不繇禮。弗之得矣。作事不以禮。弗之敬矣。出言不以禮。弗之信矣。故禮也者。物之致也。大饗上玄酒。俎上腥魚。先大羹。貴飲食之本也。饗尚玄尊。而用薄酒。食先黍稷。而飯稻粱。祭饗先大羹。而飽庶羞。貴本而親用也。貴本之謂文。親用之謂理。兩者合而成文。以歸太一。是謂大隆。故尊之上玄尊也。俎之上腥魚也。豆之上太羹一也。利。

爵弗啐也。成事俎弗嘗也。三侑之弗食也。大昏之未
廢齊也。大廟之未內尸也。始繩之未小歛也。一也。大
路之素幘也。郊之麻冕。罍服之先散麻。一也。三年哭
之不反也。清廟之歌。一唱而三嘆。縣一鍾尚拊膈。朱
絃而通越。一也。凡禮始乎脫。略也成乎文。終乎稅。故至
備情文俱盡。其次情文代勝。其極復情以歸太一。天
地以合。日月以明。四時以序。星辰以行。江河以流。萬
物以昌。好惡以節。喜怒以當。以爲下則順。以爲上則

明。

張栻曰。禮器中時順宜。稱四字。各有所指。此編更
不拘泥。雜引各書。自成一片。精論其於四字。或點

綴在尾。或點綴在腰。或點綴一字。或連綴數字。其太
段落。或濶或狹。或半濶半狹。變化圓融。莫知端倪。太

史公曰。至矣哉。立隆以爲極。而天下莫之能益損也。本末相順。終始相應。至文有以辯。至察有以說。天下從之者治。不從者亂。從之者安。不從者危。故禮之貌誠深矣。堅白異同之察入焉而溺。其貌誠大矣。擅作典制。褊陋之說入焉而望。其貌誠高矣。暴慢恣睢。輕俗爲高之屬入焉而墜。故繩誠陳。則不可欺以曲直。衡誠縣。則不可欺以輕重。規矩誠錯。則不可欺以方圓。君子審禮。則不可欺以詐僞。故繩者直之至也。衡者平之至也。規矩者方圓之至也。禮者人道之極也。然而不法法。禮繇禮者。謂之無方之民。法禮繇禮。謂

之有方之士。禮之中能思索。謂之能慮。能慮勿易。謂之能固。能慮能固。加好焉。聖矣。天者。高之極也。日月者。明之極也。無窮者。廣大之極也。聖人者。道之極也。文貌繁。情欲省。禮之隆也。文貌省。情欲繁。禮之殺也。君子上致其隆。下盡其殺。而中處其中。步驟馳騁。廣驚不外。是以君子之性。守宮庭也。人域是域。士君子也。外是民也。於是中焉。旁皇周浹。曲直得其次序。聖人也。故高者。禮之崇也。厚者。禮之積也。大者。禮之廣也。明者。禮之盡也。夫禮。本於大乙。分而爲天地。轉而爲陰陽。變而爲四時。列而爲鬼神。其降曰命。其官於

天也。太上貴德。於爲禮尚矣。自伏羲立媒妁。用儷皮。以聘親成男女。而嘉禮萌芽。炎帝播種。教民潘黍稷。捭豚。汗尊。抔飲。簠。罍。土鼓。致其敬於鬼神。而祀禮昉。有黃帝建六軍。與蚩尤戰于涿鹿。而軍禮興。制裳衣。與九牧倡教。而賓禮作。及其死也。升屋而號。曰。皐某復。悼畧其親而野委。將且爲蠅蚋狐狸食也。反藁裡棺之。而畧禮生。則知禮也者。情性之自然。豈有強哉。至於唐虞。類帝禋宗望。秩徧羣神。而吉禮綦隆。五載一巡狩。輯瑞修禮。羣后四朝。而賓禮昭明。徂征誓師。贊德班師。釐降嬪虞。遏密慕思。而嘉事若凶。軍之禮。莫

不大備。孔子贊之曰。煥乎其有文章。上嘉之也。其命
伯夷以秩宗典禮。和神人上下。命之寅直以清。立三
禮之本。皐陶陳安民之謨。勅典庸禮。命德討罪。一歸
其秩叙章用於天。故承天之道。而彌人之性。禮之大
宗。百王之所慎守也。成周典在周官。經等在儀禮。曲
殺在曲禮。爲嘉會極盛。以吉禮事邦國之鬼神。示以
凶禮哀邦國之憂。以賓禮親邦國。以軍禮同邦國。以
嘉禮親萬民。吉禮十有二。以禋祀祀昊天上帝。以實
柴祀日月星辰。以禋燎祀司中司命。覲風師雨師。以
血祭祭社稷五祀五嶽。以貍沈祭山林川澤。以醵辜

祭四方百物。以肆獻裸享先王。以饋食享先王。以祠
春享先王。以禴夏享先王。以嘗秋享先王。以烝冬享
先王。凶禮五。以喪禮哀死亡。以荒禮哀凶札。以弔禮
哀禍哉。以贈禮哀圖敗。以恤禮哀寇亂。賓禮八。春見
曰朝。夏見曰宗。秋見曰覲。冬見曰遇。時見曰會。殷見
曰同。時聘曰問。殷頌曰視。軍禮五。大師之禮。用衆也。
大均之禮。恤衆也。大田之禮。簡衆也。大役之禮。任衆
也。大封之禮。合衆也。嘉禮六。以飲食之禮。親宗族兄
弟。以昏冠之禮。親成男女。以賓射之禮。親故舊朋友。
以饗燕之禮。親四方之賓客。以脰膳之禮。親兄弟之

國以賀慶之禮。親異姓之國。天純陽。統元氣焉。氣臭
陽也。實柴。禋燎。升。臭陽。凝精于冥漠。以報陽。故以祀
禮接焉。祀之言事也。天爲大德。於報祀無窮已也。蓋
事天明也。地純陰。統元形焉。血。體陰也。貍。沈。鬻。辜。貴
血陰。順其性之含藏。以報陰。故以祭禮接焉。祭之言
至也。察也。地爲至德。祭以致之。蓋事地察也。人得陰
陽之交以生。統元識焉。故春祠。夏禴。秋嘗。冬烝。各以
其時之物享之。裸用氣臭。獻用血腥。肆用血氣之革
也。而黍稷專陰陽之和。精凝其陰。氣升其陽。樂以迎
來。哀以送往。敬欲其幽。愛欲其饗。著存勿忘。欲及交

於惚恍也。故以饗禮接焉。饗之言鄉。去聲也。鄉之斯饗之。此三者。先王所以接三才之奧也。周禮。冬至。祀天於圜丘。太宰掌百官之誓戒。與其具修。前期十日。帥執事而卜日。遂戒。天子親戒百官及族人。太史與群執事。讀禮書而協事。太宰總禮官戒之曰。某日有事於昊天上帝。各揚其職。不恭復大刑。乃習射於澤宮。選與於祭者。是日。王致齋於路之寢室。王府共食玉鬯。人共秬鬯。給淬浴。祀之前日。太宰及執事。眡滌濯。大宗伯蒞玉鬯。省牲鑊。奉玉齋。詔大號。治其大禮。小宗伯贊之。大司樂既宿縣。遂以其聲展之。祀之日。

鷄人夜嘑旦。以詔百官。巾車鳴鈴以應之。典路出玉
路。贊駕說。王皮弁以聽祭報。小宗伯告時于王。告備
于王。王服大裘而冕。戴冕藻十有二旒。玉路錫繁纓
十有再就。建太常十有二旂。龍章而設日月。樂奏王
夏。王馭玉路。犯軼遂驅之。所過之處。人各於田。皆設
燭。不命而聽上。掌次先於圜丘東門外道北。張氈案。
設皇邸。王卽次。立於丘東南西面。太司樂乃奏圜鍾
爲宮。黃鍾爲角。太簇爲徵。姑洗爲羽。鼙鼓鼙鼗孤竹
之管。雲和之琴瑟。雲門之舞。以迎神。奏黃鍾歌大呂
舞雲門。以禮神。禮神之玉以蒼璧。其牲及幣如其玉。

之色。牲用一犢。幣用繒。積柴於丘壇之上。太祝逆牲入太宰贊王牲事。王親牽牲而殺之。實牲體幣帛于柴而燔之。謂之禋祀。乃掃於丘壇而祭。尸服裘而升。尸說者以爲稷尸也。小宗伯逆盥。大宗伯奉之。小臣沃盥。王盥。爵用陶匏。蒲越藁秸以爲席。司徒奉牛牲。大祝執明水火而號。其祝曰。皇皇上天。照臨下土。集地之靈。降甘風雨。庶物群生。各得其所。靡今靡古。維予一人。其敬拜皇天之祐。奏思文。祀后稷。以配天。故郊禋。大祭也。精意以享。精氣氤氲以爲享。不假夫物也。正月之郊。以祈穀。記曰。天子以元日祈穀于上帝。元

辰。天子親載耒耜以耕。其詩曰。明昭上帝。迄用康年。
記曰。啓蟄而郊。郊而始耕。是也。蓋周人之正歲。建子
月也。迎長于郊以報饗。其正月。建寅月也。啓蟄而郊
以祈穀。正月而郊。郊而東作焉。正歲而郊。郊而受朔
焉。蓋其重也。季秋則大饗帝于明堂。宗祀文王以配
之。詩序有合饗天地之樂。而以昊天有成命當之。是
也。合地從天饗。分各專饗也。不合不專。不分不尊。判
合天地之大義。王者父天母地之道也。冬至物之始。
升中于圜丘。大反始而配以祖。季秋物之成。合饗于
明堂。大慶成而配以禰。祖。人之始。禰。人之所自成也。

其四立日。若長至。則饗五帝于四郊。令先立春三日。天子乃齋。立春之日。天子親帥三公九卿諸侯大夫。迎春于東郊。立夏迎夏氣。亦如之。夏季迎黃靈。尊土德。亦如之。立秋立冬之日。迎秋氣冬氣。亦如之。是也。天一氣而五運。合之惟一。分之則青黃赤白與黃靈。而五總之。則大神示也。仲夏則大雩。帝用盛樂。孟冬則祈來年于天宗。蓋王祀天。歲十舉。而郊爲尊。若國有天裁大故。則旅于上帝。柴旅者類也。倣郊所祀帝之禮而行之。其巡狩所至。則柴燔于上帝。告至焉。非典祀無常數矣。王自立社曰王社。爲群姓立社曰大

社。王社在王宮之右。爲王宮社報也。王考室於國中。
立社於右。地道尚右也。對左宗廟言。右陰也。天子專
之。大社在郊。爲大地報。與萬姓興之也。夏日至。于澤
中之方丘。致地示祗物。魁音魁四時。春祈穀于方社。田
祖。夏大禋。冬大蜡。在焉。其詩曰。以社以祊。以御田祖。
以祈甘雨。是也。其王社。王出必告。行反必舍奠。四時
必祭。國有大故。天災則禱。事已則祠。大師宜于社。小
宗伯祝奉社主。以從軍。行必告。戰必禱。師不用命。戮
于社。軍還。獻馘焉。季康子問於孔子曰。舊聞五帝之
名。而不知其實。請問何謂五帝。孔
子曰。昔丘也聞諸老聃曰。天有五帝。五行。水火金木土。分
時化育。以成萬物。其神謂之五帝。古之王者。易代改

號取法五行五行更王終始相生亦象其義康子曰
太皞氏始木何如孔子曰五行用事先起於木木東
方萬物之初皆出焉是故王者則之而首以木德王
天下其次則以所生之行轉相承也問五神曰昔少
皞氏之子有四叔曰重曰該曰修曰熙實能金木及
水重爲勾芒該爲蓐收修及熙爲玄冥顓頊氏之子
曰黎爲祝融龔工氏之子曰勾龍爲土此五者各以
其所能業爲官生爲上公死爲貴神別稱五祀不得
同帝康子曰陶唐有虞夏后殷周不得配五帝意者
德不及上古耶將有限乎孔子曰古之平治水土及
播殖百穀者衆矣唯勾龍兼食於社而稟爲稷神易
代奉之無敢易者明不可與等亦德不可與多也孫
宣公曰歲九祭皆至於天至日圜丘正月所穀五時
迎氣孟夏雩季秋大饗程子曰古者一年之間祭天
甚多春因民播種而祈穀夏恐旱暵而大雩秋則明
堂冬則圜丘凡人子不可一日不見父母人君不可
一歲不祭天豈有三年一親郊之理陳氏曰祀天南
郊之圜丘地上之丘也丘圜而高以象天所謂爲高
必因丘陵也祭地於北郊之方丘澤中之丘也丘方
而下以象地所謂爲下必因川澤也泰壇南郊之壇

也。以之燔柴。泰折北郊之坎也。以瘞埋。言壇則知泰折之爲坎。言折則知泰壇之爲圜。祭祀必於自然之丘。所以致敬。燔瘞必於人。爲之壇折。所以盡文。楊氏曰。五帝與昊天同稱帝。不與昊天同稱天。猶諸侯與天子同稱君。不與天子同稱王。周官祀五帝之禮。有與天同。以極其隆者。有與天異。以致其辯者。皆禋祀。皆服大裘。其所同也。兆帝圜丘。兆五帝四郊。其所異也。周禮祀天。有言祀昊天上帝。有言上帝。有言五帝。大宗伯以禋祀祀昊天上帝。此指統乎天者言之也。司服言祀昊天上帝。祀五帝亦如之。則五帝異乎昊天上帝也。太宰祀五帝。掌百官之誓戒。祀大神示亦如之。則五帝異乎大神示也。肆師類造上帝。封于大神。則上帝又異乎大神也。掌次大旅上帝。張禮案。設皇邸祀五帝。張大次小次。則上帝異乎五帝也。典瑞四圭有邸。以祀天旅上帝。則上帝異乎天也。王氏曰。天無心。一陽之生。天心於是而見。故冬至以祭。天帝無形。五氣之易。主宰於是而見。故于四孟季夏祭五帝。然因其方氣不同。禮物亦異。非天實有五也。至配以人帝。則以繼天受命。各得其氣之盛者當之。而以其時神明之佐。世執其功。首從焉。蓋元后者。天之元

子故事。天之禮。一視其祖考。是故冬至之郊。視祫五帝之祀。視時饗其餘大故大戕大師之類。告禘祠皆與祖廟並舉。一如子孫之事其先王也。後人唯失其爲上天元子之意。若疏遠而不屬。甚有五年一郊者。誤矣。○張奭曰。此言周祀地之禮。中間條目。俱與祀天處相照。而繁簡懸殊。意態各暢。他神示

之祀。春秋迎氣之日。祭日于東郊。祀月于西郊。春分朝日。秋夕夕月。仲秋祭靈星於國之東南。靈星者。歲星也。他若司中司命。飊師雨師。畢兆之于郊。而時祀之。其記曰。天子大采朝日。與三公九卿祖識地德。少采夕月。與太史司載。糾虔天刑。中春。晝擊土鼓。吹豳詩。以逆暑。中秋夜迎寒。亦如之。中春。天子鮮羔。開冰。若籩瀆。若方社。若山林川澤之祀。他次祀小祀。各倣

禋郊血地報陰報陽之禮以行而降殺其儀古天子

宗廟三昭三穆與太祖之廟而七

太祖謂始封之君

蓋依古

而來商書曰七世之廟可以觀德此明德盛者流澤

遠之義也迨七世則去廟而祧而推其有功德者宗

之其廟不毀書無逸所稱殷三宗是也其在周尊文

王爲文世室武王爲武世室不迭毀而後王祧主各

以昭穆叙藏其夾室中其四時之饗春開冰而祠夏

蒐獻禽而禴秋始殺而嘗冬閉蟄而烝其四時祭祀

之序與其禮宗伯掌之太宰掌百官之誓戒與其具

修如郊前期十日帥執事而卜日遂戒如郊太史與

群執事。讀禮書。協事如郊。事親如天也。小宗伯毛六牲。頒于五官。使典奉之。辯六齎。使六宮之人典奉之。辯六彝以待果將。辯六尊以待酌獻。籩人共薦羞之。邊實。醢人共薦羞之。豆實。醢人共五齊七菹。凡醢醕之物。鹽人共苦鹽散鹽。甸師共齎盛。共蕭茅。世婦掌女宮之宿戒。帥六宮之人共齎盛。烹人典鼎鑊。以給水火之齊。隸僕掃除糞灑以待事。祭之前日。大宰及執事。眡滌濯。大宗伯涖鬯。小宗伯省牲。司烜以火燧取明火於日。以鑒取明水於月。以共明齎。明燭明水。大樂正宿縣。遂以其聲展之。世婦比其掌次。張旅幕。

張尸次祭之日。鷄人夜嘑旦以詔音呼百官。巾車鳴鈴

以應之。闔人設門燎。蹕宮門廟門。酒正共五齊三酒

實八尊。幕人以畫布巾幕六爨。世婦涖陳女宮之具。

凡內羞之物。肆師表盞盛。告潔展噐陳告備。太史執

書以次位序。典路出路。贊駕說脫。王衮冕入立於阼。

奏王夏。后副禱入立西序。奏齊夏。大祝逆尸。贊尸禮。

尸服衮冕入。奏肆夏。王及於室而不迎。春祠夏禴。裸

用鷄彝。鳥彝。秋嘗冬烝。裸用斚彝。黃彝。裸圭有瓚。鬱

人和鬱鬯以實彝。而濯之。陳之以贊裸。詔裸將之儀。

與其節沃。王盥。王執圭瓚以獻尸。尸以裸祭之。嘑之。

而奠之。王后以璋瓚亞裸尸。祭之。啐之。奠之。如初。是謂果獻。灌用玉鬯。臭陰達於淵泉。而獻始此也。此初獻再

獻。王乃袒而迎牲於門。牲入門。奏昭夏。王親牽牲。太宰贊之。公卿大夫執幣從。大司徒入告於庭曰。博碩肥腍。王乃麗牲於碑。執鑾刀。啓毛血。以授祝。祝入告幽全。乃殺牲。尸出於室。坐於戶西南面。王在西東面。太宰乃取牲腍脊。燎之。燼炭入。詔神于室。於是王親洗肝於鬱鬯。而燔之以墮于土。謂之制。祭言王親制之以祭也。貴肝。肝。臟之首也。乃升牲首於室中北牖下。尊首也。谷。體之元也。太宰贊王洗玉爵。西酌犧尊。

醴齊以獻腥。王后薦朝事之籩。堂上歌以夾鍾。堂下應以無射。作大武之樂。王后以玉爵東酌犧尊之醴。齊介馬。是謂朝踐。謂詰朝而踐位始行事也。此三獻四獻

於是羹且定矣。大宗伯省鑊。諸子正六牲之體。熟其穀羹。定詔於堂。籩人設饋食之籩。小宗伯逆盥祝。執明水火而號。司几筵設莞筵紛純。加繅席畫純。加次席黼純。席在戶內西方。東面。尸在其北。遷所設於堂上之饌于前。祝以羊酌奠。奠饌南迎尸。主入室。卽席舉奠。羊將祭。祝詔王拜。受尸。尸答拜。祭酒。沛以菁茅。

曰縮酒。尸啐之。奠之。乃坐。於是王以玉爵酌象樽。盞

齊以獻。后薦饋食之。籩以玉爵酌象罇醴齊以獻。是謂饋食。謂饋而食之。追而養之也。五獻六獻尸食訖。王以

玉爵酌朝踐獻尊之。洗齊以醑尸。后薦加事之豆。籩介馬。尸飲七。授祝。祝酌清酒以授尸。尸以酢王。乃設王酢席於戶內。尸授祭。王祭饌。祭黍稷。嘏假。假福王。王祭之。啐之以出。量人與鬱人受卒爵而飲之。內宗薦加籩醢人薦加豆。酌象罇以獻尸。尸酢后如王。是謂朝獻。七獻八獻則孝慈之盡也。於是諸侯來助祭者。以玉爵酌昔酒。備卒食之。三獻合九獻而禮成。凡王及后獻各四。諸侯爲賓者一也。尸飲五。王洗。王爵獻公。

尸飲七。獻卿。尸飲九。獻大夫士。九獻。王降。冕而揄干。
舞大武之樂。以樂尸。九獻之後。爲嗣子舉奠。與諸臣
進獻。更行三爵。爲加爵。用璧散。璧角而旅。酬無算之
爵。行酬事訖。太祝令徹樂師帥學士而歌雍。尸出。嗣
子餞。厥明。更以一牢。繹而祊。繹明日之祭也。已祭矣。
繹思之不獻。更於廟門外。西堂接尸。曰繹。於廟門外。
西室求神。曰祊。其詩曰。自堂徂基。自羊徂牛。蓋堂側
塾。曰基也。記曰。於彼乎。於此乎。則繹祊之義也。自天
子諸侯禮闕。逸不可考。唐開元本。周禮散見六官中
者。類次之如右。又推大夫士少牢。特牲禮。而上臆天。

子禮宜然云爾。然卽少牢特牲禮互異者觀之。勅變不居。以上推天子其義其數。要有不盡於揣搏窺臆者矣。王氏曰。祠禴春夏祭名。禴謂王以圭瓚酌鬱始求神。后以璋瓚酌亞禴。所謂一獻二獻也。鷄春畜爲春祠之羹。朱鳥夏七宿爲夏禴之羹。皆有舟。謂羹下承盤以承載名舟。且以沈溺爲酒戒也。三獻王薦腥。四獻后薦豆籩。此謂朝踐曰朝踐。前此求神至此始行祭事薦之也。獻讀爲犧。犧尊爲犧牛形。兩之者朝踐王與后所用之尊也。五獻王薦熟。六獻后薦豆籩。此謂再獻曰再獻者。對朝踐王后初獻言。籩人所謂饋食也。象尊尊爲象形。兩之者饋食王及后所用之尊也。壘從缶。瓦器也。祠禴皆有之者。加事後諸臣之自酢用之。不敢與王之神靈同尊也。嘗烝秋冬祭名。嘗禴降神之羹曰烝。畫禾稼象秋成。烝禴降神之羹曰黃目。取冬爲黃鐘之宮。以黃金畫目其上。目者清明之氣。言酌於中而清明於外也。皆有舟與春夏義同。朝踐王與后用兩著尊。著尊者。著於地無足其饋食用兩壺尊。言以壺爲尊也。皆有壘。言嘗烝皆

有之。亦加事後。其殷祭曰禘。禘三年而禘。禘者合也。諸臣之所酢也。

毀廟之主。皆陳於太祖。未毀廟之主。皆升而合食於太祖。曰禘也。五年而禘。禘具如禘。又推太祖所自出之帝。於太祖之廟而祀之。而玄鳥降。商。履武啓周。玄鳥生民。閼宮三詩具言之。所自出之帝。莫可名。命之曰感生。帝饗焉。則報本反始之盡也。記不王不禘。孔子曰。知其說者之於天下也。其如視諸掌乎。難言之也。微通天人。徹上下。冥性命之精者。宜不能與於此矣。禘得兼禘。禘不得干禘。故禘大於禘也。國大師旅會同。王前期造于祖。反皆告至。皆有奠。它諸獻。鯨。獻。

含桃、嘗麥、嘗麻、嘗稻、嘗黍。蓋皆倣時祭儀而損益其

文。通典曰：王三年器畢，禋祭之後，祫太祖。來年春，禘

於群廟，將祫祭，前期十日，肆師告期。太宰、大宗、大

史、帥執事而卜日。既卜，司隸隸僕修除糞洒其廟。祭

前夕，於太廟南門之外展牲。庖人告牯，太宰眡將濯

祭器，掌次於廟門外之東，設王及公卿以下幕次。尸

次兼設幄，百司所供之物皆至廟門外。司徒奉牛牲，

司馬奉羊牲，司空奉豕牲。廟各一牢。司烜氏以火遂

取明火於日，以鑒取明水於月，以加五齊。邇人陳四

邇之實，朝事之邇：醴簠、白黑形鹽、臠鮑、魚鱠、饋食之

邇：其實，棗、栗、桃、乾、蓀、榛、實，加邇之實：菱、芡、栗、脯、羞、邇

之實：糗餌、粉食，醢人掌四豆之實，朝事之豆，其實：韭

菹、醢醢，昌本、康、藟、菁、苴、鹿、麋、茅、苴、庾、藟、饋食之豆，其

實：葵、苴、醢醢，脾、枌、蠹、醢醢，蜃、蜃、醢醢，豚、拍、魚、醢醢，加豆之實

芹、苴、兔、醢醢，深、蒲、醢醢，箔、苴、鴈、醢醢，筍、苴、魚、醢醢，羞豆之實

醢醢，食糝食，醢醢人共五齊七菹，醢醢醬，鹽人共苦鹽散鹽

卜史叙昭穆之俎簋，酒正共五齊三酒，以實八罇。司

罇，爇其俎，爇黃、燔、冪人共畫布巾以冪之，烹人共鼎

鑊，及大羹，鉶羹，舍人共簠、簋，甸師氏共盞、盛及蕭、茅

凡后所陳薦玉盞玉敦等物皆九嬪共之獻尸之瑤
爵等內宰共之天府陳國之王鎮大寶器陳於東西
序九服內諸侯及夷狄等來助祭所貢方物珍異等
皆陳於庭司几筵設莞筵紛純加繅席畫純加次席
黼純左右玉几司服共先王尸衮冕共先公尸鷩冕
凡百司所供之物皆太史較數之及教所當置處王
所乘輅雞人呼晨司樂宿懸等一如園丘其日夙興
陳酒齊等室中近北陳鬱鬯鬱鬯之南陳明水明水
之南室戶之內陳泛齊醴齊盎齊室戶之外堂上陳
醴齊而已次堂下陳沈齊沈齊之南陳玄酒玄酒之
南陳事酒昔酒清酒於是大宗伯出高祖以下木主
守祧出先王先公祧主皆入太祖后稷廟中於室中
之與西壁下東面布太祖后稷位尸在東北面太祖
之子於席前之北南面爲昭次昭之子在南方北面
相對爲穆以次而東孫與王父並列直至禰其尸各
居木主之左凡七尸王服衮冕而入奏王夏后服副
禘從王入奏齊夏尸入奏肆夏王乃圭璜酌竿彝鬱
鬯以授尸尸受之灌地祭之以降神乃啐之奠之此
爲一獻次后以璋璜酌黃彝之鬱鬯以亞獻尸亦祭
之啐之奠之爲二獻次奏黃鐘爲宮大呂爲角大簇

爲徵、應、鐘、爲羽、路鼓、路鼗、陰竹之管、龍門之琴瑟、九
德之歌、九韶之舞、皆爲求神、謂之二始、以周人尚臭
故、以鬯臭也、次王出迎牲入、奏昭夏、王親牽牲、太宰
贊執幣而從、乃以牲告庭云、博碩肥腍、王乃親執鸞
刀、啓血毛以授祝、祝入告神于室、幽全之義也、乃延
太祖尸主、坐於室戶外之西南面、主在其右、亦南面、
昭在東、穆在西、相向而坐、主各在其右、王乃親射牲
而殺之、以行朝事之禮、廼延尸於戶西南面、取牲腍
臂燎於爐炭、洗肝于鬱鬯而膳之、以詒神於室、又出
以墮於王次、乃升牲胾于室中、置於北墉、乃薦腥肉
於尸主前、謂之朝踐之禮、王乃以玉爵酌泛齊以獻
尸、謂之朝踐之獻、爲三獻、后於是薦朝事之豆、籩、時
堂上以大呂之調、歌清廟之詩、堂下以黃鐘之調、作
大武之樂、奏大武之時、則歌維清及大武之詩、獻后
稷尸時樂同、降神樂章、歌思文、獻先王先公、大司樂
云、先無射、歌夾鐘、舞大武、以享先祖、樂章、則歌天作
獻文王尸、歌清廟、獻武王尸、歌執競、樂同先王先公、
后薦之後、遂以琖爵酌著罇之醴、齊以亞獻、爲四獻
也、於是堂下樂作時、王從東階而西、酌獻尸、后則從
西而東、酌獻尸、至將薦熟時、先以所薦之饌、設於堂

以告尸主時祝以尊爵酌奠於饌之右此時又取胙
骨及黍稷炳於薌蒿令臭陽達於牆屋既乃迎尸入
室各即席祝取向時所奠尊爵將祭之祝乃詔王拜
尸以安之尸遂坐祭酒啐之奠之於是王又以王爵
酌壺罇盞齊以獻尸謂之再獻爲五獻也時后薦饋
食之豆籩薦訖乃以瑤爵酌壺罇醢齊以亞獻爲六
獻也尸乃食食訖王以玉爵酌朝踐著罇之泛齊以
酌尸謂之朝獻爲七獻也后乃薦加事豆籩尸飲訖
授祝祝酌清酒以授尸尸以酢王乃設酢席於尸內
於是后以瑤爵酌壺罇醢齊以獻尸謂之再獻爲八
獻也太祝乃設饌於廟門外之西室以索祭名爲祊
既九獻王乃冕而摠干戚率羣臣王在東舞大武樂
皇尸又皮弁而舞大夏兼作六代之樂遂行加爵爲
旅酬之始加爵者謂太子及三公之長一人九卿之
長一人用瑩角酌沈齊各行一加爵然後煇胞翟闔
等皆有所賜予於來日又祭名爲繹亦謂之祊其禮
先設饌於廟門外之西室而事尸於堂其祭室之禮
簡而事尸禮大以孝求神非一處也不知神之所在
於彼乎於此乎其禘祭血腥爛熟之先後告堂告室
之差欠胙骨制祭祊室繹堂一如祫祭其神主位奠

玄祿禘志云、大王王季以上遷主、祭於后稷之廟、其
坐位與禘祭同、文武以下遷主、若穆之遷主、祭於文
王之廟、文王居室之與東面、文王孫成王、居文王之
東、而北面、以下穆主、直至親盡之祖、以次繼而東、皆
北面、無昭主、其昭遷主、祭於武王之廟、武王亦居室
之與東面、其昭孫康王、亦居武王之東、而南面、以下
昭主、亦以次繼而東、直至親盡之祖、無穆主也、其尸
后稷廟中、后稷尸一、昭穆尸各一、文王廟中、文王尸
一、穆尸其一、武王廟中、武王尸一、昭尸
共一、其五齊自醴齊而下、四齊而已、其記曰、天子

祭天地。祭四方。祭天下名山大川。祭五祀。歲徧。五嶽。

視三公。四瀆。視諸侯。諸侯方祀。祭山川。祭五祀。歲徧。

大夫祭五祀。歲徧。士祀其先。燔柴於泰壇。祭天也。瘞。

埋於泰折。

折、旋之義、謂方澤也。

祭地也。用騂於犢。埋少牢於泰。

昭。祭時也。祖迓於坎壇。祭寒暑也。王宮。祭日也。夜明。

祭月也。幽宗。祭星也。雩宗。祭水旱也。四坎壇。祭四方也。山林川谷丘陵。能出雲爲風雨。產百材者。皆曰神。有天下者。祭百神。諸侯在其地。則祭之。非其地。不祭也。郊之祭也。迎長日之至也。大報天而主日也。兆於南郊。就陽位也。掃地而祭。貴其質也。於郊。故謂之郊。牲用騂。尚赤也。用犢。貴誠也。大禮必簡。內心而貴誠也。以天下之物。無足以稱其德者。故用之也。器用陶匏。象天地之性也。莞簟之安。而蒲越藁鞞之尚。明之也。蒼璧禮天。黃琮禮地。牲及幣。各如其器之色。報之以其類也。卜郊受命於祖廟。作龜于禰宮。尊祖親考。

之義也。卜之日。王立于澤宮。聽誓命。受諫戒之義也。
獻命庫門之內。戒百官也。太廟之命。戒百姓也。祭之
日。王皮弁以聽祭報。及祭。王被袞以象天。戴冕璫十
有二旒。則天數也。乘素車。貴其質也。旂十有二旒。龍
章而設日月。以象天也。天垂象。聖人則之。郊。所以明
天道也。祭之日。器者不哭。不敢凶服。汜掃反道。鄉爲
田燭。弗命而民聽上。萬物本乎天。人本乎祖。郊之祭
也。大報本反始也。社。所以神地之道也。地載神氣。庶
物露生。天垂象。取材於地。取法於天。是以尊天而親
地也。故教民。美報焉。家主中霤。而國主社。示本也。地

塊然太虛。神氣充焉。爲風爲霆。震動發生。故大社必
受霜露風雨。以達天地之氣也。勝國之社。屋之。不受
天陽也。人非土不立。非穀不食。土地廣博。不可徧敬。
故封土立社。示有尊也。五穀衆多。不可徧禮。故尊稷。
稷得陰陽中和之氣。五穀之長也。惟爲社事。單出里。
惟爲社田。國人畢作。惟社丘。乘供粢盛。所以報本反
始也。故禮有五經。莫大於祭。莫尊於郊。莫大於禘。莫
隆於禘。而祭莫重於齊。致齊三日。散齊七日。致齊於
內。散齊於外。齊者。專致其精明之德。以交於神明也。
典。三禮之本也。天子大蜡八。蜡也者。索也。歲十二月。

大索群物而饗之也。傳以爲蜡神八。昆蟲與焉。諒乎。非也。蜡之祭也。主先嗇。而祭司嗇也。先嗇。神農司嗇。其播種之官也。祭百種以報嗇。嗇。穀神也。饗農。先農之力嗇者也。徑畛涂道路以坊水。曰坊。遂溝洫滄川以道水。曰水庸。爲旱潦備。相穡也。於田之暇。建郵樹表焉。居田畯息耕。曰郵表。暇也。禽獸謂貓虎。古之君子。使之必報之。迎貓虎。爲其食田鼠田豕也。皆有功於穡者也。故蜡之八也。先嗇一。司嗇二。農三。百種四。墜表。暇伍。坊六。水庸七。貓虎八也。其祝曰。土反其宅。水歸其壑。昆蟲毋作。草木歸其宅。則神得職之效也。

既蜡而收民息矣。故既蜡。君子不興功。故蜡之祭也。合萬物爲一體。聚而索饗之。是仁至也。饗各當其功能。是義盡也。年不順成。八蜡不通。義之盡。亦仁也。夫聖王之制祭祀也。法施於民則祀之。以死勤事則祀之。以勞定國則祀之。能禦大菑。能捍大患則祀之。而國有學。必釋奠于先聖先師。及行事必以幣合樂。是禮之殷節也。他諸凶禮。以哀邦國。其別五。一曰哭禮。以哀死亡。死者人終事。國大器。公卿大夫若士喪。各有含襲小歛大歛殯奠。若含禭賻贈之禮。哀之以慎終。葬當大事。則有筮宅啓殯。朝薦車馬明器。及飾棺。

祖奠。遣奠。窆。復土。虞。卒哭。祥禫之禮。哀之以厚終。又制爲斬衰。齊衰。期。齊衰三月。大功。小功。緦。五服之制。哀之以送終。國有饑饉疫癘曰凶札。國逢孽火淫雨曰禍。歲則有荒。禮吊。禮哀之。以振邦國之民。國有城圍師。廂。外寇內訌之變。則有禴。禮恤。禮更其所罨。援其將危。以同邦國之憂。皆主於飾哀。是凶禮也。皇皇乎成周。豐豫泰矣。而不諱圍敗寇亂之爲慮。至明之極也。有賓禮以親邦國。其別八。春朝而圖天下之事。圖事者於春。則春以發慮。秋覲而比邦國之功。比功者於秋。效秋成報功。夏宗陳天下之謨。陳謀者於夏。

夏者大也。謨用大作。冬遇而協諸侯之慮。協慮於冬。冬者終也。慮終者微也。其非時而見曰會。會以發禁。其廢祭。各以其職來見曰同。同以施政。其非時遣卿大夫來聘曰問。問以諭志。王國有慝。侯國卿大夫畢。以其故來。頌曰視。視以除慝。賓客至。各以其禮禮賓之。賓之也者。親之也。易曰。先王以建萬國。親諸侯是也。是賓禮也。有軍禮以同邦國。其別五。國九伐有大師焉。國均地守地政地職有大均焉。國城郭溝池以爲固。宮室以爲安。有大役焉。若講武而田。頌國邑而封。皆以車人之士。伍行之。以伍兩卒旅之法制之。以

禮將之。以用。衆恤。衆簡。衆任。衆合。衆而。衆可用也。禮。衆之紀也。其大師田。大司馬主之。大均。大役。大封。司。空主之。皆司徒率民徒而至。宗伯掌其禮。是軍禮也。嘉禮以親萬民。其別六。禮起於飲食。以飲食親宗族。兄弟。世降一等。綴之恩。而後天親敦。禮始於夫婦。男。二十而冠。女二十而笄。冠笄已而昏。冠以成人。昏合。二姓之好。而後男女親。成王爲世子時。齒於學。有故。舊朋友焉。於燕射立之。賓與賓射。申歡好。而故舊朋。友和而親。四方之賓客至。饗於廟。燕於寢。饗訓恭儉。燕示慈惠。而後遠人懷。王同姓兄弟之國。國大祭。則。

以其廟社之脈。膺殞之。明福同其慶。以交福。王異姓。昏媾甥舅之國。有慶喜之事。則有賀慶之禮。以贊喜。嘉與天下和親。而後能以萬國康。故吉凶軍賓之有嘉也。猶五采之有素。五味之有甘也。所以成人於人道之美。而約之於和樂之極也。而天子有三朝。一曰外朝。秋官朝士掌之。國大事御焉。二曰治朝。夏官司士正其位。王朝夕以視政。三曰內朝。謂路寢之朝。王視朝畢。適路寢聽政。天子路寢五門。其最外曰臯門。詩曰。乃立臯門。臯門有伉。是也。次二曰雉門。雉門旁有觀。春秋書雉門兩觀災。是也。次三曰庫門。以內有

府藏而名。次四曰應門。詩傳曰。王南門曰應。象天文
端門。次五曰路門。則路寢門也。外朝在臯門之內。雉
門之外。王南面。左九棘。孤卿大夫位焉。群士在其後。
右九棘。公侯伯子男位焉。群吏在其後。面三槐。三公
位焉。州長衆庶在其後。左嘉石。達疲民。右肺石。達窮
民焉。朝士帥其屬。以鞭呼趨。且辟禁慢朝。錯立族談
者。而小司寇掌外朝之政。致萬民而詢。一詢國危。二
詢國遷。三詢立君。若有詢。則擯以其叙。進而問焉。以
衆輔志而蔽謀。治朝在路門之外。王南鄉。三公北面。
東上。孤東面北上。卿大夫西面北上。王族故士虎士。

在路門之右。南面東上。太僕太右太僕從者。在路門之左。南面西上。司士擯。孤卿特揖。大夫以其等揖。士旁三揖。王還揖門左。揖門右。王出入。太僕前正位。建路鼓于大寢之門外。掌其政。以待窮者與遽令。聞鼓聲則速。御僕與御庶子。王不眡朝。則辭於三公及孤卿。朝辯色始入。王日出而視之。退適路寢聽政。使人視百官。百官退。然後適小寢釋服。月朔。天子玄端聽朔於南門之外。諸侯皮弁聽朔於太廟。敬之至也。故夏后殷周之盛。官三才。府萬物。備六官。皆命之曰禮。自宗廟社稷百神之祀。宮室車服旗常之制。冕服裳

衣飲食賓祭之節。下逮於州長黨正。族師閭胥。各掌其州黨族閭之教。治政令。而一之於禮。鄉師以正歲。稽其禮器。比其吉凶之服。閭其祭器。族其器。黨州共賓器。鄉共吉凶禮樂之器。冠昏器。祭家之禮也。鄉相見。鄉之禮也。無非禮者。而莫嚴於朝廷。孔子曰。郁郁乎文。又曰。經禮三百。曲禮三千。蓋歎之也。周衰。禮廢樂壞。大小相踰。秦起西戎。位在藩臣。而臚于郊祀。君子懼焉。曰。僭端見矣。其後秦竟以戰攻并天下。而禮學燔滅。漢興。高祖起。禱豐枌榆社。興師。始徇沛。爲沛公。祀蚩尤於庭。以釁鼓旗。以十月入秦。至霸上。立

爲漢王。因以十月爲歲首。色上赤。二年冬。東擊項籍。還入關。問故秦時上帝祠。何帝也。王者對曰。四帝有。白。青。黃。赤。帝之祠。高祖曰。吾聞天有五帝。而四何也。莫知其說。於是高祖曰。吾知之。乃待我而具五也。乃立黑帝祠。名比時。與故四帝祠而五。皆有司進祠。帝不親往。悉召故秦祠官。復置大祝。大宰。如故儀。令縣爲公社。下詔曰。吾甚重祠。而致祭。今上帝之祭。及山川諸神。當祠者。祠之如故。後四歲。天下已定。詔御史令。豐。治。粉榆社。常以春具羊彘祠之。於長安置祠官。女巫。祀百神。其祠然。高祖不說學。所祀祠。不質經。多。

襲故濫淫。時新并天下。悉去秦苛法。爲簡易。羣臣飲
酒爭功。醉或譴呼。拔劍擊殿柱。叔孫通知帝益厭之
也。說帝起朝儀。高祖曰。得無難乎。叔孫通曰。五帝異
樂。三王不同禮。禮者。因時世人情而爲之。節文者也。
故夏殷周之禮。損益可知。言不相復也。臣願頗采古
禮。與秦儀雜就之。帝曰。可試爲。今易知。度吾所能行。
於是叔孫通自往使魯。盡徵魯諸儒生以來。魯有兩
生者不肯行。曰。公所事。且十主。皆面諛。以得親貴。今
天下初定。死者未葬。傷者未起。又欲興禮樂。夫禮樂
所由起。積德百年而後可興也。吾不忍爲公所爲。公

行矣。無污我。叔孫通笑曰。若真鄙儒也。不達時變。遂與所徵三十人。及帝左右爲學者。與其弟子。爲綿葛。野外習之。月餘。請帝試觀。帝曰。此吾能行。乃令羣臣習肄。七年。長樂宮成。諸侯羣臣皆朝。十月。先平明。謁者治禮。引以次入殿門。廷中陳車騎步卒衛宮。設兵張旗幟。傳言趨殿上。郎中俠陛數百人。功臣列侯將軍軍吏。以次陳西方東鄉。文官丞相以下。陳東方西鄉。大行設九賓臚句傳。於是皇帝輦出房。百官執幟傳警。引諸侯王以下。至吏六百石。以次奉賀。自諸侯王以下。莫不振恐肅敬。禮畢。置法酒。諸侍坐殿上。皆

伏抑脅以尊卑次起。上壽觴九行。謁者言罷酒。御史執灋。舉不如儀者輒引去。竟朝置酒。無敢譴譁失禮者。於是帝乃歎曰。吾今日方知爲皇帝之貴也。乃拜叔孫通太常。賜金五百斤。通所定漢儀。尊君抑臣。朝廷濟濟。依古以來。然大抵皆襲秦故。初高祖令諸侯王皆立太上皇廟于國都。惠帝卽位。令郡國立高廟。後以朝長樂宮。及間往。數蹕煩民。作複道武庫南。叔孫通請曰。陛下何自築複道。是高寢衣冠。月出游高廟地也。子孫奈何乘宗廟道上行哉。惠帝懼曰。急壞之。通曰。人主無過舉。今已作。百姓皆知之。願陛下爲

原廟渭北。衣冠月出游。益廣宗廟。大孝之本也。於是
詔有司立原廟。而廟益猥繁。文皇帝在位十三年。制
曰。朕賴宗廟之靈。社稷之福。方內艾安。民人靡疾。間
者比年登。朕之不德。何以饗此。皆上帝諸神之賜也。
蓋聞古者饗其德。必報其功。其增雍五時。路車各一
乘。駕被具。西時畦時。寓車各一乘。寓馬四匹。駕被具。
又詔秘祝官。故移過於下。朕甚弗取。其除之。始名山。
大川在諸侯。諸侯祝各自奉祠。天子宫不領。及齊淮
南國廢。令大祝盡以歲時致禮如故。十四年。詔曰。朕
獲執犧牲珪幣。以事上帝宗廟。十四年于茲。曆日彌

長。以不敏不明。而久撫陶天下。朕甚自媿。其廣增祀。諸壇塲珪幣。皆先王遠施不求其報。望祀不祈其福。右賢左戚。先民後已。至明之極也。今吾聞祠官祝釐。皆歸福於朕躬。朕甚媿之。夫以朕之不德。而專饗獨美其福。百姓不與焉。是重吾不德也。其令祠官致敬。無有所祈。十五年。黃龍見成紀。詔曰。異物之神。見于成紀。母害于民。歲以有年。朕幾郊祀上帝諸神。禮官議。母諱以朕勞。於是夏四月。始幸雍。郊見五帝祠。衣尚赤。又采方士新垣平之言。立渭陽五帝廟。親郊祀。平受誅。廢親祠。命祠官以時侍祠焉。當是時。賈生數

爲帝言漢當改正朔。易服色。定制。度禮樂之事。令草具其儀。而大臣絳灌之屬。皆害之。雖帝亦以爲繁禮飾貌。無益於治躬化。謂何耳。事遂寢。景帝卽位。詔宗祀孝文皇帝。下群臣議。議者言世功莫大於高皇帝。德莫盛於孝文皇帝。高皇帝廟宜爲帝者太祖之廟。文皇帝廟宜爲帝者太宗之廟。父子宜世世獻祖宗之廟。制曰可。於是詔郡國各立太宗廟。諸侯王列侯侍祠。武帝卽位。始招致文學儒術之士。議立明堂城南。以朝諸侯。草封禪巡狩儀。改歷律服色。而尤敬鬼神之祀。元光二年。行幸雍。郊見五帝。後常以三歲一

郊。郊獲一角獸。有司言。陛下肅祗郊祀。上帝報享。錫一角獸。蓋麟云。於是天子言。今上帝朕親郊。而后土無祀。則禮不答也。下有司。太史談祠官寬舒議。於是立后土祠於汾陰睢。上帝親祠。如郊雍。濟北王以天子且東封。上書獻泰山旁食邑。天子以它縣報償。而常山王以罪廢。常山入漢爲郡。然後五嶽畢具在天子之郡中。當是時。諸方士言神祠。誕不經。無數。而古郊社宗廟山川之祀。亦因是稍舉。不盡廢。然內史黯面質帝。以爲內多欲。而外施仁義。於治無益也。宣帝以武帝正統興在位。尊武帝廟爲世宗廟。掌所行幸。

郡國皆立廟告祠。十二年。下詔曰。蓋聞天子尊事天
地。脩祀山川。古今通禮也。間者。上帝之祠闕而不親。
十有餘年。朕甚懼焉。於是始幸甘泉。郊泰畤。幸河東。
祠后土。制詔太常曰。夫江海百川之大者也。今闕然
無祠。其令祠官以禮爲歲事。祠江海雒水。爲天下祈
年。自是五嶽四瀆。皆一禱而三祠云。戾太子者。武帝
皇太子據也。娶史良娣。產子曰史皇孫。皇孫妃曰王
夫人。皆以巫蠱事及於難。而宣帝以皇曾孫得立。初
卽位。下詔曰。故皇太子在湖。未有號謚。歲時祠。其議
謚。置園邑。丞相義等議以爲禮。爲人後者爲之子。故

降其父母。不得祭。尊祖之義也。陛下以孝昭皇帝後承祖宗之祀。制禮不踰閑。謹行視孝昭帝所爲。故皇太子位在湖史良娣冢。在博望苑北。親史皇孫。位在廣明郭北。謚法曰謚者行之迹也。臣愚以爲親謚宜曰悼母。曰悼后。比諸侯王國置奉邑三百家。故皇太子謚曰戾。置奉邑二百家。妃曰戾夫人。置守冢三十家。園置長丞。周衛奉守如法。以湖閼鄉祁里鄠爲戾園。長安白亭東爲戾后園。廣明成鄉爲悼園。改葬焉。後八歲丞相相等言。禮父爲士。子爲天子。葬以士祭以天子。悼園宜稱尊號曰皇考。立廟。因園爲寢。時薦

享。益奉園民滿六百家。以爲奉明縣尊戾夫人曰戾后。置園奉邑。及益戾園民各三百家。元帝時祖宗廟在郡國者六十八。而京師自高祖下至宣帝。與太上皇。悼皇考。各自於陵旁立廟。并爲百七十六園。各有寢。有便殿。日祭於寢。月祭於廟。時祭於便殿。寢日四上食。廟歲二十五祠。便殿歲四祠。而月又一游衣冠。昭靈后。武哀王。高祖兄昭哀后。高帝姊孝文太后。孝昭太后。衛思后。戾太子戾后。各有寢園祠。御史大夫貢禹上議言。古者天子七廟。今孝惠孝景廟皆親盡宜毀。他諸郡國廟不應古禮。宜正於是。下詔曰。朕聞明王

之御世也。遭時爲法。因事制宜。往者天下初平。遠方未賓。因廣親親。以立宗廟。蓋建威銷萌。一民之至權也。今賴天地之靈。宗廟之福。四方同軌。蠻貊貢職。久遵而不定令。疏遠卑賤。共承尊祀。殆非皇天祖宗之意。朕甚懼焉。傳不云乎。吾不與祭如不祭。將軍列侯中二千石。二千石。諸大夫。博士。議郎。議丞。相。玄。成。御史大夫。弘等七十人。皆議曰。臣聞唯聖人爲能饗帝。唯孝子爲能饗親。立廟京師之居。躬親承事。四海之內。各以其職來祭。尊親之大義也。詩云。有來雍雍。至止肅肅。相維辟公。天子穆穆。春秋之義。父不祭於支。

庶之宅。君不祭於臣僕之家。王不祭於下土諸侯臣等。愚以爲宗廟在郡國。不經宜無修。於是罷郡國祖宗廟。因罷昭靈后。武哀王。昭哀后。衛思后。戾太子戾后。園皆不奉祠。裁置吏卒守焉。已。復下詔言。蓋聞明王制禮。立親廟四。而祖宗之廟。萬世不毀。所以明尊祖敬宗。著親親也。朕承祖宗之重大禮。未備。戰栗恐懼。不敢自顯。其與將軍列侯中二千石二千石諸大夫博士議。丞相玄成等七十人奏議言。禮王者始受命。諸侯始封之君。皆爲太祖。祖廟不毀。下五廟而迭毀。毀廟之主藏乎太祖。五年而再殷祭。蓋禘祫也。祫

祭者。毀廟與未毀廟之主。皆合食於太祖。父爲昭。子爲穆。孫復爲昭。古之正禮也。祭義曰。王者禘其祖之所自出。以其祖配之。而不廟。言始受命而王。祭天。以其祖配。而不爲立廟。其親盡也。立親廟。以親親也。親盡而迭毀。親踈之殺。示有終也。故受命之君。躬接于天。萬世不墮。繼祖而下。五世則遷。上陳太祖。間歲而祫。數不過五。其道應天。臣愚以爲高帝受命定天下。宜爲帝者太祖之廟。世世不毀。後屬盡者宜毀。今宗廟異處。昭穆不序。宜入就太祖廟。序昭穆如禮。大司馬車騎將軍許嘉等二十九人。以爲孝文皇帝除誹。

謫去肉刑。躬節儉。不受獻。罪人不孥。不私其利。出美
人。重絕人類。賓賜長老。收恤孤獨。德厚侔天地。利澤
施四海。宜爲帝者太宗之廟。廷尉忠。以爲孝武皇帝。
改正朔。易服色。攘四夷。宜爲世宗廟。諫議大夫更始
等十八人。以爲皇考廟。上序於昭穆。非正禮。宜毀。於
是帝重其事。爲依違者一年。乃下詔言。高皇帝爲天
下誅暴除亂。受命而帝。功莫大焉。孝文皇帝。削亂秦
之迹。興三代之風。百姓晏然。咸獲嘉福。德莫盛焉。高
皇帝爲太祖。孝文皇帝爲太宗。世世承祀。傳之無窮。
朕甚樂之。孝宣皇帝。爲孝昭皇帝後。於義壹體。孝景

皇帝廟及皇考廟。皆親盡。其正禮儀。玄成等奏。高皇
帝爲太祖。孝文皇帝爲太宗。孝景皇帝爲昭。孝武皇
帝爲穆。孝昭皇帝與孝宣皇帝俱爲昭。皇考廟親未
盡。不宜毀。太上孝惠廟。皆親盡。宜毀。太上廟主宜瘞
園。孝惠帝爲穆。主遷太祖廟。寢園皆無復脩。奏可。明
年玄成復言。古國君之母。非適不得配食。薦於寢。身
沒而已。陛下躬至孝。承天心。建宗廟大禮。孝文太后。
孝昭太后。寢祠園宜如禮。勿復修。奏可。而玄成薨。匡
衡爲丞相。帝寢疾。夢祖宗譴罷郡國廟。帝少弟楚孝
王亦夢焉。詔問衡。欲復之。衡深言其不可。已。帝疾久

不平。衡皇恐禱祠于高祖孝文孝武廟。具陳所爲改作。應五典之義。且言如令所改。非禮義之中。遠祖宗之心。咎盡在臣。衡當受其殃。大被其疾。隊在溝瀆之中。皇帝至孝肅慎。宜蒙佑福。又告謝毀廟。而帝疾終不瘳。乃盡復諸所罷寢廟園。皆修祀如故。元帝崩。丞和衡奏言。前以上體不平。故復所罷祠。卒不蒙福。請罷祠勿修。已與御史大夫譚奏議言。帝王之事。莫大乎承天之序。承天之序。莫重於郊祀。故祭天南郊。就陽之義也。瘞地北郊。卽陰之象也。天於天子。因其所都而告饗焉。往者孝武皇帝居其泉宮。卽雲陽立泰

時祭於宮南。今常以行幸長安郊。見皇天。反北之太陰。幸汾陰祠后土。反東之少陽。事與古制殊。又雲陽行谿谷中。吮嘔。且百里汾陰。則渡大川。有風波舟楫之危。非聖主所宜數乘。郡縣治道供張。吏民困苦。百官煩費。勞所保之民。行危險之地。殆未合於承天子民之意。昔周文武郊於豐鄘。成王郊於維維維。繇此觀之。天隨王者所居而饗之。可見也。其泉泰時河東后土之祠。宜可徙置長安。願與群臣博議。大司馬車騎將軍許嘉等八人。以爲所從來久遠。宜如故。右將軍王商博士師丹議郎翟方進等五十人。以爲古兆於

南郊。定天位。祭地於泰折。在北郊。就陰位。各在王都之南北。明王聖主。掌以事天明。事地察。而神明章矣。長安聖主之居。皇天之所觀視也。其泉河東之祠。非神靈所饗。宜徙就正陽太陰之處。違俗復古。循聖制。定天位。如禮便。於是衡譚等復奏。其泉泰畤。紫壇八觚。宜通象八方。五帝壇周環其下。又有群神之壇。有文章采鏤黼黻之觀。不能得其象於古。臣聞郊。崇壇饗帝之義。埽地而祭。歌大呂。舞雲門。以娛天神。歌太簇。舞咸池。以娛地祇。其牲用犢。其席橐秸。其器陶匏。皆因天地之性。貴誠上質。不敢修其文也。以爲神祇。

功德至大。雖修精微而備庶物。猶不足以有當。唯至誠爲可。紫壇僞飾。女樂鸞路。駢駒龍馬。石壇之屬。宜皆勿修。又言王者各以其禮制事天地。非因異世所立而繼之。今雍鄜密上下時。本秦侯各以其意所立。非禮所載術也。漢興儀制未及定。即且因秦故祠。今稽古達定天地之大禮。郊見上帝。五帝畢陳。各有位饌。祭祀備具。異時秦所妄造。不當長遵。及北時未定時所立。不宜復脩。天子從焉。是歲衡譚復條奏。長安侯神方士使者所祠。凡六百八十三所。其二百八十應禮。及疑無明文可奉祠。餘四百七十五所不應禮。

或禳重。請皆罷勿修。奏可。明年。衡坐事。免官爵。衆庶多言不當變動祠祀者。而初罷甘泉泰畤作南郊之日。天大風。壞行宮。折榑畤中木十圍以上者百數。天子心異之。問侍中劉向。向對言。家人尚不欲絕種祠物。又則神。況於國神靈舊畤乎。且甘泉汾陰及雍五畤。始立時。皆有神祇感應。然後營。非苟而已也。武宣之世。禮敬敕備。神光尤著。陳寶祠。自秦文公至今。七百餘歲矣。漢興。世世常來。當來時。光色赤黃。長四五丈。直祠下而息。音聲砰隱。野雉皆雊。此陽氣舊祠及漢宗廟之儀。皆祖宗所立。古今異制。經無明文。至尊

至重。難以臆說正也。前始納貢禹議。後因動搖。易大傳曰。誣神者。殃及三世。恐其咎不獨止禹等。帝意頗恨之。後以無繼嗣。故復甘泉河東雍陳寶祠如初。哀帝即位。丞相孔光大司空何武言。永光五年制書。高皇帝爲漢太祖。孝文皇帝爲太宗。建昭五年制書。孝武皇帝爲世宗。損益之禮。不敢有與。諸迭毀之次。當以時定。非今所爲擅議宗廟之意也。臣請下群臣雜議。奏可。而中壘較尉歆議。以爲記王制。及春秋穀梁傳。皆言天子七廟。諸侯五大夫三。士二。天子七日而殯。七月而葬。諸侯五日而殯。五月而葬。此喪事尊卑。

之序也。與廟數相應。春秋傳曰。名位不同。禮亦異數。自上而下。降殺以兩。禮也。七者其正法。可常數者也。宗不在此數中。苟有功德。則宗之。不可預爲設數。故於殷太甲爲太宗。太戊爲中宗。武丁爲高宗。周公無逸。舉殷三宗以勸成王。繇是言之。宗無數也。然則所以勸帝者之功德。博矣。今言天子五廟。無見文。又言中宗高宗。宗其道而毀其廟。名與實異。非尊德貴功之意。詩云。蔽芾甘棠。勿剪勿伐。召伯所茇。思其人。猶愛其棠。况宗其道。而毀其廟乎。迭毀之禮。自有常法。無殊功異德。固以親疎相推。至于祖宗之序。多少之

數經傳無明文。至尊至重。難以疑文虛說定也。昔孝
宣皇帝舉公卿之議。用衆儒之謀。旣已建世宗之廟。
表陳功德。宣布天下。臣以爲武皇帝功烈如彼。宣皇
帝崇立如此。又以七廟言。親未盡。不宜毀。制曰。可。歆
又以爲禮。去事有殺。故春秋外傳曰。祖禰日祭。魯高
月祀。去祧時享。壇墠歲禱。大禘終王。親親之殺。彌遠
而彌尊。故禘爲重矣。孫居王父之處。正昭穆。則孫常
與祖相代。聖人於其祖。出於情矣。禮無所不順。故無
毀廟。自貢禹建迭毀之議。惠景及太上寢園廢而爲
墟。於禮意殊失。司徒掾斑彪曰。漢承秦絕學之後。祖

宗之制。因時施宜。自元成後。學者蕃滋。郊兆宗廟之議。數紛紛不定。何者。禮文微缺。古今異制。各爲一家。未可以偏定也。考觀諸儒之議。劉歆博而篤矣。始成帝末。立定陶王爲皇太子。已卽位。是爲哀帝。於是成帝母。稱太皇太后。成帝趙皇后。稱皇太后。而帝祖母。傳太后。與母丁后。皆在國邸。自以定陶共王爲稱。高昌侯董宏上書言。秦莊襄王母。本夏氏。而爲華陽夫人所子。及卽位。俱稱太后。宜立定陶共王后爲皇太后。事下有司。左將軍師丹。以帝師傳。與大司馬王莽。共劾宏知皇太后至尊之號。天下一統。而稱引亡秦。

以註誤聖朝大不道帝新立謙讓納莽丹言免宏爲庶人乃立楚思王子景爲定陶王奉其王後傳太后大怒日夜泣要帝必稱尊於是追尊定陶共王爲共皇帝尊傳太后爲共皇太后丁后爲共皇后郎中令洽褒黃門郎段猶等復奏言定陶共皇太后共皇后皆不宜復引藩國之名以冠大號宜稱皇又宜爲共皇立廟京師帝復下其議有司皆以爲宜如褒猶言丹獨奏議曰聖王制禮取法於天故尊卑之禮明則人倫之序正人倫之序正則乾坤得其位而陰陽順其節人主與萬民俱蒙佑福尊卑者所以正天地之

位不可亂也。今定陶共皇太后。以定陶共皇爲稱者。母從子。妻從夫之義也。定陶共皇號謚已前定。義不得復改禮。父爲士。子爲天子。祭以天子。其尸服以士服。子亡爵。父之義尊父母也。爲人後者爲之子。故爲所後服。斬衰三年。而降其父母。明尊本祖而重正統也。孝成皇帝聖恩深遠。故爲共皇立後。奉承祭祀。令共皇長爲一國太祖。萬世不毀。恩義已備。陛下旣繼體先帝。持重大宗。承宗廟。天地社稷之祀。義不得復奉定陶共皇之祭。入其廟。今欲立廟於京師。而使臣下祭之。是無主也。又親盡當毀。空去一國太祖不

墮之祀而就無主當毀不正之禮。非所以尊厚共皇也。䟽上忤旨。譴罷歸。於是爲其皇帝立寢廟京師。序昭穆如帝者儀。徙定陶王景爲信都王。示不得爲共皇後也。而丹以丞相博。劾奏妄稱說。抑貶尊號。虧孝道。免爲庶人。其後哀帝夭絕。平旣嗣世。新都侯莽白皇太后發傳后丁后冢。奪璽綬以民禮葬之。定陶殯共皇廟。諸造議冷褒段熲等皆徙合浦。免高昌侯宏爲庶人。而師丹以執忠節。據聖法。端誠於國。見褒封義陽侯。本丹持議獨以依世則違道。寧違俗。危殆不謂禍福。乃效於其後也。莽憤失權。報忤以虐。禍施于

中山太后衛氏見夷。豈不諄哉。平帝時。王莽奏請復長安南北郊。如丞相衡言。而頗改其祭儀。以爲周官天地之祀。樂有別有合。其合樂曰。以六律六鐘五聲八音六舞大合樂。禮天神。祭地祇。祀四望。祭山川。享先妣先祖。四望。謂日月星海也。三光高而不可得親。海廣大無垠。故其樂同。祀天則天文從。祭地則地理從。三光。天文也。山川。地理也。天地合祭。先祖配天。先妣配地。其義一也。天地合精。夫婦判合。祭天南郊。而以地配。一體之誼也。天地位。皆南嚮。同席。地在東。共牢而食。高帝高后。配壇上西鄉。后在北。亦同席共牢。

牲用鬴粟玄酒陶匏。禮記曰：天子籍田千畝，以事天地。繇是言之，宜有黍稷。其旦東鄉，再拜朝日；其夕西鄉，再拜夕月。然後孝悌之道備，而神祇嘉享，萬福降集。此天地合祀，而以祖妣配者也。其別樂曰：冬日至於地上之圜丘，樂九變而天神皆降；夏日至於澤中之方丘，樂八變而地祇皆出。天地有常位，不合饗。此各以其時特祀者也。陰陽之別於日，冬夏至其合也。以孟春正月上辛若丁，陰陽有離合。易曰：分陰分陽，迭用柔剛，宜稱天神曰皇，上帝；兆曰泰時，稱地祇曰皇地后祇。兆曰廣時，分群神類相從，爲五部兆焉。

時三十餘年之間。天地之祠五徙。而王莽篡漢。世祖中興。制郊兆於雒陽城南。采元始中故事。爲圓壇八陛。中爲重壇。天地位其上。皆南向。西上。其外壇爲五帝位。色皆紫。象天紫宮。外爲壝重營。而日月星辰嶽瀆之祀。咸秩在列。配以高祖。二年。乃營北郊。別祀地祇。從以嶽瀆。配以高皇后而分。高皇后者。孝文皇帝母。薄太后也。蓋始遷呂后于園。不得配。郊兆在雒陽城南七里。依於鄠。五帝位。青帝位在甲寅之地。赤帝位在丙巳之地。黃帝位在丁未之地。白帝位在庚申之地。黑帝位在壬亥之地。外壇有四通道。以爲門。日月在中營內。南道。日在東。月在西。北斗在北。道之西。皆別位。不在群神列。中八陛。陛五十八齋。合四百六十四齋。五帝陛。郭帝七十二齋。合三百六十齋。中宮四門。五十四

神合三百一十六神。外營四門。門百八神。合四百三十二神。皆背營內鄉。中營四門。門封神四。外營四門。門封神四。中營神五星。及中宮宿。五官神。及五嶽之屬。外營神二十八宿。外宮星。雷公。先農。風伯。雨師。四嶽。四瀆。名山。大川之屬也。立高廟於雒陽。四時祫祀。祀高祖爲太

祖。孝文皇帝爲太宗。武帝爲世宗。餘諸帝以四時祀。春以正月。夏以四月。秋以七月。冬以十月。及臘。蓋一歲五祠。三年立四親廟於雒陽。祀父南頓君。以上至舂陵節侯。七年議者言周郊后稷。漢系宗堯。當祀堯以配天下。公卿議。侍御史杜林議。以爲周興祚繇后稷。漢崇特起。功不緣堯。傳曰法祖。謂祖宗故事。今所宜率循也。乃定制。以高祖配。後增廣郊祀。高帝配食位中壇上。西面北上。天

地高帝黃帝各用犢一青帝赤帝共犢一白帝黑帝共犢一用犢六日月北斗共用牛一四營群神共牛四凡用牛五中營四門門用席十八枚外營四門門用席三十六枚凡用席二百一十六枚皆莞簟率一席五神日月北斗無陛郭醮其後五官中郎將純純張既送神燔俎實於壇南已地

杜陵人安世後

太僕浮

朱

具疏言禮爲人後者爲之子事太

宗則降其私親今禘祫高廟陳序昭穆而春陵四世

君臣竝列以卑厠尊非禮意也昔高帝以身自受命

不繇太上宣帝以孫後祖不敢顧私親故爲悼考立

廟獨群臣侍祠臣愚謂宜則二帝之舊下有司議於

是大司徒陟大司空融議以爲王者統承大宗宣元

成哀平五帝四世當爲親廟宣元二皇帝尊爲祖

考。宜親奉祠。成帝以下。有司祠別爲南頓君立皇考廟如悼考廟。祭上逮節侯。群臣奉祠以明尊尊之敬。親親之恩。

時議異者史不著

於是下詔言。今宗廟處所未定。

祫祭於高廟。行成哀平祠。祭長安故高廟中。京北尹侍祠。南陽舂陵歲時因故園廟祭。太守侍祠。園廟去太守治所遠者。所在令長行太守事侍祠。孝宣皇帝有功德。其上尊號曰中宗。世奉祠。而天子行幸長安。謁高廟。遂有事于十一陵。行幸舂陵祠園廟以爲常。二十有六年。詔問司空純。博考古祫禘禮典以聞。純對言禮。三年一祫。五年一禘。春秋傳曰。大祫者何。合

祭也毀廟之主皆登合食乎太祖。五年而再殷。漢制
三年一祫。毀廟主合食於高廟。存廟主不列。而禘於
元始五年。嘗始一行。夫三年一閏。天氣小備。五歲再
閏而大備。故五年一禘。禘之爲言諦也。諦定昭穆尊
卑之義也。禘以夏四月。夏陽氣在上。陰氣在下。正尊
卑之義也。三年一祫。祫以冬十月。冬者終也。五穀成
熟。物備時成。斯合聚而饗食之。宜以時如典禮舉行。
後鄭玄又以禘爲太祭。圜丘之名。祭圜丘謂之禘者。
審諦五精星辰也。大祭宗廟亦名禘者。審禘昭穆百
官也。圜丘常合不言祫。宗廟時祫。故言祫。是又以禘
爲圜丘之祭。祫專時祫也。魏王肅以爲禘大於祫。皆
宗廟殷祭。尚書難肅以曾子問。唯祫於太祖。群主皆
從。而不言禘。知禘不合食。肅答以爲禘祫殷祭。群主

皆在、舉合禘則禘可知也、論語孔子曰、禘自既灌而
往者、吾不欲觀之矣、所以特言禘者、以禘大祭、故欲
觀其成德也、禘、禘大祭、獨舉禘則禘亦可知也、於禮
記則以禘爲大、於論語則以禘爲盛、一進一退、未知
其可也、光武時下祭禮、以禘者、毀廟之主、皆合於太
祖、禘者、唯未毀之主、合鄭玄以爲禘各於其廟、原其
所以、夏商夏祭曰禘、然其殷祭亦名大禘、商頌長發
大禘之歌是也、至周改夏祭曰禘、直以禘但爲毀祭
之名、袁淮曰、禘及壇墠、禘及郊宗石室、此所及遠近
之殺也、大傳曰、禮、不王不禘、諸侯不禘、降殺於天子
也、禘、禘同貫、諸侯亦不得禘、然則禘大而禘小、謂禘
爲殷祭者、大於四時之祭、亦大祭也、國語曰、禘郊不
過、藭栗烝不過、把握明禘最大、與郊同也、公羊傳曰、
大事者何、禘、毀廟之主、陳于太祖、未毀廟之主、皆升
合食乎太祖、何謂也、曰、禘及壇墠、則毀廟也、俱祭毀
廟、但所及異耳、所及異、毀與未毀則同、此論者所惑、
鄭謂不同是也、謂禘不及毀廟、則非也、劉歆賈逵同
毀與未毀是也、不別禘禘遠近、則非也、後晉武帝以
肅外孫得位、郊廟禮、一本之肅議以行、自是三年冬禘、五年夏禘、陳毀

主祭之高廟以爲常。

太祖東面惠文武元爲昭景宣爲穆非殷祭惠景昭不祭蓋

世祖定京師于土中營立明堂辟雝于京師未及行。

而明帝卽位以光武皇帝撥大亂中興更起廟上尊

號曰世祖而宗祀於明堂配五帝。

以元帝於光武爲穆尊以考故雖非

宗不毀以爲常五帝坐位堂上各處其方黃帝在位皆如南郊之位光武配位在青陽之南少退西面牲各一犢樂如南郊詔三公曰朕以闇劣奉承大業親執圭璧。

恭祀天地仰惟先帝受命中興撥亂反正以寧天下。

封泰山建明堂立辟雍起靈臺恢弘大道被之八極。

而嗣子無成康之質盥洗進爵踉蹌惟慙素惟頑鄙。

陶事益懼其赦天下殊死以下百僚師尹其勉修厥

禮順行時令。敬若昊天。以綏兆民。已。又采元始故事。
兆五帝郊于雒陽。終帝之世。興學重禮。忠養三老。五
更于辟雝。威儀文物。於是爲盛。而遺詔謙讓。遵儉約。
無起寢廟。藏主於光烈。皇后更衣別室。於是有司言。
孝明皇帝。聖德淳茂。功烈光美。而深執謙謙。無起寢
廟。掃地而祭。除日祀之法。省送終之禮。藏主於光烈。
皇后更衣別室。臣竊以爲室在中門之外。處所殊別。
宜尊廟號曰顯宗。四時禘祫於光烈廟。如孝文皇帝。
祫高廟故事。餘間祀具於室。進武德之舞。如別廟制。
曰可。然自是終漢之世。國大器。不復起寢廟。循故事。

皆藏主世祖廟中。亦已貶挹沒禮矣。建初七年。章帝
耐高廟禘祫。祭光武皇帝。孝明皇帝。禮畢。下詔曰。書
云。祖考來假。予末小子。罔質菲薄。仰惟先帝烝烝之
情。前修禘祭。以盡孝敬。得識昭穆之序。寄追遠之思。
今大禮復舉。加以先帝之坐。悲傷感懷。雖祭亡如存。
而空虛未知所裁。庶或饗之。豈無克謹。肅雍之臣。辟
公之相。皆助朕之依依。今賜公錢四十萬。卿半之。及
百官執事各有差。蓋郊禘賜賚始於此。始殤帝生二
百餘日而崩。鄧太后以帝尚嬰孺。不列主於廟。祭陵
園寢後。冲質二帝。皆以幼冲崩。梁太后攝政。太常馬

防請案殤帝故事。諫大夫呂勃以爲應序昭穆于廟。先殤後順。下公卿大鴻臚周舉議曰。春秋魯閔公無子。庶兄僖公代立。僖公薨。文公祀太廟。躋僖公於閔。上經曰。有事于太廟。躋僖公。傳曰。逆祀也。禮無不順。祀國之大事。而逆之。可謂禮乎。子雖齊聖。不先父食。禮也。及定公。正其序。經曰。從祀先公。傳曰。順事先公。而祈焉。此萬世之法也。今殤帝雖幼。禮爲君爲父。順帝嗣之禮。爲臣爲子。昭穆之序。誠不可以意亂。諫大夫議是。於是下詔曰。孝殤皇帝。雖弗永休祚。而卽位踰年。君臣之禮。旣成。孝順皇帝。承統襲業。而前世躋

恭陵於康陵之上。先後相踰。非所以奉宗廟。垂無窮之制也。春秋善順祀。其令恭陵次康陵。憲陵序親秩禮。爲萬世法。靈帝時。四時祭高廟五主。世祖廟七主。少帝三陵。追爲后三陵。

安帝追尊祖妣宋貴人曰敬隱皇后。皇妣左氏曰孝德皇后。

后。順帝追尊皇妣李氏曰恭愍皇后。

西京高廟。成哀平三主。亦親盡不

祠。惟殷祭之歲奉祠。初平中。董卓在政。有司議迭毀

議郎邕上議言。漢承滅學。宗廟制不稽古。每帝登假

輒立廟。廟無數。元帝時。丞相衡始建迭遷之議。孝宣

議崇武帝廟。稱世宗。大臣夏侯勝猶執異議。格之。至

成帝時。議猶弗定。古人擬正重順。不敢私其君父。如

此其至也。光武皇帝受命中興廟。稱世祖。孝明皇帝參迹文宣廟。稱顯宗。章皇帝至孝。丞丞仁恩博大。廟稱肅宗。方之前世。得禮之宜。孝和而下。功德無殊。而過差時有。義不應宗。嗣帝殷勤。欲褒崇所親。而臣下莫敢有夏侯之直。今聖朝遵古復禮。以求厥中。孝和以下。穆宗威宗之號。咸宜省改。於是詔群廟主五年殷祭。始合食太祖。以遵先典。然逆卓恣睢。和安順桓。親未盡而遽毀。諄也甚矣。自漢興叔孫通定漢禮儀。未盡備而卒。儒者賈誼董仲舒王吉之倫。數建白述舊禮。明王制。建萬世之業。皆寢不行。成帝時。犍爲郡

於水濱得古磬十六枚。議者以爲善祥。劉向因說帝興辟雍陳禮樂。以風化天下。具疏言禮以養人爲本。如有過差。亦過而養人也。刑罰之過。至於死傷。今之刑非臯陶之法也。而有司請定法。筆則筆。削則削。救時務也。至於禮樂。則曰不敢。是敢於殺人而不敢於養人也。爲俎豆莞絃之間。小有不備。因絕而不爲。是去小不備而就大不備也。惑莫甚焉。夫教化之比。刑法。禮樂重而刑法輕。是舍所重而急所輕也。且教化所恃以爲治也。刑以助治。今廢所恃而獨立其所助。非所以致太平也。今俗至敝壞。自京師有悖逆不順。

之子孫至陷大辟受刑戮不絕繇不習五常之道也。夫承千歲之衰周繼暴秦之餘弊民漸漬惡俗貪饕險詖不閑義理不示以大化而獨毆以刑終已不改。故曰導之以禮樂而民和睦斯其義也。帝以其言下公卿議終莫能將明會向卒又罷。元和中章帝有志於禮樂之事下詔續興於是博士曹褒自以世傳慶氏禮承上意欲緒就之上疏言皇天降祉嘉瑞竝臻此制作之符宜定著漢禮丕彰祖宗功德之盛下太常太常以爲一代大典至尊至重非褒一人所得定。帝意終向之復詔言朕以不德膺祖宗弘烈乃者

鳳鸞仍集。龜龍竝臻。甘露嘉穀。赤草之類。紀于史官。
朕夙夜祇畏。無以彰于先功。漢遭秦餘。禮壞樂崩。因
循故事。未可觀省。有知其說者。各盡所能。以襄大典。
褒省諂。歎息謂諸生曰。昔奚斯頌魯。考甫詠殷。皆人
臣依義。顯君竭忠。彰主之美也。當仁不讓。吾何辭哉。
遂上疏。具言禮樂之本。制作之意。下三公。未上。帝召
問玄武司馬班固。固以爲京師諸儒。能言禮意者多。
宜廣招延。其平得失。帝知世儒者多拘攣難與圖始。
乃慨然太息曰。諺言作舍道旁。三年不成。議禮之家。
名爲聚訟。昔堯作大章。一夔足矣。於是擢褒侍中。俾

專領其事。褒乃序次禮制。依準舊典。撰天子至庶人。冠昏吉凶。終始制度。爲百五十篇。上之。頗禱五經。識記之。文會帝崩。終不見施用。而罷。三國分裂。吳魏始嘗一郊。後不復行。晉五郊同稱昊天。而各爲之座。以宣帝配。時議者本王肅言。五帝卽天。以五氣時異。而殊號。非實有五也。又丘郊不應異處。宜合方澤於圜丘。從之。其後摯虞上議。言仲尼稱郊祀后稷。以配天。宗祀文王於明堂。以配上帝。周禮祀天。旅上帝。祀地。旅四望。四望非地。則上帝非天。明矣。郊丘之祀。掃地而祭。牲用繭栗。器用陶冶。事反其始。故配以遠祖。明

堂之際。備物以薦。三牲竝陳。籩豆成列。禮同人道。故配以近考。兆位異體。質文殊趣。天上帝非一神。又明矣。昔在上古。生爲明王。沒配五行。故太昊配木。神農配火。少昊配金。顓頊配水。黃帝配土。而兆之於四郊。報之於明堂。是爲五帝。或以爲五精之帝。佐天育物者也。禮曰。祀天大裘而冕。祀五帝亦如之。五帝非天。抑又明矣。前代相因。莫之或廢。晉初明堂而郊。始從異議。除五帝之位。今宜復祀。奏可。其後本漢鄭玄周禮疏。以北辰耀魄寶。爲天皇帝。以青帝靈威仰。赤帝赤熛怒。黃帝含樞紐。白帝白招拒。黑帝叶光紀。爲

五精之帝。命曰六天。而郊社雜議。緯方士家之言。又本鄒衍五德相勝之說。以爲天之五帝迭王。而王者之興。必感其一。故五精帝祀。感生尤嚴。代承沿莫廢矣。始曹魏廟。僅同堂四室。晉武初。旣追尊祖考爲皇帝。有司請備七廟。帝難其役。命權一廟。於是群臣議以爲上古清廟一宮。尊遠神祇。周制七廟。辯叙宗祧。陛下深宏遠迹。上世臣等愚不能及。往舜承堯受終。文祖後月正元日。又格于文祖。此虞氏不改唐廟之證。宜依虞故。卽魏廟祀祠。奏可。於是追祭征西將軍。豫章府君。潁川府君。京兆府君。與宣景文于魏廟。爲

三昭三穆已乃改營七廟如儀元帝建宗廟于江左
舊儀曠闕尚書僕射刁協議兄弟承代得爲世登懷
帝主而潁川當遷下公卿太常賀循以爲禮兄弟不
相爲後不得以承代爲世殷之盤庚不序陽甲漢之
光武不繼孝成別立廟使臣下奉祠此前代之明典
承繼之著義也惠帝無後懷帝承統第不後兄則懷
帝自當上繼世祖同殷之陽甲漢之成帝而惠帝爲
別廟以遷蓋下世升祔上世乃遷升遷相爲對代未
有下升一世而上毀二世者也今惠帝之崩已毀豫
章懷帝之入復毀潁川如此則一世再遷祖位橫折

求之古義未見其比。且惠帝當出猶未敢輕。况上毀
二祖而無義類乎。夫七廟倣於王氏。從禰以上。至於
六世三昭三穆。并太祖而七也。至尊繼統。豫章六世。
潁川五世。俱不應毀。今上毀二世。則於王氏三昭三
穆已闕其二。甚非宗廟本所據承也。時循與博士傅
純竝以爲惠懷愍宜別廟。而太常恒以爲廟室當以
容主爲限。無常數。殷世有三祖三宗。若以七室爲拘。
則當祭禰而止矣。宜復豫章潁川全七廟之數。於是
元帝手詔言。吾雖上繼世祖。然懷愍二帝實北而爲
之臣。今祠太廟。不親執饋奠。當如情禮何。具議。太常

恒持不可而驃騎長史溫嶠議兄弟不相入廟禮無
 其文光武奮一劍自起不策名於孝平不得爲比且
 其時務神其事以應九世之識非篤義也又古世別
 爲廟今上執義以策名爲言於光武殊科宜別廟奉
 烝嘗則體統正而情安矣詔從嶠議後元帝崩豫章
 遷而元帝神位在愍下故廟有十室後成帝崩康帝
 繼實始以兄弟爲一世祖不遷而增室爲十一簡文
 繼元帝世益進而潁川京兆二主復還武帝時追尊
 祖母會稽王太妃爲簡文宣太后議配食太廟太子
 前率徐遜祭酒臧燾曰不可太后生未嘗伉儷先帝

而配食是子孫爲祖考立配也。尊號正則罔極之情。申別廟建則尊稱之義得。且繫子爲稱。又明貴所繇。一舉三義。不亦善乎。乃別廟宋齊梁陳皆沿晉七廟。而後魏起漢北始鑿石爲祖宗之廟。明元立道武廟。於白登山時親奉。而七廟故事不親謁。至孝文始依古以四孟月謁祠。蓋南北分而禮廢極矣。自漢文遺詔聽群臣日易月除。景帝誤比率遵用。而天子諒闇服喪之禮遂廢。晉武始一行而未盡喪於禮。馮太后者。元魏文皇帝嫡祖母也。帝孝出天性而卓然垂意於三代禮典之盛。馮太后崩。勺水不入口者五日。

哀毀過禮。部郎楊椿諫曰。聖人之禮。毀不滅性。縱陛下欲自賢於萬代。其若宗廟何。帝感其言。爲進一粥焉。於是王公表請。舉紀有數。宜以時定宅兆。帝曰。奉侍梓宮。猶希髣髴。山陵遷厝。所未忍聞。其餘之王公固請。乃聽營葬事。十月。葬永固陵。大尉丕等進曰。臣等老朽。及奉列聖國家舊事。頗諳之矣。願抑至情。以奉舊典。帝曰。祖宗精專武略。未修文教。朕仰承聖訓。慕惟古道。制卒哭之禮。授服衰之變。皆奪情以漸。今旬月之間。而及即吉。得無傷於禮乎。對曰。踰月而塋。塋而卽吉。此金冊遺旨也。帝曰。朕惟中代三年之喪。

所不終遂者。繇君上違世繼主初立。君德未流。臣義未正。故身襲袞冕。行即位之禮。固其所也。朕誠不德在位過紀。足令億兆知有君矣。於此而不循通器之制。遂哀慕之心。使情理俱失。顧不恨耶。閭等請曰。昔柱預有言。古天子無三年之器。蓋漢文之制。閭與古合。所以重宗廟也。帝曰。金冊之旨。群公之請。亦不遇慮廢政事而然。朕今不敢闇默不言。以荒庶政。惟欲衰麻廢吉禮。朔望盡哀誠。庶幾於古三年之器。如預所論。豈其然乎。秘書丞李彪曰。漢明德太后。保養章帝。功德弘深。及后崩。不淹旬。從吉。然漢章不受譏。明

德不損名。且春秋烝嘗。事難廢闕。願陛下察之。帝曰。朕所以眷戀不從公議者。實情不能違。非欲以苟免咷嫌已也。春秋烝嘗。先朝恒以有司行事。朕蒙慈訓。始親饋奠。今昊天降罰。人神褻恃。宗廟之靈亦輟歆祀。脫行薦饗。恐乖冥旨。且平時公卿每稱四海晏安。禮樂日新。可以參美唐虞。今乃欲苦奪朕志。使不踰晉魏。何耶。李彪曰。今雖治安。然江南不賓。漠北未臣。臣等猶懷不虞之慮。帝曰。如有不虞。魯公帶經從戎。晉侯墨衰敗敵。亦聖賢所許。豈可於晏安之辰。豫念軍旅之事。而廢喪紀哉。古人亦有稱王者除衰而諒。

闇終喪者。若不許朕衰。惟當拱默委政冢宰。二事之中。唯公卿所擇。朕當不言之日。不應喋喋。以公卿執奪朕情。遂成往復。追用悲絕。遂慟哭而入。群臣亦哭而出。遂罷議。故事。卒哭後三日。迎神於西禋。惡於北。行吉禮。帝曰。若以遘事神。不迎自至。苟失其道。雖近不來。此在平日所不當行。况居喪乎。不聽。明年三月。謁永固陵。設薦於太和廟。追感哀慟。終日不食。自是始進蔬食。又明年九月。祥祭于廟。有司請卜日。詔曰。筮日求吉。乖敬事之志。違永慕之心。其用晦前一日。是日夜宿于廟。帥群臣哭已。易服縞冠革帶黑介幘。

白絹單衣。革帶。烏履。遂哭。盡一夜。明日易祭服。縞冠。素紕。白布深衣。繩履。侍臣去幘。易帽。既祭。出廟立哭。久之。乃還。十月。謁永固陵。十一月。禪祭。始服衮冕。會冬至。祀圜丘大饗。猶樂縣不作焉。當是時。郊宗廟社之禮。多所更定。而朝日夕月。議者請以二分日。禮於東西郊。帝以月餘閏有無中氣時。若執以秋分日。行夕月禮。必且有月。卒明於東時。豈謂夕哉。具議秘書郎薛暉。請朝日以朔。夕月以朏。從之。蓋是時。元魏之典禮文物。爛然。唐武德初。詔追尊高王父曰宣簡公。魯王父曰懿王。王父曰景皇帝。考曰元皇帝。立四親。

廟於長安廟各有祔位而定令歲冬至祀昊天上帝

於圜丘奉景帝配五方上帝天皆從饗上帝及配帝用蒼犢各一

五方帝及日月犢各如其方之色內宮以下加羊豕凡九兆於京城明德門外東二里四成成各高八尺

一寸下成廣二十丈再成廣十五丈三成廣十丈四

成廣五丈日月內宮中宮外宮及衆星皆從祀其五

方帝及日月七座在壇第二等內官五星以下五十

五座在第三等二十八宿以下百三十五座在第四

等外官百一十二座外壇之內夏至日祭皇地祇於

衆星三百六十座在外壇之外北郊方丘神州五方岳鎮海瀆山林川澤丘陵墳衍

原隰皆從饗景帝配如郊地祇及配帝在壇上神州

於壇下外壇之內丘陵等十座於壇外地祇配帝正

牲用黃犢二神州黝犢一岳鎮下加羊豕各五

月上辛祀感生帝靈威仰于南郊以祈穀而孟夏雩

季秋大享明堂。皆祀五天帝。奉元皇帝配。高祖崩。將
祔。詔議廟制。弘文館學士朱子奢建議言。自漢丞相
帝玄成議。奏立五廟。而劉歆議當七廟。其後鄭玄論
本玄成。而魏王肅宗歆。夫天子七廟。諸侯五。降殺以
兩。禮之正也。若天子與子男同。則間無容等。非德厚
流廣。德薄流狹之義也。請依古爲七廟。若親盡。則以
王業所基爲太祖。而虛太祖夾室。待無疆之迭遷。中
書侍郎岑文本等具議言。按春秋穀梁及禮王制。祭
法。禮器咸具。天子七廟之文。書曰。七世之廟。可以觀
德。此有國之茂典。不刊之鴻烈也。若違經從疏。則天

子之禮下比於人臣。諸侯之制上僭於王者。非所謂
尊卑不同名數亦異者也。於是增修太廟。祀弘農府
君奉高祖祔并舊四室而六。四時各以孟月享廟室各一太牢太常薦新不出主有司行事仲春薦冰亦如之以太祖未及迭毀徐之業定爲七

廟規矣。而圜丘明堂北郊皆以高祖配。惟感生帝奉

元帝配焉。是時諸儒議明堂者不一。引天地四時風

氣乾坤五行象數爲倣擬。終莫能遵明。

禮尚書豆盧寬議從崑崙

道上層以祭天。下層以布政。太子中允孔穎達駁之言基土曰堂。樓居曰觀。未聞重樓之上。有明堂者也。又明堂法天。聖主示儉。於飛樓浮閣不類。且樓上祭祖。樓下視朝。閣道登降以祭難於步履。侍衛百司。何從供奉。此理所必無也。秘書監顏師古言。周書叙明堂有應門雉門之制。以此知明堂即王者常居。其青

陽、總章、玄堂、太廟左右室、皆路寢之名。且而明堂之門有阜庫。豈宜施于郊野。要當近在宮中。而明堂之祭。特寓於圜丘。永徽初。太宗上祈。而弘農府君以世次當遷。時議者王彥玄成言。主當瘞。禮尚書許敬宗以爲天子嘗所宗享而瘞之。非神理所愜。雖禮有去廟即祧。去祧即壇。禪之文。亦義所未安。惟宗廟毀次。咸尚右。請奉遷主。納太祖廟右夾室。得所尊爲當。詔從之。而祀明堂。從有司請。以高祖配五天帝。太宗配五人帝。顯慶二年郊。大尉長孫無忌等上議言。據祠令及新禮。竝用鄭玄六天之文。祀昊天上帝於圜丘。祭太微感帝於南郊。祭太微五天帝於明堂。按玄所

稱本皆星象。非昊天上帝之稱也。其註月令周官皆謂圜丘所祭昊天上帝爲北辰曜魄寶。說孝經明堂以爲太微五帝。舛謬皆雜緯書。易曰日月麗乎天。百穀草木麗乎土。又云在天成象。在地成形。故知辰象之非天。猶草木之非地也。毛詩傳云元氣昊天則稱昊天。遠視蒼蒼則稱蒼天。天以蒼昊爲體。非辰象甚明。且天地各一。是曰兩儀。天尚無二。焉得有六。是以王肅群儒咸駁其誤。又簡太史故所傳圜丘圖。昊天上帝坐外。別有北辰坐。與鄭義不同。比得太史令李淳風等狀。稱昊天上帝圜丘自在壇上。北辰在第二

等與北斗竝列爲星官內座之首。此乃羲和所掌觀象制圖推步有徵相沿不謬者也。又案史記天官書太微宮有五帝。本五精之神。五星所奉以是具人主之象。故况之曰帝。如房心爲天王之象。非以謂天周禮稱五帝皆不言天。此自太微之神。非穹昊之際也。又孝經郊祀后稷。別無圜丘之文。王肅等皆以爲郊即圜丘。猶王城京師異名同實。而分爲兩祭。此皆違經棄典。所宜改革者也。又案宗祀明堂。本以嚴父而嚴父莫大於配天。故郊以尊祖。宗祀以親考。其義一也。歷稽往故。竝無父子連祚配祀之儀。而春秋傳以

禘郊祖宗報五者爲國之典祀則知非一祭也。伏惟高祖皇帝躬受天命奄有方夏創制改物爲國始祖。園丘昭配鬱有舊章太宗皇帝道格上玄功清下黷。拯率土於塗炭布大造於生靈請準詔書配宗祀爲當於是詔南郊祈穀孟夏雩明堂大饗皆祭昊天上帝高祖配郊太宗配明堂而感生帝罷勿祠乾封初盡復舊而郊明堂高祖太宗並配高宗升祔又以高宗配武氏改物更制郊廟諸黷亂甚不足數也。神龍初議立始祖廟議者欲尊涼武昭王爲始祖太常博士張齊賢議以爲古有天下者事七世而始封之君。

謂之太祖。太祖之廟百世不遷。商之玄王。周之后稷。是也。至禘祭則毀廟之主皆升而合食於太祖。但商自玄王後十四世至湯而有天下。周自后稷後十七世至武王而有天下。其間世代既遠。遷廟祖皆太祖。後故合食有序。而尊卑明。其後漢高受命。無始封祖。實始以高祖爲太祖。而太上皇不合食。爲尊於太祖。故也。魏武創業。文帝受命。以武帝爲太祖。晉宣創業。武帝受命。亦以宣帝爲太祖。宇文及隋皆本其功業之所自起。國家景皇帝始封唐公。實爲太祖。而代數近在二昭三穆之列。故太廟六室。弘農府君。宣光二

帝尊於太祖而親盡則遷不在昭穆合食之數

弘農太守

重耳為弘農府君生宣簡公熙謚獻祖獻祖生懿王光皇帝諱天賜謚懿祖懿祖生景皇帝虎為太祖太祖

祖生元皇

帝為世祖伏尋禮經太祖即始祖非太祖之外復有

始祖也今議者欲立涼武昭王為始祖竊伏以為涼

武昭王勲業未廣後王失守國祚不傳景皇始封實

本明命義同稷契今乃舍封唐之盛烈而崇西涼之遠

構殆未可也且武德貞觀之時去武昭之世亦近耳

使其時當立胡寧不立今年代寔遠方復立之竊恐

景皇失職而震怒武昭虛位而不答非祈景福之道

也請準勅加太廟為七室享宣皇帝以上備七代其

始祖不當復有尊崇。而博士劉承慶尹知章復以爲太祖以功建。而昭穆以親崇。有功者不遷。親盡者迭毀。古之制也。景皇帝濬德基。唐代數猶邇。號雖崇於太祖。親尚列於昭穆。以故太廟未合有七。今以太祖代淺。廟數未備。乃欲於太祖之上立當遷之主。以足七廟之數。非古誼也。詔如齊賢議。而六室如故。已尊故太子弘爲孝獻皇帝。祔廟備七室。中宗崩。當祔申書。令姚元之曰。敬帝不當列昭穆。而葬在洛州。請別廟東都。有司侍祠。於是中宗入廟。而光皇帝不遷。及睿宗崩。博士陳貞節蘇獻等上議。言古兄弟不相爲

後以兄弟相代。昭穆之位同也。有天下者事七世。謂從禰以上。至於祖。若傍容兄弟。上毀祖考。則事變何常。天子必有不得事七世者矣。孝和皇帝有中興之功。而無後。宜如殷陽甲出為別廟。祔睿宗以繼高宗。朝議多主之。伊闕人孫平子爭以為春秋譏魯躋僖公。以兄當臣於弟。不可躋也。兄臣於弟。猶不可躋。況弟臣於兄乎。今先帝親臣孝和。以兄弟同昭。而出孝和置別廟。非禮也。下禮官。時論是平子。而禮官持初議。於是立中宗廟于太廟之西。其後創太廟九室。上三祖尊謚。而中宗主復還廟室中。

獻祖、太祖、懿祖、世祖、高祖、太宗、高宗。

中宗
睿宗

開元初左拾遺張九齡疏言天者百神之主王

者所由以受命也自古繼統之君莫不以郊祀爲上
務未聞以德澤未洽年穀不登若他故而或闕其禮
者成王幼冲周公居攝猶時行其禮不遽廢他可知
矣漢丞相匡衡有言帝王之事莫重乎郊祀不郊而
祭山川失序逆禮春秋非之陛下御極光太平之業
而闕大報之禮非所以敬天報所受命也猶未及行
十一年始親享圜丘中書令張說充禮儀使議奉高
祖配罷三祖同配從之將還都說復言汾陰后土之
祀久缺歷代莫能行陛下紹隆典爲三農祈穀萬姓

之福也。從之以睿宗配。後行幸河東。輒一行時議者。以武后所造明堂爲非典。當毀。而堂麗以固。必毀之。勞人。乃改爲乾元殿。而迄唐世季秋大饗。皆寓於圜丘。自武后天册中。始合祭天地於南郊。後以遵用。而開元末。天子方好仙。用方士言。玄元皇帝降丹鳳門。始建玄元廟。天寶元年春二月辛卯。享玄元皇帝廟。越三日甲午。親享于太廟。越二日丙申。遂有事于南郊。本享廟。特以爲郊配。請而廟享儀。若他廟饗闕然。又三日間。郊廟咸事。亦數促甚矣。而迄唐世將有事於郊。必先有事于玄元廟。享太廟。已乃郊。以爲常。永

泰中從禮儀使杜鴻漸言季秋大饗以考配奉肅宗
皇帝配而迄唐世大饗以考配起居舍人王仲丘言
傳稱啓蟄而郊郊而後耕詩序噫嘻以爲春夏祈穀
上帝之樂月令亦曰上辛祈穀于上帝則祈穀本以
祭天也而鄭玄以感生帝當之非是月令大雩大饗
帝用盛樂則貞觀禮以祭五帝顯慶禮以祭昊天上
帝宜兼用稱大雩大饗之義而迄唐世天子親郊稀
闕於禮爲已疏矣

高祖在位九年親郊四太宗在位二十三年親郊四高宗在位三十

四年親郊二玄宗四十五年親郊五惟
睿宗四年親郊三他帝率不過一再行先是睿宗之

罷畢而祫明年禘自是禘祫各計年不相通凡七祫

五禘至二十七年而禘祫合於一歲有司始覺其誤
乃主魏徐邈言一禘一祫五年再殷宜通數二禘相
去爲月者六十中分三十月置祫焉而五年再殷祭
之義疎數適均矣。先是太常卿韋滔奏宗廟之奠每
合執持難誦稍令博大尚書省集議太子賓客崔沔
議曰祭禮之興肇於太古人所飲食必先嚴獻未有
火化茹毛飲血則有毛血之薦未有麋麋汗樽杯飲
則有玄酒之奠施及後王禮物漸備作爲酒醴嚴其
犧牲以致馨香以極豐潔故有三牲八簋之盛五齊
九獻之殷然以神道至玄可存而不能測也祭禮致
敬可備而不可廢也是以薦貴於新味不尚褻雖云
備物猶存節制國家考圖史於前典稽周漢之舊儀
清廟時享禮饌畢陳用周制也而古式存焉園寢上
食時膳具設遵漢法也而珍味極焉職貢來祭致遠
物也有新必薦順時令也苑囿之內躬稼所收蒐狩
之時親發所中莫不割鮮擇美薦而後食盡誠敬也

但當申勅簡怠增勗虔誠新鮮肥醲盡在是矣不必
求加於籩豆之數也至於祭器隨物所宜故大羹古
食也盛於登登古器也和羹時饌也盛於鉶鉶今器
也蓋有古食而盛於時器者矣故毛血盛於盤玄酒
盛於罇未有時食而追用古器者古質而今文便於
事也雖加籩豆十二未足盡天下之美物而措諸清
廟有兼倍之名近於侈矣清廟貴儉所繇來舊矣太
常所請恐未可行又稱酒爵須大竊據禮文有以小
爲貴者獻以爵貴其小也小不及制敬而非禮有司
之失其傳也可隨失釐正無待議而後革也請纂詳
令式據文而行而天子下詔言祭神如在傳諸古訓
以多爲貴著在禮經故臍臂之尚質其旨之盡誠其
義一也自今享太廟加常食一牙盤令所司務盡豐潔焉

建中初吏尚書顏真卿

言上元中政在宮壺始增祖宗之謚爲彌文玄宗季

年姦臣竊命有加至十一字者案周之文武聖矣文

上稱文不稱武武王稱武不稱文豈其德有不優乎

稱其至者而已。所謂節以壹惠也。請自中宗而上。皆從初謚。睿宗曰聖真皇帝。玄宗曰孝明皇帝。肅宗曰孝宣皇帝。以省文尚質。正名而敦本。下百官集議而定會祫饗。而太常博士陳京建議言。今年十月祫饗于太廟。故事并合饗。遷廟獻懿二神主。春秋之義。毀廟之主。陳於太祖。未毀廟之主。皆升合食於太祖。太祖正位東向。子孫序昭穆于南北牖。無毀廟。遷主不饗之文。蓋周以后稷爲始祖。而毀主皆其子孫。禘祫時無先於太祖者。故太祖常東向。統之而從也。國朝祀典與周異制。當據魏晉故事。太祖太廟常東向。定

其尊獻祖懿祖別立廟禘祫及焉重其本今德明興

聖二皇帝

涼武昭王
高子歆

曩旣立廟禘祫時當用饗謂二

祖主就興聖廟祫享因遂藏祔爲宜稱下百官太子

少師顏真卿充禮儀使上議曰今議者有三一謂獻

懿親遠而遷不當祫宜藏主西室二謂二祖宜合食

與太祖並列昭穆虛東向之位三謂二祖祫禘即太

祖永不得全其尊宜以二主祔德明廟然於人神皆

未有厭也景帝既受命始封矣百代不遷矣而又配

天尊無與上矣至禘祫時暨屈昭穆以申孝尊先實

神明之意所以教天下之孝也况晉蔡謨等有成議

不爲無據請大祫享奉獻主東向懿主居昭景主居穆重本尚順爲萬代法夫祫合也有如別享德明是乃分食非合食也於是還獻懿主祫於廟如議貞元七年復下群臣議工部郎張薦等守真卿議如故太子右庶子李嶸等七人主漢常玄成太上皇親盡瘞園之議本唐興三祖祝不稱臣之制請藏主西室以應祭法遠廟爲祧去祧而壇去壇而墀之文吏部郎柳冕等十二人言周官有先公之祧有先王之祧先公遷主藏后稷之廟是周末受命之祧也先王遷主藏文武之廟是周已受命之祧也無不祧者其二祧

則二廟之證也。今自獻祖而下猶先公。自景皇而下猶先王。請別廟以居二祖。亦猶行古之道而司勳員外郎裴樞請建石室於園。奉安遷主。采漢晉舊章。祫禘率一祭以爲安。惟同官縣尉仲子陵議言。永闕瘞園。臣子之心所不忍。權居正位。太祖之尊無可伸。且興聖之於獻祖。乃曾祖也。昭穆有序。饗祀有時。此爲大順。或以別廟。非合食爲疑。臣以爲德明興聖二祖。祫禘歲亦皆饗薦。不以分食爲嫌。於二祖何疑焉。而左司郎中陸淳亦主祔興聖以爲得變之正。帝未有以決也。十九年復祫。而右補闕京復白發其議。左僕

射姚南仲鴻臚卿王權乃顯言二祖本追崇非有受命興國之鴻構無嫌於遷祔興聖則順尊太祖則正於是紹廣興聖廟定遷二祖而諸儒無後言蓋自京官博士時發議端至是彌二十年官屢遷而議乃堅定賜緋衣金魚馬貞元初昭德皇后之薨詔下議皇太子服紀左補闕穆質請依古禮碁而除太常博士柳冕張薦等奏議言準開元禮子爲母齊衰三年此王公已下服紀也皇太子爲皇后薨服無聞焉昔晉武帝元后崩疑太子所服杜元凱奏議曰古天子諸侯之禮葦具矣惡其害已而削去其籍今存者唯士

喪禮一篇難以取正皇太子配二尊與國爲體宜卒
哭而除服山濤魏舒竝同其議歷代遵行垂之不朽
臣謹按實錄文德皇后以貞觀九年九月崩十一月
葬至十一年正月除晉王治爲并州都督晉王即高
宗在藩所封文德皇后幼子據其命官當已除之義
也今請依魏晉故事皇太子爲大行皇后喪服葬而
虞虞而卒哭卒哭而除心喪終制庶存嚴降之禮事
下中書宰臣名問曰語云子食於有罍者之側未嘗
飽也今豈可令皇太子褻服侍膳至於旣葬乎宜準
今群臣齊縗給假三十日即公除議之薦請依宋齊

問皇后爲父母服三十日公除例爲皇太子罷服之節。請正內墨衰歸本院縗麻如故。穆質持請行古之。道必周。基爲斷。詔詳定可否。博士晁對曰。準禮三年。罷。無貴賤一也。豈有以貴賤而差降父母罷服之節乎。然禮有公門脫齊縗。開元禮皇后爲父母服十三月。稟朝旨十三日而除。皇太子爲外祖父母五月。從朝旨五日而除。所以然者。恐喪服侍奉有傷至尊之意也。故從權制。昭著國章。公門脫縗。義亦在此。皇太子今若抑哀公除。墨衰朝覲歸至本院依舊衰麻。酌於變通。庶可傳繼。宰臣請依晁議。制從之。憲宗時德

宗上祔禮儀使杜黃裳言。國家準周制廟。太祖比后
稷。高祖比文王。太宗比武王。皆不毀。而高宗在三昭
三穆外。當遷。詔從之。德宗祔。有司以中宗中興。不當
遷。爲疑。史蔣乂曰。凡非我失之。自我復之。爲中興。光
武。晉元是也。自我失之。因人復之。爲反正。晉孝惠。孝
安是也。中宗在位。春秋壯。爲母后所移奪。賴張柬之
等復。卽祚。是名反正。非中興。有司議曰。五王有社稷
功。若遷中宗。則配饗絕
矣。又曰。禘祫功臣。乃合食太廟中。宗廟雖
毀。而禘祫金陳。則五王配食如故。議乃定。而中宗乃
遷。厥後憲穆敬文四世祔。而睿玄肅代以次遷。至武

宗崩。德宗當遷於世次。爲高祖不得遷。禮官始覺其

誤於是言兄弟不相爲後。誼不得爲昭穆。引晉元明
之世。豫章潁川既遷。復祔爲比。謂代宗主當復。引晉
景文同廟。六室七主。謂敬文武當同爲一世。於是迄
唐世三昭三穆。與太祖高祖太宗常九代十一室焉。
始隋大業中。房柱及魏文公徵並事王文中子受學。
稱高第。而文中子不許以禮樂。曰。賢輩雖聰明特達。
然非董薛程仇之比。後逢明主。必愧禮樂。及貞觀初。
天子志三代禮樂之盛。臨軒引群臣入宴。酒行。帝慨
然曰。朕聞設法施化。貴在經久。秦漢而下。不足襲也。
卿等其悉三代損益之當。明以告朕。無患不行。諫大

夫徵在下座。房柱目之。越席前對曰。夏殷之禮。旣不可詳。周監二代。郁郁乎文。孔子稱之。陛下誠擇前代憲章。綱紀王道。臣請以周典爲宗。帝大悅。立命取周禮讀之。翼日。召房柱及徵等俱入。帝曰。朕夜讀周禮。真聖者作也。篇首云。惟王建國。辯方正位。體國經野。設官分職。以爲民極。大哉深乎。旣而曰。朕思之不井田。不封建。不肉刑。而欲行周公之道。不可得矣。公等可盡慮以言。因詔宿中書省集議。數日不能定而退。自是帝不復言。而意常惻惻。間謂徵曰。禮壞樂崩。朕甚憫之。有志不就。古人所悼。昔漢章眷眷於曹褒。今

朕汲汲於卿等。良有以耳。徵自以無素業。慙謝頓首。
曰。漢文以清淨富。邗家孝宣以章程練名實。光武委
任責成。肅宗重學尊師。陛下明德獨茂。兼而有之。亦
千載一時矣。惟雖休勿休。斯爲美。禮樂度數。可徐思
其宜。帝曰。時難得而易失。朕所以遑遑也。卿等母退。
有後言。徵慙悵而出。玄齡退。謂徵曰。禮樂非命世大
才。不能及也。文中子不以禮樂賜予。良有以夫。使董
薛在。適不至此。蓋是時玄齡徵與禮官學士。因隋禮
增益。曰。貞觀禮而未盡合於古。高宗詔太尉無忌等
損益之。雜以令式。爲顯慶禮。而時李義府許敬宗方

幸多希旨爲傳會。用博士蕭楚材言。禮不豫凶事。國大喪。非臣子所忍言。遂焚貞觀禮國恤篇。他誣諛類是。後不盡遵用。國有大事。輒遠引古義。與二禮參訂行之。開元中。通事舍人王崑疏請刪定禮記舊文。傳以今事爲憲典。使世得遵行。詔集賢院議。學士張說以爲禮記不刊之書。去聖久遠。不可易。而唐貞觀顯慶禮儀注。宜折衷爲唐禮行之。亦一代之制也。乃詔集賢院學士蕭嵩。起居舍人王仲丘等。撰定凡百五十卷。爲開元禮。而唐世五禮之文大備。後代遵用。雖時有損益。終莫之能過焉。

一日吉禮。其儀五十有五。一冬至祀昊天于圜丘。

二、正月上辛祈穀于圜丘、三、孟夏雩祀于圜丘、
四、季秋大享于明堂、五、立春祀青帝于東郊、六、
立夏祀赤帝于南郊、七、季夏祀黃帝于南郊、八、
立秋祀白帝于西郊、九、立冬祀黑帝于北郊、十、
臘日蜡百神于南郊、十一、春分祀朝日于東郊、
十二、秋分祀夕月于西郊、十三、祀風師雨師靈星
同中司命司人司祿、十四、夏至祭皇地祇于方丘、
后土司、十五、孟冬祭神州于北郊、十六、仲春上
戊祭太社、太稷、十七、祭五嶽四鎮、十八、祭四海
四瀆、十九、時享太廟、二十、祫享太廟、二十一、
禘享太廟、二十二、拜陵、二十三、太常卿行諸陵
二十四、孟冬吉亥享先農耕籍、二十五、皇后季
春吉巳享先蠶親桑、二十六、有司享先代帝王、
二十七、薦新于太廟、季夏祭中霤于太廟、二十八、
孟冬祭司寒納冰、二十九、興慶宮祭五龍壇、三
十、皇帝視學、三十一、皇帝太子釋奠于孔宣父、
三十二、國學釋奠于孔宣父、三十三、仲秋釋奠于
齊太公、三十四、巡狩告圜丘、三十五、巡狩告社
稷、三十六、巡狩告宗廟、歸格疑附、三十七、皇帝
巡狩、三十八、卦祀于泰山、禪于社首山、三十九、

時旱、祈太廟、四十、時旱、祈太社、四十一、時旱、祈
嶽鎮以下于比鄰報儀同、四十二、就祈嶽鎮海濱

四十三、諸州祭社稷、四十四、諸州釋奠于孔宣

父、四十五、諸州祈社稷、禱諸神、崇城門、四十六、

諸縣諸里祭社稷、四十七、諸縣釋奠于孔宣父、

四十八、諸縣祈社稷及諸神、四十九、諸太子廟時

享、五十、三品已上、時享其廟、五十一、三品已上

祫享其廟、五十二、三品已上、禘享其廟、五十三、四

品五品、時享其廟、五十四、六品已上、春祠、五十

五、王公以下、拜掃寒食、拜掃附、○二曰、嘉禮、其儀五

十、一、皇帝加元服、二、納后、三、皇帝正至、受皇太

子朝賀、四、皇后受太子朝賀、五、皇帝正至、受皇

太子妃朝賀、六、皇后正至、受皇太子妃朝賀、七、

正至、受群臣朝賀、八、皇帝千秋節、受群臣朝賀、

九、皇后正至、受群臣朝賀、十、皇后受外命婦朝賀、

十一、皇帝於明堂讀春令、十二、讀夏令、十三、

讀秋令、十四、讀冬令、十五、於太極殿讀五時令、

十六、養老於太學、十七、臨軒冊皇太后、十八、臨

軒冊皇太子、十九、內冊皇太子、二十、臨軒冊立

王公、二十一、朝堂冊諸臣、二十二、冊命內婦、

二十三、遣授册授官爵、二十四、朔日受朝、二十	五、朝集使辭見、二十六、皇太子加元服、二十七	皇太子納妃、二十八、皇太子至正、受羣臣賀、二	十九、太子受宮臣朝賀、三十、皇太子與師傅保相	見、三十一、皇太子受朝集使參辭、三十二、親王	冠、三十三、親王納妃、三十四、公主降嫁、三十	五、三品以上子冠、三十六、四品以上子冠、三十	七、六品以下子冠、三十八、三品以上子冠、三十	四品以下婚、四十、朝集使禮見、四十一、任官初	上、四十二、鄉飲酒、四十三、正齒位、四十四、宣	赦書、四十五、羣臣詣闕上表、四十六、羣臣起居	四十七、遣使慰勞諸蕃、四十八、遣使宣撫諸州	四十九、遣使諸州宣制、五十、遣使諸州宣赦書	○三曰、賓禮其儀有六、一、蕃國主來朝、二、戎蕃	國主見、三、蕃主奉見、四、受蕃使表及幣、五、宴	蕃國主、六、宴蕃國使、○四曰軍禮、儀二十有三、	一、親征類于上帝、二、宜于太社、三、告于太廟、	四、禱于所征之地、五、較于國門、六、告所過山川	七、宣露布、八、勞軍將、九、講武、十、田狩、十	一、射宮、十二、觀射、十三、遣將出征、宜于太社、
------------------------	------------------------	------------------------	------------------------	------------------------	------------------------	------------------------	------------------------	------------------------	-------------------------	------------------------	-----------------------	-----------------------	-------------------------	-------------------------	-------------------------	-------------------------	-------------------------	-------------------------	--------------------------

十四遣將告太廟、十五遣將告齊太公廟、十六
祀馬祖、十七享先牧、十八祭馬社、十九祭馬
步、二十合朔伐鼓、二十一合朔諸州伐鼓、二
十二、六讎、二十三諸州縣讎、○五日凶禮儀十有
八、一凶年振撫、二勞問疾患、三中宮勞問、
四皇太子勞問、五五服制度、六皇帝為小功以
上舉哀、七勅使弔、八會葬、九冊贈、十會葬
十一致奠、十二皇后舉哀弔祭、十三皇帝太
子舉哀弔祭、十四皇太子妃舉哀弔祭、十五三
品以上哭、十六五品以上哭、十七六品以上哭、
十八王、十八王、貞元中太常禮院修撰王涇考次歷代郊
公以下哭

廟沿革之制及工歌祝號而圖其壇屋豆籩上下陟
降之序為郊祀錄十卷。元和中秘書郎常公肅又錄
開元已後禮文損益為禮閣新儀三卷。太常博士王
彥威又採元和以來王公士民昏祭哭葬之禮為續

曲臺禮三十卷。杜岐公佑作通典。纂前代典實沿革
舉端振末。有說有議。有評爲禮典。而開元禮畢具備
其中。方開元撰修時。大臣仍辟國恤章不錄。而山陵
之禮。遂世無所執。國大器皆摭拾殘缺。附比倫類。以
苟幸襄事。事已輒斥去。崇豐二陵。不間歲仍構禮儀。
使杜黃裳起太常爲相。於是命太常丞裴瑾。博士辛
秘詳考以行。內之攢塗秘器象物之宜。外之斥土復
土。因山之制。上之顧命典策文物。以示萬國。下之服
制節文。皆羅絡旁午於百代之異同。於是瑾取所奏
復于上。辯列于下。刊定者爲崇豐二陵集禮。藏之太

常。君子以爲愛禮而近古焉。矣乎歐陽子志唐史禮樂言之也。其言曰。繇三代而上。治出於一。而禮樂達于天下。繇三代而下。治出於二。而禮樂爲虛名。古者宮室車輿以爲居。衣裳冕弁以爲服。尊爵俎豆以爲器。金石絲竹以爲樂。以祀郊廟。以臨朝廷。以事神而治民。其歲時聚會。爲朝覲聘問。懽欣交接。以爲射鄉食饗。合衆興事。以爲師田學較。下至里閭田畷吉凶哀樂。凡民之事。莫不一出於禮。繇之以教其民。爲孝慈友悌忠信仁義者。常不出於居處動作衣服飲食之間。蓋其朝夕從事。無非此者。此所謂治出於一而

禮樂達於天下。故天下安習而行之。不知所以遷善
遠罪而成俗也。後之有天下者。自天子百官名號位
序。國家制度。宮車服器。一用秦故。其間雖有欲治之
主。思所改作。不能超然遠復於三代之上。而牽其時
俗。稍卽以損益。大抵安於苟簡而已。其朝夕從事。則
以簿書期會獄訟兵食之爲急。曰。此政也。所以爲治。
至於三代禮樂。則具其名物。藏於有司。時出而用之。
郊廟朝廷。曰。此禮也。所以立教。故自漢以來。史官所
記事物名數。降登揖讓。拜俛伏興之節。皆有司之事。
禮之末節也。而自搢紳大夫。皆莫能曉習。至天下之

人則終老死而未嘗見也。况欲其曉然於禮樂之盛。諭其意。被其教化。以成俗乎。嗚呼。習其器而不知其意。忘其本而存其末。而又不能備具也。所謂朝覲聘問。射鄉食饗。師田學較。冠婚喪祭之禮。與存者幾何。此所謂禮樂爲虛名也哉。故唐史諸志。標禮樂爲之首。見志焉。斯已遠矣。宋初建四親廟。尊高祖曰僖祖。曾祖曰順祖。祖曰翼祖。考曰宣祖。祀止四世。皆上皇帝號。妣皆上后號。歲以四孟月。及季冬。凡五享。朔望薦新。三年一禘。以孟夏。五年一祫。以孟冬。而廟制仍近世同堂異室之規。歲冬至。祀昊天上帝于圜丘正。

月上辛祈穀于上帝孟夏雩季秋大饗明堂并感生

帝皇地祇神州之祭而七

感生帝即五帝之一自北齊隋唐皆祀之禮官言宋

得火德奉赤帝為感生帝壇於南郊

郊以僖祖配其尚書張昭言宣祀

皇帝積累勳伐基王業請奉配應嚴父之文從之其

有司侍祠以四祖迭配親郊奉宣祖升侑他社稷嶽

瀆朝日夕月祀九宮貴神祀高媒先蠶祀大火壽星

靈星祀風伯雨師祀司寒司暑及馬祖七祀蜡脯皆

秩祀如前文

圜丘壇在東都南薰門外四成十二陛三壝設燎壇於內壇之外內方設皇帝

更衣大次於東壝東門之內道北南向壇之成高廣皆用乾九九之數開寶禮云元氣廣大稱昊天人所

尊莫尊於帝稱上帝

乾德元年冬十有一月甲子郊先期七日

帝致齋崇元殿。明日詣太廟朝饗。質明乘玉輅赴南郊。齋于帷宮。又明日服袞冕執圭合祭天地于圜丘。以皇弟開封尹光義亞獻。興元尹光美終獻。示薦之天也。禮成大宴廣政殿。曰飲福而率五年或六年一親郊以爲常。

太宗始郊以宣祖太祖更配親郊奉太祖升侑其後用扈蒙言嚴父配天郊以

宣祖配大饗明堂以太祖配已詔郊丘奉宣祖太祖同配其孟春祈穀孟冬神州季秋大享配以宣祖冬至圜丘夏至北郊孟夏雩以太祖真宗時親郊太祖太宗並配冬至圜丘夏至方丘孟夏雩太宗配上辛祈穀季秋大饗太祖配上辛祀感帝孟冬祀神州地祇奉宣祖配親郊奉太祖太宗配
太宗祔禮官言按爾雅有考妣有王父母有魯祖王

父母高祖王父母及世父母之文繇此觀之考妣惟

稱父母者得稱也。今請僖祖止稱廟號。順祖而下依爾雅。高曾祖爲稱。而太祖廟稱皇伯爲正。下尚書省議。戶尚書張齊賢等奏議言。爲人後者爲之子。所以尊本祖而重正統也。安得廟中有伯氏之稱乎。稱之者。唐五代失之也。請太祖室稱皇祖。皇帝稱孝孫。諸祖室竝稱孝曾孫。太宗室稱孝子。嗣皇帝。下禮官。禮官言。禮父子昭穆異。而兄弟昭穆同。此明兄弟繼統同一代也。書盤庚。稱商及王。史記。陽甲至于小乙。皆兄弟相繼。亦稱之。明弟不繼兄也。祖太祖而考太宗。不可。請太祖室稱皇伯考。后稱皇伯妣。而祝稱孝子。

於太宗廟同文。詔復議。尚書省主簿議言。古者祖功宗德。皆先有其實。而後其名。太祖受命開基。太宗繼承大統。皆百世不遷。豈有祖宗之廟分二世。而昭穆爲一位者。而翰林學士院終以皇帝於太祖稱孫。爲疑。禮官言。七廟之制。祖功宗德者。百世不遷之祀。而父昭子穆者。千古不易之典也。議者引爲人後者。爲之比。失其倫矣。審如所言。皇上於太祖稱孫。則太宗於太祖當稱子。太宗享祀太祖二十有二載。祝稱孝弟。庸可得追改乎。唐玄宗稱中宗爲皇伯考。德宗稱皇伯祖。何得云廟中無伯氏之稱也。臣等參議。合祭

太祖太宗同位異坐。皇帝於太祖稱皇伯考。稱孝子。
爲允制恭依焉。而真宗時東封西祀。秩無文。始三年。
一郊以爲常。仁宗卽位。嚴於天地之祀。謂輔臣言郊。
祀重事。朕欲於禁中展習。令禮官具儀聞。旣郊。擇日。
詣景靈宮謝禮官。請節廟樂。帝曰。三年一饗。朕其敢。
爲勞。其如儀。皇佑二年郊。而日至在月晦。禮官請用。
建隆故事。辟不饗。以季秋大饗于明堂更之。而天子。
言明堂爲古布政之宮。今大慶殿是也。其卽於大慶。
殿爲明堂。卽堂分五室成禮焉。
御書明堂二字飛白
明堂之門四字祠已
藏宗正寺。時判太常宋祁等議專祀昊天上帝。無從享。且

據他典禮條上帝不愜。下詔曰。國朝三歲而郊。合祭
大地。祖宗竝配。而百神從之。以美報也。今祀明堂。而
禮官所定儀。祭天不及地。配坐不合祖宗。未合於三
朝之制。且移郊爲大饗。以爲民祈福。而圜丘之禮不
盡列。非朕所以昭孝息民也。於是合祭皇地祇。奉太
祖太宗真宗竝配。百神竝從饗如郊。而起元老舊德。
畢陪位于廷。蓋大饗已䟽。比親饗而群祀不見答。非
禮意。故詔加重慎焉。其後禮官言。明堂參用南郊百
神之位。不應法。又言。前一日親饗太廟。停孟冬之薦
禮。宗廟時祭。未有因嚴配而輟者。請薦廟如儀。郊尊。

祖配帝義之至者。然不可以瀆郊。無二主而三后竝
侑。非所以嚴帝而寧親制曰可。而南郊定以太祖配。
以爲常。嘉祐四年歲當祫。前三月帝下手札言。祫享
著於禮經。追孝奉先。斯爲重親。享之廢歷年居多。朕
深惜之。具儀上。蓋宋以三歲一郊。禮成輒大賚費。已
浩難繼。故天子獨朝夕奉御容禁中。以致虔而廟祀
廢久矣。於是宰臣具儀上。而降赦推恩。竝準郊示等
廟祀於郊。然不節之於彼。顧仍汰之於此。宐禮之滋
不行也。禮官言。唐廟配皆一后。惟睿宗二后以昭成
后。明皇帝之母也。而續曲臺禮。因有別廟。皇后合食。

之文。蓋未有本室遇祫享而祔于祖姑。所以順也。今國家四聖既有定配。而四太后竝列。禘祫非禮意。請依奉慈例於本廟承祀。便學士承旨孫并等八人以爲祫之言合也。祖宗時祫日別廟。后主皆升合食。他年有司攝事亦合食。今甫親祫而四后見黜。非所謂承志遵法也。傳曰。祭從先祖。臣等愚以謂如其故。便學士歐陽修、吳奎等九人言。古者宗廟之制。皆一帝一后。後世有以子貴者。始著竝祔之文。其不當祔者。又有別廟之祭。本朝禘祫乃以別廟之后列於配后之下。非惟於古無文。又於今有四不可焉。淑德、太宗

之元配也。而列元德之下。章懷真宗之元配也。而列章懿之下。不可者一。升祔之后。統以帝樂。別廟諸后。以本室樂。不可者二。升祔之后。同牢而祭。牲器祝冊。統於帝。別廟諸后。乃從專享。不可者三。升祔之後。聯席而坐。別廟諸后。位乃相絕。不可者四也。章獻章懿於奉慈廟。遇祫禘時。於本廟致享。最爲得禮。四后如之。則尊自申而禮無所失。苟以爲行之已久。重於改作。則是失禮之舉。終無復是正之也。修等主禮官議最合。而帝春秋高。異議者以爲禮官意。帝拜起艱造。此議逢上。帝頗聞之。待制劉敞露章以爲言。且曰。羣

臣不能明順陛下廣孝之心。而輕議宗廟久行之儀。欲擴隔四后。使永不合食。臣切恨之。夫宗廟之位。安可使有後悔哉。帝矍然曰。朕初謂禮實當然。苟以拜起爲煩。朕猶能行之。其何敢憚焉。乃詔別廟四后。祫如舊。大禮畢。別討論間。英宗卽位。禮官議奉仁宗配明堂。知制誥錢公輔等言。三代之法。南郊祭天。以始封之祖。有聖人之功者配焉。故郊以后稷。明堂祀帝。以繼體之君。有聖人之德者配焉。故明堂以文王。孝經曰。孝莫大於嚴父。嚴父莫大於配天。以孔子之意。褒周公之孝。則嚴父也。以周公之心。制成王之禮。則

殿祖也。嚴父嚴祖。其義一也。方是時政。則周公祭則成王。亦烏在其必嚴父哉。我將之詩是也。漢明帝始建明堂。以光武配。當始配之代。適符嚴父之文。而章安二帝因之。而弗敢變。最爲得禮。唐中宗時。以高宗配。玄宗時。以睿宗配。永泰時。以肅宗配。是乃禮官不能推明經義。務合古初而然。非可爲訓也。願詔有司博議。使配天之祭。不繆於嚴父。嚴父之道。不專於配天。而觀文殿學士孫朴等言。易稱先王作樂。殷薦上帝。以配祖考。蓋冬至。物生之始。故配以祖。季秋。物成之始。故配以禰。易之配考。孝經嚴父。歷代之所守。

不可謂嚴父嚴祖其義一也。仁宗繼體守成。置天下於泰安四十有二年。功德極盛。今祔廟之始。抑而不配帝。甚非所以宣章嚴父之孝。諫官司馬光呂誨等亦主公輔言。奉仁宗升侑。然本周公制禮。以武王受命。本始於文王。故推武王嚴父之意。以文王新受命而尊用配天。匪成王之謂也。乃真宗緣嚴父之文。得越太宗升侑。卽仁宗何間焉。於以上侑。固其理也。而周禮終遠矣。濮安懿王者。英宗本生父也。帝旣卽位。覃慶於天下。大臣百官。竝進爵秩。賜恩於存亡。而宗室諸王亦畢加贈封。於是中書言。安懿王禮不可與。

諸王同請議所爲追崇典禮者。帝謙抑未敢遑也。既禪除。下兩制。禮官衆相視未發。知諫院司馬光奮言曰。爲人後者爲之子。不得顧私親。王安石準贈期親尊屬故事。疇以高官大國爲當衆讓。今起草具草言。先王制禮。尊無二上。恭愛之心分於彼。則不得專於此。是以秦漢而來。帝王有自旁支入承大統者。或推尊所生之父母爲帝后。見非當時。取譏後世。臣等不敢引以爲聖朝法。又前代入繼者。多宮車晏駕之後。援立之策。或出臣下。非如仁宗皇帝。年齡未衰。深惟宗廟之重。祇承天意。於宗室衆多之中。簡推聖明。授以

大業者也。陛下親爲先帝之子，然後繼統承祧，光有天下。濮安懿王於陛下，雖天性之親，有顧復之愛。而陛下所以負宸端冕，富有四海，使子孫萬世相承，不替者，皆先帝之德也。臣等竊以爲王宏準先朝封親尊屬，疇以高官大國，而譙國襄國仙遊，竝封太夫人。攷古今爲宏稱，草成學士王珪，命吏以光手所草爲案，存之中書，言故事贈官及改封大國制策，命有令式。制當曰：某可贈某官，追封某國王。冊當曰：皇帝若曰：咨爾某親某官某，冊命爾爲某官某王，而王於上。父也。未審制冊何稱，及名與不名。願下兩制禮官詳

議。珪等覆議言。王於仁宗屬稱兄。皇帝宜稱皇伯而
不名。時參大政歐陽修柄議言。按儀禮。祔服傳云。爲
人後者。爲其父母報服。又據開元開寶禮。皆云。爲
人後者。爲其所生父。齊衰不杖。爲其所後父。斬衰
三年。是所生所後。皆稱父母。而古今典禮。未聞有改
稱皇伯之文。又歷簡前世。以藩侯入繼大統之君。不
幸多衰亂之世。不可以爲法。惟漢宣帝及光武盛德
之主也。皆稱父爲皇考。而皇伯之稱。在古無稽。乃具
古今典禮。及漢宣光故事。并錄皇伯之議。下三省與
臺官集議。而臺官持初議甚力。至詆中書違經叛禮。

忘先帝爲負遂罷議。

初帝以太后意拂命罷議臺官引前議固爭中書以謂前世議

禮連年不決者甚多有之此事體至大況人主譙抑已罷議令少需當有何過而必論列於是持不下而臺官愈益患引董弘朱博事劾參政修首開邪議妄引經據陷陛下於過舉請下修於理且正首相琦傳會之罪時兩制與臺官翕然爲表裏諸以皇伯議爲非是者有一言即其指爲姦邪中書患之酌具詔草上畧云漢安懿王朕本生親也羣臣咸請追崇而義無爵父其令中書門下即瑩爲園即園立廟王子孫歲時奉祠帝覽之畧無難色曰甚善族白太后行之會南郊臺議稍息而帝以未白太后未即行明年正月臺議復作中書將前所呈詔草復進乞降詔是夕忽內侍降太后手書云漢王許皇帝稱親王稱皇妃稱后與中書前所進詔草語絕異是日琦以祠祭致齋惟魯公亮歐陽修在省讀之相顧愕然請就齋所召琦同取旨琦至前對曰臣願盡其愚未知可否帝曰如何琦曰今太后手書三事其稱親事可奉行而稱皇稱后乞辭免別降手詔以臣等前所進呈詔草施行帝欣然允行而臺論顧愈激呂誨言長君臨御

萬幾出宸斷何必假母后之命。韓公議之曰。政府雖
乃飾百端終爲負先帝之恩。虧陛下之議。違典禮而
失人心。皆微誥待罪。於是誨純仁呂大防范鎮傳本
堯俞皆罷。詔具事本末。勝朝堂而崇封之。禮竟寢。本
禮官重太宗之議。固正而稱皇伯。亦非質經文中書
本生親之文。固禮經百世不與易也。臺官聚訟。至詆
名德元老。以扶其說。而快其直。過矣。熙寧初歲。當親
郊。詔兩制議兩制。禮官具按王制。畧三年不祭。惟祭
天地社稷。爲越紼而行事。以謂當郊而請郊。而景靈
宮禮神諸所用鹵簿鼓吹。及扈駕諸軍樂。皆備而不
作。從之。比郊。帝齋于郊宮。罷游觀。幸苑囿。百官肅穆
焉。先是仁宗初。真宗祔廟。有司言禮。天子七廟。親廟

五祧廟二而僖順二祖當立祧廟迭遷判太常宋祁
言鄭康成一家之說未足據自荀卿王肅等皆云天
子七廟諸侯五大夫三士一降殺以兩則國家七世
之數固不主康成之說也僖祖至真宗方及六世不
宜祧周漢每帝各立廟晉宋來多同殿異室國朝以
七室代七廟相承已久不可變其神御法物寶蓋鉤
牀請別爲庫以藏自是室題廟號建神御庫焉及仁
宗升祔禮院請增廟室禮官抃等以爲七世之廟據
父子昭穆而言兄弟昭穆同不得爲世數國朝太祖
之室太宗稱孝弟真宗稱孝子太行稱孝孫而禘祫

國太祖太宗同昭位南向真宗居穆位北向請增爲
八室僖天子事七廟之禮禮官盧士宗司馬光以爲
太祖已上之主雖屬尊於太祖而推漢魏之制過六
世則遷故漢元之世太上廟主瘞於寢園魏明之世
處士廟主遷於園邑晉武祔廟遷征西府君惠帝祔
廟遷豫章府君蓋太祖未正東向之尊則上祀三昭
三穆備七廟之制太祖正東向之位則并昭穆而七
也大行皇帝祔卽僖祖親盡當遷斥等持不可復議
言周以上太祖非始受命之主特始封之君旣百世
不遷矣僖祖雖非始封亦廟始祖廟數未過七世而

遷之。古無其比。寢不遷。至英宗祔。乃遷藏。熙寧中。相安石言。臣聞萬物本乎天。人本乎祖。故先王廟祀之制。有疎而無絕。有遠而無遺。商周之王。斷自契稷。非簡譽以上而遺之也。以自有本。統相承故也。若夫尊卑之位。先後之序。則子孫雖齊。聖有功。不得而加其祖考。此萬世之通道也。本朝自僖祖而上。世次不可得知。則僖祖有廟。與契稷疑無以異。今毀其廟而藏主於夾室。替祖考之尊。而下祔於子孫。非所以順祖宗。事亡如存之心也。下兩制詳議。於是學士元絳直舍人院許將等上議言。自古受命之王。旣以功德享

有天下皆推其本統以尊事其先祖故商周以契稷
有功於唐虞之際而祖之謂祖有功非謂必有功而
後祖也如必以有功而爲祖則夏后氏不得而郊鯀
矣太祖初受命立四親廟自僖祖而上世次得
知則僖祖之爲始祖無疑儻謂僖祖不當比契稷爲
始祖是使天下之人不復知尊祖而子孫得以功加
其祖考也禮無不順傳曰毀廟之主陳於太祖未毀
廟之主皆升食於太祖誠尊祖也今遷僖祖之主下
藏太祖之室則是四祖祫祭之日皆降而合食不順
莫大焉謂安存僖廟爲祖廟於禮意合而學士韓維

等別議言。昔者先王既有天下。迹其基業之所自起。奉以爲太祖。所以重天命之本始也。正考父作頌。追追契成湯高宗。著商之所以興。子夏序詩。稱文武之功。起於后稷。是也。後世有天下者。既特起無所因。故各遂爲其一代太祖。所從來久矣。太祖皇帝靖大難。垂統功德卓然。爲宋太祖無可議者。僖祖雖於太祖爲高祖。而仰迹功業。未見所因。上尋世系。又不知所始。似未可引契稷爲比也。矧今廟室於古殊制。古也異宮。今皆同堂。而西夾室。實在順祖之右。無嫌下降。請遷藏僖主。正太祖東向之位。天章閣待制孫固等

議以爲本朝之興與商周異商周之王本繇稷契契布五穀稷播百穀其詩曰思文后稷克配彼天蓋言德也漢高以得天下與商周異故太上皇不得爲始祖光武中興不敢祖舂陵而祖高帝我宋之興無周之后稷而配南郊不先之創業受命之主此豈先王之禮而近人情也哉請特爲僖祖立室繇太祖而上親盡迭毀之主皆藏之當禘祫時奉僖祖權居東向之位太祖順昭穆之次而從之則僖祖之尊自有所伸此韓愈所謂祖以孫尊孫以祖屈者也若以僖祖世遠不可立廟則周人別廟以祀姜嫄者非歟時天

子意頗主維固等議而相安石持初議甚堅。下禮官。禮官衆從之。惟判太常張師顏張公裕梁燾等復議。言國家繇太祖。曾創洪業。異乎商周。僖祖有廟。實繇太祖。今欲以有廟之始爲始祖。竊以爲過矣。況國初以議者不能遠推隆極之制。廟止四親。故僖爲高廟。若使廟數備七。則應上推再世。而僖祖次在第三。亦何在其爲始祖乎。唐韓愈有言。事異商周。禮從而變。建隆親郊。崇佑不及歷世。大祭東向虛位。則固祖宗已行之意。不可易也。必以藏主不順爲疑。請略攸周官守祧之典。唐興聖德明之制。築一廟藏僖祖神主。

大祭之歲。祀於其室。郊配仍奉太祖。順之大者也不
聽。奉僖祖爲始祖。還廟饗祀。感生帝奉侑。遷順祖夾
室。下禮官具儀行。是時天子加意神示宗廟之享。設
所建官。命樞密直學士陳襄等詳定郊廟儀。帝意以
天地合祭。圜丘爲非典。而詳定禮文所官上議言。臣
謹按周禮祀天神於冬至者。以一陽來復爲天氣
之始。故黃鍾爲宮六變。而天神可格。圜取其形。以象
天也。祭地示於夏至者。以微陰潛萌爲地氣之始。
故函鍾爲宮八變。而地示可出。函取其容。以象地也。
又大宗伯以禋祀實粢燎燔以祀天。禮以蒼璧以血

祭。沈薤。鬲辜以祭地。禮以黃琮。皆所以順陰陽。辯時位。而倣其形色。此二禮之所以異也。漢元始中。姦臣妄援大合樂之說。謂當合祭。而禮之失始此矣。陛下恢五聖之迹。作舉百王之廢墜。既罷合饗。則南北二郊。自當別祀。或以古齋居近儀衛省。用度約。賜予寡。故雖一歲遍祀。國不費。而人不勞。今齋居遠。儀衛繁。用度賜予廣多。雖三歲而郊。猶或憚之。况一歲而二郊乎。於是欲以三歲而迭祭之。臣竊以爲過矣。記曰。祭不欲䟽。䟽則怠。三年迭祭。是莫尊匪天。歷六年而始一親祀也。無已怠乎。記曰。凡舉大事。必順天時。二

至之郊。順之至也。捨是而從後王。非禮矣。惟陛下鑒
聖哲而舉曠典。約儀衛以幸祠宮。均郊資以給衛士。
蠲青城不急之務。損大農無名之費。使臣等得講求
故事。參究禮經。正儀注謬譌。裁鹵簿繁冗。以大篤恭
對越之意。成一代之典。下禮官議。分南北郊。而北郊
不親祠。上公攝事焉。帝意以合宮所祀六天爲非禮。
詳定禮文。所上議言。周禮有稱昊天上帝者。有稱上
帝者。則天於上帝一也。其稱五帝。則昊天上帝不與
焉。繇是言之。經所謂宗祀文王於明堂以配上帝。與
周禮所稱上帝同。非五帝明矣。易詩書稱上帝非一。

皆不可以五帝言。請罷五帝祠。稱古尊天配帝之意。
竊曰。可。帝意禘爲審諦祖之所自出。譜牒學廢。祖所
自出。莫可得知。宜可廢。於是詳定禮文所言。舜禹祖
高陽。系出自黃帝。故虞夏禘黃帝。以高陽氏配。商祖
契。系出自帝嚳。故商人禘嚳。以契配。周祖文王。亦系
出帝嚳。故周人亦禘嚳。以文王配。虞夏商周所禘。皆
以帝有天下。世系自出者明。故追祭所及者遠也。藝
祖受命。建四親廟。推禧祖而上。所自出者。譜失其傳。
而有司仍舊禮。三歲而禘。殺食於始祖。非禮矣。今禘
禮當闕。必推見祖系所出。乃禘。詔罷禘享。當是時。諸

郊廟釐正之文甚具

詳定禮文所言記曰郊特牲而社稷大牢又曰祭天地之牛角

爾栗配位亦特牲書曰用牲于郊牛二足也求儀註
昊天上帝皇地祇太祖皇帝之位各設三牲俎非尚
質貴誠之義請親祠圜丘方澤正配位皆用犢不設
羊豕俎及鼎匕有司攝事亦如之記曰郊之祭也罷
用陶甒以象天地之性禋用白木以素爲質今郊祀
簠簋邊豆皆非陶又用龍杓末合禮意請圜丘方澤
正配位所設簠簋尊豆改用陶仍用禋杓夫祀天之
有禋柴猶祭地之有瘞血享廟之有裸鬯皆歆神之
始非謂於祭之末燔燎昨餘也至後世之燔瘞牲幣
於祭末而不知致神於其始是備於後而闕於先也
請南北郊先行升禋瘞血之禮至薦奠畢即如舊儀
於壇坎燔瘞牲幣北郊祭禮地祇及神州地祇爲坎
瘞埋今建壇燔燎非禮也請祭皇地祇祝版牲幣金
瘞於坎無燎壇熙寧祀儀惟昊天上帝皇地祇高禪
燔瘞犢首自感生帝神州地祇而下無之記曰升首
報陽也晉爲陽則脅與髀爲陰可知矣報陽宜以陽
報陰宜以陰各從其類請自今昊天上帝感生皆燔
牲首以報陽皇地祇神州地祇大社大稷凡地祇之

祭皆瘞牲左髀以報陰、古天子祭宗廟有堂事焉有
 室事焉、按禮祝延尸入與灌之後王乃出迎牲延尸
 主出於室坐於堂上始祖南面昭在東穆在西乃行
 朝踐之禮是堂事也設饌於堂復延主入室始祀東
 面昭南面穆北面徙堂上之饌於室中乃行饋食之
 禮是室事也請每行大禘堂上設南面之位室中設
 東面之位、古者宗廟九獻王及后各四諸臣一自漢
 以來爲三獻后無人廟之事相循至今若時享則有
 事於室而無事於堂禘祫則有事於堂而無事於室
 室中神位不在與上堂神位不當衺有饋食而無朝
 踐請室中設神位于與東面堂上設神位于戶外之
 西南面皇帝立于戶內西面裸鬯是爲一獻出戶立
 于衺前北向行朝踐薦腥之禮是爲再獻皇帝立于
 戶內西南行饋食薦熟之禮是爲三獻以備古九獻
 之意王制祭宗廟之牛角握周禮小司徒凡小祭祀
 奉牛牲天子之祭無不用牛者郊祀錄解宗廟社稷
 等祭悉用太牢今三年親祠而八室共用一犢及禘
 享盛祭有司攝事則不用太牢非稱也請三年親祠
 并時享有司攝事太廟每室金用太牢古人君臨祭
 立于阼阼主階也人君蒞之行事示繼體祖考親親

之義。且以尊別於臣庶也。今朝享太廟。設小次於殿下位之東。向設皇帝殿位於廟東階之東。南向。乃。是古者大夫士陶祭之位。殊失禮意。請自今太廟行禮。並設皇帝殿位於東階之上。西向。更不設殿。下版位及小次。古者薦新于廟。寢不十日。不出主。奠而不祭。今擇日而祭。非禮也。月令。一歲間八薦新。開元禮加五十餘品。景佑中。禮官言。呂紀簡而近薄。唐令雜而不經。於是依詩禮月令外。增多十有七品。今刊定。孟春薦韭以卵。羞以葍。仲春薦水。季春薦笋。羞以含桃。孟夏嘗麥以晁。仲夏嘗黍以雛。羞以瓜。季夏羞以芡。以菱。孟秋嘗稷。嘗栗。羞以棗。以梨。仲秋嘗麻。嘗稻。羞以蒲。季秋嘗菽。羞以兔。孟冬嘗栗。羞以鴈。仲冬羞以麋。季冬羞以魚。季春薦鮓。以應經。義。其凡新物及時出者。即日登獻。

始唐有事于上

帝。則百神從享。皆遣使祭告。太清宮太廟。則皇帝親行其冊。祝曰。奏告。謂告將奉以醑也。惟南郊為正饗。天寶議以為告者。上告下之詞。非所宜稱。改稱朝獻。

朝饗而奏告之名遂廢。至宋冊稱恭薦歲事。於是先
景靈宮朝獻。次太廟朝饗。末乃有事于南郊。太常丞
呂升卿言。有天下者。莫重乎享帝。歷考載籍。未聞有
祀天致齊。乃於其間。先廟享者也。獨唐天寶間。祀老
子太清宮。將郊。以二月辛卯。先躬享焉。祀用青詞。饋
用素饌。甲午。又親享于太廟。丙申。乃郊。終唐世奉行。
論者以爲失禮。然考其初。致齊七日。自辛卯至于丙
申。殆且五日。乃得雍容休息。以見上帝。爲猶愈也。今
致齊三日。於大慶殿。而用其二日。三行禮焉。則其失
彌遠矣。記曰。齊三日。一日用之。猶恐不敬。二日伐鼓。

何居。蓋先王於祭祀之齋如此乎其謹也。今用一日之齋。以修大祀。未見其可。况非全日乎。以奉宗廟。則齋之日爲不足。以事上帝。則齋之儀爲不虔。殆未稱翼翼昭事之意也。論者曰。宗廟之禮。未嘗親行。故因郊展薦。不則愈流失矣。臣竊以爲。七世聖神。儼在清廟。朝廷不時講行歲時親饗之禮。乃因大享帝而用之。非臣之所聞也。謂郊禮空如故事。致齋於大慶殿。徑赴祠宮。宮廟朝饗。竝乞寢罷。必欲至廟。亦止告太祖一室。以侑神作主之意。撤樂舞。以盡尊天致齊之義。而別修太廟躬祀之制。遇廟饗。則罷景靈宮朝謁。

之禮事。尼不行。自元豐分南北郊之祭。而北郊之儀。壹未嘗親行。元祐初。宰臣呂大防爲太后言。古郊祀必親。本朝祖宗直以郊必覃恩四海。大賚將士。非三歲行。則國力且屈。今皇帝臨御之始。當親見天地。而地祇不設。非禮也。乞下議。於是鹵簿使蘇軾上議言。昔舜之受禪也。顙于上帝。禋于六宗。望于山川。徧于羣神。自上帝六宗山川羣神。莫不畢告。而無地祇之文。武王之克商也。庚戌柴望。亦不言地。蓋古祀上帝。必并地祇。言上帝而地祇可該也。蓋詩序昊天有成命。爲郊祀天地。此合祭之明文。議者乃謂始於王莽。

而廢之。非其質矣。後漢建武二年。制郊兆於洛陽中。
爲重壇。天地位其上。光武皇帝親誅莽者也。尚采用
元始故事而行之。況於今乎。禮當論其是。固不當以
人廢也。且議者欲天地之分祀。以爲禮也。臣請言周
禮與今禮之別。古者一歲祀天者二。明堂饗帝者一。
四時迎氣者五。祭地者二。饗於宗廟。皆天子躬親其
他朝。日夕月。四望山川社稷五祀。及羣小祀之類。又
皆親祭。是周禮也。太祖皇帝受命肇造。建隆初郊。先
饗宗廟。乃祭天地。自真宗以來。三歲一郊。必先有事
景靈。饗于太廟。是國朝之禮也。夫周禮親祭如彼。其

多。歲歲行之而不以爲難。今禮親祭如此其少。三歲一行而不以爲易。其故何也。古天子之出入也。儀物不繁。兵衛甚簡。用財有節。而宗廟在大門之內。朝諸侯。出爵賞。必於廟。非止時祭而已。蓋其時。天子所治。不過王畿。唯以賓祭禮樂爲政事。守此而天下自服。今世所行。三年一郊。先郊二日而告原廟。一日而祭太廟。郊而肆赦。自后妃以下至文武。皆有賜賚。軍有優賞。皆非周禮。皆因之不改。而獨於地祇。則曰。周禮不當於圜丘祭也。此何義哉。王者父天母地。不可偏異。事天則親之。事地則簡之。是子於父母有隆殺也。

或謂易以當郊歲之十月此非臣之所知也十月親
祭地十一月親郊天是又先地而後天也且今所以
議者爲欲行周公之禮也不知此周禮之經耶抑變
禮之權耶以爲權而可則合祭圜丘胡然而不可乎
是時軾兄弟主合祭最力從之者五人學士承旨劉
安世主分祀從之者四十人詔今歲圜丘依熙寧十
年故事設皇地祇位。始見之禮候親祠北郊依元
豐六年禮行。夫天地奠高厚之位以綏縕判合而易
行。聖人制禮以崇報因其法象故天地之祀歲十行
而分合饗具有之精之至也宋三年一郊於禮也濶

矣。乃浮濫費不節，而區區於分合之爭，不已未乎。紹
聖羣邪詆誣元祐，以爲踵王莽謠事。元后故事，阿宣
仁而躋地合天，何其悖也。政和五年，用相蔡京議，作
明堂于寢殿南，正臨丙方，近東，稱福德之地，爲容悅。
徙秘書省建之。京兼明堂使，日役萬人。再踰年而後

成，而神告不饗矣。

元豐元年，詳定八廟異宮之制，以
僖祖爲始祖，居中，翼祖、太祖、太宗

仁宗爲穆在右，宣祖、真宗、英宗爲昭在左，皆南面。北
上，神宗、祔、禮寺言：七世八室，已有定制，請祧翼祖于
夾室，祔神宗于第八室，自英宗上至宣祖，以次升遷。
從之。禮官李清臣建議：言哲宗升祔，室如晉成帝故
事，於太廟殿增一室，候祔廟日，神主祔第九室，詔下
侍從官議。時清臣爲禮尚書矣，論者多傳會，惟蔡京
謂哲宗父子相承，自當爲世，若不祧遠祖，則三昭四
穆，與太祖之廟而八，陸佃、曾肇等亦謂古無八世之

廟室上遷宣祖以合古三昭三穆之義清臣辟說甚力帝迄從之已禮官請復翼祖宣祖以備九廟於是增太廟殿爲十室復翼宣二祖馬南渡板蕩宗廟無主建炎初祫享

祖宗于溫州紹興五年建太廟臨安凡九世十二室十三年合祭天地于南郊以太祖太宗竝配而郊廟具建于臨安自熙寧尊僖祖而太祖列羣穆於人心終不厭至是吏部員外郎董茶言仰惟太祖皇帝受天明命混一區宇功德之盛比周后稷因時特起擬漢高皇晉魏而下未有倫比所安郊祀宗配祫饗東向傳千萬世而不易者也仁宗皇帝親行祫享詔有司詳議太祖東向之位是時在廷洪儒碩學僉謂必

受命之祖。乃克居之。而僖順翼宣四祖親未盡。故大
禘列昭穆。而虛東向之尊。意實有待。終不敢以非受
命之祖而居之也。王安石用事。奮其臆說。尊僖祖爲
始祖。肇居東向。蔡京祖之。爰立十室。循沿至今。大禘
之歲。太祖尚居第四室。處昭穆之列。上無以當天地
神祇顧歆之意。下無以答億兆臣庶尊仰之心。正厥
違誤。宐不可緩。下禮官太常寺丞王曾言。臣謹按宗
廟前事。禮失之甚大者有二。則太祖之名不正。而大
禘之禮不行也。古者廟制異宮。太祖居中。而羣廟列
其左右。後世廟制同堂。則太祖居右。而諸室皆列其

左祫享朝踐于堂則太祖居東而諸室皆列其西饋食于室則太祖東鄉而昭穆位於南北後世祫享一於堂上而用室中之位故唯以東鄉爲太祖之尊若夫群廟迭毀而太祖不遷則百世不能易也謹按太祖之稱本以廟之始祖而名是廟號非謚號也我太宗嗣服之初太祖廟號已定雖更累朝每於祫享必虛東鄉之位以爲非太祖不可得而居也熙寧尊僖祖爲廟之始祖百世不遷祫饗東鄉而太祖常居穆位名實紊矣苟以熙寧之禮爲是則僖祖當稱太祖而太祖當改廟號則雖三尺之童知其不可而太祖

不得東鄉。廟號徒爲虛稱。則行之百六十餘年。習而安之。抑何理哉。此太祖之名不正。其失一也。禮不王不禘。王者禘其祖之所自出。以其祖配之。記曰。禽獸知有母而不知有父。人知有父矣。大夫學士知尊祖矣。諸侯及其太祖矣。然有祫無禘。禘其祖之所自出。唯天子得行之。則禘王者之大祭。所以下別於諸侯大夫者也。國朝熙寧前。宣祖爲太祖之所自出。而猶在七廟之數。故以其合食當之。雖禘未能如古。然而不敢廢也。其後尊僖祖爲始祖。而僖祖所出之系序不著。故禘禮因廢。而宗廟之祭。遂至三年一祫而止。

則是以天子之尊而俯同於三代之諸侯也。是大禘之禮不行。其失一也。臣愚乞斷自聖衷。定七廟之禮。成一王之制。自僖祖至于宣祖親盡之廟。當遷自太宗。至于哲宗。昭穆之數已備。安奉太祖神主居第一室。每歲告朔薦新。止於七廟。三年一祫。則太祖正東鄉之位。太宗仁宗神宗南鄉爲昭。真宗英宗北鄉爲穆。五年一禘。則迎宣祖神主享于太廟。而以太祖配焉。於禮經庶合。議者徒以奉安之所。祭饗之期爲疑。不知宣祖而上。正如唐之獻懿景靈。系奉聖祖之宮。亦德明興聖之比也。四祖神主安。放唐禮。祔景靈宮。

天興毀而太祫之歲亦卽於其宮享之則旣足全太祖之尊又足極追遠之孝矣禮天子七廟三昭三穆與太祖之廟而七則是四親二祧止於六世在成王時以亞圉太王文王爲穆以公叔王季武王爲昭并太祖后稷爲七也書曰七世之廟可以觀德蓋舉其總數而言非謂七世之祖未毀也今宣祖已在三昭三穆之外當迭遷詔臺諫禮官集議不果行孝宗升祔吏尚書鄭僑等據以爲請諸儒樓鑰陳傳良皆翕然附議而相汝愚主之於是自昌陵祔廟踰二百年而後正太祖之位創一殿于大殿西曰四祖殿禮官

侍祠。

景靈宮於大中祥符以聖祖臨降而名。然本周廟有神卹殿。安先朝卹容。倣古原廟云。

大禘。實以玄鳥生商。帝武降罔。無主名。故以所自出

之。帝命之。其義難知。則天之際微也。此後世祀感

生帝之所始。而於法謬以魯當之。非其義矣。

時朱侍講熹王

安石議狀。脩僖祖不可遷者有四。畧言祖宗之主。旣不可下藏之子孫之夾室。器事卽遠。有毀無立。又不
得別立新廟。藏之天興。則宗廟原廟不可相糺。遇祫
時。別廟而享。卽懼而享。又何以謂之祫乎。竊詳議者
特欲尊奉太祖。三年一祫。暫東向之。故而實無益於
太祖之尊。徒使僖祖太祖兩廟神靈若相與較強弱
於冥冥之中。今但以太祖追帝之。推之在天之靈
必有所不恐。而不敢當矣。况僖祖神主遷於治平。未
及數年。而神宗復奉以爲始祖。已爲得禮之正。而合
於人心。所謂有其舉之。莫敢廢也。元祐大儒程頤議
論與安石每異。而論廟制。則深以僖祖爲不當祧。議
者特以司馬光韓維之賢。人所敬信。其議偶不出此。

而安石以變亂穿鑿得罪公議遂堅守二賢之說并
安石當取者而廢之或已蓋尊太祖以東向者義也
奉僖祖以東向者恩也義者天下臣子今日之願恩
者太祖皇帝當日之心也與其伸義誦恩以快夫臣
子之願孰若誦義伸恩以
師慰太祖皇帝之心乎
自濮議作而安懿王追尊

之典竟廢熙寧初臺臣復以爲言韓魏公琦尚在位
言於神宗曰此臺諫必欲求勝稱皇伯而然願已之
先帝旣不敢爵父陛下又豈容爵祖事遂寢高宗時
選太祖後宗室子偁子伯琮育禁中更名瑗封魯安
郡王已進建王更名瑞已立爲皇太子更名昀音慎詔
廷臣議子偁封爵號名戶部侍郎汪應辰議當定稱
皇子本生親帝內降言皇太子本生親可封秀王謚

安僖母張氏爲秀王夫人而萬世禪繼之典卓然獨當矣。明年詔皇太子卽帝位。朕稱太上皇帝。后稱太上皇后。退居德壽宮。太子固辭讓不敢當。趨殿側門。遂遁避。帝面諭數四乃止。於是上皇出御紫宸殿。輔臣率百官班殿門外。拜詔畢。上皇先還宮。頃之羣臣復入班殿。廷內侍擁帝至御榻前。帝却立不敢前。當坐。輔臣率百僚賀。帝起謝曰。君父命出。獨斷予小子不得辭。自顧榮然不足當大位。羣臣頓首言。上以大德嗣大位。最宜稱禮成。太上皇卽駕之德壽宮。帝服袍履。步出祥曦門。冒雨披輦行。及宮門弗止。上皇麾

謝再三。令左右扶掖還。退太息久之曰。付託得人。吾無憂矣。已。帝日朝太上皇于德壽宮。辭。自是月四朝。以爲常。十四年秋九月。太上皇帝有疾。冬十月。帝罷朝。侍疾。赦太上皇崩。遺詔太上皇后改稱皇太后。帝號慟。擗踊水漿不入口者三日。宋自祖宗來。國大器公。除用易月之制。而宮中實素服終三年。及是。帝諭宰執。欲毋循易月令。如晉武魏文實行三年喪。相淮言。晉武帝雖有此意。後宮中亦深衣練冠。帝曰。此當時羣臣不能將順之過。司馬光所以譏也。且自我復古。庸何傷。淮曰。御殿時。人主衰絰。羣臣從吉。非稱也。

帝曰自有等殺乃內批朕衰經三年羣臣自行易日之令小祥日淮等復以請帝流涕不許衰經御輦設素仗詣殯宮帝毀甚軍民見者咸感泣比禫日百官請聽政不許引康誥被冕服出應門爲比三表請許之既百日宮中猶麤衰御延和服白折巾布衫過宮則衰經而杖比啓攢帝服初褻服發引毀甚甲戌虞既廟祔下詔言前群臣屢請雖有祔廟勉從之旨稽諸典禮心實未安行終制爲允宜體至意勿復言時執政近臣皆主易月之說諫官謝諤禮官尤衰心知其當然而不能自盡惟勅令所刪定官沈清臣再上

書願力全聖孝。示百官以刑四海。帝納用焉。孝宗崩。
光宗以疾不任。器皇太子卽位。詔行孝宗器三年。有
司請易月外。循前制。用漆紗淺黃。朱侍講適召入。具
疏言。自漢文短器。歷代因之。使三綱淪喪。千有餘年。
于茲矣。壽皇聖帝。實始追復古。往易月之外。猶執通
喪。陛下以世嫡承大統。承重之服。著在禮律。羣臣不
能以遵明。易月之外。遂用漆紗淺黃之服。使壽皇已
行之制。復遂廢壞。臣竊痛之。今已往之失。不及追改。
惟有將來。啓攢發引禮。當復用初喪服。則變除之節。
尚有可議。聖明詔禮官稽禮律豫定。不報。

方薰上議
時門人有

疑者、未有以折之、後讀禮記正義、舉服小記、爲祖後
者、條、因自識於本議之末、畧云、準五服年月格、斬衰
三年、嫡孫爲祖法甚明、而禮經無文、但傳云、父沒而
爲祖、後者服斬、小記云、祖父沒、而爲祖母後者三年、
可以旁證、至爲祖後者條下、疏中所引鄭志、有諸侯
父有廢疾、不任國政、不任器事之問、而鄭答以天子
諸侯之服皆斬、父在而承國、於祖服固斬也、方上奏
時、無文字可簡、又無朋友可問、故獨以禮律言之、有
疑父在不當承重者、無他證驗、但以禮律人情大意
答之、心常不安、今見此、方得無疑、乃知學之不講、其
害如此、向無鄭康成、則此事終未有所決也、咸淳二年郊議者、以高宗中

興請升侑禮官洪燾等言物無二本舜郊嚳商郊契
周郊后稷所以原本始也遠而尊者配於郊近而親
者配於明堂所以明有等也請如舊從之自三代廟
制其詳不可得聞後世爲同堂異室之制禮益紕繆

一朱文公熹著論言。王制天子七廟。三昭三穆與太祖之廟而七。諸侯大夫士降殺以兩。而祭法又有適土二廟。官師一廟之文。廟皆在中門之左。外爲都宮。內各自爲門。堂室寢垣宇周焉。太祖在都宮中之北。左昭右穆。以次而南。蓋同爲都宮。則昭常在左。穆常在右。而外有以不失其序。一世自爲一廟。則昭不見穆。穆不見昭。而內有以各全其尊。至其遷祔。則太祖百世不遷。商周之契稷是也。其宗無數。有功德則宗之。不可預爲數。亦百世不遷。殷三宗是也。餘三昭三穆之主。則以次遞遷。而各以其班祔。父昭子穆。而孫復

爲昭昭者祔則穆者不遷穆者祔則昭者不動若武
王謂文王爲穆考成王稱武王爲昭考蓋自其始祔
而已然至春秋傳以管蔡邲霍爲文之昭邲晉應韓
爲武之穆雖其旣遠而猶不易也凡廟門皆南向主
皆東向及祫於太廟之室則惟太祖東向自如爲最
尊之位群昭入皆列于北牖下而南向羣穆入皆列
于南牖下而北向南嚮者昭明故謂之昭北嚮者穆
深故謂之穆蓋羣廟之列左爲昭而右爲穆祫祭之
位南爲穆而北爲昭此祔必以斑戶必以孫而子孫
之位亦因之以爲序也漢承秦敝不能深考三代之


制諸帝之廟各在一處。不容合爲都宮。以序昭穆。其
後明帝。又欲遵儉。自抑。遺詔毋起寢廟。但藏主於光
武廟中。更衣別室。後世不敢加焉。而公私之廟。皆爲
同堂異室之制。自魏晉以及隋唐。其間非無奉先思
孝之君。據經守禮之臣。而不能有所裁正。其弊至使
太祖之位。下同子孫。而更僻處於一隅。旣無以見其
爲七廟之尊。群廟之禮。又上猷祖考。不得自爲一廟
之主。以人情論之。生居九重窮極壯麗。而沒祭一室。
不過尋丈之間。甚或無地以容鼎俎。而陰損其數。孝
子順孫之心。於此宐有所不安矣。我神宗皇帝。始創

慨然詔儒臣討論舊典。將以遠迹三代之隆。正千古之謬。而未及營表。世莫得聞。秉筆之士。又復不能特書以詔萬世也。豈不惜哉。大都宋去古益遠。學士守經義者。往往滯偏文。隻辭不通於大方。而世異變時異適。禮當與時而宜之者。又膠定制而不知其極。其溺俗習苟安者。又麗雜卑瑣而不經。國大事大議。往往執所見自固。而互相陵高。卽聚訟不啻也。記稱讓而後對。孔誚其言不讓。史謂閭閻侃侃。得禮之容。斯謂禮意哉。張批曰。此段本結宋事。而三代秦漢隋唐併結。本言宋禮未善。絕不明說。於末數語露之。在朱子本爲有叙之言。而入此編。則彌深渾矣。宋初沿用唐開元禮。而劉

溫叟和峴扈蒙補輯遺逸通今事曰開寶通禮行之。
大都本開元嘉祐初知太常歐陽修請命姚闢蘇洵
續續其事。王開寶禮而紀其變禮曰太常因革禮元
豐中學士蘇頌宋敏求等復以開寶禮及近所詳定
分有司儀註沿革爲三門曰元豐新禮而韓杜程張
司馬諸大儒始各緣天性人情之不可易者本三代
遺意依時世爲節文各往往行之家南渡初高宗感
晉武平吳後以廢禮而亂也卽搶攘中加意不廢迨
孝宗時禮家如王普董荼等續編紹興太常因革禮
以行。朱文公熹居母憂自始死以至祥禫參酌盡變。

因成器葬祭禮。又推之冠婚而成編。曰家禮冠禮則多取司馬氏婚禮。則參司馬氏程氏喪本。司馬氏後又以禮侍郎高閔抑崇之書爲最精。多採用焉。書成一。侍子竊之亡去。而末及有修改已。欲取儀禮周官二戴記定爲王朝鄉國公卿大夫士庶人之禮以行。而未克成。編比疾革。門人請後事。曰用溫公禮乎。曰疎書儀乎。曰未問儀禮。領之則知士器禮古經固萬世不能易也。蓋熹沒而家禮書復出。而近世尊其學類遵用其書。其自叙曰三代之禮其宮廬器服出入起居之制節皆已不宐於世。世之君子有意乎禮或

違其本而務其末。緩其實而急於文。苦其難而不能
舉其要也。其困於宴貧者。尤患其終不能及於禮。烹
之愚。蓋兩病焉。是以嘗獨究觀古今之禮。少加損益。
爲一家之書。其大體之不可變者。則以謹名分。崇愛
敬爲之本。至其施行之際。則又畧浮文。敦本實。以附
於孔子從先進之意。誠得與同志之士。熟講而施行
之。古修身齊家之道。慎終追遠之心。庶猶可得復見。
而國家崇化導民之意。或其所小補云。




五


牙


...

卷一

一







DS
735
192
74
v. 71
函史下編卷之十四下

明盱郡鄧元錫著

禮儀志 下

明興

太祖高皇帝敬共百神之祀。吳元年。建園在于鍾山之陽。以冬至祀。

昊天上帝。建方在于鍾山之陰。以夏至祀。

皇地祇。建四親廟于闕左。中奉。

德祖。東。懿祖。西。熙祖。東下方。仁祖。廟與。

主皆南向。東西有夾室。有廡。有三門。門建二十四戟。略。

如古都宮之儀。洪武元年正月乙亥祭告。

天地于南郊。卽皇帝位于郊壇之南。建國號。改

元明受之於天也。追尊四代考妣爲帝后。勅

禮官言自昔聖帝明王。內致誠敬。外盡儀文。嚴於祭

祀。朕膺天命。首建郊社宗廟。顧草創之初。典

禮未備。將何以交神明而致靈貺。其博考古今定儀

聞。於是丞相善長學士安太常卿惟庸等。奏國有大

祀。曰圜丘。曰方丘。曰宗廟。曰社稷。若他諸中祀小祀。

各具沿革以進。於是祀天圜丘。以大明夜明星辰

大歲諸神從饗。祭地方丘。以嶽鎮海瀆諸神從饗。而

前代太一感生五帝諸不經之祀俱罷。撰二丘樂章。定宗廟儀。以四孟月歲除凡五享。而清明端午中元冬至祀如儀。視稱孝子皇帝。不稱臣。遣皇太子祝稱遣長子某。不稱皇太子。撰宗廟樂章。三年奉仁祖配。天地位。西向。而四親廟。孟春犴享。三時奉三祖合享于

德祖之廟。德祖南向。三祖東西向。初獻各奏其廟樂。餘奏德廟樂。

上親郊。皇太子居守。親王戎服從。七年以大祀獻終。乃分獻未安。學士同濂言。請初獻奠玉帛。已分獻官。

卽初獻亞獻終獻亦如之。

上曰。善。八年定大祀登壇脫舄禮。

學士樂韶鳳奏曰。禮侍坐於長者。屨不上。

於堂解屨不敢當階就屨而舉之。屏於側。注。屨賤。空則不敢陳於尊者之側。長者者在堂則脫於階下。在室則上堂而不著人室也。漢魏以後。朝祭則跣屨。惟蕭何劔履上殿。宋南郊。皇帝至南階。脫舄升壇。入廟。脫舄升殿。宋開寶通禮。太廟饋食。并禘祫。皇帝至東階下。解舄脫屨。今議於郊祀廟享。前期一日。有司以蓐藉地。設御幕於壇東南門外。及設執事官之次。門外西側。祭日。大駕臨壇。人幕次。脫舄升壇。執事導駕。讚禮讀祝。并分獻陪祭官。皆脫舄外次。升供事。九年。改協律卽樂舞生。跣屨就位。畢。降壇。納舄從之。

建 大廟。前正殿。後寢殿。殿翼兩廡。寢殿九間。間一

室。中室奉

德祖帝后神主。

懿祖東一室。

熙祖

西一室。

仁祖東二室。

主皆南向。几席諸器備具。

如生儀而建 奉先殿於 乾清宮左

上日焚香展敬。朔望薦新及節序生辰。用常饌。行家人禮祭焉。十年春且郊。

上感齋居陰雨。覽京房災異對。喟然嘆。採古明堂遺制。即圜丘舊壝。作 大祀殿。定合祀之制。而是歲即

奉天殿行焉。十二年殿成。祀

昊天上帝 皇地祇。位南嚮。 仁祖配。西嚮。六宗五嶽

四瀆之神各壇壝以從。壇十禮成。

上作大祀文。弁歌文略言。朕聞太極之化。天開於子。地闢於丑。位極既定。虛其中爲寰中。而人生於寅。人生

滋多。非聖莫馭。天生君主。爲民立命。洪荒之時。莫知誰始。今載於書。開天立極。首興彝倫者。伏羲神農黃帝是也。法三皇而守行者。少昊顓頊高辛唐虞。其損益禮樂。大備其文者。夏商周也。下至秦漢以及於唐宋元。嗚呼。天惟自然而常者。三綱五常也。聖人度人情而措彝倫。不逾其性。務從于善。每聞昔君。欽若昊天。莫敢有怠。朕卽位以來。於是命三公度土。工部役梓人。於南郊創大祀殿。合享祀。天饗地奉。宗廟社稷。當齋期必有風雨。臨祭乃歛。每以爲憂。京房有言。郊祀鬼神。必天道雍和。神乃答。若有飄風驟雨。

是爲未善。朕度古人南郊祭天。以陽生之月。北郊祭地。以陰生之月。獨以義起。不知至陽祭之。至陰之月。至陰祭之。至陽之月。於理可疑。且掃地而祭。其來甚遠。尚質不華。令天地之享。與人大異。將人之饗。亦執古不變乎。古則汙尊。抔飲茹毛。飲血巢居穴處。今可行乎。殆必不然。因定歲祭天地於首春。三陽交泰之時。合祀天地。前期致齋五日。內二日以告仁祖。三日正齋。風和日煖。及夜升壇。山川草木不搖。江海不波。太陰中天。神恍臨降。故合祀宜也。朕雖失學。無文特述其事。而咏歌文多不能載已。罷朝日夕月。

熒星之祭。弁諸從饗者。歲八月。各祭于其壇廟。而制郊社大事。國有三年。器不廢。廟饗值國喪。樂備而不作。云。當是時。

上於郊立宗廟之禋祀。執鬯秉圭。夔夔兢兢。畏儼神明。降臨將告。祀南郊。勅百官。天高聽卑。鬼神幽顯。通一無二之道。甚具。令竭誠盡慎已。詔中書言祀禮肇於聖王。諸周旋上下。進趨獻酬之節。慤慤至矣。朕親循行。其無乃失之瀆而過飾乎。過飾是不誠也。孔子有云。禘自既灌而往者。吾不欲觀之矣。且人不誠者衆。暫誠者有之。永誠者鮮已。今措禮設儀而過。

飾能有終乎。朕周旋神所十有一年。未見其當於是更儀殊式。合祀天地。神乃懽。中書下翰林院令儒臣紀焉。

上嘗以

仁祖忌辰。詣廟祭訖。御便殿泣數行下。不自休。謂

起居注詹岡言。往吾父以是月六日亡。兄以九日亡。母二十二日亡。一月間。三喪相繼。人生何堪。終天之痛。念之罔極。因悲咽不自勝。左右皆感泣。不能仰視。已定。仁祖陵號。禮尚書亮請下太常行祭告禮。博土孫吾與持不可。以爲陵有號。所以識別先陵而已。

不以告。亮曰。加上陵號。歸尊先世。考之如漢光武上
先陵號曰昌。宋太宗上高祖陵號曰欽。曾祖陵曰康。
祖陵曰定。考陵曰安。蓋創業之君。尊其祖考。亦尊崇
其陵。旣尊其陵。必以告。禮緣人情。加先帝陵號。不以
告。非人情也。臣以爲宜告。命俟。碑成。遣大常祭
告。國初太社太稷。異壇同墻。皆北向。勾龍后稷配。
東向。已。

上乃言社祀五土。稷祀五穀。土主發生。五穀用以生。乃
各壇而祭。是土穀不合同以生也。義何當焉。又祭先
社固當。乃先奠社配。已。奠稷。何居。其一壇合祀二神。

神乃我答。而罷勾龍后稷氏配。配以仁祖。壇成。禮尚書張謐言。書稱成湯顧諟天之明命。以承上下神祇。社稷宗廟罔不祇肅。則社稷於神祇宗廟崇禮一也。後世列爲中祀。失之矣。祭之日。或具通天冠。絳紗袍。或以皮弁。制未有定。今

陛下稽古左祖。右社之制。奉仁祖配。至尊至重。宜升

爲上祀。冕服以祭。從之。

壇上層方五丈。二層方五丈。三尺。高五丈四。出陛用五色

土。隨方築之。社主用石。高五尺。闊二尺。上微尖。半埋土中。其門垣亦以其方色飾之。

國初建

山川於天地壇西。爲正壇者七。曰太歲。曰風雲雷雨。曰五嶽。曰五鎮。曰四海。四瀆。曰鐘山。兩旁從祀六壇。

左京畿山川。若夏冬季月將。右春秋季月將。若都城
隍神。而壇西有先農壇。東有旗纛廟。壇南藉田在焉。
已。大正天下。祀典神祇之號名。下詔言。朕惟五鎮
四海四瀆之封。起自唐。歷代崇加。夫嶽鎮海瀆。皆
高山廣水。自開闢至于斯今。皆受職上帝。玄眇莫測。
豈國家封號之所得加。瀆莫甚焉。雖忠臣烈士。惟當
代褒勵。封號爲宜。今依古制。凡嶽鎮海瀆。竝去其前
代所封號名。止以山水本名稱神。與郡縣城隍神號。
一體改正。歷代忠臣烈士。從當代本封。無從其溢名。
庶幾神人名正言順焉。已。禮官言。太歲風雲雷雨嶽

鎮海瀆及天下山川都城隍。天下城隍皆祀於城南。
屋而不壇。非禮也。唐制以立春後壬日祭風師於城
東。立夏後申日祭雨雷於城東南。以今觀之。天地生
物。動之以風。潤之以雨。發之以雷。本一氣使然。至於
海嶽之氣。流通暢達。何限隔之有。宜以太歲風雲雷
雨嶽鎮海瀆及山川諸地祇合爲一壇。春秋專祀。制
曰可。壇成。親祀。後遣官祭之日。

上服皮弁服。御奉天殿降香。中巖以待祭畢。獻官復
命。始解嚴還宮。後於壇北建祭殿五間。又北建拜殿
五間。備風雨焉。

國初禮官言太歲者十二辰之神。按說文歲从步从戌。木星一歲行一次。

應十二辰而一周天。自子至巳爲陽。自午至亥爲陰。所謂太歲也。陰陽家又有十二月將。十二日時所直之神。名不經見。唐宋不載祀典。元有大興作。祭太歲月將日直。今定祭太歲于山川壇之正殿。而以四月將分祀兩廡。何孟春曰。太歲實統四時。而月將四時之候。寒暑行焉。古人有時與寒暑之祭。是其神也。○永樂初。建今京師山川壇。左祀鐘山。右天壽山之神。以兩都主山。且陵園託焉。故也。國祚

祀三皇太牢。勾芒祝融風后力牧配已。命官考古帝王臨中國。安養民有功德者祠祀之。擇名臣從祀已。禮官言。古帝王祠父子祖孫合一廟而食。非禮也。請爲廟同堂異室。歲春秋禮三皇五帝。夏禹殷湯。周文王。武王。漢高祖。光武。唐高祖。太宗。宋太祖。元世祖。其守成贊君。令所在有司歲春祭於陵。制曰。可已。定

歷代名臣始終全節者三十五人。從祀帝王廟。黜宋趙曾。進漢陳平。馮異。宋潘美。已。以文王雖基命。而守終臣節。唐高祖有天下。皆太宗力。可勿祀。祀於陵。增隨文。是歲以廟災。改建於欽天山之陽。去隋文。已。著令。子午卯酉年。傳制祭于陵。廟祭停焉。詔司府州縣衛學。通祀孔子。頒釋奠儀。已。又頒大成樂器于天下。已。立功臣廟于鷄鳴山。已。著令。祀太廟。諸功臣與饗。而郊廟社稷山川國大事。遣官祭告。當是時。國學釋奠。若古先賢祠。若古功臣忠臣祠。若先農。城隍。旗纛。馬祖。五祀。大厲。京倉。諸祀祠。皆遣官祭。而百

神咸秩。鄭尚書曉言。

太祖勤民育物。敬共明神。博考經義。釐正祀典。二丘始分而終合。四廟先異而後同。明堂肇於周經。我則郊焉。而侑仁祖。太公遺於漢祀。我則廟焉。而祔宗人。有其舉之。至存佛老之宮。無可考矣。寧缺禘嘗之義。蓋酌今古。通幽明。絕地天。和上下。殷殷乎。秩秩乎。不可以有加矣。當其時。李善長。宋濂。詹同。陶安。崔亮。牛諒。陶凱。朱升。樂韶鳳。諸君子。皆能尋則夷彤。取衷萃渙。條之品式。以授祠官。雖損之益之。未盡復古聖王之舊。而矯誣妖誕。奇袤巫覡。諸不在祀典者。莫不峻

制而曲防之。亦可謂仰贊聖猷。一洗汙俗矣。豈非得
夏之禍。烈於九黎。裴常之功。艱於二正。時與勢實然
乎。必欲咨三禮於四岳。俟兩生於百年。亦爲迂遠而
濶於事情矣。建文元年。奉

太祖神主。祔寢殿西二室南向。正殿神座位次。

熙祖東向。祀園丘。撤仁祖奉。

太祖配。永樂初。循行。

上巡北京。皇太子攝郊禮成。部尚書驛赴行在。復

命已定。都北京。建郊廟如留都歲。親祀而

留都壇廟。國有事。乃遣官祭告焉。洪熙元年。奉

文皇帝 郊祀配 天位

太祖皇帝下西向而 太廟祔東三室殿座次

仁祖祭社稷定用仲春秋月上戊日

本周公卜洛戊申社奉

太祖 太宗同配自是百年間 郊廟百神之祀大

定歲 勅舉如儀而成化弘治中有 慈懿葬祔

孝穆登饗之儀 慈懿皇太后者

睿皇帝后也錢氏而 貴妃周太后實生

憲宗。憲宗既即位閹夏時倡言 錢皇后久病不當上

尊號獨尊

上生毋爲皇太后。輔臣贊爭曰不可。

上新卽位。四海之望曰遵。遺詔從事庶順天理。服人心。閣學士時曰。公言是。朝廷所以服天下心者。惟綱常。今獨隆所生。損聖德。不細請入對。少選閹傳仁壽宮旨曰。子爲帝。母稱太后。固當。豈有無子而太后者。且宣德中自有例。閣學士時曰。今日事與宣德中異。宣德中。胡皇后表稱疾。讓位居別宮。故正統中。尊號不得而加焉。今名分固在。安得引爲比。若臣子諛從。如得罪天下萬世。何且。

宣皇晚年。每以胡后事爲憾。居恒歎此。朕少年事大誤。與宋仁宗廢郭后事正同。不可諱可鑒也。且所爲不。

敢不極言者非他爲欲全

皇上聖德故耳。卽欲全聖孝。獨兩宮同尊爲宜。於是議始定。而皇太后加慈懿以別嫌。是時會議者慮忤內旨。頗觀望引默。賴輔臣而定。抑本

上仁孝事。兩宮如一。得典成于周焉。四年夏。

慈懿太后崩。下大臣議葬祔。大學士時曰。此定禮。無可議者。梓宮當合葬。裕陵主當祔廟。部尚書姚夔贊之曰。禮也。闋時復有嘖言。大學士時曰。

太后母儀天下三十年。卽臣子何忍異議。事關繫非小。

一異議。謂天下後世何。內臣洶洶爲危言聳之。已

上御文華殿。召輔臣入。問所當時對如前。

上曰。朕知遵正禮行固當。獨恐傷太后心。學士定之。

進曰。孝子從義。不從令。

上默然良久曰。合葬孝也。若因是失聖母心。亦豈得

爲孝。其安之時曰。

皇上下大孝。當以

先帝之心爲心。先帝待慈懿太后始終如一。今厝

梓宮於左。虛右以待後來。卽兩全庸何傷。時

上雖未允。而容色甚和。時請退。具本上。

皇上得以臣下公議。委曲申勸。終大孝。卽日閣學士輅。

禮尚書。瓊等。各疏言。山陵宗廟。禮義之大端。父子

君臣夫婦之所繫。不可不慎也。大行慈懿太后止

位中宮事。

先帝自始至終。如樂之和。未有違命。則婦道全矣。

皇上嗣位。尊號慈懿。未嘗有纖介之過。聞於中外。則

母道全矣。今其崩逝。陛下爲之括髮跣足。朝夕奠

臨。舉大喪。一依孝恭皇后禮制行事。未嘗有缺。子

道全矣。生則致其養。死則致其喪。今一旦梓宮不

合葬於裕陵。神主不祔享於太廟。人心疑駭。

臣等所爲悼懼也。

皇上天性高明。孝心純懇。前召面對。固已洞燭禮義之經。但迫於皇太后之命。欲順承則義有未安。欲從衆則恩有未忍。展轉宵旰。未賜允斷。萬一義不勝恩。或違典禮。臣恐在廷百辟將有言。天下後世將有言。卽遂行之。能保將來無據禮而正之者乎。伏望

皇上以臣等所言。致誠盡孝。開諭太后。俯從衆議。以充宗社。天下幸甚。下百官更議。百官言時等言。是內批。猶未允。於是輅時等帥百官伏文華門。號哭不起。聲聞大內。母后爲感動。於是傳溫旨諭如議。乃退。而孝莊皇后祔裕陵。弘治十七年。

周太后崩上尊諡如皇后儀而大學士健等疏請下禮官議。

上御西角門召健等出裕陵圖孝莊太后玄堂與

英廟皇堂違數丈而中隔不通曰非禮也當釐正健等

對曰臣等初不預知今

皇上欲釐正仰見聖孝盛德出前古遠甚。

上曰是皆內臣所爲先生輩豈得知內臣中識達理道者幾人昨閱成化間彭時姚夔輩奏章先朝大臣

大都忠厚爲國如此因論祠廟禮健等具言先年

奏議定孝莊太后居左今大行太皇太后居右。

俱祔 陵俱配 大廟臣不敢輕議然漢以前惟一
帝一后唐始有二后宋亦有三后並祔者

上曰事湏師古末世鄙褻之事不足法也

太皇太后鞠育恩厚深朕豈敢忘獨 宗廟事闕綱常
至隆至重豈容有毫髮僭差我

祖宗來惟一帝一后今並祔從朕始後恐雜亂無極

孝穆太后朕生身母也止別祀奉慈殿今 仁壽宮前

殿寬欲奉 太皇太后於此奉 孝穆太后于後殿

歲脩祀如何東陽稽顙曰

皇上言及 孝穆尤至公至正之心

上曰。此事湏先生革幘慮以行。並祔則違禮。不則違先帝旨。朕思之。夜不能寐。但

先帝旨固重。

祖宗典制尤重耳。健等請熟議。聞叩首退。於是禮尚

書吳寬本前禮官周洪謨議。上議言。周之姜嫄爲帝

嚳次妃。后稷之母。故周禮有享先妣樂章。魯頌閟宮

之篇特見其名。蓋著之也。春秋考仲子之宮。皆於禮

爲別廟之證。漢唐來亦然。至宋乃有並祔者。其禮已

謬。然皆諸帝生而繼配。非子孫追尊之比。惟宋李宸

妃歿。仁宗傷怛。用追尊而祔。難引爲比。諸別殿崇祀

爲當疏上。

上復召輔臣問議何若。當否。健等對曰。禮也。

上曰。仍。太皇太后稱得否。對曰。旣別廟。卽尊稱不嫌。

上出殿圖。裏中。指殿東一區曰。欲於此建廟。遷

孝穆太后併祭。則如何。健等言。甚當。問位序。對曰。太

皇太后中一室。孝穆太后或左或右一室。

上曰。左。虛右以俟。後來。於是別建廟。奉

孝肅中室。奉孝穆左室。嘉靖中。奉獻皇帝母

邵太后右室。具稱得禮云。先是

憲宗崩。九廟之制已滿。議所祧。禮官倪岳等言。昔周

以稷爲始祖。文武爲世室。皆百世不祧。餘以次序祧。
前乎周。則商以契爲祖。而湯與三宗。百世不遷。後乎
周。則宋以僖祖爲祖。而太祖與太宗。百世不遷。宋雖
時有異議。而大儒程頤朱熹。皆以僖祖爲得禮。
國家自德祖而上。世次莫推。則德祖視周后稷。
不可祧。明甚。

太祖 太宗視周文武。又萬世不遷。

純皇帝升祔。則懿祖皇帝神主。義當奉祧。宣於太

廟。寢殿後別建祧廟。如古夾室之制。歲暮奉祧

主合饗爲當。而吏部侍郎楊守陳。議以爲禮。天子太

廟。祖功宗德。國初上祀。德懿。僖。仁四祖。
爲四親廟。非祖功之意。郊祀配天以仁祖。取嚴父
之義。固未嘗以。德祖擬商周之稷契而配天也。
太宗嗣位。尊。

高皇帝爲太祖而配天。其意以四祖親盡當祧而
太祖則如禹之於夏。高祖之於漢。固百世不遷也。且古
者一帝一廟。廟皆南向。後世同堂異室。亦皆南向而
全其尊。時享盡然。惟祫祭則太祖東向而尊。餘左右
分向而卑耳。今國家時享之禮。皆

德祖南向。餘東西分列。已儼然古祫禘之儀矣。今以

德祖爲始祖。永居南面之尊。則

太祖旁列。永居東西。何之位。臣子仰瞻。寧無悽怛。必且有傳聞洽禮之儒。昌言以排其失。尊

太祖而後已。唐宋之事是已。况今別廟於太廟伊邇。

祫祭。則德祖猶居南面之位。不失其尊。非如唐遷

興聖。宋遷四祖。殿遠隔而別饗也。亦何嫌於伸孫屈

祖之云也哉。臣愚請祧德懿熙三祖。自

仁祖而下爲七廟。以應古制。異時親盡。則

太祖以功德而時祭。有常尊。而大祫以尊德祖。庶功

德崇而恩義亦備。無悖於禮者也。議上。

上從禮官議。建別廟於寢殿後。藏懿祖神主神座。而熙祖寢主遷東一室。殿座遷西向一位。

憲宗升祔西四室。殿坐次。

宣宗而仁祖以下遞遷。

孝宗升祔。祧熙祖。

武宗升祔。祧仁祖。已奉。

獻皇帝祔。而德祖不容無祧。於是

太祖高皇帝實始正九廟南向之尊。歲大禘。

太祖與四祖並南向。列聖左右序東西向如初。

世宗皇帝以神聖繼大統。初元。勅禮部下百官議。

興獻王崇祀號名固將闢秦漢以來諸儒之議。而祖其意於唐虞繼統三代世及之上。閣學士廷和欲重大宗尊尊爲正紀。援漢定陶王。宋漢王事。援禮官曰。是正典當據有異論。爲熒惑者斬矣。禮部尚書毛澄會公鵬舉。侯孫杲。駙馬蔡震。府部翰林科道官六十八人上議言。昔漢成帝立定陶王爲太子。立楚孝王孫爲定陶王。奉其王祀。其王者。皇太子本生父也。時大司空師丹以爲恩義兼至。今

皇上入奉大統。宜別立興獻王後主祀事。宋英宗議濮安懿王追崇典禮。知諫院司馬光白。請尊以高官。

大爵稱皇伯而不名。大儒程頤是之。今與獻王於孝宗皇帝弟也。

皇上考

孝宗於王當稱叔。當別爲殊稱。曰皇叔父興國大王。興王姬稱皇叔母興獻大王姬。凡祭告若上箋具稱姪皇帝名而以倫序。命益王第二子崇仁王厚炫襲封興。爲獻王後稱考妣。禮宐稱。

上意內卻之下再議。大學士廷和尚書澄各守前議。錄宋儒程頤說以上且言。上篤念興獻王主鬯非血屬。請令崇仁王暫主。興王祀需異時。皇嗣繁

衍仍以皇第二子爲獻王後。則情理得矣。

上復命博考典禮。求至當。延和復錄魏明帝重太宗詔。

以上。

詔曰。後嗣有孫。諸侯入奉大統者。當明爲人後之義。不得顧私親。敢爲導諛。建非正之號。謂考

爲皇。稱妣爲后。干正統者。誅無赦。書金策著令。

持不下。延和因人見力言之。

上曰。朕奉大統。非所願。獨謂庶幾得尊崇父母爲至榮。

今若此。徐之。需朕意少釋。乃下。時進士張璠知

上意。隆本生。欲將順。首疏言。臣聞孝子之至。莫大乎尊

親。尊親之至。莫大乎以天下養。

皇上嗣極。勅議追崇。

興獻王以致其尊。奉迎聖母。

以致其養。此孝子尊親養親之心。不能自己者也。茲

朝議考

孝宗而叔

興獻王。不過執漢定陶。宋濮王故事。謂爲人後者爲之子。不得顧私親耳。夫漢哀帝。宋英宗。當成帝仁宗時。皆豫立爲皇嗣。養之宮中。故師冊司馬光之論。施之其時。猶曰。是爲人後者也。今武宗嗣

孝廟。已十有六年矣。比崩。遺詔遵祖訓。兄終弟及之義。迎

皇上入繼。大統。比之預立爲嗣者較然。且皇上。興獻王之元子也。又獻王所生。惟

皇上一人。利天下爲人後。而稱以叔父。質之鬼神。固不能無疑。興獻王妃。聖母也。令止稱皇叔母。將以君臣禮見乎。抑以母子禮見乎。以君臣禮見。臣恐子無臣母之理也。夫繼統之與繼嗣。似也。而實不同。統者。帝王相傳之次第。而嗣。則父母一體之至親。漢哀帝。宋英宗。彼繼嗣者可矣。其在繼統。若漢文帝承惠帝之後。是以弟繼也。宣帝承昭帝之後。是以兄孫繼也。必奪彼父子之親。建此父子之號。以爲繼。則漢文。漢宣。皆不得謂之統耶。故禮時爲大。順次之。不時不順。非人情也。何禮之與有。竊伏謂。宜別爲

興獻王立。廟京師。隆尊親之孝。而所以子貴。迎

聖母致養焉。則興獻王不失其爲父。聖母不失其

爲母。所謂永言孝思。孝思惟則者也。

上覽奏大喜曰。此論出。吾父子終可完。下閣議。閣學士
禮尚書守前議逾深堅。於是主事霍韜是璵議作大
禮議。與澄私辯之。不能得。乃具疏上。畧以爲

皇上繼統於漢王不顙。今近舍無嗣之

武宗不嗣。顧遠紹有嗣之

孝宗而嗣之。是

孝宗乃有兩嗣子。而武宗興獻王。顧終無嗣也。且

天下外物也。舜受堯之天下。未聞不父瞽叟而父堯。
禹受舜之天下。未聞不父鯀而父舜。舜不父堯。未聞
廢堯之祀。禹不父舜。未聞廢舜之祀。此堯舜禹處人
倫之變。而不廢人紀之常者也。若曰。舜紹堯。宜爲堯
之子。禹紹舜。宜爲舜之子。是利天下而家之。非所謂
有天下而不與也。若必以追尊爲非禮。雖勿追崇焉。
可也。乃名。則何可奪也。於是

上召輔臣入賜坐。勞慰之曰。卿等議是。第至親莫如父
母。今尊父爲獻皇帝。母與獻皇后。祖母康寧
皇太后。其允行。廷和等持不可。已。復手詔諭之曰。

朕受祖宗鴻業。父興獻王獨生朕一人。旣不得承祀。又不得徽稱。謂罔極恩何。賴卿等委曲折衷。下禮部。部尚書澄持不可。璉復著大禮。或問申前議。甚辯。且言父子天性也。今以

皇上考

孝宗。而又以崇仁王考。興獻。是強之爲父子也。使

孝宗不得子。武宗。又使興獻王不得子。

皇上。是奪人之父子也。古之爲禮者。將使無後之人有後。今之爲禮者。將使有後之人無後也。且士階一命。無不欲尊榮其親。何獨至於

皇上而疑之。是使君之尊親不如已也。無亦愛君之心
不如愛已矣乎。至力闢爲人後者不得顧私親。爲漢
儒之說。而廷臣各闕然。以璵貢諛惑。

上聽。頌共擠排之。會聖母至通州。聞朝議不肯入。

上聞之。憂泣啓。

皇太后請避位。於是太后詔皇帝本生父興獻王宜

稱帝。母興獻王妃宜稱后。

憲廟貴妃邵稱太后矣。

已、輔臣擬上武宗皇后尊號

慈壽皇太后

上諭

邵太后

興獻

帝后亦擬上

閣學士

廷和等言

累朝加兩宮尊號俱有次第

邵太后

興獻帝后

上言。舊邸從龍臣。有以長史審理。今學士少卿者。而

聖父聖母顧不得何理也。於是御批 父與獻太皇

帝 母與獻太皇后而閣臣持前議以去就爭且言
正統大義賴一皇字而明若加於本生與正統混而

無別非所以重宗廟也。
上曰卿等言皆大義朕奉昊天至情不忍奪母拘文於

是禮尚書毛澄率禮官疏爭給事中御史翰林院各
連疏爭又明年

事得寢
上欲申 興獻帝后稱皇之命 召閣學士見平臺語

溫溫懇閣議堅不可 命司禮監詣禮尚書第即

賜金令勉為 上屈尚書澄堅不可謝事去先是璫

發大議固辯而於古今所共是頗扞忤疏具未上時

旁皇四顧邀與同功者莫或應疏上巡撫都御史席

書吏部員外郎方獻夫獨是之各具議憚袞訴未上

也。於是王事萼具疏。并繳書獻。夫議以上時。

上意殊鬱。念羣議堅難奪。而廷臣中無復主璵韜議者。得疏乃大喜。下百官集前後章奏平議聞。於是閣學士廷和乞罷。許之。禮尚書俊會百官主前議。

上下覆議。給事中御史力持之。

上怒罵曰。此朋奸。脩撰唐臯進曰。願

陛下考所後以別正統。隆所生以備尊稱。

上曰。何首鼠也。於是召都御史書主事璵韜萼。畢詣

闕會議。於是萼復疏言。帝王傳統體天地之心。盡君師之道。以開萬世。非若一家一人之私者也。故統爲

重嗣爲輕。堯以不得舜爲已憂。不聞以陶唐氏失天子之祀享爲憂也。舜以不得禹臯陶爲已憂。不聞以有虞氏失天下之祀享爲憂也。夏后商周以世及康天下舊矣。太康之世。立弟仲康。至不降則立弟局。局之子復立。不降之子孔甲。商七傳。三立弟。至太戊而殷道中興。太戊已下。傳弟河亶甲而又興。祖辛數世五立弟。至盤庚而殷道又興。盤庚以下再立弟。至小乙生武丁。而殷道又復大興。周六傳。乃無嗣。立王叔父辟方以繼統。而周德復興。夷王以下衰矣。又十數世。匡王無嗣。立弟瑜。而周復不墜。夫唐虞三代。豈必

皆無子行爲可繼哉。重繼統之得人而不重已之得嗣。爲天下謀而不以一人之私謀也。後世爲人君者。不計天下之安危。爲人臣者。不知事君之大節。女后奸臣。利於立昏。豈無賢長。而以其繼嗣之私情干之。而國統替矣。我

太祖高皇帝深懲其失。獨取法於二帝三王。以兄終弟及之文。定爲祖訓。故

皇上以興獻帝長子。上續

祖宗之統。事法三代。兼合唐虞。豈當持後世繼嗣爲人

後之文。以亂斯義哉。故夫考興獻帝繼統

武宗此天理人心推之。爲堯舜人倫之至者也。璵亦復
疏上。於是禮官擬本生父母加尊號隆極。務稱塞而
上意終未慊。七年定稱

孝宗敬皇帝曰皇伯考。

昭聖皇太后曰皇伯母。

恭穆獻皇帝曰皇考。

章聖皇太后曰聖母。告

郊廟。纂明倫大典。播中外。明尊親大誼。而議大禮諸

臣各以次畢至。殿閣孤卿官。

先是旨下召璵等入會議於是禮官相

與言

上意不可回。而二奸人者得入。即事變。於是欲逆閉其

塗。乃擬請

興獻帝於帝字上。

興國太后於太字

上。更加一字息。

皇上未盡之心。蓋是時爭皇字不可。章數十上矣。於是
上果喜。手詔朕本生父母加稱。本生皇考恭穆獻皇

帝本生母

章聖皇太后於

奉先殿側別立一室

盡朕追孝之情且言大禮已定聰夢等不必來於是

二人者知所建自為舉朝所忿疾不得召眾且將

齟齬之也於是復合疏言按三代以上立君者以賢

嫡長繼統為重並未有繼嗣之說末世諸侯大夫以

下始有與為人後者故仲尼射於矍相之圃使子路

延射曰僂軍之將亡國之大夫與為人後者不入深

鄙之也今禮官不尊

皇上為入繼大統之君而忍此

皇上於與為人後之例亦獨何心且禮官以本生父母

對所後父母而言實陽以與之陰以奪之也

皇上亦自不察以本生二字為親之之辭而不知禮官

以此二字為外之之辭也况既考 獻皇又考

孝宗是二考也二考是二本也獻皇帝有靈而慰乎

孝宗皇帝有靈而信乎皇上兩考之而安乎故今日之議必亟去本生二字而

後繼統之義明為人後之說不得亂乎其間疏上聰

夢得復召於是利道交章言夢等入必且有偏聽生

奸獨任成之禍不聽趣二臣入而廷臣疾之如讐

夢聰至立命為翰林學士翰林院相率閉門拒之不

聽入羣臣至欲伺萼璉入朝衆奮拳詆欲依馬順故事必死之璉萼疾走武定侯郭勛所避乃得免就勛索楮札疏上事聞

上夜召見璉曰禍福與卿共之今衆洶洶當柰何璉曰今衆所爲洶洶者獨怙衆爲勢耳誠以勢天子至尊無上明於日月威如雷霆夫誰敢敵哉需錦衣數力士而足矣

上曰已諭明日在京百司各連疏爭愈激會

上齋居文華殿侍郎何孟春偕百官赴文華門跪

哭修撰慎大學士廷和子也謂衆曰國家養士百

五十年伏節死義在今日御史王元正遮朝臣金水

橋南曰今日有不力者領共擊之於是詣門哭且謹

上怒命司禮監錄諸哭者姓名夜繫諸爲首者御史豐

熙張璘余翺余寬黃待顯陶滋相世芳母德純下

詔獄時百官非實有見於國是禮體獨承沿漢議

見大臣墨守堅共附和爲名高聞當逮至有奔避者

慎元正撼門哭羣臣皆哭聲震闕於是

上大怒逮繫馬理等百三十有四人下獄餘大臣待罪

明日熙等八人拷訊發編伍四品以下官罰俸五品

以下各廷杖凡追繫二百二十人慎編伍滇南

當是時。閣學士冕爲

上言。凡嗣先君者。未嘗不稱嗣。亦未嘗不以臣道自處。弟之於兄。亦何異子之於父乎。故春秋臣子一例。所謂居子與臣之節也。汪浚乞休。遽允其去。萼璵有言。遽召其來。是日天氣陡變。陰晦風霧特異。乞賜深省。祭酒銑言。陛下求備禮於所生。至孝也。然必詳稽禮訓。大順通情而後。聖孝乃全。夫絕世人之所大痛也。先王本其氣之所繇來。使同宗者爲之後。而帝統必以長。以長而後統序可一也。

祖訓繼絕必以弟。以弟而後與爲人後者有坊也。

陛下爲弟而長。故倫序當考。

孝宗考。孝宗是故。必降於所生。此爲人後之道也。若

隆所生與所後等。猶弗後也。當承祧主鬯之重。則所

生差輕。此禮之至精。百王之所同也。陛下無輕正

統。無拂羣情。無謂威可作。無謂已可縱。編脩守益疏

言。尊號之上。斷自宸衷。大小臣工。據經援古。推

大宗小宗之議。辯正統私親之等。孰非忠愛。而一二

姦人以強說欺君。上激聖怒。陛下不察而誤信

之。至勞聖諭詰責。謂欺且慢。臣竊以爲陛下睿

智清明之心。有所撓奪。而喜怒好惡。亦爲少失其平。

矣。遂使大小羣臣莫敢匡救。長此不已。則陛下獨斷于上。而不顧天下萬世之公議。羣臣依阿于下。苟一時之富貴。而棄禮害義。非國家之福也。疏入。各罷官。諸守濮議。廟哭者。廷杖編伍。奪官罰俸。各有差。而禮成。乃知。

上勅年手詔。溫文冲抑。居體孫尊。固禮之大本也。

羅中允洪

先讀宋濮王典禮著論言。小記大傳曰。君有合族之道。族人不得以其戚戚君位也。言諸侯絕宗。不可與族人齒也。則諸侯以上。無宗法可知也。又曰。別子爲祖。繼別爲宗。繼爾者爲小宗。宗其繼別子之所自出者。百世不遷者也。宗其繼高祖者。五世則遷者也。言宗法爲公族卿大夫設也。蓋諸侯之始封也。有人民社稷之寄。有朝覲聘享祭祀省助之政。勢不能自顧其宗。而公族無統。國人不可得而治也。諸侯絕宗。大

夫不可得而祖也。故設宗法繫之。別子者。始封始徙之諸侯之嫡次子。繼別者。嫡次子之世嫡也。世嫡相傳。廟祀別子。百世不遷。謂之大宗。大宗百世廟祀。別子則聯屬別子之子孫。亦百世而不改。宗者大。故曰大宗也。繼禰者。世嫡之弟及其次子。或嫡或庶者也。生則從世嫡以祭。沒則其子禰之。至五世則遷。謂之小宗。小宗祀禰。則聯屬者止於禰之子孫。五世親盡。祖遷於上。宗易于下。宗者小。故曰小宗也。是皆自始封諸侯言之者也。又曰。有小宗而無大宗。有大宗而無小宗。有無宗亦莫之宗者。公子是也。公子有宗道。公子之子爲其士大夫之庶者。宗其士大夫之嫡者。公子之宗道也。言諸侯之嫡。世居君位。而世世又有嫡庶次子。所謂公子也。公子不比於始封之別子。爲祖無二統也。一君必立一宗。使領羣公子及公孫。而其宗亦有大小焉。宗其嫡者爲大宗。宗其庶者爲小宗。大宗小宗皆五世而遷。有嫡無庶。則宗嫡。是謂有大宗而無小宗。有庶無嫡。則宗庶。是謂有小宗而無大宗。嫡庶惟一。無羣公子。是謂已無宗。而人亦莫之宗。多嫡與庶。即所謂以其庶宗其嫡。是皆自繼世諸侯言之者也。宗法盡於此。則知庶人以下無宗法。又

可知矣。蓋天子諸侯者，統人者也；庶人者，統於人者也。公子有宗道，言宗法爲公族卿大夫設也。上不及天子諸侯，下不下庶人也。古制廢，宗法不復可行矣。世儒守陳言而不察時變，乃比附曰：天子，大宗也；諸侯，小宗也。繼入大統者，不得顧私親，此爲後之義也。於乎！易父子之名，失君臣之義，禮樂不興，刑罰失措，其不詳考之過也。禮器：服斬衰爲人後者，子夏傳曰：何以三年也？受重者以尊服，服之言受重。大宗始有此名，非大宗則無爲人後者也。又曰：如何而可謂之後？同宗則可言，惟慎所擇，不必其親者也。又曰：如何而可以爲人後？支子則可，則知不奪人之宗以承重也。又曰：爲所後之祖父母妻妻之父母昆弟昆弟之子若子，言若子，明承重情不可二也。又曰：爲人後者爲之子，申若子之義，所謂推數至義之盡也。齊衰曰爲人後者，爲其父母報，傳曰：何以期不二斬也？抑重大宗者，降所尊也。又曰：尊者尊統於上，卑者尊統於下，言尊統於上，君也；宗子收族統於下，有君之道焉。故降其父母服，降其服，不沒父母之名，恩與義兩得之也。又曰：爲人後者孰後？後大宗也。蓋懼昧爲後之義，故申言別之，是知爲後止於大宗也。小記曰：庶子

不祭殤與無後者殤與無後者從祖附食無後者有附則知小宗雖無後可也凡一始封君大宗一而小宗四大宗之主一而四宗之主不知其凡幾也必大宗而始成承重之服降其父母服則知非爲後者其服不皆斬不必皆降不杖而期也必爲後而後降則知天子諸侯之與庶人不可顛推也明矣何也天子諸侯之禮有子則繼無子則及不著其服者臣於君服必斬不問其序而皆以先君之道終焉魯閔僖是也閔僖以弟傳兄諸侯也而其禮已若父子况爲伯叔姪者哉又况爲天子者哉蓋其統不止於公族故其義亦不止於爲後義有所重則禮有所加不敢以卑者之辭名之所謂尊者尊統於上是也庶人無爲後則其微也先王之政鰥寡孤獨有養而死徙者無出鄉禮不下庶人其器也人得而主之所謂擇之五服之內擇之前後家東西家或其里尹主之是也故曰器有無後無無主有主則不必後也故天子諸侯之後也皆不可比於大宗強以大宗推之持重而遽改父母之名其義也何居禮曰族人以支子後大宗亦將以族人之名稱父母乎此不詳孝之過也何也天子國君統世人世人非此統不治故謂之世統世

統其尊無上。前所謂尊者尊統於上是也。宗子統宗人。宗人非此統不治。故謂之宗統。宗統者尊亦無上。前所謂卑者尊統於下是也。天子奉天命以臨天下。諸侯稟天子命而致之國人。故崩薨者有世及而無爲後踐祚者無尊卑而稱先君。事以先君則先君后夫人無弗斬焉者矣。事先君之祖父母父母昆弟無弗若子焉者矣。事之若子而不稱子不敢以私昵辱先君。先君之義重於父也。已之父母享其尊養而不易其封受之先君。非已所獨專也。故曰幼不誅長賤不誅貴又曰父爲士子爲大夫葬以士祭以大夫其或重私恩致殷禮則不可以瀆於廟不可以齒於先君之親此會通之宜禮雖不言可以義起矣。是

上既定本生帝號名。詔於奉先殿側創西室。命曰

觀德殿。奉獻皇帝神主。

上手勅建室於奉先殿側奉獻帝盡朕追孝至情禮部生朱百官議言皇上入奉大統不得祭小宗爲

本生父立廟。大內此從古所無。昔漢哀帝嘗爲其

皇立廟。京師師丹以爲不可。竊伏窺

皇上聖明。於此禮洞然。曰建室避立廟之名也。於

先殿側避。大內之名也。推此則重大宗者必降於

小宗。請於安陸廟增飾爲百世不遷之廟。使他日襲

封興王世世奉享。陛下時遣官奉祀。亦足伸至情

上曰朕奉太廟何敢違間與漢及是定

哀帝不同。務協公論以伸朕情。及是定

皇考聖母尊號。以觀德殿規制未備。嫌之。而光祿寺署

丞何淵請於太廟內立世室爲禰廟。崇祀

獻皇帝與祖宗同饗。下禮官禮尚書書學士總夢亦

不敢任其議。各上言。孝子不順情以危親。忠臣不作

姦以諂君。祖伊於殷高宗。以典祀豐昵爲告。願

陛下及聖子神孫於太廟奉以正統之禮。於獻廟。

奉以私親之儀。所謂尊尊親親。並行不悖者也。

上覽私親語而恚。手札言。朕恭膺天命。繼大統於

太廟。豈敢干惟皇考恩罔極。觀德殿在內。太常

不禮焉。誠心所未安。今議反覆。云爲私親。何違理皆

經甚也。宜將夏殷周典禮。博考上。於是會議言。

獻皇帝以天子之父。追稱大號。宜於皇城内擇地建

別廟。出入不與太廟同門。位處不與太廟並別。

祭。用祭次日。使敬心不分於所尊。廟與廟相遠。使樂

聲不徹於列祖禮也。

上終不愜。乃建廟於太廟右。曰世廟云。先是議

遷

顯陵

十年革職錦衣百戶隋全罷閑光祿錄事錢子勲緣事監生詹盛爲民兵馬周密致

什僉事甯和十五年光祿寺厨役王福錦衣禮尚書千戶陳鼎皆逢聖母意先後以成聖孝請

席書大學士李時先後持不可工尚書趙鑑禮尚書言先後覆議言聞商周遷都矣未聞遷陵也我

太祖不遷

皇陵

太宗不遷

孝陵關重慎之至也况

皇考體魄所安不容輕犯又山川靈秀鍾美不可輕洩

况遷葬之舉治喪制服事同初葬萬一欲改祔梓

宮重易衾服禮必躬親有非臣下所能代攝者其何

以處之近世精通堪輿家者實鮮其人庶姓將先世

丘壘無故遷改。往往自速新凶。坐消已福。宋儒朱熹
論壽皇葬地非吉。然且取孫逢吉之言。少寬日月。別
求吉地。以爲至論。况先帝衣冠之藏。歷歲已久。
陛下光臨大寶。百祿駢臻。封其山爲純德。名其府爲承
天。亦何取而議遷陵爲也。得罷議不遷。當是時。

上既定明倫大典。益覃精於禮樂制作之事。諸郊

廟百神。咸欲憲天稽古。大釐祀典。振一代獨偉之觀。

九年。以合祭天地于太祀殿於上下之分。陰陽

之義未著也。又屋而不壇。爲非禮。下廷議。給事中言。

議曰。周禮一書。言祭祀甚詳。大宗伯掌禮者也。而

首及天神人鬼地祇之三禮。此卽有虞秩宗典朕三禮之意也。是故以祀天神。則有禋祀。實柴。禋燎之禮。以祀地祇。則有血祭。貍沉。鬯辜之禮。以享人鬼。則有獻裸。饋食。祠禴。蒸嘗之禮。大司樂。冬至地上圜丘之制。則曰。禮天神。夏至澤中方丘之制。則曰。禮地祇。圜丘禮天。方丘禮地。則天地分祀。所從來久矣。掌次王。大旅上帝。則設氈案。設皇邸。司裘爲大裘。以其王祀天之服。皆言天而不及地。宗伯六器。則以蒼璧禮天。黃琮禮地。是天地之禮。玉有別也。典瑞則以四圭有邸以祀天。兩圭有邸以祀地。是天地之祀。玉不

同也。祀天於冬至。以陽氣來復之始。以就陽。祭地於夏至。以陰氣潛萌之候。以即陰。時不同也。用圜鍾於震之宮。取乾出乎震之義。曰圜鍾。象其形。用函鍾於未之宮。取坤居於未之義。曰函鍾。象其容。是樂不同也。是故宋儒葉時之言曰。郊丘分合。當以周禮爲定。以其明於天地之性。而盡事天地之道也。請分祀天地於圜丘。方丘如周官。是時主分祭者。右都御史汪鉉。中允廖道南。編脩程文德等八十二人。主分祭。而以成憲及時。未可爲言者。大學士璵等八十四人。主分祭。而以山川壇即方丘者。尚書李瓚等二十六人。

主合祭而以分祭爲非者。尚書方獻夫李承勛詹事
霍韜魏較。編修徐階等二百六人。它無所可否。而議
者往往以周正建子。冬至乃歲首。以歲首祀天。序爲
順。國朝用夏正。則地先天食。祀地先於祀天。途也。
聖祖親定合祀之文。一則曰去繁就簡。一則曰永爲定
禮。兩京大祀殿皆

祖宗竭心思而就之。分祀之說行。則

太祖所定之禮盡變更。大祀殿宇必且撤毀。

昊天上帝 皇地祇正位。

太祖 太宗配位。必且撤藏。則是不惟不當改。亦且不

自易下系
三十一
怨改也。

上主給事中議。而詹事韜主大學士濬議。闢分祀甚力。且詆周官爲劉歆王莽瀆亂不經之書。諫官創議。紊亂朝政。變成法。必有任其責者。給事中言復疏申議曰。陛下今日之舉。欲復古禮。大報天也。遵祖祔制。求盡善也。欲遠跡三代之隆。正千古之謬。建一代中興之業也。議者往往以更

太祖之制爲嫌。爲懼。知合祭乃太祖之制。爲不可改。而不知分祭固太祖之祔制。爲可復也。知大祀文乃太祖之明訓。爲不可背。而不知存心錄固

太祖之著典。爲可遵也。皆太祖之制。從其是者而已。
矣。矧敬天法祖。初無二道。陛下固已灼見禮之實
矣。周禮一書。朱子曰。乃周公從廣大心中流出。又曰。
周官徧布精密。乃周公運用天理熟爛之書。又謂天
官冢宰一篇。周公輔導成王。垂法後世。用意最深。切
處。欲知人主正心誠意之學。於此攷之。近年禮部奉
明旨行移。令立小學。習讀周禮。又令科場。必以周禮策
士。不聞韜有奏止。韜修大明會典。具奏欲將內府各
監局職掌。屬之禮部。亦復援周禮天官冢宰之文。是
韜平日固未嘗謂其非經也。獨臣執以議郊。卽顧爲

非經哉。蓋韜欲中人以禍。而不知往往自蹈之也。律有紊亂朝政之條。指國家一應法度政令。干係紀綱名分。而奸臣交結。紛更壞亂。欺君罔上。虐民害政者。言也有變亂成法之文。指國家律令。酌事情輕重。定立罪名。頒天下遵守。百司官吏。務要熟讀講明。律意。官吏挾詐欺公。妄生異議。擅更改成法者。言也。今所議者。郊祀之禮。古先哲王之典。我

太祖高皇帝之所已行。本非變法。而以為紊亂變亂。非律意矣。輔臣愍度不能難。以災旱為變。國力方詘。更議郊禮。則闢除丘澤兆域。脩治儀物壇壝。紛然百出。

不知費財若干萬。勞民若干年而後成。請需後言。卽營度建壇。立造陶匏之費。計不過萬金。請以身行營其事。不以爲國費。

上大喜。於是作園。立於郊南稍北。爲皇穹宇。以大明。夜明。列曜。風雲雷雨。從與享作。方立於郊北稍南。爲皇祇室。以五嶽五鎮四海四瀆若陵寢諸山。從與享。而春秋分朝。日夕月如。國初時已。

上用言議以。

二祖父子同列。建祀並配。爲非禮。請南北二郊露祭于壇奉。

太祖高皇帝配。仍於歲首祀。上帝太祀殿奉。

文皇帝配。用祈穀。下廷議。羣臣咸疏爭。不省。輔臣璫三疏爭。留中。言理前議甚力。

上怒羣臣違君叛禮。一如言議行。自是璫稍紓。而言以郊議稱。旨擢翰學。尋以禮尚書入閣。爲孤卿十年。

上坐文華殿東室。召見輔臣。時輔臣鑾。禮尚書言。議復古七廟之制。太廟寢殿祧廟存。勿撤。惟量地建。

羣廟如儀。當是時。獻皇帝遜。不祔。太廟爲世廟。

以故議。而諸大臣無任。

上旨者。於是中允廖道南上章言。請建九廟。

上得疏喜。下廷議而禮官言。以爲廟者。所以象生之有朝也。寢者。所以象生之有寢也。建之觀門之內。不敢遠其親也。位之左。不敢死其親也。是其營構之制。奠兆之所。各有定而不可以意爲之者。今

太廟南近宮牆東。邇世廟西。阻前朝奉

聖諭。太廟三殿勿撤。則廟外垣隙地。不盈數十丈。依

古制。昭穆六廟。以次而南。則太廟都宮之南。直承

天門外垣。即盡闢其地。恐猶未得容也。若稍減規摹。

則太廟巍然弘壯。而羣廟隤然湫隘。亦於義未

協議者欲就太廟兩廡。即分羣廟。不惟去尊就卑。不足稱

聖孝尊隆之意。而遷就一時。裁損廟貌。非細故也。且

臣等聞廟者貌也。所以形貌祖考而禮之明。寢者寢也。所以寢息祖考而妥之幽也。有廟無寢。神將安棲。議者又欲藏主夾室。夾室者。側室也。藏祧主。以即遠可也。藏親廟未毀之主。情理舛矣。或謂周人廟制儉約。宜倣爲之。夫周廟門容大。扇七箇。闔門容小。扇三箇。則大門實容二丈一尺。小門實容六尺。制過於今。烏在其儉約也。且

太宗功業比隆

太祖。憲宗。

獻皇帝父也。令可損於

太廟可損於

世廟乎。即使廟宇旣成。

皇上以一人之身。冠冕佩玉。執圭服袞。循紆曲之途。徧

歷羣廟。而行興俯拜起升降奠獻之禮。非獨筋力

不逮。而日力亦已不給矣。議者乃曰。周宮宗伯代獻。

羣廟攝可也。夫古者廟祭。王后親獻。后有故不與。宗

伯代獻。謂一廟中代亞獻之禮而可矣。未聞人臣

而可主廟祭者也。且古之諸侯罔非天胤。今陪禮者。

可得擬乎。

皇上仁孝誠敬可終歲舉祭止對越

太祖之廟不一至羣廟乎且規制必備而後成廟門

垣廡寢是也儀文必備而後成禮主助禮樂是也今

廟分勢不得不降從簡易是欲尊之而反卑欲親之

而反疎見其貶損未見其隆重也宋儒馬端臨有言

漢儒講求廟制非不詳也而卒不能復古者則昭穆

難定故也以古三昭三穆之說推之獨父子相繼而

可矣兄弟相及殷武丁時一昭五穆上祀不及曾祖

未當祧而祧者四世矣唐懿宗時四昭二穆上祀不

及高祖未當祧而祧者三世矣夫繼世者既不能必

其爲弟爲子。則建廟者亦豈能預定其爲昭爲穆也哉。必若建廟之時。昭居太廟之左。穆居太廟之右。則豫立六廟三昭三穆。以其次爲之序者。又得行乎。此東都以來。同堂異室之制。亦何可盡非也。如

皇上之心。以

皇考專享世廟而

太祖列聖乃不得專廟以全其尊。則列聖同饗

太廟已極尊崇。而皇考獨居世廟。終爲退遜。若

以太廟世廟大小不倫。行禮親攝各異。不稱

皇上尊親之意。則

上劄諭輔臣言祀典宜正。廟制難更。大哉

皇言。固萬世之實訓也。疏上。不允。乃盡撤故廟。改建之。祖宗爲專廟。諸廟合爲都宮。中

太祖廟昭穆六廟左右列。而

太宗廟在六廟上。示百世不遷。廟各有殿有寢。太

廟寢後有祧寢。奉祧主藏焉。太廟門殿皆南向。

羣廟門東西向。內門殿寢皆南向。畫既定。會南大廟災。

上欲罷建。而禮官言。京師宗廟行復古。而南太廟災。

殆。皇天眷德。祖宗答饗之意。請改建。毋輟。

上喜。令亟就工。十五年。廟成。上告事九廟。是日雨。

甚。至廟門不乘輦。步入。又自太祖廟。步至睿宗寢。
聖容恭肅而安。詔下言。朕創昭穆羣廟。祀

祖宗。彰太廟爲專尊之主。復作

太宗廟於

羣廟之外。表

功德不遷。享百世祀。更創

皇考廟。曰

獻皇帝廟。別擇吉區。以避渠道。止脩時祭。

避豐禰之嫌。而

太廟

羣廟與

世廟各列廟

嚴矣。

九廟成。

上以國家大禘未其舉。議創大禘禮。羣臣請禘。德祖
爲帝所自出。

上不可。或請禘顓頊。亦不可。親署曰。可稱。皇初祖帝

神主無主名。五歲一行。已。

上以季秋明堂大饗禮未其舉。欲舉明堂儀。嚴父於配天。因得薦徽號于天。于祖宗于聖考也。

命郎南郊大祀殿。建大饗殿。擬古明堂殿未成。即大內之玄極殿行禮焉。十七年殿成。薦大號於天。稱

皇天上帝。奉獻皇帝。佑如嚴父。配帝之文。尊

太宗文皇帝爲成祖。尊獻皇帝爲睿宗。加尊謚

與於廟饗。制廟立春。植享。各出主於殿。立夏。立秋。

立冬。出

太祖成祖七宗主饗。太殿爲時禘。季冬中旬卜

日出

四祖

太祖

成祖

七宗主饗

太殿爲大祫祭畢各歸

主於其寢於是

獻皇帝享祫如

列聖而神座次

孝宗下於

毅皇帝叔也以故躋而撤

世廟專祀之

儀二十年夏四月

九廟災初震火起

仁廟風大作主燬俄而焚

成祖廟主又燬已焚

太廟羣廟俱盡惟

睿廟獨存

上奉安

列聖主於景神殿。遣大臣上長陵獻陵告題。

成祖仁宗帝后主亦奉詣景神殿安焉。

上欲復建廟如初禮。而中允郭希顏上書言。

孝宗功德當百世祀。請上祀西世室。祀武宗別廟。而

獻皇帝祔廟。於名實爲宜。稱下廷議。交不可。

上曰。希顏所言。亦臣子之心。意嚮用。以禮官持不可。而

罷。乃建新廟。復同堂異室之制。而合祀二祖。七

宗如初儀。當是時。郊禘廟祫禮大更定。而社稷先蠶

高禘。古帝王聖師。下至山公。水伯。大內海子。舟司。宗

匠。靡神不舉。諸更禮制甚夥。於文華殿祀皇師。伏

羲神農軒轅帝師唐堯虞舜王師夏禹商湯周文王
武王皆南向先聖周公先師孔子東西向侍。歲春秋
講讀先期。

上皮弁服用酒果脯帛釋奠焉。在國學定至聖先師孔
子號名。罷先儒諸公侯伯封。在歷代帝王廟罷元世
祖君臣祠在太廟與饗諸功臣黜姚廣孝進郭英。
劉基在太社太稷復句龍后稷配。卽山川壇爲天神
地祇壇。改叙雲雨風雷別建太歲壇。祀歲四季十二
月將。分四壇從饗。而百神休洽。無文咸秩矣。始

太祖旣克元都。卽詔禁胡服胡語。令悉復中國永冠

禮樂之舊已。念創業初。禮制未備。詔中書開禮樂
二局。令天下舉耆儒宿學。高潔博聞。練達古今之士。
禮送京師。與纂脩。於是諸儒會魯何克寬。胡翰。陶凱。
徐一夔。梁寅。周子諒等咸集。以吉凶軍賓嘉及冠服。
車輅儀仗。鹵簿字學。樂律爲綱。凡儀度名數沿革。咸
具爲目。書成。命之曰。大明集禮。然經喪亂後。稽古
禮文之事。廢闕有間。未其有卓然當

上意者。五年。詔曰。朕聞三皇立極。導民以時。庖厨稼
穡。衣服始制。民居奠焉。五帝教以仁義。益未備之時。
宜天下從之。民用和睦。自周至於漢唐。宋增損益周。

國乃用昌。民受時宜。家用永康。朕蒙

皇天后土眷命。

祖宗之靈。統一天下。紀元五年。朕本草芥。失習聖經。况
推強拊順。二十餘年。居無寧日。胡理道未臻。民不見
化。鄉閭市里。尚染元俗。天下大定。禮儀風俗。可不正
與。茲條畫事宜。再整彝倫。恤念孤寡。務遵先王之法。
顧以德薄。恩澤未孚。下民未悅。恐貽

上天之怒。夙夜祇懼。若履淵冰。咨爾臣庶。體予至懷。期
臻禮義之風。永底昇平之治。已。又詔翰林院作稽古
定制書。條官民房舍墳塋等第。及食祿之家。坊禁頒

焉。崔文敏有言。禮者理也。人心之理。協之以同然。即百世可通也。今王祭無樂。大臣無廟。仕者不奔祖父母之喪。無功總之假。冠昏任俗。飲射具文。民無定志。而濫士異學。而莫止。伶人道流。秉禮司頌。齊民下賤。踰限犯分。雖有洪武禮制。而廢莫或行。夫國無禮。猶水無坊。人無禮。猶室無基。衝嚙圯毀。夫焉有極哉。禮樂積百年而後興。宜詔徵四方明道奧學之儒。萃於京師。準以典誥。案以三禮。參以詩之詠歌。孔氏遺言。皆比以今法。寧要毋繁。寧徑毋易。裁成明典。行之天下。垂後世範。俗同德一。邦其永孚于休。

國祔郊廟社稷先農爲大祀已而改先農及山川
帝王先師旗纛爲中祀諸皆小祀嘉靖中以朝日夕
月爲中祀大祀致齋三日中祀二日祀有牲牲四等
曰犢曰牛曰大牢曰少牢色尚騂或黝天地日月加
玉焉玉三等曰蒼璧曰黃琮曰玉牲大祀八滌九角
中祀三旬小祀一旬殺禮不用牲用果脯從其族或
用素羞祀有帛大祀中祀京師用制帛制帛五等曰
郊祀曰奉先曰禮神曰展親曰報功小祀素帛禮佛
帛王國司府州縣亦用帛小祀則否凡祀有樂樂四
等曰九奏曰八奏曰七奏曰六奏舞皆八佾先師六
佾小祀則否凡助祭文臣五品武臣四品以上嘉靖
中都給事中乞得助祭許之帝社稷無助祭大臣
五六人陪拜小祀則否○圜丘在南郊歲冬至
皇帝大祀天於圜丘皇天上帝南向騂犢一用蒼璧
禮三獻樂九奏舞八佾祭服拜跪飲福受胙
太祖配西向騂犢一從祀四壇東西相向大明騂牛一
二十八宿木火土金水五星周天星辰牛羊豕具雲
師雨師風師雷師牛羊豕具前期一月太常演禮樂
太和殿先五日請視牲遣大臣三人看牲四人分
獻遂進儀注六日請致告於景神殿五日

上視牲三日、上至太廟、祭服請

太祖配、是日、上皮弁服、御奏天殿、百官朝服聽誓

戒、先一日質明、上告於景神殿、出至園丘、視邊

豆牲、宿齋、初漏、禮部太常詣皇穹宇、太常卿少卿

丞、請皇天上帝

太祖神版、從祀神牌、奉安壇座、上登壇、初獻讀祝

分獻官行禮、上亞終獻、分獻官亦如之、望燎、燎半

上還宮、謁景神殿、告大報禮成、禮部太常奉神版

神牌、安皇穹宇、遇風雪、上於小次行禮、方澤

在北郊、歲夏至、皇帝大祭地於泰折、呈地祇北

向、騂牛一、黃琮、禮三獻、樂九奏、舞八佾、

太祖配、西向、騂牛一、從祀東西相向、凡四壇、壇太牢一

東、中嶽、東鎮、南嶽、西嶽、北嶽、基運山、翔聖山、神烈山、

西、中鎮、東鎮、南鎮、西鎮、北鎮、天壽山、純德山、次東、東

海、南海、西海、北海、次西、大江、大淮、大河、大濟、先期二

日、太常卿請

太祖神主於廟寢、奉安皇祇室、至期、禮部太常詣

皇祇室、請

皇地祇神版

太祖神主從祀神牌、奉安壇座、望瘞、瘞祝帛燎、配帝帛

太常奉神版神牌、安皇祇室、至期、禮部太常詣神主還廟寢

餘如南郊。○朝日壇在東郊，西向，春分日祭。大明神，西向，太牢，玉，禮三獻，樂七奏，舞八佾，甲丙戊庚壬

年。皇帝親祀，祭服拜跪，飲福受胙，餘年遣文、武、大、臣攝祭。○

夕月壇在西郊，東向，秋分日祭。夜明神，東向，樂六

奏，牲玉，獻舞如朝日，從祀二十八宿，木、火、土、金、水、五

星，周天星辰，南向，用太牢，丑辰未戌年，皇帝皮弁

服，親祀，拜跪，飲福受胙，餘年遣武、大、臣攝祭。○祈穀

皇帝以歲驚蟄，行祈穀禮於南郊。大饗殿祭

皇天上帝，用騂犢、蒼玉，禮三獻，樂九奏，舞八佾，禱雨，祭

皇天上帝，如祈穀禮，去玉。○大饗禮

皇帝季秋行於南郊。大饗殿，皇天上帝南向，騂牛

一，蒼璧，霽宗獻，皇帝西向，騂牛一，禮如南郊。

宗廟前，前殿後，寢殿，寢殿後有，祧殿，皆九楹，翼

以兩廡，寢殿藏，主，如同堂異室之制，祭出，主

於前殿，畢，歸，主於寢殿。

太祖開天行道肇紀立極大聖至神仁文義武俊德成

功高皇帝。

孝慈貞化哲順仁徽成天育聖至德高皇后中室。

成祖啓天弘道高明肇運聖武神功純仁至孝文皇帝。

仁孝慈懿、誠明莊獻、配天齊聖、文皇后、
仁宗敬天體道、純誠至德、弘文欽武、章聖達孝、昭皇帝、
誠孝恭肅、明德弘仁、順天啓聖、昭皇后、
宣宗憲天崇道、英明神聖、鉉文昭武、寬仁純孝、章皇帝、
孝恭懿憲、慈仁莊烈、齊天配聖、章皇后、
英宗法天立道、仁明誠敬、昭文憲武、至德廣孝、睿皇帝、
孝莊獻穆、弘惠顯仁、恭天欽聖、睿皇后、
憲宗繼天凝道、誠明仁敬、崇文肅武、宏德聖孝、純皇帝、
孝貞莊懿、恭靖仁慈、欽天輔聖、純皇后、
孝宗建天明道、誠純中正、聖文神武、至仁大德、敬皇帝、
孝康靖肅、莊慈哲懿、翊天贊聖、敬皇后、
睿宗知天守道、洪德淵仁、寬穆純聖、恭儉敬文、獻皇帝、
慈孝貞順、仁敬誠一、安天誕聖、獻皇后、
武宗承天達道、英肅睿哲、昭德顯功、宏文思孝、毅皇帝、
孝靖莊惠、安肅溫誠、順天偕聖、毅皇后、

叙列左右室皆南向祧殿藏

德祖玄皇帝后、懿祖恒皇帝后、熙祖裕皇帝后、

仁祖淳皇帝后、祧主、廟殿兩廡、侑享親王十五人、皆

追王、壽春王劉妃、霍丘王翟妃、下祭王、

安豐王趙妃、南昌王、蒙城王田妃、盱眙王唐

妃、臨淮王劉妃、寶應王、六安王、來安王、

都梁王、英山王、山陽王、昭信王、功臣十七

人、中山武寧王徐達、開平忠武王常遇春、岐陽武靖

王李文忠、寧河武順王鄧愈、東甌襄武王湯和、黔寧

昭靖王沐英、河間忠武王張瑄、東平武烈王朱能、號

國忠烈公、俞通海、蔡國忠毅公張德勝、越國武莊公

胡大海、梁國武桓公趙德勝、泗國武莊公耿再成、營

國威襄公郭英、寧國忠壯公王貞、永義侯桑世傑、護

軍誠意伯謚文成劉基、皆左右叙、恭仁康定景皇帝、貞惠安和景皇后、不得入宗廟

立春特享

皇帝祭

太祖大臣八人祭、諸帝、內臣八人獻、諸后、太牢九

禮三獻、樂六奏、舞八佾、

皇帝祭服、拜跪飲福、受胙、立夏時禘、

太祖南向

成祖西向北上上於

七宗七宗東西相向立秋時祫如夏禮立冬時祫如秋

禮季冬中旬擇日大祫

德祖懿祖熙祖仁祖

太祖異室南向成祖仁宗英宗孝宗睿宗

東叙西向

宣宗憲宗武宗西叙東向

成祖北上如時祫騂牛十三羊十三豕十三禮三獻樂

六奏舞八佾皇帝獻

德祖帝后祭服拜跪飲福受胙大臣十二人分祭

諸帝內臣十二人獻

諸后侑享親王東西十二壇壇一太牢功臣人少牢一

特享時祫亦如之洪武二年壽春十五王進侑

四祖廟壽春於

孝陵為伯南昌七王兄寶應七王從子也是年祔饗戰

歿功臣已乃設青布帟於廟庭祀之尋更定功臣

十三人令大海通海趙德勝世傑再成楚國公廖

永安七人已卒祔廟達等六人俟卒進侑八年設黃

布幄殿左右廊左祀楊王皇兄徐王右祀功臣九年

定壽春王王妃二十一人侑享於東壁功臣十二人
西壁罷求安侯祀洪熙元年以靖難功臣及榮國恭
靖公姚廣孝侑嘉靖九年申允廖道南言廣孝髡徒
不宜入廟移祀大興隆寺十年以刑部郎中李瑜

議進基侑祀

高廟位次六王十六年武定侯勛亡進其祖英侑享

高廟下廷議持不可勛言往年進基祔享以文臣故舉
朝翕然順從臣祖英武臣乃紛然阻忌

上是勛言進英祀先是

二廟享功臣位各以爵及進基伯位公侯上

上不喜曰何上基而下英也令禮官考議乃令

二廟功臣叙爵而列英永義侯上河間東平二王下基

位永義侯下先是禮官言禮有功宗之祀漢祭功臣

於高廟首蕭曹唐高祖至憲宗廟或六七八人或二

三四人宋太祖至光宗亦然如魏徵李沆司馬光皆

文臣不必皆武功也守成諸君亦各有與享者不必

皆創業也我朝開國靖難固有功臣

仁宗以後輔贊治平豈無有如魏徵李沆輩者今缺焉

無聞亡下廷議考求六朝文武大臣有功在當

時湮在後世者請定裁進侑

上不允。○大禘。皇帝以丙辛年孟夏大禘於太廟。

皇初祖帝神南向、牛一、羊一、豕一。

太祖西向配、牛一、羊一、豕一、禮三獻、樂六奏、舞八佾。○

奉先殿藏、列聖帝后神主朔望薦時食焉。○陵寢、

熙祖葬祖陵、在泗州基運山、設泗州祠祭署奉祀一人、

朱氏世官、朱、本宗人婿也、即祖陵望祭

德祖、懿祖二陵、陵戶三百十四家、長至、正旦、太牢三、

清明、中元、孟冬、朔望、少牢三、奉祀行事、

仁祖葬英陵、改稱皇陵、在中都竈聖山、置中都留守

司、皇陵衛、皇陵祠祭署奉祀二人、劉氏、汪氏、丞

二人、汪氏、趙氏、劉義惠侯繼祖孫、二汪皆汪氏老母

孫、陵戶三千三百四十二家、長至、正旦、太牢、清明、中

元、孟冬、少牢、奉祀行事、朔望、少牢、留守行事、

高皇帝后四十妃嬪葬孝陵、在南京神烈山、即鍾

山、設孝陵衛、孝陵神宮監、孝陵祠祭署清明

中元、冬至、正旦、清明、中元、帝后愍忌太牢、聖旦

酒果、勲戚大臣、一人奉祀、國有大事、遣大臣祭告

文皇帝后十六妃葬長陵、在昌平天壽山、

昭皇帝后七妃、獻陵、

章皇帝后七妃景陵、

睿皇帝后十八妃裕陵、

純皇帝后、孝穆紀太后、孝

惠邵太后十四妃茂陵
毅皇帝后一妃康陵

敬皇帝后太陵

皆在天壽山各置陵衛神宮監祠祭署如孝陵正
旦酒果清明中元冬至聖旦太牢分遣勳戚大臣

祀愍忌太牢專遣勳戚大臣祭獻皇帝后顯陵在
承天純德山置衛神宮監祠祭署知諸陵祀亦如之

孝陵東有懿文太子陵祀禮視孝陵四孟歲暮忌
辰加牲焉署官行事京師西山有恭讓胡皇后

景皇帝后孝潔皇后繼張后陵
憲廟廢吳后諸帝妃太子殤王墳及諸殤公主

諸阿保夫人墳咸以時祀牲醴素盞各有差諸王葬
其封國者其子孫祀之外戚楊王墳在盱眙設祠祭

署奉祀陳氏墳戶二百一十家徐王墳在宿州設祠
祭署奉祀祀丞皆武氏墳戶九十家滁陽王墳在滁

州廟首宥氏墳戶十九家歲時祀○歲仲春秋上戊
皇帝祭太社稷於社稷壇東太社玉一牛一羊一豕一

西太稷、玉一、牛一、豕一、皆北向、配后土、勾龍氏
西向、后稷氏東向、各太牢、禮三獻、樂七奏、舞八佾、
上祭服拜跪飲福受胙、配值見志中、上戊之明日祭
帝社稷、稷、帝社、西、帝稷、皆北向、各太牢、禮三獻、樂六奏
舞八佾、
壇陛主如太社稷、○神祇壇、在圜丘西、歲仲秋祭天
神地祇、天神壇南向、雲師、雨師、風師、雷師、凡四壇、壇
一太牢、地祇壇北向、五嶽、五鎮、基運、翔聖、神烈、天壽
純德、五陵山、四海、四瀆、五壇、壇一太牢、從祀京畿山
川、西向、天下山川東向、各牲五、酒三獻、樂八奏、舞八佾
天神燎地祇瘞、皇帝以辰戌丑未年行事、祭服、天
神跪前後再拜、地祇再拜、皆飲福受胙、餘年遣大臣
攝祭、○歲十二月大祫之日、遣官祭太歲之神於太
歲殿、牛一、豕一、豕一、禮三獻、樂八奏、舞八佾、從祀四
季月將神、東廡春秋、西廡夏冬、凡四壇、壇一太牢、
萬壽聖節、先一日、皇帝以酒果告
祖宗列聖、帝后於奉先殿、至日以酒脯告、皇天上帝
於玄極寶殿、遣官以牲醴祭神烈、天壽、純德、山諸
陵墳、東岳、都城隍、素盞祭、玄帝於靈濟宮、素盞告修齋
於道極七寶帝尊、上稱嗣天子名云、正旦

皇帝拜天於玄極寶殿、用酒脯果帛、先一日、太常繇
午門右順思善精一會極順德咸和右通玄凌霄集
真門入殿演禮、出長庚門宿闕右支持房、子夜繇
右掖右順思善長庚二南四德陟虛集真門入殿供
事、殿在乾清宮垣後、嘉靖中建、○歲仲春秋上丁
皇帝御奉天殿傳制、遣大臣以太牢祭至聖先師孔
子於太學、南京太學遣祭酒、禮三獻、樂六奏、文舞六
佾、司府州縣衛學提調官行事、用少牢、禮樂如太學
樂不能備、則已、○歷代帝王廟、歲仲春秋、
皇帝遣大臣祭、太昊伏羲氏、炎帝神農氏、黃帝軒轅氏、
帝金天氏、帝高陽氏、帝高辛氏、帝陶唐氏、帝有虞氏、
夏禹王、商湯王、周武王、漢高祖皇帝、漢光武皇帝、唐
太宗皇帝、宋太祖皇帝、分五室、室太牢一、禮三獻、樂
七奏、舞八佾、從祀名臣、風后、力牧、皋陶、夔龍、伯益、
伊尹、傅說、周公旦、召公奭、太公望、召穆公、虎方叔、張良、
蕭何、曹參、陳平、周勃、鄧禹、馮異、諸葛亮、房玄齡、杜如
晦、李靖、郭子儀、李晟、曹彬、潘美、韓世忠、岳飛、張浚、凡
三十二人、列兩廡、廡三室、各少牢一、嘉靖十年建、
皇帝仲春擇日祭先農、遂行耕籍禮、用太牢、禮三獻、樂
八奏、舞八佾、皇帝皮弁服拜跪飲福受胙、更翼善

冠黃袍、至觀耕臺、下籍田、秉耒耜、三推、三反、京尹捧香箱播種而覆之、三公五推、九卿九推、還宴從耕官。
○歲仲春冬上甲日、遣太醫院、春、秋祀焉。○歲春擇日、靖中、又建三皇廟於太醫院、春、秋祀焉。○歲春擇日、皇后祭先蠶氏、用少牢、禮三獻樂六奏、去舞、公主內外命婦陪祀、先期內尚儀奏祭祀。皇后內執事皆齋蠶宮令、陳祭物、樂女生、陳樂器、至日、皇后乘肩輿出宮、至西華門、升重翟車、女官奉鈎筐前行、出郊、至壇、皇后易禮服、拜跪盛奠、飲福受胙、禮畢。皇后易常服、詣采桑臺采桑、三公命婦五采、列侯九卿命婦九采、蠶成、命內婦一人行三盆手禮、遂布於織婦、獻織於蠶宮令。○歲二月、祀高禘於皇城東永安門北震方壇上。皇天上帝南向、騂犢、蒼璧、獻皇帝配西向、高禘在壇下西向、皆太牢、禮三獻樂九奏、舞八佾。皇帝位壇下北向、后妃位壇南數十丈外北向、用帷壇下陳方矢弓鞬如后妃嬪之數祭畢、女官導后妃嬪至高禘前跪、取弓矢授后妃嬪。受而納於懷、皆嘉靖中定。○五祀、皇帝遣官祭、立春司戶宮門外道左西向、立夏司竈、太庖前中道南向、季夏土王用事、中霤、文樓前西向、立秋司門午門

外西角樓東向，立冬司井、太庖井前南向，皆遣內臣、少牢一歲暮太常少卿合祀於太廟，用墀西東向。少牢五。○金海祠在太內西苑湧泉亭後，歲仲春秋上壬遣太常卿以少牢祭。司海水府司舟三神。○旗纛廟在山川壇，旗纛藏內府，歲仲秋祭山川之日，遣旗手衛官祭於廟，霜降日祭於教場，歲暮享太廟日祭於承天門外，皆少牢。永樂後，朔望有神旗之祭，專祭火雷之神，神機營提督官請祭於教場，曰旗頭大將曰六纛大將曰五方旗神曰主宰戰船正神曰金鼓角鉦砲之神曰弓弩飛鎗飛石之神曰陳前陳後神祇五猖等神，皆南向。皆太牢。國有征討，皇帝武弁服禡祭，祭軍牙之神，六纛之神，皆南向，建牙旗六纛於神位後，祭之日，皇帝省牲視滌，用太牢禮三獻樂六奏。皇帝飲福受胙，望燎刺五雄鷄血於五酒碗，酌神焉。○功臣廟殿中祀元勳六王少牢二配，享十五人，侑享太廟諸功臣外祀郢國公馮國用靖海侯吳禎，斬國武義公康茂才，東海郡公茅成，東序西向，巢國公華高，江國公吳良，安國公曹良臣，黔國公吳復，燕山侯孫興祖，西序東向，各少牢一兩廡各設牌一，書故功臣都督指揮十百戶衛所鎮

撫少牢十、四孟歲暮遣勳戚大臣祭大功坊又有中

山王家廟歲遣太常五祭用少牢。十廟在京師

皇帝遣官各以時祭季春秋真武季夏東岳仲夏都城

隍漢前將軍漢壽亭侯仲春秋榮國姚恭靖公廣孝

正旦長至聖旦靈濟宮皆太常仲春秋京都太倉戶

部司馬馬祖先牧太僕宋文丞相元世祖陵皆順天

府東岳都城隍太牢六廟少牢真武靈濟宮素盞。○

南京十四廟季春秋北極真武孟春天妃季春寶誌

禪師仲秋都城隍仲春祠山廣惠張王孟夏季秋五

顯靈官皆太常仲春秋京師太倉戶部司馬馬祖先

牧太僕四孟歲除漢秣陵尉蔣忠烈王子文漢前將

軍漢壽亭侯關羽晉卞忠貞公壺宋曹武惠王彬南

唐劉忠肅公仁贍元衛國忠肅公福壽皆應天府皆

少牢真武寶誌素盞祝金稱皇帝遣官云

上詣學釋菜前一日有司灑掃設御幄于大成門外

至旦旦上至御幄服皮弁服導引官導上山

御幄就位導引官導上詣盥洗位摺圭盥悅出圭

詣酒樽所酌酒詣先師再拜百官皆再拜摺圭執事

官跪進爵上獻爵授執事官獻于神位前出圭又

再拜百官皆再拜四配十哲兩廡分獻如常儀。○殿

門闕曰午門翼以樓觀中三門東西爲左右掖門午
門內曰奉天門門左右爲東西閣門內正殿曰奉天
上御之受朝賀殿左右門左曰中左門右曰中右門兩
廡之間左曰文樓右曰武樓奉天後殿曰華蓋殿華
蓋後曰謹身殿殿後則後宮門也奉天門外兩廡間
有門左曰左順門其東爲東華門內有殿曰文華殿
東宮視事之所也右曰右順門其西爲西華門內有
殿曰武英殿上齋戒時所居也嘉靖中三殿災改
奉天曰建極華蓋曰中極謹身曰皇極凡殿南嚮建
六部於廣敬門之東皆西嚮建五府於廣敬門之西
皆東嚮惟刑部大理寺都察院置於西北太平門之
外南向稱三法司焉○凡天子即位立東宮冊
后妃嬪上慈宮徽號皆禮官擬上其儀而下於諸
司歲元旦日長至萬壽聖節百官各率其屬大
朝賀上壽月朔望御殿早午晚御門朝羣臣
經筵日講御文華殿
皇帝初即位必耕籍視大學釋奠于先師
皇帝諭百官曰詔曰制曰誥曰書太皇太后皇太
后命曰誥百官陳事曰表曰奏曰題於
皇太后亦如之於皇太子曰箋曰啓皇太后亦如之

上批答曰聖旨太皇太后皇太后皇后曰懿旨
皇太后曰令旨東宮出閣監國若令節百官朝賀禮下
天子一等諸王讀書禮下于東宮皇后令節受冊
外命婦朝賀太皇太后皇太后亦如之歲一封
宗室郡王將軍中尉妃主郡縣君各以其親疎為等
百官於宗王稱官而各不稱臣王官各稱臣於其王
凡印文四等文淵閣玉箸篆將軍掛印柳葉篆一
品至九品九疊篆賜關防若未入流條記亦如之監
察御史八疊篆夷王印三等曰金曰鑲金銀曰銀凡
宴禮三曰大宴曰中宴曰小宴郊宴最大凡冠婚大
射宴射參酌三禮而登殺其儀凡官民公私服舍皆
有式無踰僭凡寶十四曰奉天之寶以鎮萬國
祀天地曰皇帝之寶以冊封賜勞曰皇帝信寶
以徵召軍旅曰天子之寶以祭享鬼神曰天子
行寶以封回夷曰天子信寶以調發蕃兵曰制
誥之寶以識誥命曰勅命之寶以識勅命曰廣
運之寶以識黃選勘籍曰御前之寶以進御座
從車駕曰皇帝尊親之寶以荅賜宗人曰敬天
勤民之寶以訓迪有司凡扈守侍衛警夜巡衛以金
牌為號半字符契而從事焉以牙牌五察朝參以祭

牌三、謹祀事、以雙魚編牌二、肅直衛、以符驗五、曰水
馬通達信、以給郵傳、國有喪、若品官庶人之喪、傳古
舉禮、損益行之凡論、

皇帝十七字

皇后十三字

皇妃、東宮、東宮妃、二字

親王二字、郡王二字、勲戚文武大臣、葬祭贈諡移諸
司、覈行能、皆諡二字、右具載鄭端簡吾學編中、

國史下編卷之十四下終

何顯官並首益二字亦具難曉論音學篇中
縣王一字職王二字傳類文短大亞藝祭觀篇
皇帝十十字 皇品十三字 皇號東宮東宮

舉顯財益官之丁續
西區對論以餘酒於河內舉
三篇中以及多魚是職二篇
官與入之

